



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



## Über dieses Buch

Dies ist ein digitales Exemplar eines Buches, das seit Generationen in den Regalen der Bibliotheken aufbewahrt wurde, bevor es von Google im Rahmen eines Projekts, mit dem die Bücher dieser Welt online verfügbar gemacht werden sollen, sorgfältig gescannt wurde.

Das Buch hat das Urheberrecht überdauert und kann nun öffentlich zugänglich gemacht werden. Ein öffentlich zugängliches Buch ist ein Buch, das niemals Urheberrechten unterlag oder bei dem die Schutzfrist des Urheberrechts abgelaufen ist. Ob ein Buch öffentlich zugänglich ist, kann von Land zu Land unterschiedlich sein. Öffentlich zugängliche Bücher sind unser Tor zur Vergangenheit und stellen ein geschichtliches, kulturelles und wissenschaftliches Vermögen dar, das häufig nur schwierig zu entdecken ist.

Gebrauchsspuren, Anmerkungen und andere Randbemerkungen, die im Originalband enthalten sind, finden sich auch in dieser Datei – eine Erinnerung an die lange Reise, die das Buch vom Verleger zu einer Bibliothek und weiter zu Ihnen hinter sich gebracht hat.

## Nutzungsrichtlinien

Google ist stolz, mit Bibliotheken in partnerschaftlicher Zusammenarbeit öffentlich zugängliches Material zu digitalisieren und einer breiten Masse zugänglich zu machen. Öffentlich zugängliche Bücher gehören der Öffentlichkeit, und wir sind nur ihre Hüter. Nichtsdestotrotz ist diese Arbeit kostspielig. Um diese Ressource weiterhin zur Verfügung stellen zu können, haben wir Schritte unternommen, um den Missbrauch durch kommerzielle Parteien zu verhindern. Dazu gehören technische Einschränkungen für automatisierte Abfragen.

Wir bitten Sie um Einhaltung folgender Richtlinien:

- + *Nutzung der Dateien zu nichtkommerziellen Zwecken* Wir haben Google Buchsuche für Endanwender konzipiert und möchten, dass Sie diese Dateien nur für persönliche, nichtkommerzielle Zwecke verwenden.
- + *Keine automatisierten Abfragen* Senden Sie keine automatisierten Abfragen irgendwelcher Art an das Google-System. Wenn Sie Recherchen über maschinelle Übersetzung, optische Zeichenerkennung oder andere Bereiche durchführen, in denen der Zugang zu Text in großen Mengen nützlich ist, wenden Sie sich bitte an uns. Wir fördern die Nutzung des öffentlich zugänglichen Materials für diese Zwecke und können Ihnen unter Umständen helfen.
- + *Beibehaltung von Google-Markenelementen* Das "Wasserzeichen" von Google, das Sie in jeder Datei finden, ist wichtig zur Information über dieses Projekt und hilft den Anwendern weiteres Material über Google Buchsuche zu finden. Bitte entfernen Sie das Wasserzeichen nicht.
- + *Bewegen Sie sich innerhalb der Legalität* Unabhängig von Ihrem Verwendungszweck müssen Sie sich Ihrer Verantwortung bewusst sein, sicherzustellen, dass Ihre Nutzung legal ist. Gehen Sie nicht davon aus, dass ein Buch, das nach unserem Dafürhalten für Nutzer in den USA öffentlich zugänglich ist, auch für Nutzer in anderen Ländern öffentlich zugänglich ist. Ob ein Buch noch dem Urheberrecht unterliegt, ist von Land zu Land verschieden. Wir können keine Beratung leisten, ob eine bestimmte Nutzung eines bestimmten Buches gesetzlich zulässig ist. Gehen Sie nicht davon aus, dass das Erscheinen eines Buchs in Google Buchsuche bedeutet, dass es in jeder Form und überall auf der Welt verwendet werden kann. Eine Urheberrechtsverletzung kann schwerwiegende Folgen haben.

## Über Google Buchsuche


Das Ziel von Google besteht darin, die weltweiten Informationen zu organisieren und allgemein nutzbar und zugänglich zu machen. Google Buchsuche hilft Lesern dabei, die Bücher dieser Welt zu entdecken, und unterstützt Autoren und Verleger dabei, neue Zielgruppen zu erreichen. Den gesamten Buchtext können Sie im Internet unter <http://books.google.com> durchsuchen.


UC-NRLF




\$B 156 008

FROM THE LIBRARY OF  
OTTO BREMER







# Göte Ecken.

---

## Plattdütsche Vertellen

von

J. Fr. Dücker.

NEUE  
AUSGABE



Hamburg.

G. Kramer Verlag.

1902.

PT4848  
D856

PRESERVATION  
COPY ADDED  
ME 1191

BREMER

TO VINU  
AIRBORNE



Ich erlaube mir, Ihnen zur Erinnerung an Ihre  
 Thätigkeit in Aachen mit diesem Brief zu  
 danken, und auch mit sehr warmen  
 Grüßen zu versehen, die ich im Leben  
 von Aachen sehr gerne entgegennehmen.  
 Ich bin sehr dankbar für die gelassene  
 Art, in der Sie mich über die gütliche und  
 schnelle, wenn auch die sehr ansehnliche  
 Bausumme in Aachen hilft; insbesondere  
 der hohen Rücksicht.

Adena.  
 13. 12. 07.

Aufmerksamst  
 J. Dr. Dückel.

Seite
3-25
26-71
2-103
4-178
9-223
4-241
2-321

PT4842  
D856

Deutsche Reichspost

Postarte



10  
10. 26. 1941  
Kriegsministerium  
Berlin

in

Stall u. d. Hand.

Wohnung


(Straße und Hausnummer)

1. 1. 1941

PRES  
COPY  
7

## Inhalt:

	Seite
1. Bur Rasch un sin Asfat . . . . .	3—25
2. Hanchen Wald un ehr erste Mann . . . . .	26—71
3. Gretj'n Peters un ehr Tante. . . . .	72—103
4. Klas Nickels un sin beid'n Bröder . . . . .	104—178
5. Hans Karstens un uns' Herr . . . . .	179—223
6. De Rektor un sin Tochter . . . . .	224—241
7. Na Dusenbbüwelswarf . . . . .	242—321



## Vörmort.

---

Fru Platt har Swarthrot bacht för all ehr Görn;  
De weern nu bie, den Brummknus to vertehr'n.

Do köm ehr Süster rin un gröt de Schar  
Un frög: „Wu smecht Zu dat? Wie Torf, nich wahr?“

„Ne,“ seg de ölstste Jung, „wat Moder bacht,  
Dat smecht uns söter as wat Tante snackt!“

„Un wat se uns darbie vertellt,“ segt Heet,  
„Dat smecht uns beter as de Böpernöt!“

De Tante wull all böß wardn bie den Snack,  
As ehr lütt Pöt ehr bie den Rodschot pack.

„Ich mag Dir leiden, Tante,“ segt he rasch;  
„Du hast ein Popp für mir in Deine Tasch.“

Do klar de Tante weller op un frög:  
„Is denn Zu Moder uf god in de Rög?“

„Ja“, segt de Ölst, „hest Du dat uf all hört,  
Dat Dr. Bremer ehr en Drunk anröhr’t?“

He glöwt, uns’ Moder liegt all op ’n lekten; --  
Un wenn sie bacht, denn is se jüst am nettsten.“

„Ja, ja“, segt Heet, „denn giwt dat söte Ecken;  
Hest Du nich Lust, den Lachknus mal to smecken?“

„Ja, Rinner,“ segt de Tante, „if ät mit;  
Wer stellt sik an un segt: „I gitt, i gitt?!“

Wie Popp un Butt un Pann un Plog un Perd,  
Der is zu Moderspraak erst recht wat wert.

Snack Si man to, wie zu de Snawel waßt;  
Min Pöt sin Hochbütsch is mi süls to Last."

Do tred Persetter in un segt un lach':  
„Dat freut mi, dat Fru Hoch dat süls nich mag.  
De School de het dar längst en Haar in fundn;  
Dat Messingsch argert ehr in jede Stund'."

Nu köm Fru Platt to'n Börschien mit ehr Brot  
Un sett dat op'n Disch för lütt un grot.

„Nu langt man to“, segt se, „un lat zu't smecken —  
De söten Sacken!“

D. W.

## I.

### **Dur Rasch un sin Afkat.**

Wie de Windmöhl, ungefähr in de Mitt von dat Döörp, dar is de Donn, de sin Nam von de Düne het, breet un eben, an de Ostkant höger as int Westen. Dar liegt op de Ostkant en langes grotes Burhus mit Schün un Stall un Gaarn, un wieder na't Osten dar liegt en wiedeß, wiedeß Wischland, dat recht bet an den Rudensee un rechts un links daran vörbie. Un links von de Wischen un den See dar treckt en langen Barg entlang, de Geestbarg, de Kleew, gehl un grön, witt un brun, hell un dunkel, jenachdem de Erdboden sin blotes Angesicht wies't oder mit Heid, mit Gras un Krut un Korn, mit Busch un Bom bewussen is.

Op de Burstell in't Osten mahnt Paul Brandt mit sin Fru un twe Kinner, en Söhn in de Twintigen un en Dochter von Achtein.

De Dochter Margarete oder Heet Brandtén, wie se hier to Land segt, is en grote slanke Deern mit dicke blonde Flechten, de ehr fast bet an de Kneer reckt, mit grote blaue Ogen, so blank und blau, wie de Rudensee, un mit Fingern so witt un so sien wie ehr Neihüg, wo se gewöhnli mit ant Finster sitt. Se kann awer nich blot neihn un sticken un klöppeln, wie de geschickten Deerns op'n Donn, un sit süßs ehr Kleider maken; se kann uk lesen un schriewen un reken as de Persetter, un darbie kann se ehr Moder bie de hüßlichen Arbeiten helpen wie en Deenstmädjen.

.. Dat is uf gar keen Wunder; ehr Moder is en düchtige  
 Puffai, un as Persetter noch lew un sin Süster, do  
 weer Heet Brandten ja fast den ganzen Dag int School-  
 hus un lehr un studeer, denn bie em un denn bie  
 ehr. De beiden sünd nu all twe Jahr dot un wenn  
 nu en junge Deern op'n Donn finere Handarbeit lehrn  
 will, denn wend' se sit an Heet, de find' jümmers  
 mal en Namiddag, wo se ehr torecht wiesen kann, un  
 darbie vertellt se denn manchmal noch so'n nüblische  
 Geschichten, as wenn se Persetter sin Böker all utwen-  
 dig lehrt har.

Au de anner Sied von dat Döörp, an de West-  
 kant, wul 'n paar hunnert Schritt von den Burhof,  
 dar liegt en anner Hus, wo man nich veel mit de  
 Landwirtschaft to dohn het. Man hölt dar nul twe  
 Röh un en Perd un het uf etwas Feld un Wischen;  
 awer de Hauptbedriew dat is de Handel. Köpen  
 kann man dar, wat man will: Kaffee un Zucker, Teer  
 un Thran, Linn un Kattun, Fett- und Isewaren,  
 Pulver und Blie, und en Piep Tabak un en Mund  
 vull Snack weer dar ümmer to heb'n, besonders abends.

Dat weer en prächtige Gelegenheit, wenn sit  
 well drapen wulln. Dat weer niemals opfallend,  
 wenn sit dar wirkli en paar Minschen dröpen, de sit  
 dat vörnahn harn, un se harn sit dat nu mal vör-  
 nahm, sit in de Schummerstund' hier to drapen, Heet  
 Brandten un Ginnert Martens.

Ginnert Martens weer en hübschen forschen Kerl  
 mit Schnurbart un Backenbart, achter in de Twintig.  
 Soldat weer he frielich nich wesen; sin Ol de kunn  
 dat dohn, de har dar dußend Mark an wend' un em  
 en Stellvertreder kost, wat donials de riefen Burn all  
 dehn. Denn brufen se doch den Dän nich to deen.  
 Dat weer ja slimm nog, dat Armlüd Rinner dat  
 müssen. De landwirtschaftlichen Arbeiten awer har he  
 bie sin Vader gründli lehrt, dat gung em von de  
 Hand, as Heet Brandten dat Nadel- und Schriew-



wart, un bie't Scheten, Vögel un Danzen dar weer he Baas. De ole Peter-Smid de vertell wul mennimal bulle Kneep un Kunststücke von de Jagd, de he uf mit Iwer bedreew, tum Biespel, dat he dat rechte Dog von den Hasen op't Korn nahm un uf richti drapen har; he sett awer jümmers hinto: „Awer Hinnerk Martens is mi öwer!“

Heet un Hinnerk also de wulln sit in 'n Schummern bie'n Kramer drapen, un dat glück ehr uf jeden Dag. Heet bruk jümmers Nadeln un Tweern, Bomwull un Knöp, Band un Lizen, Haken un Ösen, un Hinnerk bruk Teer un Smeer, Nagels un Stiften, Halfter un Keep, Pulver und Blie. un dat se immer erst in'u Schummern köm, um intoköpen, dar kun sit uf keen Minsch öwer wunnern, dat begreep jeder, de ehr kenn un wußt, wat dat för'n paar fliedige Lüüd weern.

Un wie se niemals tosam anköm, so gung se uf nie tosam weg. Hinnerk gung ümmer weg, wenn Heet sit noch wat bestell. So lang leet he sit Tied, mit den Kramer un sin Fru to flöhn. Wenn Heel awer köm un ehr Bestellung mak und sä denn: „Awer, 'n beten flink, ik hef keen Tied,“ denn sä he ganz drög: „Gu' nacht! un gung ut de Dör.“

„Hebt Si mal wat mit enanner hatt?“ seg de Kramer eenmal abends; „mi dünkt, Hinnerk Martens löpt ja ümmer weg, wenn Du kummst.“

„Dat ik nich wüß,“ segt Heet drög; „he het dat jawul ebenso hild as ik.“

„Na, denn man to,“ segt de Kramer un geew ehr, wat se bestellt har.

Wenn se awer buten weer, denn wuß se genau, wo Hinnerk op ehr töw. Links bien Möhlnbarg dar weer de Poort von ehrn Gaarn. Dar weern lütt Gebüsch mit en Bank, dar güng se op to, un dann köm ehr Een tomöt, de sä keen Wort und sat ehr um und geew ehr 'n Ruß, un denn kunn se 'n Viertelstund' sitten un snacken von dit un dat, liesen, ganz

liefen, dat de Möllerbursch dat nich markt, un kunn sit segn, wu se sit leew harn un wat se wünschen un höpen. Un dann geew dat noch en Ruß un Heet löp to Hus, as har se den Kramer wat stahln, un Hinnerk keet ehr na un seet un dröm un gung denn uf langsam to Hus.

Sin Hus, sin Vader sin Hus, leeg an de anner Sied von de Möhl, op den höchsten un breedsten Buhl in 't ganze Dörp, un hüt abend bruf he en halwe Stund', um rop to kam, wo he sonst höchstens fiew Minuten to bruf, un warum? He har Heet eben wat versproken, ganz wat Swares, wat em dat Hart afdrücken wull. Awer tosegn har he ehr dat muß. Dat kunn he inseh'n; he kunn ehr dat nu noch mal versprechen, wenn se dat verlang. Heet har segt: Dat muß en End' hebn. So güng dat nu nich mehr. De Kramerfru har hüt abend lacht, as se 'rin kam weer, un har röwerplinkt na ehrn Mann, as wenn se segn wullt har: „Nu kümmt se.“ Un he, Hinnerk Martens, muß ja süls segn: „Dat mut en End' hebn; dat kann nich länger gahn.“ As he hüt in de Möhl wes weer, um dat Bohnschrot för de Peer astohaln, un ut de Dör kieft har na dat Gebüsch mit de Bank, do har de Möllerbursch dahinwiest, har em angrient un segt: „Nicht wahr, dat is en söte Eck!“ Ne, gahn kunn dat nich länger, un darum har he ehr versprochen, hüt abend noch mit sin Vader öwer ehr Tokunft to spreken un em to vertellen, wie de Saken stund', un dat weer em so swar und wull em dat Hart afdrücken. Sin Vader weer en oln egesinnigen Herrn un so oft he versocht har, dat Gespräch op Heet Brandten to bringen, — sin Vader har nie darop bieten wullt. Wenn he dat man blot uich op sin rasche Wies schreckli to End' brocht! Har nich sogar de „Herr“, de Rapselvaght, de de Buern ehr Herrgott weer, nüllich de Segel vör em strieken muß? De „Herr“ har em beden, den Footstiege öwer dat Schoolland optogewen, den he gar

nicht bruf; awer ne, he har 't afflagen, rund afflagen. Wenn he dat nu uf deh, wenn he em disse Sak vertell un em bed', dat he morgen röwer gahn schull na Naver Brandt un för em um sin Dochter frien? Dat muß ja awer wesen. He un Heet weern ja enig, dat muß en End' hebn.

As Hinnerk in de Stuw tred', har de Ol eben Licht anmakt un fram twischen sin Papiern. He weer offenbar nich in de beste Luhn; denn he stött den Jagdhund verdretlich an de Sied, de em mit söken helpen wull, un de nu op Hinnerk los löp, un em mit beide Föt vör de Post sprung, as wenn he sit öwer den Oln beswern wull. „Rusch, Diana“, seg Hinnerk, do war de Ol erst wies, dat sin Söhn in-tredn weer.

„Wo hüft Du denn wesen?“ segt de Ol.

„Die 'n Krammer“, segt Hinnerk; „if hef Smeer halt för den Stohlswagen, wenn Du em morgen velicht brufen wullst.“

„Hest Du dat denn ahnt, dat de Grottnecht kündigen wull?“ segt de Ol.

„Ne“, segt Hinnerk, „wüll de asgahn?“

„Ja, den ersten November“, brumm de Ol.

„He besinnt sit wul noch, meen Hinnerk. He het sit wul hüt an dat Perd argert, wat Du köst hest.“

„Ne“, segt de Ol, „if hef em fiew Dahler Lohn mehr baden, un dat wull he nich, un wenn he sit nu noch besinnt, dann will it em nich.“

„Warum nich, Vader?“

„He sä, dat gung em hier to rasch un to forsch. He weer hang, dat it am End sin Knaken mit in min Geldschapp slöt.“

„Na, denn möt wi ja sehn, dat wi en annern kriegt.“

„Ja, 'n annern krieg wi wul, awer den möt wi erst tolehrn. Denn warst Du wul gehörig wat

to döhn kriegen un sülsß dann un wann Grottnecht speeln möten."

"Dat kummt dar uf nich op an," segt Hinnert.

"Dat mag ik lieben," segt de Ol; "Du weest, wu sik dat hört. Sülsß is de Mann."

"Ja", segt Hinnert, "awer nu wull ik Di noch wat fragen, Bader."

"Na, denn man to," segt de Ol, "scheet man los", un darbie seeg he faß op dat Papier, wat he in de Hand har.

"Ik hef mi en Brut utsöcht."

"Dar harst Du mit töben schult, bet ik Di een vörslagen har."

"Dat hef ik uk wullt, Bader; dat het sik awer bie lütten so makt, dat ik nich gegen min egen Hart ankam kunn."

"Denn harst mi to Hölp ropen kunt. Wat hest Di denn för een utsöcht?"

"Ik wull Di beden, Bader, gah morgen röwer na Nower Brandt un frag em för mi um de Hand von sin Dochter."

"Un wenn he will?"

"Denn is all'ns in Ordnung, Bader. Se het mi ehr Jawort all gewen."

"Un ik? — ik seg, dar ward nichts ut. Ik har Di dat wull fröher segn schullt. Ik hef Din seli Moder op ehr Dodenbett verspraken, Di de Brut to- toföhrn, de se för Di utsöcht het — Telsche Reimers, de is noch 'n paar Jahr jünger, as Heet Brandt. De har se all utsöcht för Din Broder Johann, de twe Jahr öller weer as Du. De is ja awer int Nerven- sewer storwen un het Din Moder mit int Graff reten. In ehr lekten Stund' het se ehr op Di verarwt, un ik hef ehr verspreken muß, ehrn lekten Willn to erfülln."

Hinnert sweeg, blaß wie en Lief.

"Un ik hef dat gern verspraken", segt de Ol.

„Se is eenziges Kind un armt allns, wat ehr Vader nalätt, un dat is nich wenig. It weet dat.“

„Dat bruk wi nich,“ segt Hinnerk. „Geet un it wi kömmt un mögt arbeiden, denn ward uns dat Brot nich fehl.“

„So?“ — segt de Ol; „dat mut it beter weten, un Din selig Moder ehrn Wunsch? — Na, it will morgen röwer gahn. De Sak mut öwerlegt wardn. Gah to Bett. It gah uk to Bett.“

De Ol weer den annern Morgen all fröh in de Steweln un allns gung em to langsam und to lobderig, dat Fodern, dat Beerbörn, dat Welken un dat Botterni.

Hinnerk har de ganze Nacht nich slapen un weer sit nichts Godes vermoden, sä awer keen Wort.

Als he fröhstückt har, stund de Ol op, — Hinnerk har keen Happen anröhrt. —

De Ol lang sin Stock ut dat Uhrgehüs, wat an de Wand stund un güng na de Stuwendör.

„Wullt Du röwer na Rower Brandt?“ frög Hinnerk.

„Ja“, segt de Ol. „Warden kann dar niks ut. Slag Di dat man ut 'n Kopp.“

„Denn brukst Du uk nich röwer,“ segt Hinnerk.

„Dat mut it weten,“ seggt de Ol.

„Denn gah it mit“, segt Hinnerk.

„So?“ segt de Ol. „Meenst, wi wulln dar en Romöb' opföhrn, de it in min egen Hus nich mal opföhrn mag? Du blivst hier un deihst, wat Di to-  
kummt. It bruk keen Börmund, awer Din Börmund bün it.“

„In disse Sak nich“, segt Hinnerk. „Entweder — oder. Denn wüll it uk nich mehr lewen. Denn kannst mi uk ingrawen bie Johann.“

„Löw solang, bet it weller kam“, segt de Ol un gung ut de Dör.

Hinnerk stunn wie versteinert. He dacht un dicht un dröm un brö un kunn sit gar nich helpen un raden.

Wat will de Ol bie Raver Brandt? Ik schull dohn, wat mi biekummt? Wat kummt mi anners bie, as min Wort to holn? Un töben schull ik, bet he trüch-kummt? Un denn? Denn schull ik — mi un min Hoffnungen begraven laten, wie Klas Krüsen mi mal vertellt het? Klas Krüsen, ja Klas Krüsen mut mi raden. De is ja von lütt op an min Vichtwader wesen. He gung rasch ut de Dör un langs dat Sittelsch na 'n Gaarn, wo Klas Dag um Dag sin Arbeit har. Dar achter de Arfen hör he em haken.

„Gu'n Morgen, Klas“, segt he, „nu mut He mi raden.“

„Na, min Jung“, segt Klas, „wat ist der denn los?“

„Dat geiht mi nu ebenso as Em, as He noch jung weer,“ segt Sinnerk, „un as se Em sin Brut wegnöhm.“ Un damit vertell he em sin ganze Leidensgeschichte.

„Ja, min Jung,“ segt Klas, „dar is wul swar gegenan to kam. Un min Rat wullst Du hebn? — Wu ik dat maht hef, dat weetst Du ja. Ik wull ja erst min Rat ansteken und mi flink in't Hahnholt op-häng'n un mi verbrenn. Dar het min Frönd Jans mi von trüchholn, un do hef ik em un sin Fru un Rinner Rat un Gaarn schenkt un blot en lütt Ramer för mi beholn, wo ik in starwen wull. Ik lew awer noch un bin gesund un arbeit hier all dörting Jahr op 'n Hof un min Antje lewt as Burfru glückli op ehrn Hof mit all ehr Rinner. Dar kannst Du sehn, dat dat manchmal ganz anners kummt, as man sit dat dacht het, un gahn deiht doch.“

„Un ik,“ segt Sinnerk, „wat schall ik nu dohn?“

„Ja, min Jung,“ „uns' Rajissen segt, wi Menschen wünscht all vergnügt un froh to sin. Denn möt wi awer uf dohn, wat uns wirkli vergnügt un froh maken kann, un dat is — arbeidn un schaffen mit de Händ', damit wi wat hebt för de Armen und Bedürftigen.

Du sitzt nu in de Klemm un weestst nich, wat Du dohn schalst. Du heest Di gewiß all veel Möglichen ut dacht. Du meenst, Du kunnst Din Vater umstimmen, dat geiht nich, de het to'n stieren Kopp. Du heest wul dacht, Du kunnst mit Heet Brandten davon gahn; awer wer weet, ob Du ehr denn nich tieblebens unglücklich maast un Di un Din Vater und ehr Ellern mit. Dat wullt doch wul nich op Din Geweten hebn. Du heest am End ut all an Din Jagdgewehr dacht Du, dat is för de Hasen, un de dat gegen sik süls brukt, dat is ut en Has', de keen Mor het, mit sin Schicksal to ringn. Man mut immer von all de Möglichkeiten, de man süht, wenn man in de Kniep is, de Möglichkeit int Dug beholdn, de uns dat Arbeit'n un Schaffen lehrt, wat alleen vergnügt un froh maast."

"Ja", segt Hinnerk, „denn mut ik mit Heet davon gahn. Arbeit'n un schaffen könnt wi un wüllt wi beid."

„Dat schient so", segt Klas, „awer Du leest mi nich utsnacken. Wenn dar nu twe Möglichkeiten sünd, een, de mit de tein Gebote stimmt, un een, de dar nich mit stimmt, denn hebt wi keen Wahl mehr, denn möt wi de nehm, de mit dat Gebot stimmt."

„So'n Möglichkeit seeg ik awer gar nich", segt Hinnerk.

„Doch", segt Klas, „Din Vater wüll Di ja nich hindern, to arbeitn un to schaffen un dachie vergnügt un froh to ward'n. Du kannst ja man dohn, wat he will, denn ehrst Du Vater un Moder un kannst darop reken, dat Di dat gut geiht un dat Du lang lewst un veel schaffst un vergnügt un froh warst, wenn't ut noch nich op'e Stell kam will."

„Un Heet Brandten?"

„De mut dat ebenso maken as Du. Dat ward' se wul mit ehr Moder besnacken. Du dögst dar nich to."

Klas Krüsen smeeg un fung för dull an to hacken, as wull he weller inhal'n, wat he versümt har, oder as hau he in Gedanken all dat Unrut dal, wat in Hinnerk Martens sin Gemöt oplopen weer. Hinnerk stund' noch en Ogenblick, as wull he dat Hacken lehrn, un dann gung he langsam dör den Gaarn un öwer de Hoffstell na't Wagenschur, wo de Stohlwagen stund'; denn hal he de Krut mit dat Wagenfett, löf' de Räder un smeer de Assen, un denn hal he sin Handstoß un gung to Feld'. Im Grund' awer dacht he blot Klas Nickels to drapen, de um disse Tied gewöhnlich ut Feld köm. He begegten em ut richtig op de Sandhöch un vertell em, wat he hüt erlewt har, un frög em, wat he dohn schull. Klas de kenn sin Verhältnis to Heet un weer sin best Frönd op de Welt, awer 'n beten öller as he.

„Nimm Telsche Reimers to'n Fru un denk nich mehr an Heet Brandten“, segt Klas

„Un dat segst Du, de Telsche süßs gern het?“ frog Hinnerk ganz verwundert.

„Wo kann ik ' beten ünner de Hut bring as bie min besten Frönd“, segt Klas un lach.

„Bie Di süßs, Klas“, segt Hinnerk un seeg em ganz ernst an.

„Dat is noch lang nich utmakt“, segt Klas. „Erstlich lewt min Moder noch un de het etwas von Din Vader sin Natur: se is rasch un egentwillig, un twetens sünd min beiden Brüder noch to Hus. Dat is beides för'n junge Fru keen Genuß, un ik ward' as junge Ehemann bald twischen twe oder dre Frier stahn. Ik kann erst heiraten, wenn ik alleen bin — denn awer rasch, wie Din Vader segt, un wenn ik denn noch wähl'n kann, denn wähl ik Telsche oder Heet, enerkei, welke Du mi naläfst.“

„Un Din Hart fragst Du nicht? Ahn Leew kann man doch nich heiraten“, segt Hinnerk.



„De Leew kummt achteran, wenn de Fru wat wert is,“ segt Klas, „un wenn se nich dögt, denn ritt doch de schöne Bahn twei, segt Schiller, un de Leidenschaft flüht davon, wie Blot von 'n Kirschbom.“

„Du hüst hüt grausam praktisch, Klas Adjüs,“ segt Sinnerk un gung wieder un kôm na sin Braat, wo de Lüüd de Zwischengrübben opfleien; he wull nasehn, dat all'ns sin Schick kreeg, un uk sülbs mal mit den Grottnecht snacken.

De ol Martens weer richtig na Naver Brandt röver gahn mit 'n ordentlichen Angriffsplan in't Gemöt. As he mit sin langen Been bie de Möhl vörbiestat un op de Port tobög, leef de Möllerbursch ut de Dör un dacht: Aha, nu will de Ol dat wul in Ornung bring, un as Martens dörch de „söte Eck“ gung, stund' Heet an't Finster von ehr lütt Stuw, wurd' öwer un öwer rot un leep na de Rök un full ehr Moder um'n Hals un seg: „De ol Martens kummt dörch de Port bie'n Möhlenbarg. It glöw, he kummt um mi, un Sinnerk het em schickt.“

„Wat?“ segt ehr Moder, „de Bur Rasch? Kind, Du bist ja wul nich bie Trost?“

„Ja, Moder,“ segt Heet, „Sinnerk wull em schicken; he het mi dat güstern Abend verspraken.“

„Ne, Kind, sowat lewt nich, Du drömfst,“ segt Fru Brandt un reet de Stuwendör open un seeg dörch de Stuw un de Finstern na'n Gaarn — un Bur Rasch kôm richtig dörch den langen Gaarn von de Möhl heröver, wie en Storch, de Boggen söcht; denn he leef rechts un links na Arsen, Bohnen un Kohl un wat dar sunst noch in'n Gaarn wuß.

Do löp Heet na ehr lütt Stuw un maek de Dör na de Bördeel faß to un sett sik op't Bett; denn de Schreck weer ehr in de Been trocken, dat sie kum stahn kunn. Nu deh ehr dat doch leed, dat se hüt morgen nich to rechter Tied ehr Bicht aflegt har bie ehr Moder.

Ehr Moder awer güng na de Bahnstuw un maß sit bie de Blom to dohn an't Finster un seeg den Oln kam, de gar nicht opkeek, nich eher as bet he so tosegn mit de Näs an de Husbör stött.

Martens klopp an. Herein! segt Fru Brandten un lehr sit um un maß flint noch de Rökendör to, wat se in de Zl vergeten har.

„Gu'n Morgen, Fru Brandt,“ segt Martens, „is ehr Mann to Hus?“

„He is in de Wischen un süht na de Torfgrawers,“ segt Fru Brandt drög.

„Na, wat ik astomaken heß, könnt wi uk asmaken, vellicht beter, as ik dat mit Ehr'n Mann kann,“ segt Martens.

„Nehm S' doch erst Plaz,“ segt Fru Brandt un rüd en Stohl heran un sett sit op'n annern Stohl em gegenöwer; denn ehr weer Heet ehr korte Bicht doch uk in de Been trocken.

„Ja, Fru Brandt,“ segt Martens, „ik heß hüt morgen en ganz verdreichte Saß, un de dat so verdreicht heßt, dat sünd uns' Kinner. Min Sinnerk un Ehr Heet, de sünd all'n ganz Tied abends tosam drapen bie den Kramer hier gegenöwer, un heßt sit bie't Husgahn allerlei verspraken, wat nich angahn kann, un nu kam ik un wull dat weller in Ornung bring'n. Dar möt se mi bie helpen, um den Tüterkram ut enanner to plückn. Heiraten könnt se sit doch nich.“

„Warum nich, Herr Martens? Se sünd ja beide to Not old nog“, segt Fru Brandt.

„Dat sünd se, Fru Brandt; awer ik kann min Toftimmung nich gewen. Ik heß min selig Fru op ehr Dodenbett verspraken, em en anner Brut to gewen.“

„Ach so,“ segt Fru Brandt ganz drög, „he schall wull selig Johann sin Brut arwen; dat weer ja ehr Vertog.“

„Dat kummt hier nu nich in Betracht, Fru Brandt; awer an Ehr'n Vertog, an Ehr Dochter meen

if, het se nich dacht. Segn Se mal, Heet mut em sin vörlig Verspreken trüchgewen. Op duusend Mark kummt mi dat nich an."

"Dar kann if nichts to seg'n, Herr Martens. It weet nich, wumiet as de beiden sit mit enanner inlaten hebt, un von't Schachern hef if keen Schimmer, den Torfhandel besorgt min Mann."

"Muchen Se Heet nich mal ropen," segt Martens un beet sit op de Lippen.

"Dat will if dohn," segt Fru Brandt ruhig. „Denn könnt Se ehr ja mal tageern, wuweel dat liden kann“, un damit stund se op un güng na Heet ehr Stuw.

Bur Rasch trag sit achttert Ohr un segt bie sit süls: „Dat is ja en verfluchtes Wiew.“ He seet dar as op 'n hitten Steen, wie de Düwel ehr för sin Gäst parat holn mag.

Moder un Tochter weern alleen. „Min arme Heet," segt Fru Brandt, „wu schall Di dat gahn! De ol Martens wull nichts von de Frieerie weten un will Di dat gern süls segn, dat dar nichts ut wardn kann," un so vertell se denn all, wat se mit em snackt har. „Wullt Du denn mittam?" frög se tolekt.

„Ne, Moder," segt Heet un rich sit op as en Wichel, de von den Wind dalbögt weer. „Gröt den Bur Rasch man, he much hingahn, wo he herkam is. It hef em nichts nahm un bruk em ut nichts weller hintobring. It hef dat blot mit Ginnerk to dohn."

„Is Ginnerk hier denn ut bie Di in't Hus wesen?" frög de Moder un straf ehr öwer de Backen.

„Ja, eenmal," segt Heet trozig, „as Zi na Mel-dorp föhrn. Do het he Broder Paul besocht un is den ganzen Sünndagnamitdag bie uns blewen, bet Zi to Hus köm."

„Na, Kind, denn is dat ut keen Schand' för Di, wenn he Di sitten let," segt Fru Brandt; „denn fallt all de Schand up em un sin Ginnerk."

„Will Ginnerk denn uf torüch treden?“ fragt Heet hastig un wurd liefenblaß.

„Dat weet ik nich, de Ol wüll em jamul dwingen,“ segt de Moder un straf ehr weller öwer de bleken Backen

„Wenn he sit von de ol Anieptang bögen un dwing'n let,“ segt Heet, „denn is he uf för mi keen Mann. — Dat brufft den Oln awer nich to segn.“

De Moder wull gahn, do schien Heet plöglisch wat intofalln. „Holt Moder,“ segt se, „seg den Oln Martens, he much sit en Ogenblick gebulden. Ik wüll em süls spreken.“

De Moder gung un öwerbrocht den Bescheed un frag na de Wirtschaft un ob de Köh veel Melf harn un ob de Kalwer un de Swien gedeihn, un de Ol seet dar op den hitten Steen un muß töben — siem, tein Minuten muß he töben, obglief dat Wort töben eigentlich gar nich in sin Wörterboot stund. He tell de Biller an de Wand un de Böker in 't Schapp, de em den Rügg tokehrn. He tell de Finsterschiemen un tolekt sogar de Umlöp von de Möhl, un jedesmal, wenn he op 'n anner Flach köm, trock he de grote goldene Uhr ut de Tasch un höl se an 't Ohr. He wuß tolekt gar nich mehr, wat he telln schull un wo he meer. Dat dur ja en halwe Ewigkeit, bet de Person köm.

Endli ward de Dör apen matt. Heet tred in, sä fröndli: Gu'n Morgen un knickste so gewandt, as wull se op de Breder treden, de de Welt bedüden. Nu köm de Komöd jamul doch.

Heet har een hellgraues Kleed an, dat seet ehr, wie angaten. Se har en blaue Schärp um un en blaues Band um 'n Hals, un een von de langen Flechten lä sit dummndriest övern Vossen un küß mit de blaue Sleif den blauen Gürtel, un de anner versteek sit bescheiden achtern Rügg. De Backen glöhn wie Rosen, de eben opblöht sind, un de Ogen lachen und

glänzen wie de Morgensteern. Heet seeg ganz entzückend ut. Man kann den Ol dat ansehn, dat he dat uf meen. So'n Engel gegenöwer kann he nich mehr glöwen, dat he in de Höll weer; he weer awer ganz verbiestert un verbligt un dat Gu'n Morgen blew em fast op de Lung liegen.

„Na, Herr Martens,“ segt Heet, de sit nich slecht hög öwer sin Verlegenheit, „Se harn mi wat to bestelln?“

„Ja, min — min — Tochter“, stotter de Ol; „ik wull min Hinnert sin Verspreken trüchnehm.“

„Se könnt mi doch nichts nehm, wat Ehr Söhn mi geben het,“ segt Heet. „Ehr Söhn is ja mündig.“

„Ik bün sin Vader un sin Börmund,“ segt de Ol.

„Denn segen Se lewer: sin Kurater,“ segt Heet.

„Mündige Lüüd brukt keen Börmund.“

„Na, sin Kurater denn,“ segt de Ol, „wenn Du dat lewer hörst.“

„Denn wiesen S' mal den Kuraterbrev,“ segt Heet un lach em to, dat he ehr witten Tahn sehn muß, un dat schien em gar nich mal recht to wesen; denn he wag ehr kum in 't Gesicht to sehn.

„Ja, min — min — Tochter,“ stotter de Ol, „den hef ik nich bie mi.“ Un dat Lachen, as he ehr mal ansehn wull, wull em gar nich recht glücken.

„Denn könnt Se doch uf keen Geschäft för ehru Söhn asmaken wülln,“ segt Heet. „Un as en Geschäft betracht Se dat Heiraten doch, nich wahr?“

„Natürlich,“ segt de Ol, as snad he in 'n Drom un weer innerlich mit ganz wat anners beschäftigt.

„Na, wenn wi denn ahn Kuraterbrev verhandeln wüllt,“ segt Heet, — „Se könnt em ja später nalewern — denn lat uns an dat Geschäft gahn. Bie'n Geschäft, hef id hört, geiht dat immer Tog um Tog. Denn gewen S' mi erst min Verspreken torlich.“

De Ol seeg ganz hell op. „Ja, natürlich,“ segt he.

„Welches denn toerst?“ segt Heet.

„Ick gew ehr all op eenmal,“ segt de Dl.

„Her damit,“ segt Heet. „Awer ik mut ehr doch eenzeln nasehn, ob se all in Ornung sünd; also welches toerst?“

„Ja, min Dochter, dat kann ik nich,“ segt de Dl, „ik hef dat ja nich mit anhört.“

„Sehn Se wull,“ segt Heet streng. „Se weten ja von 'n hellen Dag niks, un denn wulln Se sin Kurater wesen? Ne, Naver, dar har ik mi den Mann doch anners dacht, den de Lüüd hier „Bnr Rasch“ nennt. Wenn's Ehr Papiern tohöpen hebt, denn kam S' mal weller vör, Abjüs!“ Heet knickste noch mal un gung ut de Dör.

Un as de arme Deern in ehr Stuw köm, do ret se sik Gürtel un Band un Kleed von'n Vieu un smet sik op't Bett un drück dat Gesicht in't Kissen un ween, dat sik ehr Moder dat Hart in'n Vieu umkehr, as se döörch de Rök ehr naköm.

Se wull ehr trösten un strafel un eih ehr soveel un bed' ehr von Himmel to Ehr, se schull doch Verzunft annehm.

„Dar is ja nichts bie,“ segt ehr Moder, „Du kriegst wul en annern Mann.“

„Ja, Moder,“ segt Heet, „dar is doch wat bie,“ un ween noch veel mehr, un ehr Moder süng süls mit antoween, un meen tolekt, se muß man na 'n Dokter schiden, dat Heet keen Krämpfe kreeg.

„Ne, lat man,“ segt Heet, „dat geiht all öwer; Hinnerk ward mi ut nich sitten laten. He is to god. Dat Vader un Paul dar man nichts von marken.“

Dann wusch se sik un trock ehr Aldagskleed an un gung mit ehr Moder na de Rök, as wenn dar nichts passeert weer.

Bur Rasch weer opstahn un weggahn. As he de Husdör tomat, sä he bie sik süls: „Dat is ja en ganz verdrehte Deern! So 'n Swiegerdochter, dar

mut man Respekt för hebn. Dat weer en Stütt wesen för min Hinnerk. De ganze Marsch würd em be-  
neiden“ He köm bie de Port an un stött mit 'n  
Stoß in den Footstiege, dat de Sand na alle Sieden  
flog. „Schall ik umkehrn?“ segt he. He stund en  
Ogenblick still. „Ne,“ segt he, „ik gah gliet na Franz  
Reimers un mak de Sat af. Se kunn ja uk später  
so optreden. Ditmal har ik dat verdeent, awer denn  
weer dat gar nich schön.“

He gung also driewens dörch 't Döörp un tred  
bie Franz Reimers in, as de grad mit sin Fru un  
Dochter von 'n Fröhsstücksdisch opstunn. Se weern  
spät opstahn, wil dar güstern abend bet Klock twölf  
Besöt wesen weer. „Kann ik Di nich mal alleen  
spreken?“ segt Martens.

„Ja, min Söte,“ segt Franz; „dat kann angahn,  
Telsche un min Fru gah so lang na 'n Garn. Wi  
wulln doch all grad mal na de Erbbeern sehn.“

Fru Reimers un Telsche gung na 'n Garn.

„Na, min Söte“, segt Franz Reimers, „nu drinkt  
wi erst en Glas Wien tosam,“ un darmit gung he na  
dat Schenkschapp.

„Ne, ne,“ segt Herr Martens, „ik drink morgens  
gar keen Wien. Ik dank.“

„En Glas Beer denn?“ segt Franz.

„Uk dat nich,“ segt Martens. „Dat uns man  
gliet op 't Geschäft losstörn Ik wull för min Söhn  
um Din Tochter frien.“

„Wat snackst Du, min Söte,“ segt Franz, „de  
is ja dot.“

„Mänerie un keen End!“ segt Rasch. „Wie kunn  
ik den meer? Du heft wol all en lütten Swips  
hütmorgen.“

„Ne, wahrhaftig nich, min Söte. Ik hef noch  
gar nichts anröhr. Du meenst am End — Hinnerk  
Martens. De het ja 'n Brut. De Möllerbursch het  
mi dat hüt morgen vertellt.“

„Papperlapapp,“ segt Martens, „de het Di wat opbund.“

„Ne, min Söte, ganz gewiß nich. He het em dar nern an den Mühlenbarg güstern abend noch mit Heet Brandten sitten sehn — op de Bank in den Busch,“ segt he, „in de söte Eck. Wu het Telsche lacht, as ik ehr dat bie 't Fröchstüüd vertell.“

„Wat för 'n Klönschnack!“ segt Martens. „Söte hin nn Söte her! Weest uf, dat se Di all in 't ganze Döörp „min Söte“ nennt?“

„Ja, ja, min Jung, dat weet ik. Dar is ja uf nichts wieder bie. Se nennt Di ja uf Bur Rasch. Dat maht ja nichts. Da ward wi ja nich swart von.“

„Ja, nu awer mit Telsche, wu steiht dat darmit?“

„Ja, min S' — Jung, dar kann 't nichts to segn. De Frunsklüd — ik wull segn: min Frunsklüd, de hebt ehrn egen Kopp.“

„Wat meenst Du denn darto?“

„Ja, min söte Jung, ik griep ja mit beide Händ' to. Din Hinnerk is ja 'n prächtigen Kerl! Wu kann he kegeln un boßeln un scheten un danzen! Dar schust Du blot min Swager, den oln Peter-Smid mal hörn.“

„Na un Din Fru?“

„Dat weer ja Din Fru ehr best Fröndin. De hebt ja all mal so 'n Frierie verafred. Telsche weer damals blot noch to jung. Min Söte, ik glöw, ik glöw — —“

„Na, wat glöwst Du denn?“

„Ik glöw, Johann het dar dat Nervensfewer von fregen.“

„Wat för 'n Snack! Ik glöw wahrhaftig, Du heft Di bie 't Fröchstüüd een antüüt!“ — Franz wull sil wehrn. „Na, na, lat man! Aber Telsche, wu steiht dat mit de?“ frag Bur Rasch?

„Dat kann 't wahrhaftigen Gott nich segn.“

„Na, denn lat ehr mal rin kam.“



„Ja Du, denn kummt min Fru awer mit; alleen lät se dat junge Ding nich gahn.“

„Denn rop se allbeid.“

„Awer schall ik nich erst en Buddel Wien her-friegen, denn fällt een de Wör lichter,“ segt Franz Reimers.

„Ne, min Söte,“ segt Martens, „dat geiht so.“

Franz Reimers lach. „Süh,“ segt he, „nu kannst Du dat uk all,“ un darmit löp he langs de Deel na de Achterdör un wink un röp: „de Fruns-lüd muchen mal rin kam,“ un denn trippel he flink trüch na sin Gast. „Se kamt all,“ segt he, „ik hef ehr awer nichts segt, jonst harn se sit am End opsett wie en städtsch Verd.“

„Na, Fru Reimers,“ segt Martens, as de Fruns-lüd rin köm, „ik wull för min Sinnerk um ehr Tochter frien.“

„Veel Ehre,“ segt Fru Reimers; „wuveel Fruns schall he denn hebn?“

„Een,“ Fru Reimers, „een, mehr nich.“

„Ach so,“ segt Fru Reimers, „mit Heet Brandten het he sit blot verlobt un Telsche schall he heiraten. Dar har ik doch keen Lust to, un Du Telsche?“

Telsche lach. „Ik dank veel mal,“ segt se „Wenn sonst nichts beleewt, dann kunn wi ja weller na de Erdbeern gahn.“

Do meen Franz Reimers, he muß doch uk en Machtwort sprekten. „Un wenn ik Di denn entarwen doh, min Söte, wat segst Du denn?“

„Denn seg ik gar nichts, Vader, awer Moder würd wul allerlei segn,“ segt Telsche; „un ik kunn höchstens hingahn un deen. Dat weer uk nich slimm.“

Fru Reimers keek ehrn Mann an, as wenn se em mit ehr Ogen dörbahn wull, sä awer keen Wort, un Peter Martens stund' op un sä: „Nichts för ungod, Rinner. Ik hef dat god meent. Abjüs“, un damit gung he ut de Dör.

Leinmal awer het Franz Heimers nöß „Min Söte“ segt, as he sin Frunsklud dat düttli maken wull, dat sin Ernst dat nich wesen weer. He har ja blot Spaß maken wullt.

Peter Martens öwerlä sit nu de Sat. Schull he dat nu so lopen laten, bet de Lüüd sin Friewarwerie döörch 't ganze Dörp dragen harn? Denn kunn he den Nam Friewarwer noch darto kriegen un he muß schließlich 'n Aftaten annehm, un sit wegen de Defelnams to beklagen. „Defelnams? — Dar ward wi ja nich swart von,“ segt min Söte. „Aftaten? — Wu weer dat, wenn he den blaugrauen Aftaten mit de langen Flechten as Swiegerdochter nöhm? Dat gung, wenn se nich nu uk sä, wie he gestern abend: „Un wenn he denn kummt, denn wüll ik em nich.“ Grief hingahn, dat kunn he nich. He muß erst mal mit Hinnerk snaden. Hinnerk? — Wenn de sit nu wat andahn har oder uk dat Nervenfeuer kreeg? He schöw un staff döör 't Dörp, dat em de Sweet man so von 't Gesicht rünner leep und har gar keen Tied, as de Kramer em wink un em noch wat fragen wull. „Morgen,“ reep he em to, „morgen, ik hef gar keen Tied.“

„Dat ward ümmer bedenklicher mit Bur Rasch,“ segt de Kramer to sin Fru; „he löpt mit sin langen Been un sin kort Vieu, dat he Höörn un Sehn vergitt.“

As Peter Martens in de Stuw tred, puß Hinnerk sin Gewehr. He har dat Slott affschrawen un trock den Schuß rut, luter Entenhagel.

„Na, Hinnerk,“ segt de Ol, „heft Di bedacht?“

„Ja Bader,“ segt Hinnerk. „Von 'n ersten November an will ik Din Grottnecht warden. Hans Maas will nich bliwen. Du schaft mi awer denselben Lohn gewen, den Du em anbaden heft. Ik glöw, ik kann dat ebenso gut as he. Von de Frierie ward nich mehr spraken.“

„Dat will ik Di nich verspreken,“ segt de Ol un wiisch sit den Sweet af, de nu, wie 't schien, erst recht utbreken deh. „Hest Du nich Lust, gliest mal mit mi röwer to gahn na Ramer Brandt? Wie könnt ja noch het Mitdag weller hier wesen.“

Hinnerk seeg den Oln verwundert an un sä keen Wort.

„Dar wahnt ja Din Afsat,“ seg de Ol un lach.

„De glöwt mi ja nicht, wenn ik em keen Kuraterbrev vörleg oder Di süls mitbring.“

„Dat verstah ik nich, Bader,“ segt Hinnerk.

„Na,“ segt de Ol. „denn mut ik Di dat man düttlicher maken. Wi wüllt hin un Heet fragen, ob se will, un ehr Bader un Moder, ob se dörfst.“

Hinnerk leet den Gewehrloop falln un segt: „Ne, Bader, wu kann 't angahn!“ un denn full he den Oln um 'n Hals un ween un segt: „Wu bin ik glückli! Wu bin ik glückli!“

„Ja,“ segt de Ol, „wenn Heet nu man will. Wenn se man nich ebenso segt, wie ik güstern: „Bör-hin wull he nich, nu will ik nich.“

„Dat het gar keen Not,“ segt Hinnerk. „Kumm, wi wüllt gliest röwer. Dat hef ik ja ut gar nich mal segt.“

„Erst waschen,“ segt de Ol. „Wi seht beid nich na 't Utgahn ut, un Din Afsat is en feinen Kerl.“

Hinnerk hör nichts mehr un se gung beid na ehr Slapstuw un maken sit fein un köm herut, wie man op 'n Donn segt, as wenn de Bull ehr liest har. Un denn gung se von den Buhl herünner un um den Möhlenbarg un dörf de „söte Eck“ un den Garn un stund' vör de Husdör. De ol Brandt seeg ehr kam un maß de Dör apen un nödig ehr in de Wahnstuw, wo Paul an 'n Disch seet un dat Iphoer Wochenblatt les'.

„Nehmt Plaz“, segt de ol Brandt un rüß de Stöhl von de Wand, un Paul stunn op un geew de beiden Ramers de Hand.

„Erst dat Geschäft un denn dat Vergnügen,“ segt Peter Martens. „Nawer Brandt, ik kam mit min Söhn röwer, um Di um de Hand von Din Dochter to birdn.“

„Ja, Nawer Brandt,“ segt Hinnert, „dat dörfst Se uns nich afflagen. Paul, Du legst uk en god Wort för mi in.“

„Rinner slüd,“ segt Brandt, „dar hef ik ja gar keen Ahnung von. Paul, seg de Frunslüd mal Besched. Weet de dar denn uk nichts von?“

„Ja, Heet weet lang besched,“ segt Hinnert.

De ole Martens sweeg still un seet un smuster; awer de Stohl weer lang nich so hitt un to tellen bruk he uk nich. Denn Heet störrt in de Stuwendör un op Hinnert los un full em um 'n Hals un küß em und segt blot: „Du bist god,“ un denn lach un ween se döörch enanner, dat Hinnert ehr Weswart gar nich begriepen kunn un blot sä: „Min Heet, man still, büßt ja min söte Heet!“

Un de ol Martens stunn op un trock sin Taschen-dot rut un wisch sik de Trahn af un sä mit bewernde Lippen: „Nichts för ungut, min Heet, schaft min söte Dochter wesen,“ un darmit slog he sin Arms um ehr un drück ehr an de Bost un küß ehr op e' Stirn, un dann lach he un segt: „Büßt 'n düchtigen Alfat, wenn Du uk Din Amtsrock nich arhefst.“ Dat verstunn se nu nich all, awer Fru Brandt, de uk liesen rinfam weer, as Heet an Hinnert sin Hals hung, de wuß, wat dat bedüßen schull, un lach, und depl Martens gung op ehr to un fat ehr bie beide Händ un segt: „Nich wahr, wi verstaht uns, Fru Brandt, wie sünd old nog, um wat to vergeten.“

„Un de Stohlwagen is smeert,“ segt Hinnert. „Bader, wüllt wi nich hüt Namitdag Aloff siew na 'n Paster föhrn, wi all, de hier in de Stuw sünd, dat he uns verlobt, wie dat Mod is?“

„Wi. is dat recht,“ segt de Ol; „könnt Zi annern? aiver denn in vullen Ornat, Heet!“ un he drau ehr mit den Finger, un as se all bereit weern, da ward dat utföhrt, wie Hinnerk dat plant har, un dat ganze Dörp har den annern Dag von een End to 'n annern wat to vertellen



## II.

### **Hanchen Wald un ehren ersten Mann.**

En jungen rüstigen Kerl, de Reistasch öwer de Schullern un en dicken Stock in de Hand, köm nachts um twölf bie 'n Taterpahl an. Dat is dat letzte Hus von 'n Donn, för den Nachtwandler weer dat awer dat eerst, wil he in 't Dörp rin wull. „Taters“ nenn se hier fröher de Zigeuners, un vellicht het hier an de Grenz twischen Dithmarschen un de Wilstermarsch ja fröher en Pahl stahn, wo op 'n Brett to lesen weer, dat de Zigeuners op ehr Rundreisen döör dat dütsche Rief dat dithmarscher Dörp nich betreden schulln, wenn se nich seßhaft makt warn wulln. Enige möt dat doch magt hebn, an em vörbie to lopen; denn wieder na Meldorp to, op 'n St. Michaelisdown, dar hebt sit welk anbuden mußt. En Pahl weer dar nu nich mehr, awer de junge Mann, de bie 'n hellen Dag uk so brun utseeg, wie de Taters, har rechts en Regelbahn un links en Wertshus, dat weer vör 'n paar Jahr erst nie opbut wordn, wil de Storm den ganzen Dackstohl rasreten un rünnermeten har; dat har he fülbs mit erlewt. Dar güng he nu in de warme Julinacht twischen döör un köm in 't Dörp. He weer awer noch nich miet kam, do stundn dar twee Kerls mitten op 'n Weg, mit Piken in de Hand, un schrien luthals: „Wer da? Halt!“

„God Frönd“, segt de junge Mann, un stund still; „Si ward mi jawul kenn?“

„An de Sprak nich“, segt de Gen. „Wat büßt Du denn för 'n Menschentind?“

„Ik bring Zu Nachrichten ut 'n Krieg, Thies Desau“, segt de junge Mann. „Di kenn ik an de Stimm. Si speelt hier hüt nacht wul ut Krieg? Wer steiht dar denn mit Di op Bossen?“

„N=N-Re, M-Minsch, nu t-t-kenn ik Di uk“, segt de anner; „ik glöw Du b-b-büßt Hans Jans.“

„Natürlich“, segt de junge Mann, „un Du büßt Jan Ahlers; D=D-Di kenn ik an de Sprak.“

Do fung se all dre an to lachen, un Jan Ahlers lach am meisten un damit schütteln se sik all dre de Händ un freun sik, wie dat ünner Vanslüd Mod is, de sik lang nich sehn hebt.

„I=I-Thies“, segt Jan Ahlers, „wüllt wi nu nich mal den nien Weert op'n I=I-Taterpahl rutkloppen, dat wi en B=B-Buddel Wien tosam drinkt? Ik betahl. M=M-Min Snapsflasch is leer.“

„Gewiß“, segt Thies, „Hans, Du geihst mit, büßt gewiß möd un hungri un döstig un för so'n Lüd sünd de Weertshüs ja grad opbut. Du kummst gewiß von Glückstadt rünner. Dat is en fixen Marsch“, un damit smeet he sin Bit öwer de Schuller un hat in.

„Dat stimmt“, segt Hans, „awer ik wull doch gern noch min Olen öwerraschen hüt abend.“

„D=D-Denn lat ehr noch en paar Stund' slapen, d=d-denn kannst dat uk noch“, segt Jan Ahlers. „W=W-Wi bringt Di denn hin un gahst mit Di noch mal ganz döör dat Döörp. D=D-Du kannst Di dar doch wull kum t-t-trechfind'. Den hogen B=B-Buhl, wo Du fröher de W=W-Worteln optrockst von dat Sniegras, d=d-den heft wi wegfohrt. W=w-wees noch, wie Du dar B=B-Berd speelsst mit de lütt Hanchen Wald? Dat weer Din B=B-Bonny, sä'st Du. Un

as P=P=Perfetter kôm, do lâtst Du ehr stahn un lœpft weg Dat het he D=D=Di naher awer utdrewn."

"Ja," segt Thies, „Perfetter much nich hebn, dat man de lûtten Deerns an 'n Wagen fôhr"

„It har ehr ut nich slecht behandelt" segt Hans, „se meer ganz friewilli min Perd word'n. It weer to 'n Fôhrmann en beten to grot un to old. Dat is nich ritterlich, segt he, wenn so 'n groten Jung en Deern pisacht un mit de Pietsch drimt. — Awer nu segt mal, warum lopt Si hier denn mit de Piken rum?"

„D=D-Dat wüll wi Di op 'n T=T-Taterpahl vertelln, un Du kannst uns vertelln. warum Du ut de School lopen un in 'n R=R-Krieg gahn büst," segt Jan.

„Na, man to," segt Hans, „dat kummt ja ut op 'n Stund' nich an, wi kœnnt ja morgen utslapen. Dat is ja denn Sündag," un darmit gung se all dre na 'n Taterpahl un kloppen un wrackeln an de Dör un Jan Ahlers sung: „De ganze Welt is vull Tabakspapier, un wenn 't dran dent, so stôt 't mi hier — R—R—Rut!" Do kôm de Weert rut un lât ehr rin, un se setten sit um den Disch un kreg'n Wien, twe Flaschen op eenmal.

„Wi snacken vorhin von Hanchen Wald," segt Thies Desau. „Weest Du denn ut noch, wi Du Di mit den langen Hans Karstens prügelft, wil he sä, Hanchen weer en Findelkind un har gar keen Geburtsdag un weer den Düwel von de Schurkar fulln? Dat Blot lœp Di ut Näs un Mund. Du gewfst awer nich ehcr na, as bet Du em ünner de Föt harft. De ole Peter-Smid wusch Di in de Smed dat Gesicht un stet Di Swamm in de Näs."

„Ja, ja," segt Hans, „dat weern so 'n Jungstög. Wat maht Hans Karstens nu?"

„It glôw, he söcht en Fru," segt Thies. „Mülich het he to Hanchen segt, ob se nich sin Fru ward'n



wull. De het em awer to 'n Antwort gewen, se har all 'n Mann; un weest, wie he ehr nu nennt? Unf' Fru un Madam!"

"D=D-Dat süht den d=d-dördbrewen Muskanten ähnli," segt Jan Ahlers. „Denn har se grad den rechten fregen."

„Rinners," segt Hans, „Si wulln mi ja vertellen, warum Si op Boffen stahn möt?"

"D=D-Dat 's uk wahr," segt Jan. „Awer erst stöt wi an. W=w-wi hebt doch mehr Glück as de annern. W=w-wi hebt Een' gefangen nahm. Unf' Landsmann schall lewen!"

Se stötten an un drunten, do fung Thies an to vertellen: „As wi de Naricht freegen von de provisorische Regierung, do köm wi ja all in Dpregung. De oln Soldaten wardn inropen un vele junge Lüdgung friewillig na Rendsborg un wulln Frieschärler wardn, un de Oln kunn abends vör Dpregung nich to Bett find'n. Jeder wull doch erst weten, wat dar passeert weer. Do leet de Burvagt ansagn, Persetter wull jeden Abend Kloek negen de Zeitung vörlesen. Wer kam wull, kunn kam. Do gung wi alle Abend nat Scholhus, Bur'n, Ratenlud un Hürlud, un Persetter heel denn Börlesung. Do gung veel von uns en Licht op un wi kunn gar nich begriepen, dat wi dar nich all lang an dacht harn, dat de Dän uns unrecht un övermödig behandeln, un wat nu so'n Strundjers weern, wie Hans Karstens, de meen, se kunn hier uk mal de Geschicht umkehrn, un de Herrschaften kunn ehr Arbeiten sülsb dohn. Da segt Sinnerk Martens: Lüdgung, nu lat uns vernünftig wesen un sülsb Ordnung hol'n. Wie hellen Dag ward wul jeder för sil optam, awer nachts kunn doch allerlei Unfug utöwt wardn. Dar möt wi för oppassen. De ganze Dörpschaft mut Nachwächter wardn, de groten Buern wie de Hus- un Hürlud; awer de Hus- un Hürlud möt betahlt wardn, för jede Nacht twe Mark.

Dat is do in de Burschop in 't Scholhus besluten wordn un nu patruleert immer twe Mann von en End' to 'n annern dör 't Dörp. Hüt nacht weer de Törn an mi un Jan Ahlers, morgen kommt Klas Nickels un Peter Bohnsack."

"Dat 's gar nich dumm," segt Hans. „In de Friefors, de nu oplöst sünd, weer uk neben de braven Frieheitskämpfer soveel Gesindel, dat wirkli oppast wordn mut."

"Un m=m=mänicheen," segt Jan, „is gar nich mitgahn un f-f-flopt doch de Dörper af un vertellt von sin Heldendahten un will ehrt un f-f-füttert wordn. Na, lat uns noch een drinken."

Se stötten an un drunten ehr Glas ut un Thies segt: „Nu seg uns mal, warum gینگst Du denn mit? Du harst ja doch all en Amt."

"Dat wüll ik Ju segn", segt Hans: „Min Dörp dat is man en lütt Dörp. Dar wohnt söß Buern un jeder Buer het twe Katen an sin Hoffstell, dar wohnt sin Daglöhners mit ehr Fruns un Rinner. De wulln all nichts von dat Vaderland und sin Not weten." De segn, „de Kieler Herr wulln man gern süls regiern." Do hef ik de Männer all dörch de Rinner na 't Scholhus ropen un ehr de fleswig-holsteensche Geschicht vertellt, un ehr de Böker wiest, wo dat in opschreven weer. Un as ik seg, „dat weer ja Sünd' und Schand' dat wi dat lieden dahn", do segt een von de Daglöhners, „warum ik dat denn leed? Denn schull ik doch uk hingahn und den Dän mit verjagen." Do seg ik: „Sünd Ji dar all mit inverstahn?" Ja, segt een von de Buern de keen Rinner har, uu de annern lachen. Wat schull ik do anners dohn? Denn segt ju Rinner man, dat se morgen nich weller to kam brukt, segt ik ruhig. Ik gah na Rendsborg. Den annern Morgen löm dar frielich veer Buern un een sä „dat weer man Spaß wesen; ik schull doch bliwen." Mi weet dat awer Ernst, seg

it; in so 'n Dingen kann it keen Spaß verbregen, un it gung noch densülvigen Dag na Rendsborg."

"Jung", segt Jan, „d=d-dat har 't uf dahn. D=d-dar drinkt wi noch een op un he schenk de Gläs' weller vull. D=d-dat is dat legt ut disse beid'n Buttels. It wull wi harn uf erst dat End von den Krieg."

"Nu denn", segt Thies, „op en glückliches End' un dat uns dat god geiht op uns' oln Dag."

Se stötten an un drunten ut un Jan betahl.

"Nu lat uns gahn," segt Hans, un alle dre gung tosam ut de Dör un langs dat Döörp.

As se bie 't Schoolhus un den Schoolgaarn vörbie gung, do segt Thies: „Wie ol Muckert brennt noch Licht. He is sehr krank un schall hüt dat Abendmahl kregen hebn; denn het de Pastor gewiß uf sin Testament opsetten muß."

„Ob he T=T-Timm Wittkahl wul wat vermaßt het?" segt Jan; „de het em ja mal Appeln stahln, un dafür het de ol Muckert em versprochen, em wat to vermaßen."

„Ne", segt Thies, „dar het Timm sin Betahlung för kregen; Perjetter het dat sehn von sin Stuw ut un em naher den ganzen Rügg mit Wichelnfett inreben; do het Timm hübsch Afbed dahn!

„T=T-Timm vertell mi", segt Johann, „he har dat garnich um de Appeln dahn. De annern Jungs harn jümmerß segt, ol M=M-Muckert weer en M=M-Minschenfiend. Darum har he em rutlockt; he har em gern mal sehn wullt."

„Ach wat", segt Thies, „dat 's so 'n Jungs-snaß. It hef den Oln frieli man eenmal sehn, dat weer Morgens ganz fröh. Do stund he hier an de Port un seeg in 't Döörp, un as it mi umseeg, köm Hanchen Wald anlopen. De lach he ganz fründli to un segt: „Dat 's mah god, dat Du kömmst; it glöw all, Du weerst krank." „Ach ne, Herr Kaptein, segt

se, min Grotmoder het man de Tied verslapen. Na, denn is allns god, Stuartes, segt he un gung mit ehr rin."

"A-A-Roptein un Stuartes", segt Jan, „wat is dat för 'n Snack?"

"Weest dat nich? He schall Roptein wesen sin op 'n Schip un dar nömt se de Opwärterin Stuartes," segt Thies.

"Wu lang wohnt he hier denn all? segt Hans. „To min Tied wahn Peter Snieder dar."

"Wul so'n fiem söß Jahr", segt Thies. „In de ersten Jahrn, so langse to School gung, weer Hans en sin Stuartes; nu is ehr Grotmoder för ehr intreden."

"Wo is Hanschen denn blewen?" segt Hans.

De deent bie Hinnerk Martens", segt Thies. „De het dat god drapen. Fru Martens hölt grote Stücke op ehr un dat is ja 'n Fru — so 'n is in ganz Dithmarschen nich to find".

"I wo", segt Jan, d-d-dar öwerdrifst Du doch jawul 'n beten.

"Ne, lütt Jung", segt Thies. „Se het den ganzen Kram in'n Swung un jeder kriegt bie ehr sin Recht: de Rinner, de Röschen un de Röh Ehr Rinner unnerricht se süls. Dat lezt Jahr het se sit frielich von Hanschen un von den jungen Persetter helpen laten, damit se ehrn Mann dat Leben gemütli maken kunn."

Se gung jüs bie Hinnerk Martens sin Hus vör-bie und dar weer haben in de mittelfte Böhnkamer all Licht.

"Seht mal", segt Thies. „Hanschen Wald is all weller in de Been. Se lehrt gewiß ehr Leg. Dat deiht se ümmer fröhmorgens", segt Klas Krüsen.

"Na, denn man to", segt Jan, „dar k-k-kunn ja noch en P-P-Professor ut wardn".

Nu weern se denn uf gliet bie Meister Jans sin Gaarnport un se gung an dat Hus ran.

„Nu lat m=m-mi“, segt Jan un flopp mit aller Kraft an 't Finsster.

Meister Jans sprang wie en Has' ut 't Lager un meen dar weer Jüer. He löp in 'n Hemd an 't Finsster un schrie: „Wat is dar los?“

„W=w-wi hebt en Gefangenen,“ segt Jan. „Wi hebt em Händ' un Föt tosam bund'. K=k-kun wi em nich in K-K-Klas Krüsen sin K-K-Kamer sluten?“

„Ne, Jan Ahlers,“ segt Meister Jans, „dat geiht nich. Klas Krüsen het sik de Hand verstuft un slöpt dar süls.“

„W=w-wat schüllt wi denn m=m-maken?“ segt Jan und seeg sik na de annern um.

„Denn mut de Gefangene süls um Opnahm birdn.“ segt Thies, un Hans segt: „Bader, lat mi mal in!“

Biedes weer Fru Jans uf all opstahn un mak Licht. „Rinnerlüd,“ segt de Ol, „wat sünd Zi för Tafeltüg! Moder, Hans is dar!“ Nu trock he sik flink 'n beten Tüg an un weck Klas Krüsen un löp na de Husdör un slöt apen, un so versammel sik de ganz Gefellschop in de Wahnstun, un Bader un Moder kunn sik freun, dat se ehrn Jung heel weller harn.

„Ne, Jan Ahlers“, segt Meister Jans, „wat Du doch förn Driewer büst! Dat is doch en gottlos Stück, uns oln Lüd so to narren.“

„Ja“, segt Thies, „ik hef all jümmer segt: „He kummt noch mal naht von de Welt un dot in 't Sark.“

„Awer ik t=t-töw noch en beten,“ segt Jan un lach. Do seg Fru Jans: „Nu sett Zu all dal. Ik mak flink en Tass' Kaffee; de ward na so 'n döck-wakte Nacht wul smecken. Zi künnst Zu solang wat vertelln. Wat segst Du. min Hans?“

„Ja. Moder,“ „Du heft jümmer Recht,“ segt Hans

„Na“ segt Jan. „nich wahr Thies; „w=w-wi wüllt uf keen Unminschen wesen. W=w-wie heet dat nie Leed noch? — Und ein Frühling ist im Lande. wie die Welt noch keinen sah, und es springen alle

Bande un de R-R-Kaffeeput is da". — Un alle lachten un setten sik. un de Meisterin maß Kaffee, so flink as se kun un soveel as se har. und Klas gung rut un legt frisch cold Water um sin franken Dum.

As he weller rin köm, do wend' he sik gliest an Hans. „Hans“. segt he, „Du büst doch Lehrer. wu kunst Du denn uf mit in den Krieg gahn? Du mußt de Kinner doch lehrn: Seid unterthan der Obrigkeit, die Gewalt über Euch hat.“

„Dat 's ganz recht“, segt Hans, „awer uns' Obrigkeit, uns' König, har man keen Gewalt öwer uns. De Kopenhagener Böbel har em in de Klauen un wull em dwingen, uns mit blödiges Striemen op'n Rügg to schriewen, dat wi Dänen weern.“

„Is dat wahr?“ segt Klas.

„Natürli“, segt Hans, „un do nöhm de provisorische Regierung sin Gewalt un nu is se uns' Obrigkeit un wi möt ehr unnerdahn wesen.“

„Süh, R-R-Klas Krüsen, hef ik Di dat nich jümmers segt?“ segt Jan Ahlers. „Du kannst sonst so bannig veel glöwen, un wat wi all glöwt, dat wullt nich glöwen. R-R-Klas, Klas, wu büst Du en unglöwigen Thomas“.

Klas schüttel mit 'n Kopp un sweeg un de annern lachen.

„Wu het He sin Dum denn bie verstuft, Klasohm“, segt Hans?

„Ik bin ut'n Beerbom full'n“, segt Klas.

„Na, dat 's uf de Mäg wert, um dis Tied in'n Beerbom to stiegen“, segt Hans. „Dar is doch noch nichts to plücken“.

„Ik glöw“, segt Klas, „dat ward de Sleswig-holstener ebenso gahn, as mi dat güng; se ward sik uf den Dum verstuken, wil se to fröh opstahn sünd.“

„Wu meent He dat, Klasohm?“

„De Storm har den Bom hawen afbraken“, segt Klas, „un de dicke Tang hung rünner un bedräng de

annern. Do steeg ik morgens fröh rop un wull em affagen, un as ik fardig weer, do full ik mit em rünner un verstuf min Dum."

"D=D-Dat is ja awer ganz wat anners", segt Jan Ahlers.

"Dat wüll 't grad nich segn," segt Hans. „Klasohm het so unrecht nich. Ik wüll blot höpen, dat he en schlechten Prophet is un dat wi uns bie de Erhebung nich den Dum verstuft."

"W=w-wi wüllt ja uf keen Tang affagen," segt Jan Ahlers.

"D doch, Jan," segt Hans. „De Hauptstamm von uns' Königshus is braken, denn Friedrich de Söbente het keen Rinner un kriegt uf keen mehr. He lewt awer noch, un nu sünd wi darbie, em astofagen, um de bebrängten Augustenborger Platz to maken."

"Donner un Doria," segt Jan, „d=d-dat 's uf wahr."

"Na," segt Klas, „ik will wünschen, dat löpt beter af as mit mi, oder dat kummt wenigstens mit 'n beten kolt Water weller in de richtige Spor wie min Dum."

Da küm Fru Jans mit den Kaffee un se setten sit all an den Disch un drunken, un denn gung de beiden Nachtwächters af. Dat weer uf helli Dag. De annern wulln uf nich erst to Bett un blewen op un gung na 'n Gaarn un wiesen Hans de Fruchtböm, de Rosenstöck un de Löw, de he noch mit plant har.

"Wu is dat all wussen!" segt Hans, „dat is ja dat reine Paradies wordn."

"Un de dar domals in rum dawen," segt Fru Jans, „de sünd nu uf grot wordn. Weetst noch Hans, as Du hier in de nie anplant Löw seetst un lees in Klasohm sin „Himmel auf Erden". Ik verget dat min Dag nich weller. Wi harn grot Schürfest un Trin Magret, Hanchen Wald ehr Grotmoder, weer as Schürfru hier un muß mi helpen un har ehr

12-jährige Enkelin mitbrocht, wil se de ja nich alleen to Hus laten kunn. It stund' dar un puz dit Fenster. Du seetst hier op de Bank un weerst ganz in Din Bos verdeept. Hanchen speel op de anner Bank un lat Arsen un Worteln un Rören un Stidelbeern, de weern awer noch nich riep. Un as se ehr Eten torecht har, do hal se sit tre Theetassen un Theelepel un füll op. Wüllt wi nu Mann un Fru wesen, Hans, segt se, un wüllt wi nu to Middag eten? Gewiß, Hanchen, segst Du un seegst gar nich op un röhrst Di uk nich. Do stund se en ganze Tied un seeg Di an un töw un töw, awer Du rögst Di nich. Hans, segt se do, un freeg ordentlich en Schur ömer de Ogen, wüllt wi nu Mann un Fru wardn oder nicht? Gewiß, Hanchen, segst Du un legst Din Bos weg un hufst Di för ehr Bank un langst to un etst ut de Tass', un se glup Di mit ehr brun Ogen von de Sied an un segt: Nu mußt Du awer uk segn, dat smeckt fein, lütt Fru! Do sä'st Du, dat het fein smeckt, lütt Fru, un legst Teller un Lipel weg, un Hanchen klatsch in de Händ' un segt: Dat freut mi, segente Mahltied! Dat is hier en söte Eck! Do segst Du: Ja, Hanchen, denn mußt Du mi uk noch en Ruß gewen, dat deiht min Moder uk, wenn Vader dat smeckt hat, wat se toricht het. Dat steiht op en anner Blatt, segt Hanchen, un lach un löp na Hus.

Do lach Klasohm, dat em de Thran in de Ogen köm. „Nu weet ik,“ seg he, „warum Hanchen immer segt: It hef all 'n Mann!“

„Segt se dat ümmer?“ segt Fru Jans.

„Ja, Kinner,“ segt Klas, „Si dörfst dat man um Himmelswillen nich utsnacken — Dora, hörst Du — jo un jonicht; denn wüll ik Ju dat vertellen“

„Ne, Klasohm,“ segt Fru Jans, „denk nich daran It kann swiegen, wenn ik will.“

„Denn mußt Du dat nu awer uk wülln,“ segt Klas Krüsen. „Na, also. Börigen Sünndag, do is



Johann Westmann, de rieke Koopmann ut Brunsbüttel-  
hawen, hier wesen bie Hinnerk Martens, un wat het  
he wullt? He het Hanchen mehrmals mit Fru  
Martens in sin Laden sehn un spraken un is immer  
ganz ungeheuer fröndlich gegen ehr wesen, un Sün-  
dagnamiddag kumt he mit sin Landauer anfohrn un  
besöcht Hinnerk Martens, den he von 't Bosheln un  
von de Jagd her kennt un — denkt mal. do fragt he  
Hanchen, ob se nich sin lütt Fru wardn wüll. Un  
Hanchen ward öwer un ö-ö-er rot un segt denn un  
lacht darbie: Dar kamt Se to lat, Herr Westmann,  
ik hef all 'n Mann. Fru Martens meent natürlich,  
dat is man Spaß un segt un lacht uf: Na, Hanchen,  
denn lat Di man flink scheden. Dat geiht nich, Fru  
Martens segt Hanchen, wat asfalt is, dat is asfalt,  
dar let sik nichts an ännern, un darmit störrt se ut  
de Dör un löpt na ehr Kamer un slütt sik in un  
kummt nich weller to'n Vörschien."

"Wat 'n Deern," segt Meister Jaus. „Koop-  
mann Westmann is de riekste Mann in de Marsch."

"Dat seg man mal," segt Klas Krüsen; „swiegt  
awer um Himmelswillen still. Hinnerk het mi 't  
vertellt, wil he dat uf nich begriepen kunn, un het  
naher noch mit ehr snackt, bet se ansung is to ween,  
un do is sin Fru hingahn, un se het weller weent,  
awer segt het se keen Wort. Do is Fru Martens  
uf ganz verdretlich weg gahn un het segt: Lat ehr,  
wi kriegt wul noch toweten, wat dar achter stift.  
Awer swiegt nu um Himmelswillen still un fangt nich  
an to sagen bie den braken Tang. dat Zi nich uf den  
Dum verstuft. — Ik mut mi wul mal frisch kolt  
Water oplegn," un darmit gung he na de Pump.

As he trüch küm, setten se sik in de Löw un  
Hans muß ehr vertellen. Von de Schlacht bie Bau,  
von den Rücktog na Sleswig un Sehstedt, von de  
Schlacht bie Sleswig un den Demergang bie Stubbe  
un bet se vörrücken na Beile — dat har he ehr

Wi gung langs de Deel, dörch een Stuw, dörch en anner, Trepp op, Trepp af, un allenthalben weer nichts as toschandperrt Stroh. „Dat 's en Scholhus,“ seg ik, „dar hebt je en Kasern ut maht; Minschen sünd hier wul nich to find.“ So gung wi weller rünner na de Deel. „Hier könnt wi unmöglich bliwen,“ segt de Thüringer, „denn noch lewer bie Paul Hirsch sin Moder Grön.“ „It gah na de Wacht un bliw dar bie min Landslud,“ segt de Rheinländer. „Dat is wahr,“ segt ik, „bliwen könnt wi hier nich,“ un maht de Huzdör apen.

Awers nu! De ganze Strat stund vull Minschen un de een un de anner har uf en Steen in de Hand. Soldaten weern man wieder trüch eenzelne to sehn. „Aut,“ segt Paul. „hier smiet s' uns dot. Twischen den Hupen sünd wi am festersten,“ un damit steet he de rechte Hand in 'n Boffen, wo dat Terzerol seet. De Thüringer trock sin Hirschfänger un de Rheinländer dacht gar nich an sin Dolchmesser un löp vöran, um bald in den Hupen to kam, un röp un wink de Soldaten, de he seeg. un wi annern gung langsam na. Als de Rheinländer awer mit sin grasgrön Blus un sin Hahnfeller glücklich dörch den dicksten Hupen un en beten alleen weer, do gung dat Bombardemang los un een Steen dröp em in 'n Rugg, dat he noch duller löp un schrie un wink un ik un de Thüringer faten een von de Attentäter. de jüst smieten wull, un Paul schrie op dänisch. wi wulln em na de Wacht bring un trock sin Terzerol ut 'n Boffen un fuchtel darmit in de Luft. „Steen weg!“ schrie he op dänisch, „oder it scheet Zu dal! Wüllt Zi mal friedliche Reisende in Ruh laten!“ Uennerdes har denn uf de Rheinländer all Landslud fundn, de sit siner annöhm. Wi leeten unsen Arrestanten lopen un köm mit unsen Kameraden un de Soldaten na de Wacht. Paul har sin Terzerol un de Thüringer sin Reesmeß natürlich insteken un wi gung rin un klagten uns' Not un wiesen unsen Quartierschien vör.

Do röp de Unneroffseer veer Soldaten un de schulln uns darhin bringn, wo de Kommandant uns inquarteert har; wi weern in en verkehrtes Hus kam. De Rheinländer bed' awer den Wachtkommandör, ob he hüt Nacht man in de Wacht bliewn dörf; he kunn em gern in dat Arrestlokal schicken. Em deh de Buckel so weh, wo se em drapn harn. He wull ul gern een utgewn, un darmit smeet he en Daler op 'n Disch. Do sä de Unneroffseer, he wull mal sehn un lach un de Soldaten lachen mit.

Wi annern dre wurd'n nu wegbrocht, un wohin? — Na dat Weertsbus Danebod, wo de Rutscher uns vör'n Stundstied aflad har. De Soldat wies' uns' Quarteerbiljett vör, un de Weert weer ganz fröndlich, wies' uns de Slapstuw, wo frisch Stroh inleeg, un wi bestelln uns Eten un Drinken, un wi freegen, wat wie hebn wulln. Als de Disch deckt weer, segt Hirsch op Dänsch to den Weert, warum he uns nich gliel so fröndlich opnahm har. „Ja“, segt de Weert, „Se harn ja vörhin so'n groten grön Kerl bie sit, mit en Feller an'n Hot un en Dolch in'n Gürtel. Dat weer wul en „thüste Räumer“. „De is nu op de Wacht in Arrest“, segt il, „un kummt nich vör morgenfröh weller los; dor brukt wi nich bang vör to wesen.“ Da wurd de Weert ganz fröndlich un meern, den Kerl schulln se man ophängn. Wi eten und drunten nu, bestelln uns Raffee to morgen fröh und gung na uns Slapstuw nn smetn uns op't Stroh.

Den annern Morgen wurdn wi all fröh dörch Kanonendonner weckt, sprungen op, settn uns in Wick un drunten Raffee, betahln uns' Zech un gung na de Wach, um unsen Kollegen afohaln. De weer natürlig ul all in de Been, bedant sit bie sin Landslud un steeg dann mit uns op den Wall. Wi wulln doch gern sehn, wat dat mit dat Scheten to bedüdn har. De Wall, dat weer so'n Dieß, wie man em hier bie Brunsbüttelshaven all' Dag' sehn kann; de har wieder nichts

to bedüden; dar weern keen Kanon un keen Soldaten, dar weer nichts“.

„Ja, den Wall kenn ik“, segt de Vader, „dar weer all domals nichts mehr mit los: blot en schöne Utsicht har man op dat Meer“

„Dat harn wi uf“, segt Hans „De Sünn schien so warm un de Luft weer so klar un op't Water leegen de Kanonenbüt un schöten na de Schanz, de de Preußen bie'n Hawen opsmeten harn, un de Preußen schöten weller. Wi hebt awer nich sehn, dat dar irgendwo wat drapen is“.

„Un wat maken Zi denn nöß?“ segt de Moder. „Gott“, segt Hans, „wi wandern na Rolding, föhren mit Gelegenheit na Hadersleben, denn na Apenrade, gungen na Flensburg, fahrn weller mal mit Gelegenheit na Schleswig un dar war' uns sogar en Wagen stellt na Rendsborg, wo wi entlaten wurdn“.

„Un wat heft Du nu besluten?“ segt Klasohm.

„Von Flensburg ut schrew ik an en Kollegen in Alina. den ik von't Seminar her kenn,“ segt Hans, „un de het mi in Hamborg en Stell as Gehülfe verschafft an en Knabeninstitut, dar schall ik den 1. August intreden un den 1. Oktober krieg ik nebenbie uf noch Stund' in en Mädcheninstitut. Ik hef mi vorgütern all öwerall vörstellt.“

„Na, denn büßt Du ja nu weller in Din Fahrwater,“ segt Klasohm. „Dat's man god; denn stell Din Kompaß man richtig, dat Du dar nich weller rut kummt. De Steen, de soveel rückt ward, sett keen Moos.“

Klasohm gung weller mit sin Dum na de Pnmp, un Meister Jans stund uf op un gung mit em. „Hans sin Böhnfamer steiht noch so vull Pulterpaß,“ segt de Meister. „Schuß Du wol mit Din gesunde Hand en beten mit anfaten könn, dat wi dat rut sett?“

„Gar keen Frag.“ segt Klas, un de beiden gung

von de Pump na de Böhnkamer un packen ut. Hans weer mit sin Moder alleen

„Seg mal, Moder,“ segt he un plück en Blatt af von de Löw un wull dat knallen laten, wie he wul fröher dahn har, „dar is hüt oll so vel von Hanchen Wald snackt worden, wu is dat dar egentli mit, is dat en Findelkind?“ un darmit slög he dat Blatt twei, dat dat ordentlich knall.

„Muß nich,“ segt sin Moder, „dat sleit mi op de Nerven. „Ne Kind, dar is keen wahr Wort an. Trin Margret ehrn Söhn weer in Hamborg op’n Kontor un het en Italjönerin heirat, de all en halb Jahr na Hanchen ehr Geburt storben is. Do het he dat Kind na sin Moder brocht un is na St. Thomas gahn. Dar schall he storben sin.“

„It much nu doch en beten slapen,“ segt Hans. „It gah na de Böhnkamer un leg mi dar en beten opt Bett.“

„Doh dat,“ segt sin Moder un güng in’t Hus un besorg ehrn Husstand.

Hans smeet sik, as he gung un stund’, in sin Kamer op’t Bett, awer an Slap weer nich to denken. He muß ümmer an Hanchen denken, un dat köm em vör, as wenn em sin Landslüd hüt Nacht dit Kind harn in ’t Geweten riemen wullt. Un je länger he an Hanchen dacht, je mehr har he sik vörtosmieten.

Har he denn in de lekten söbn Jahr na de Konfirmatschon jemals an ehr dacht? — Ja, eenmal harn sin Kameraden em op de Kneip anjungen: Hans und Deine Liebste heist? — Do har he in sin Angst „Hanchen“ segt; awer dat weer ja man eenmal wesen naher har he ümmer „Gretchen“ segt, un dat weer, hier ja ut nich bekannt und kunn ja ut gar nich in betracht kam. Un doch müssen em hüt alle Winschen von Hanchen vertellen, as wenn se de eenzige weer, för de he sik bie sin Besöf intresseern kunn.

He erinner ja ganz god, wat sin Moder eben von em un ehr vertellt har. He har Hanchen ehrn Snack in de Löw doch nich as Ernst opnehm kunnt; dat har he uk nich dahn un har naher kum weller daran dacht.

Awer en lütte nüddliche Deern weer se domals all wesen, wul ölvn Jahr old oder gar twölf. He gung domals wul gar nich mehr to Schol un har blot bie den Kandidaten en paar Privatskund', wil he in 'n Hartoft Unnerlehrer wardn schull.

Un nu har se um em nich blot den langn Schraffel Hans Karstens, sondern sogar den rieken Koopmann Westmann utslag'n. Um em? — dat weer noch lang nich gewiß, dat kunn uk en annern Grund hebn. De een weer ehr wul to schraffelig un de anner to old wesen. To old? — Wu old weer Westmann denn? Söß un dörtig Jahr velleicht; awer dat weer ja noch keen Öller. Schull se wirklich an ehr Verspreken in de Löw dacht hebn?

Wenn se nu all de Tied mit ehr stumme Leern rundragen har, denn weer't doch grausam ehr to täuschen. Har he ehr damals nich in Wort und Dat Recht geben? Un nn schull he de arm Deern ehr Glück toschand' perrn? —

Ehr Glück? — ja, velleicht sin Glück! Wat mut dat för en Deern word'n sin, wenn dat wahr is, wat Tieß vertell, und Tieß de lügt nich. Kunn he wul en trueres Hart find'n in de Welt?

Hübsch ward se word'n sin, dat kann nicht fehl'n. Wat har dat Kind för glänzende swarte Locken und för grote dunkle Ogen! Un för Bildung het Fru Martens sorgt, un de versteiht dat, segt Tieß.

Wenn se nu wirklich mit ehr ganze true Seel an em hung — un wenn se so hübsch un gebildet weer, — un wenn se nu sintwegen den rieken Westmann en Korf geben har — kunn he ehr denn sitten laten

un segn: Hanchen, dat is Kinnerfnack wesen? muß he nich segn: Hanchen, wi wüllt Mann un Fru bliewn?

Wie disse Gedanken weer he immer munterer worden, un an Slap weer gar nich to denken. He sprung hoch un güng dweer öwer den Böhn na Klas Krüsen sin Kamer, de na de Strat hin en Finster har. He wull de Sat mal mit Klasohm öwerlegn.

Als Hans de Kamerdör apen mak, seet sin Vader mit Klas Krüsen an den lütten Disch, un de beiden schien'n ganz wat Wichtiges to verhandstücken. „De Zinsen sind hüt fällig; he ward jawul den Schuldschien prolongeern“, seggt de Ol.

„Wat förn Schuldschien?“ frög Hans, as he intred.

„Ja, min Söhn“, segt de Ol, „Du weest ja, dat Geld, wat Du in Seburg brukt hest und wat de verstorbene Bullmacht Hansen erst vorschaten har, hes ik von den rieken Bestmann lehnt, as sik de Arwn den Ol sin Vermögen dehl'n. Ik hes em en Schuldschien gewn un de is hüt fällig“.

„De Zinsen hes ik mitbrocht“, segt Hans.

„Na, dat 's man god“, segt de Ol vergnügt; „denn könnt wi abbetahln. Den Schuldschien mut he prolongeern. Denn gah ik morgen hin un besnack dat mit Bestmann.“

Do wurd' dar mit en Pietsch knallt, un Klas Krüsen keel ut't Finster. „Wenn man von den Wulf spricht, is he nich wiet“, segt Klas. „Bestmann hölt mit sin Genspanner vör de Port“. Do störrten se all dre de Trepp hindal, em to begrüeten, un Klas fat mit sin gesunde Hand dat Pferd an den Genspanner, un Bestmann steeg raf un gung mit Meister Jans un sin Söhn int Hus.

„Na“, segt Bestmann, „wu steiht dat? Ik kann jawul min Geld kriegn; het Hans bie dat Kriegspeeln wat öwer hatt? Den Schuldschien hes ik mitbrocht.“

„Ach, Herr Bestmann,“ sagt de Ol, „dat's man so so. De Zinsen liegt parat, un för Afbetaling het min Söhn sorgt. Awer mit den Rest, hoff ik, ward Se töbn.“

„Dat kann't nich, Meister Jans“, sagt Bestmann. „Ik brukt jezt veel, veel Geld. Scheepfahrt un Handel liegt ja bie den verdrehten Krieg ganz still. Ehr Söhn, segn Se? Ik meen, de is uk mit in den dumm Krieg lopen,“ un darbie seeg he Hans so'n beten von haben an.

Hans war öwer un öwer rot. „De Frieschärler sünd entlaten,“ sagt he. „Ik nehm min Geschäft weller op.“

„Ik wull, dat ik dat uk kun,“ sagt Bestmann. „Denn seht Se dat nu wul uk in, dat dat en dumm Krieg is. Se harn ja uk nich nödig hatt, mittolopen.“

„Wenn dat Vaderland in Gefahr is,“ sagt Hans, „denn denk ik, mutt sik jeder melden.“

„Weer dat denn in Gefahr?“ frög Bestmann un seeg em von de Sied an un lach

„Dat denk ik doch.“ sagt Hans; „de Dän' wulln dat ja twei rietn, wie de Koopmann en Stück Rattun, un Orla Lehmann wull uns gar mit blaue Striemen op den Buckel schriewen, dat wi Dänen weern.“

„Wat Se nich all weet,“ sagt Bestmann. „Weet Se denn uk, dat König Friedrich uns' rechtmäßige Herr is, un dat Se bie de Konfirmatschon den Raspelvagt de Hand darop gewen hebt, den Landsherrn tru to deen?“

„Ja,“ sagt Hans ruhig, „dat weet ik uk. Awer de Kopenhagener Pöbel har den König man in de Gewalt, dat he uns nich schüßen kann.“

„Dat's so'n Aftatensnack,“ sagt Bestmann. „Wer het denn uns' Scheep un unsen Handel bet her schüzt, op't Meer un öwert Meer? De dütsche Flott velleicht, de nu bud' wardn schall? Ne, junge Mann, dar verstaht Se nichts von.“



„De dänſche Flott iſ ja uf för uns' Geld mit hud wordn,“ ſegt Hans; „awer nu brukt ſe de Flott gegen uns un ſcheet uns de Knaken toſchand, un wen ſe gefangen nehmt, ſlept ſe na de Dronning Maria.“

„Natürli,“ ſegt Beſtmann, „wi ſett uns ja uf op gegen den Mann, de uns' rechtmäßige König iſ. Meent Se, dat de Preußen dat anners maken würd'n, wenn ehr König uns' Herr weer?“

„Ik will ja uf nich preuſch wardn,“ ſegt Hans; „wi ſünd dütsch un wüllt dütsch bliwen, un dat iſ uns' Recht, un wer uns dänſch maken will, de het dat nich blot mit uns, de het dat mit ganz Dütschland to dohn. Uns' Recht mut uns bliwen.“

„Wenn dat man wahr ward,“ ſegt Beſtmann. „Wi wüllt uns um dit Recht nich ſtrieden un lewer von min Recht ſnacken. Min Recht ward mi wol bliwen. Ik heſ ja den Schuldschien un darna heſ ik en Recht op Geld, un min Geld mut ik brufen.“

„Se ſchüllt Ehr Geld uf hebn,“ ſegt Meiſter Jans. „Awer hüt könnt Se noch nich allns kriegen.“

„Ik weet,“ ſegt Beſtmann, „dat's hüt ja Sünndag, awer morgen. Wenn ik dat morgen nich krieg, denn verflag ik Se, un uns' Landvogt urdeelt raſcher as dat dütsche Parlament, adjüs!“ nn darmit güng he ut de Dör, ſteeg op'n Wagen un föhr af.

As Klas nu rinner köm, ſeeten de heidn Jans, Vader un Söhn, ganz belemmert an 'n Diſch un ſegn keen Wort.

„Manu,“ ſegt Klas, „wu iſ't wordn?“

„Dat's all ut,“ ſegt de Meiſter, „he will morgen ſin Geld hebn.“

„Na, denn man to,“ ſegt Klas, „wu ſchüllt wi dat maken? Denn mut ik man gliest mal na Hinners Martens un fragen, ob he nich helpen kann.“

„Uu ik gah na'n Kramer,“ ſegt Hans; „de junge Peters iſ min Schoollkamerad, vellicht kann de helpen.“

„Denn gah ik uf op de Söt," segt de Ol. „Ik gah na un' Sparfaß, ob ik dar nich wat lehnt kriegen kann."

Do störrt awer Fru Jans in de Dör. „Ik hef dat all' hört," segt se un ween. „Wat wüllt wi nu maken?"

„Wi wüllt Geld söken," segt de Meister. „Wi möt uns spoden," un darmit sett he sin Hot op un löp rut.

Hans un Klas weern uf nich to holn. „So Gott will, schaff ik Rat," segt Klas. De Olsch weer alleen un sett sit in 'n Sorgenstohl un ween ehr bitterlichen Thran. „So'n rieken Mann het doch gar keen Hart," segt se. „Schull he dat wul weten, dat min Hans Hanchen ehrn ersten Mann is? De em dat vertellt het, de het uns den Tang affagt. Awer wenn wi dat Geld tosam kriegt, denn will ik . . ."

Do war dar ankloppt un Hanchen tred in oder vel mehr, se hinf herin un Fru Jans stund op un wisch sit mit den Platen öwer dat Gesicht un segt: „Min Hanchen, wat hinkst Du denn? Hest Di den Foot verstuft?"

„Ne, Fru Jans, blot den Stewel," segt Hanchen. „Ik glöw, Ehr Mann is schuld daran. De störrt mi eben vörbie un schul mi an, as wenn he mi gar nich kenn. Ik glöw, he arger sit öwer de hogen Hacken an min nie'n Steweln, de ik mi in 'n Laden köst hef, un de een Hack het sin bösen Blic nich verdregen kunnt un is glief darop vör Wut affprungn. Sehn Se man," un darmit höl je den lütten Foot in de Hüch un lach.

„Kind," segt Fru Jans, „wu is dat mögli. Dat kummt von de ol Fabrikarbeit, dat ward man all so trechpappt. Dat's man en Glück, dat min Mann Din oln Steweln güstern abend noch trech reestert het. Dat het em wul all ahnt. Kannst de nu doch antredn. Ik wüll ehr haln."

„Dat hef ik ut so dacht,“ segt Hanchen, un Fru Jans löp na de Warfstell un brocht de oln Steweln un Hanchen trock ehr an.

„De Schaden is kureert,“ segt se. „Awer nu segn S' mi mal, Fru Jans, warum heb'n Se weent un warum störrt Ehr Mann mi so minschenschu vörbie? He wüll doch op sin oln Dag' nich von Ehr lopen?“

„Ne, min Dochter,“ segt Fru Jans, „wi hebt annere Sorgen,“ un darmit vertell se, wat se hört har, un ween darbie un leet den riefn Westmann keen god Haar.

„Min arm Jung!“ segt se. „Nu is he ut noch in den Krieg gahn un het sin Lewen för 't Vaderland wagt. Dar het he natürli ut keen Sied' bie spinn un keen Geld bie find' kunnt, un to 'n Dank ward uns nu dat Meß an de Aehl sett,“ un nu ween se weller los

„Ween Se man nich, Fru Jans,“ segt Hanchen. „Ehr Söhn is los un ledig un jung un ward endli wul ut sin Schulden kam, un Westmann itt dat ut nich so hitt ut, as he dat opfüllt het.“

„Ik har ümmer dacht un drömt,“ segt Fru Jans, „awer wat denkt man sik nich all trech.“

„Na, Fru Jans, wat harn Se sik denn dacht?“ segt Hanchen. „Schull he Gretjen Peters heiraten? de het ümmer veel von em holln un leet sik ümmer gern ehr Opgaben von em wiesen, wenn se de ut hülsz maken kunn, un de het ut de Mittel, sin Schulden to betahln.“

„Ne, Kind,“ segt Fru Jans, „dar hef ik noch nich eenmal an dacht. Du lewe Gott, is Hans denn velliicht grad darum na den Kramer gahn, wil de Gretjen ehr Broder is? Ne, Hanchen, dat 's nich möglich.“

„Wat harn Se sik denn dacht?“ frög Hanchen weller un seeg recht en beten benaut ut.

„Min Dochter,“ segt Fru Jans, „wat denkt un brömt man nich all? It har ümmer dacht — It har ümmer dacht — de ol Bullmacht har em dat schenkt, eher he sin Dgen todeh.“ Se har egentlick wat anners dacht, dacht nu awer daran, dat se Klas verspraken har, se wull swiegen.

„Dat har he uf dohn kunnt,“ segt Hanchen. „Sin Arwen weern ja meistens rieke Lüd. It glöw sogar, de rieke Westmann het noch en Strang kregen.“

„Natürli het he dat,“ segt Fru Jans, „he giff em man nich weller rut. Dar kummt ja grad de Schuld bie em her.“

„Awer darum verzagen Se man nicht,“ segt Hanchen. „Meister Jans is in 't ganze Dörp god anschrewn. He find' wul en goden Frönd, de em helpt.“

„Min arm Mann!“ segt Fru Jans. „Dag un Nacht het he arbeit un it hef spart un dahn, un nu kummt de Geldsack un driewt uns ut de Kat, un wi könnst sehn, wo wi bliewt,“ un do ween se noch duller.

„Ach, Fru Jans, Se ward nich utdrewn. Wu hoch belöpt sif denn die Schuld?“ frög Hanchen.

„It glöw, dat sünd twölshunnert Mark. Denkt mal, twölshunnert Mark! Hans sin Scholstell brocht allns in allen kum 600 Mark, un he schall doch uf lewen. Wuveel schall he da von öwer hebn, um Schulden to betahln? Wenn he de Zinsen opbringt, denn is dat all nog, un wenn wi dat Raptal betahln schüllt — glief op 'e Stell, denn möt wi den Kram verlopen,“ un do ween se welleit.

Do fung Hanchen uf an to ween un kunn gar keen Wör mehr find', um de ol Fru to trösten un beide ween ganz still för sif hin. Endlich schien Hanchen awer wat intofalln. Se trock ehr Taschendoß rut, wisch sif de Dgen un seg: „Dat ward wul noch all god warden, Fru Jans. It will mal mit Fru Martens spreken. Laten Se den Mod man noch

nich sinken Uns' Herrgott lewt noch," un darmit gew se ehr de Hand un wull gahn.

„Min söte Hanchen," segt Fru Jans, „nimm mi dat man nich öwel. Ik hef Di wahrhaftig ganz von 't Kirchgahn afholn un Di mitreten in min Bedröwnis."

„Laten Se sik dat man nich verdreten, Fru Jans," seg Hanchen, „Witwen un Waisen in ehr Bedröwnis besöken, is ja de best Gottesdeenst. Nu man den Kopp hawen. Ik sprek mit Fru Martens, de sleit mi nichts af."

„Kind, Du büst god," segt Fru Jans un stund op un begleit Hanchen bet an de Port, un as Hanchen ehr loslaten wull, geew se ehrn Kuß un segt: „Uns' Herrgott mag Di biestahn — Du, Din nien Steweln schall min Mann gliet trech maken, wenn he weller kummt un de Lehrjung schall ehr hinbringn."

Hanchen hink nich mehr, as se weggung; awer dat gung sehr langsam mit ehr, obglief de oln Steweln ehr ganz bequem weern. Se möt de Schuld ganz los wardn, dacht se bie sik, un dat kann uk angahn. Ik wull man, dat Bestmann weller inkehrt weer bie uns. Denn kunn ik mit em sprekten, awer wat? Schall ik em birden — ne, dat geiht nich — schall ik — ja, dat geiht. Dat lekt End', de Barg, trock ehr höllisch in de Been. Ehr weer jümmers to Mod, as wenn se umsinken muß. Se höl sik awer ganz tapfer un kreeg de Husdör glücklich to faten un mal ehr liesen apen un tred' in 't Sittelsch.

Fru Martens köm grad ut de Rök, un as se Hanchen rintam seeg, löp se op ehr to un segt: „Min Hanchen, büst uk min best Hanchen! Verleer den Mod man nich. Herr Bestmann is hier; he will Di noch mal alleen sprekten."

„Herr Bestmann?" segt Hanchen. „Mi alleen sprekten? Ne, Fru Martens, dat kann nich angahn. Wo is he?"

„In de Stuw,“ segt Fru Martens, „bie Sinnerk. Sah Du man rop na Din Kamer, dat he Di gar nich süht. It ward' em nich segn, dat Du hier büst. It kam naher na.“

„Ne, Fru Martens,“ segt Hanchen. „Wüllt Se nich so god sin un mit mi ringahn na de Stuw? Denn kann Herr Bestmann mi segn, wat he will,“ un darmit fat se Fru Martens bie de Hand un gung na de Stuwendör un tred' in.

De beiden Herrn seeten an den Disch un sprung op un Hanchen verneeg sik un lä ehr Gesangbok op den Disch.

„Fräulein Hanchen,“ segt Bestmann un köm neger, „if much Se gern mal alleen spreken.“

„Warum denn alleen?“ segt Hanchen. Ehr Stimm bewer, se versocht awer to lächeln un fat Mod. „Herr un Fru Martens könnt uns' Heemlichkeiten ja gern hörn. Wat wünschen Se von mi?“

„Min lewe Hanchen,“ segt Herr Bestmann, „if will ja nich blot wat von Se hebn — if mnt Se ganz hebn. Segn Se doch ja. Se maht mi to 'n glücklichsten Mann op de ganze Ehr. Segn Se blot ja.“

„Glücklich mahten much if gern,“ segt Hanchen, „if hej awer noch min Utstür nich farrig. It hej gar noch Schulden to betahln; de Schedung von min ersten Mann ward noch allerlei kosten.“

„Wenn 't man nieder nichts is,“ segt Bestmann, „dar kam wi wul öwer hin,“ un darmit gung he op Hanchen los un wull ehr umfaten.

„Holt stopp!“ segt Hanchen, „laten S' mi min Bedingungen hier erst in Gegenwart von Tügen bestimmt angewen; wull weet, ob Se denn noch Lust heb'n.“

„Gar keen Frag,“ segt Bestmann, „if nehm alle Bedingungen in dörut an. En Mann en Mann, en Wort en Wort.“

„Nu denn,“ sagt Hanchen, „min erst Bedingung is en stille, ganz stille Hochtied, ahn Sang un Klang, un denn sobald wie möglich.“

„Nehm ik an,“ sagt Bestmann.

„Ik bring keen Utstür mit,“ fahr Hanchen fort.

„Nehm ik an,“ sagt Bestmann.

„Min erst Mann kriegt twölfsunnert Mark Aufstandsgeld,“ sagt Hanchen.

„Nehm ik an,“ sagt Bestmann.

„Denn bün ik Brut,“ sagt Hanchen, un geew Bestmann de lütte fine Hand, un Bestmann ret de ganze lütte bleeke Deern an sik un küß ehr op de Stirn un drück ehr an de Bost.

„Wu bün ik glücklich,“ sagt he un bög ehr den Kopp trüch un wull ehr küssen. Do gleeed Hanchen awer langsam dal, witt wie de Ralk an de Wand, un de starke Bestmann har sin Rot, ehr to holln, un Fru Martens sprung to, un se un Bestmann drögen ehr na 't Sofa un Hinnerk hal dat Glas mit Hoffmann'sche Drippens, un langsam, langsam köm Hanchen weller to Besinnung.

„De arme Deern,“ sagt Fru Martens, „dat kummt von so 'n Dwerfall,“ un darbie seeg se Bestmann vörwurfsvull an.

„Dat geiht all öwer,“ sagt Bestmann. „Min söte Hanchen, min Engel, süh wi sünd all hier. Ik hef Di gewiß to faß anfät; ik wüll dat uk nich weller dohn. Ik weet noch nich mit so 'n lütt fine Deern umtogahn.“

Hanchen richt sik op un lächel un fat em bie de Hand un segt: „Nimm mi dat man nich öwel, dat schall uk nich weller passeern.“

Bestmann sett sik vör ehr op 'n Stohl, dat se nich vöröwer falln kunn, wenn ehr vellich: weller wat anköm, un siechel bie ehr rum, wie bie en krank Kind. Hinnerk un Heet gung na 't Eittelsch un leten de Brutlud alleen.

In 't Sittelsch seet Klas Krüsen op 'n Stohl un töw op den Herrn, den he gern ins alleen spreken wull. He weer wat verlegen, wil Heet darbie stund, un dreih sin Müß in de Händ ümmer rund um. Endlich stund he op un gung an Hinnerk ran.

„Na, Klas,“ segt Hinnerk, „wull He mi spreken? Wat het He denn op 'n Garten?“

Do vertell Klas, wat he hüt morgen erlewt har, un frög, ob de Herr em nich helpen kann.

„Geld hef ik grad nich liegn,“ segt Hinnerk, „awer helpen kann ik. Bestmann is hier un het sit eben mit Hanchen verlobt. Ik will mit em spreken un wenn 't nich anners is, denn will ik mi för de Schuld verbürgen. Gah He man to Hus un seg to Meister Jans, de Sak weer in Ordnung.“

Wer weer vergnögter as Klas! He bedankt sit bie Hinnerk un segt: „Dat hef ik mi uk so dacht. Uns' Herrgott lewt noch!“ un darmit gung he ut de Dör.

Do tred Heet an Hinnerk ran un meen: „Hinnerk, dar mut een doch de Verstand bie still stahn! Weest wat? Ik glöw, wat Klas Di vertell, het Hanchen all wußt. Kopp em doch mal trüch.“

Hinnerk löp rut un Heet folg un segt to Klas, as he ranköm: „Weet Hanchen de Geschicht uk, de He eben an Hinnerk vertell?“

„Dat glöw ik nich,“ segt Klas. „Wo schull se't her heb'n? Wi hebt dat eben erst erlewt, un ik bin gliest mit Meister Jans un mit Hans wegrennt, um Hölp to hahn. Ik bin man erst noch mit na de Wisch lopen, as mi de Knech begegnet, um en Rnh ut'n Graben to trecken. Hanchen hef ik nich hört un nich sehn.“

„Na, denn is't god,“ segt Heet un ging weller mit Hinnerk in't Hus. As se in de Stuw köm, weer dat Brutpaar ganz fideel un Hanchen segt: „Dat's recht, Fru Martens, schicken S' mi man na de Köf.“



„It sitt hier as en Brut, de nüm's haln will,“ un damit stund se op, geew Bestmann en Ruß un gung mit Fru Martens ut de Dör.

„Du Bestmann,“ segt Sinnerk, „eben weer Alas Krüsen bie mi un vertell mi von den Schuldschien, den Meister Jans morgen bie Di inlösen schall. Kannst dar nich noch mit töben, het de Rappsaat döschd ward? It verbörg mi daför, dat de Schuld denn betalt ward.“

„Natürli,“ segt Bestmann; „if hef ja blot min Geld verlangt, wil de junge Jans mit in den Krieg gahn is, ahn antofragen, un argerli würd if erst, as he anfang klot to snacken un op sin Recht to puchen. Wat weet so'n Jüngling davon, wer bie den verdrehten Krieg recht het. Nu ward he wenigstens weten, wat min Recht is. It weet blot, wat if bie den Krieg verloor.“

„Dat's richtig,“ segt Sinnerk, „awer Geld verloor wi all darbie. Hans Jans frielich wul nich! de het awer sin Leben daran wagt. Mi dünkt, dat's ganz ehrenhaft; man süht doch, dat he sin Vaderland leew het.“

„Wi wüllu daröwer nich striedn,“ lenk Bestmann rasch in; „de Sak is asfalt. Jung, wu bin if glückli! Hanschen is 'n Prachtdeern! Din Fru het mehr ut ehr makt, as if denken kunn. Dat kann if gar nich betahln.“

„Man still,“ tusch Sinnerk. „Min Fru weet gar nich, dat Hanschen uns' Kostgängerin is un dat Du dat Kostgeld betahlst. Du wullst nich hebn, dat Hanschen dat weten schull, un if wull nich, dat min Fru dat wüß.“

„It weet nich, ob Du dar recht an dahn heßt,“ bemert Bestmann. „Süh, if kunn nich anners. Hanschen ehr Vader weer min Prolurist un Faktorist op St. Thomas un het mi fröher dat Geld schickt för ehr Grotinoder. As he stormen weer un nichts naleet,

wurd' se konfirmeert. Do hef ik ehr to'n erstenmal sehn un se het mi dat mit ehr groten brun Ogen andahn. Do hef ik mi dat vörnahn, för ehr to sorgen, ahn dat dat jemand wuß."

"Na, nu min Fru is erst recht en jemand," unnerbroch Hinnerk em un lach; „denn dörf de dat doch uk nich weten. Se weer ja vel unbesangener, as se seeg, ik har ehr meed, — un ehr Grotmoder uk."

"Dar magst Du recht hebn," versett Bestmann, „denn lat uns man wieder swiegen."

"Dat lat uns," fahr Hinnerk fort; „dörch uni' Swiegen is Hanchen ehr Hart gesund blewen un jaß worden. Dat Deen is för uns all am swersten to lehrn; dat Befehl un Herrschen geiht een naher licht von de Hand. Dat hef ik erfahrn, as min ol Vader in't Graff sunk."

"Dat weern oln goden Mann", sett Bestmann hinto; „de kunn uk öwer sit süls Herr warden."

Fru Martens weer mit Hanchen nich ua de Röt, sondern na de Kamer gahn. De Verlobung gefull ehr ganz un gar nich. „Hanchen, Hanchen", röp se ut, as se alleen weern, „wat heft Du maht? Verstand weer in Din Bedingungen, — awer dat Hart, heft Du dat Hart denn gar nich fragt?" —

"Ja, Fru Martens", erklär Hanchen; „grad min Hart hef ik de Verlobung zu verdanken. Ik wull glückli maken, hebn Se dat nich hört? Ik wull helpen, wu keen Minsch helpen kunn," uu nu vertell se, wat se bie Fru Jans erlebt har.

Heet hör ganz niep to un denn schüttel se den Kopp un segt: „Hanchen, Hanchen, man heirat doch nich, um anner Lüd to helpen."

"Dat is richtig", antwort Hanchen. „Man heirat, um glückli to maken, un ik maht mehr as een glücklich".

"Un an Di süls denkst Du nich", wend' Heet in. „Dat süht Di recht ähnli."

„Wer kann dat behaupten?“ segt Hanchen. „Ik bin so glücklich, wie de best Brut, wil ik glücklich maken kann, wat ik leew hef. -- Min gode Fru Martens, ik hef dat ja bie Se lehrt. Passen Se man op, dar schall nichts an fehl’n.“

„Un Din erst Mann? — Hanchen, Hanchen“, warschu Fru Martens, „wenn de Fru ünner an den ersten Mann denkt un von em spricht, denn is dat Glück von den tweten Mann bald all.“

„Un dat, meen Se, ward’ ik dohn? Ne, Fru Martens, ik weet, wu sik dat hört. Ik hef drömt, de Drom is ut. Ik bün Bestmann sin Brut un „so Gott will“, segt Klas Krüsen, bald sin Fru.“

„Wenn Du dat nich weerst, much ik dat Lichtsinn nenn, awer vellicht —“ Fru Martens brok af, schürr mit den Kopp un gung rut.

Hanchen slöt ganz ließen de Dör af und sett sik op’t Bett un fung an to ween un nähm Affscheidung von all de häbschen Biller, de se sik towiln in Gedanken malt har, un von de söte Eck. Dar kunn sik ja Gretchen nu setten un taken un eten un küssen un glückli werden un dat weer ja denn uk ehr Wark, uu denn sohl se de Händ und bed, wie ehr Grotmoder ehr dat lehrt har: „Hilf, Gott, alle Zeit; mach’ uns bereit zur Ewigkeit!“ un denn stund se op nn wusch sik und segt: „Gottlof, nu is de Drom ut un ik weet, wat ik will, un will, wat ik weet“

As Fru Martens int Sittelsch tred, stund Johann Ahlers dar un snack mit ehrn Mann.

„He is hüt m-m-morgen inslapen“, segt Johann, „u-u-un nich weller opwakt. Ik k-k-köm dor vörbie, do k-k-klopp Stin Magret an’t Fenster un röp mi rin. Dat T-T-Testament leeg op’n Tisch un ik seeg man eben rin, un d-d-do stund dar, d-d-dat Din Hanchen den Din sin Vermögen arwen schull un D-D-Du m-m-mugst sin Testamentsvollstrecker wardn. W-W-Beer uk en grot Siegel ünner. Stin Magret meen, ik

m=m-muß Di dat gliet segn, d=d=dat Du de Saken afhaltst. Ol M=M-Muckert har ehr dat segt, ehr he inslapen weer". „Ja“, segt Hinnerk, „denn gah ick mit Di. Lütt Fru, Du entschuldigst mi wul bie unsen Besöf.“

„Natürli,“ segt Fru Martens, denn dat paß ehr grad, un as de Männer weg weern, gung se na de Stum.

„It mutt Hinnerk en Ogenblick entschülligen,“ wend se sit an Westmann. „He is eben afhalt worden, wil de ol Muckert stormen is; de het Hanchen sin ganz Vermögen vermaakt un Hinnerk to 'n Testamentsvollstrecker insett.“

„Ol Muckert?“ frög Westmann, „wer is dat? Weer dat en Seemann?“

„Ja, wer dat eigentlich is,“ segt Fru Martens, „dat weet hier wul nümms. He süls het mal to Hinnerk segt. he weer Koptein wesen.“

„Ne, wu is 't möglich!“ röp Westmann lut, „dat is gewiß min Koptein, de fröher för mi na St. Thomas föhr. De is mi ganz ut de Ogen kam. He is in Glensborg afgahn, wil em Fru un Kinner vör sin Ogen in den Hawen verdrunken sünd. As se em sin Familie ut 't Water fisch harn, do het he se begraven laten, het allns verköft un is afreist, keen Minsch wuß, wohin.“

Fru Martens un Westmann seten beid' en ganze Tied un segn keen Wort. Se dachten wul allbeid' an den harden Schlag, de den Oln drapen har un den he nich har verwinn' kunnt.

„Dar süht man, wat so 'n plözligen Öwerfall anrichten kann,“ klag Fru Martens un sweeg denn en Ogenblick. „Westmann, Westmann,“ sett se denn hinto, „wenn Hanchen vörhin man nich ut toveel kregen het. It much rein mal hin un mal nasehn; awer erst much ik Se wul um etwas bitten, um ganz wat Swares, Herr Westmann.“

„Na, Fru Martens, wenn Se etwas von mi wünscht, dat is Befehl för mi, denn Se hebt dat an min Hanchen dre duppelt verdeen. Ik hef se hier ünnerbrocht, wil ik Se kenn un öwertügt weer, dat hier wat ut ehr warden beh. Ik wull —“

„Se hebt ehr hier ünnerbrocht, Herr Bestmann; unnerbroch se em; „dat is mi niks von bekant.“

„Na, warden Se man nich böß,“ bed Bestmann, „awer dat is so un ehr Mann kann mi dat betügen.“

„Nu ward't god,“ segt Heet, „min Mann? De ehr von ehr Grotmoder meed het, wo ik süls bie wesen bün?“

„Ja, Fru Martens, ik hef dat ja nu süls utpludert, wat he nich segn dörfst,“ segt Bestmann, „nu schüllt Se denn uk alles weten,“ un darmit vertell he ehr alles, wat wi all weet.

„Dar har Fru Martens ja gar keen Ahnung von hat, un dat arger ehr bienah; se kunn doch sanst fast dat Gras wassen hören. Un nu erst recht, dacht se un richt sik op as 'n Hehn, de ehr Rüken bedroht süht.

„Herr Bestmann,“ segt se, schall ik Se wat segn? Dat is brav von Ihnen, dat Se för dat Waisentkind sorgt hebt, wie en Vater för sin Dochter, un dat is sehr smeichelhaft för mi un min Mann, dat Se ehr in uns' Hus gewen hebt, un dat is sehr ehrenvull för Hanchen, dat Se ehr Hart un Hand schenkt hebt, awer — —“ Fru Martens schien dat rechte Wort nich find to könn.

„Awer?“ frög Bestmann beten beklemmt, „won so awer?“

„Ik meen,“ fahr Fru Martens fort, „dat weer noch vel braver von Se wesen, wenn Se de arm Deern de Frieheit laten harn, sik en Mann na ehrn Willn to söken.“

„Na, hef ik dat nich dahn, Fru Martens?“ plaz Bestmann herut. He wuß doch am besten, wu he sik sienw Jahr bedwung har, op ehr intowirken, un wu he

ehr doch nu uf blot fragt un höchstens beden har, em ehr Hand to gewen.

„Ne, Herr Bestmann, dat hebn Se nich dahn,“ segt Fru Martens streng, „un de Art un Wies, wu Hanchen Ehr Brut wordn is, mut Se dat wiest hebn, wu ungern se dat dahn het.“

„Wu so, Fru Martens? Wu so?“ frög Bestmann erschrocken.

„Wie'n Verlobung geiht dat doch ganz anners her,“ segt Fru Martens, „dar stellt man doch nich so 'n wunderliche Bedingungen un fällt denn in Ohnmacht“

„Dar hef ik in min Glück garnich an dacht,“ entschuldig Bestmann sit, „ik har ehr nich so faß an de Bost drücken schullt.“

„Ne, Herr Bestmann,“ meen Fru Martens, „de Druck het ehr nich schad. Dat weer ganz wat anners, wat Hanchen drück. Se hebt den oln Jans un sin Fru un ehrn Söhn bedroht, dat Se klagen wülln, un dat het Hanchen von Fru Jans erfahrn, von de se vel hölt, un ik glöw, se hölt noch mehr von den jungen Scholmeister, un do het se de, de se leew het, retten wüllt un daher stammt ehr Bedingungen. — Un nu kummt min Bitt, Herr Bestmann: Gewen Se ehr frie, denn seg ik: Se sünd de bravste Mann op 'e Welt.“

Dat weer to veel. Bestmann ward' ganz blaß un höl sit de Hand vör de Ogen.

„Dat kann ik nich, Fru Martens,“ stött he endlich herut, „dat kann ik nich.“

„Se mütt dat, Herr Bestmann, sogar to ehrn egen Besten. Wat wülln Se denn mit en Fru, de Se nich leew het, de man gedwung'n mit ehr geiht? Wüllt Se dat ansehen, wie Hanchen neben ehr verweltt wie en Ros', wie se lengt un smacht as en Nachtigall in ehr golden Bur, versurt un versort, wie de ol Roptein in sin Rat? Herr Bestmann, ik meen dat

god mit Se un mit Hanchen un Se meent dat doch uf god mit Hanchen!"

„Gewiß, Fru Martens," segt Bestmann. „Um ehrtwillen heß ik mi siem Jahr bedwung. Se is min Engel un min Popp. Ik will ehr op Händ dregen, ich will ehr glückli maken un wenn't uf min Leben kost!"

„Herr Bestmann, maken Se de Nachtigal mal glücklich in ehr golden Bur. Se itt nich un drinkt nich un fällt still von 'n Wiem. So könnt Se blot uf Hanchen glücklich maken," segt Fru Martens un sung an to ween.

Bestmann sweeg un kämpf mit sit süls. He wull doch Hanchen glückli maken un har all siem Jahr daran arbeit. Run un wull denn annerseen so för ehr sorgen, sit so för ehr opfern wie he? He wull ehr ja jeden, jeden Wunsch erfüllen. Jeden Wunsch? — Wenn se sit nu de Frieheit wünsch, wie de Nachtigall? Dat muß he weten. — „Du lewe Gott," segt he endlich un kunn dat kum rut bring, „geht dat denn nich anners?"

Heet antwort nich un ween. He har ehr ja uf nich fragt, un se wuß uf keen Mittel un Weg. He muß dat doch mit sit süls afmaken.

„Fru Martens," segt Bestmann endlich, „mögen Se Hanchen ropen? Ik mut ehr dat süls segn."

„Wat wulln Se ehr süls segn?" frög Heet.

„Dat se frie is," stött Bestmann herut un beet sit op de Lippen.

„Wenn 's sit man nichts andahn het," dacht Heet, un dat löp ehr bie dissen Gedanken ordentlich hitt öwer un ehr bewern de Kneen, as se opstund un na de Dör gung. Dat klung ganz unheimlich, as se röp: „Hanchen! Hanchen!"

Gottlos, se hör gliel, dat de Kamerdör apenflaten wurd, un Hanchen küm rünner, ruhig un seker. Singen deh se nich, wie se sunst wul deh, awer eben-

so ruhig wie sonst tred se in un segt: „Wat wünschen Se, Fru Martens?“

Dat schien, as wenn se siet hüt morgen — na de Verlobung — noch wussen weer. Dat köm wul von de hogen Hacken. Meister Jans sin Lehrbursch har ehr eben noch — grad to rechter Tied — de nien Steweln brocht, de he weller kureert har. Wu weer dat en smucke slanke Deern! Dat Gesicht so brun, dat Haar so swart un lockig, de Ogen so grot un dunkel, de Lippen so frisch, de Zähn so witt. Un wu nübli stund' ehr de swarte Rock, de mitte Blus', dat rote Band um Kneep un Hals un Locken! Bestmann, dat is Din und Du schallst se verleern? — Bestmann stund op un gung ehr entgegen.

„Min Hanchen,“ segt he, „nicht Fru Martens, — ik hef Di ropen laten. Fru Martens un ik wi hebt uns utspraken. Fru Martens het mi vertellt, dat Du Din Bedingungen opstellt hest un min Brut worden bist, wil Du en Unglück von Jans un sin Fru un sin Söhn afwenden wullst, — un wil Du dat nu süls kannst, nu de ol Koptein dot is un Di sin ganz Vermögen vermaakt het — —“

„De ol Koptein?“ full Hanchen em in 't Wort un fung bitterli an to ween. „Weer ik doch güstern man hingahn! Ik har em noch so veel to segn. He is ümmer so fröndlich gegen mi wesen, as ik noch to Schol gung. He nenn mi ümmer sin Stuarter un het mi all min Arbeit ricklich betahlt. De schönsten un besten Appeln het he ümmer för mi ophegt un nu kann ik em nich mal mehr danken. Is dat wirkli wahr, Fru Martens?“

„Ja, Hanchen,“ segt Fru Martens, „un Di het he sin ganz Vermögen vermaakt.“

„Ach, dat 's mi enerlei,“ segt Hanchen. „Dat kann min Grotmoder kriegen, de het ja an em ehr Stütt verlarn. Wenn de Ol man noch lew! Wat



hes ik von em holn un he weer dat uf weert. So'n goden Mann un de mut starwn."

„Na, min Hanchen, gönn em den Frieden, wo he sik gewiß oft na sehnt het. He weer 'n braven Koptein, as em: dat Unglück noch nich drapen har", sung Bestmann weller an; he wer ja ünnerbraken wordn.

„Kennt Se — kennst Du em uf, Bestmann?" frög Hanchen un ward 'n beten rot, dat se öwer dat Se stolpert weer.

„Ja," segt Bestmann, as har he dat gar nich markt, „he het fröher en Schip för mi na St. Thomas föhrt, as sin Fru un Kinner noch lewen."

„Har he Fru un Kinner?" frög Hanchen, „dat het he mi nie vertellt."

„De sünd in 'n Flensborger Hawen vör sin Dgen verdrunken," segt Bestmann.

„Ach Gott," seufz Hanchen, „de arme Mann! Nu kann ik uf begriepen, warum he so still un minschen-schu weer un keen Besök hebn much. De arme Koptein! Mi weer 't just, as wenn he min Vader weer," sett se hinto un sung weller an to ween.

„Din Vader hes ik uf kernt," segt Bestmann. „De weer min Faktorist un Proturist op St. Thomas un tru wie Gold. Dat weer jammerschad, dat he so fröh starwn muß, vel to fröh för mi un för Di; awer Din Schaden weer vel gröter. Du un Din Grotmoder verlörn den Versorger."

„Ach ja," segt Hanchen und seeg Bestmann ganz verwunnert an mit ehr groten Dgen. „St hes em ja gar nich kennt; awer Grotmoder het so vel weent un ik ween denn mit. Dat weer man god, dat Herr Martens mit do meden deh. Do har se doch min Lohn, un he geew ehr ümmer vel mehr, as bedungen weer; ik glöw, he het ehr jedes Jahr veerhunnert Mark given."

„Ja, weest Du, wu dat tosam hängt, Hanchen?“ segt Heet un ward ganz hell. Nu har se gar nichts mehr an Hinnerk uttosetten.

„Keen Ahnung,“ segt Hanchen; „wu denn, Fru Martens? Het de ol Koptein dar wat tolegt?“

„Dar steiht he,“ segt Fru Martens un smuster un wies op den Brüdigam. „Denk Di, Herr Bestmann het dat mit Hinnerk asfalt un Di hier as Kostgängerin unnerbrocht un ümmer dat Kostgeld für Di betalt — nu all fiew Jahr.“

„Bestmann, Bestmann,“ segt Hanchen, „un dat allns ahn mi to fragen? Dat is strafwürdig,“ un damit störrt se op em to un full em um den Hals un küß em, un denn fung se weller an to ween. Se wuß ja wol süls nich, warum?“

„So sünd de Männer,“ segt Fru Martens. „Denk Di, Hanchen, min Hinnerk het mi uk nichts segt un ik Schap hef nichts markt un hef Di denn natürlich Dag för Dag as min Deenstmädjn tyrannisiert. Dat 's ja 'n Unrecht, wat gar nich guttomaken is.“

„Gott, Fru Martens,“ segt Hanchen un störrt nu op de los un full ehr um Hals un ween. „Kunn ik dat wol beter friegen?!“

„Dat hoff ik doch,“ segt Fru Martens; awer se dacht an dat Versurn un Versorn un an de Nachtigall. „Wenn he se man gar nich flegen laten wull!“ dacht se. „Wenn Bestmann doch man swiegen wull von de Frieheit. Hanchen har doch lang nich so deep in sin Hart sehn, as se. Wenn de Deern nu —“; awer da schöt Bestmann all los un Heet seet wie op Kohn.

„Ja, Hanchen,“ segt he, un de Stimm weer bannig drang, as wenn man en Schuwlade apen treden mut, de ganz verquolln is un man ümmer so ruckwies wieder kummt, un darbie kummt gewöhnli allens tom Vörschien, wat sit da allmählig in ansammelt het. „Du heft ja nu süls Mittel — Du bruckst Di ja nich to verköpen, um Din Frönd to helpen — un

Fru Martens will dat uk, dat ik Di dat segn schall.“  
— Fru Martens schürr mit den Kopp, as wenn se segn wull: Ne, nu nich mehr — awer Westmann red wieder: „un wenn mi uk dat Hart bricht — wie den oln Koptein, as he allns verlör — dat mut herut, Hanchen — — Du schallst Din frien Willn hebn — heirat, wen Du wullt — bliew, — wenn Du dat för beter holst — bie Din erstn Mann.“

Westmann sin Stimm bewer un Heet weer blaß worden un Hanchen seeg de Beiden an wie Persetter fröher, wenn se mal ehr Lex nich wußt har. „Wat schall dat bedüden?“ segt se. „Meen Zi, ik wull noch mal weller anfang to dröm? En Mann en Mann, en Wort en Wort, heft Du segt, Westmann. Ik kann Di dat anhörn un Fru Martens dat ansehen, dat Zi heid nich segt, wat Zi meent. Denn mut ik Zu wul mal segn, wat ik meen, dat de Wahrheit an 't Licht kummt. Ik hün Din Brut un bliew dat un ik hün Din glückliche Brut,“ un darmit hung se sik an Westmann sin Hals un drück em — wuvon schull dat jünst kam sin? — dat em de Thran langs de Backen löpen.

„Na Rinner,“ segt Fru Martens un sprung op, „dat mag ik lieden. Nu gratuleer ik, awer recht von Harten; Hanchen, wu schall Hinnerk sik freun,“ un darmit drück se de beiden warm de Hand.

Hinnerk keem uk grad in de Dör „Na, wu geiht?“ segt he. „Ik gratuleer, Hanchen; Heet ward Di wul all vertellt hebn, dat Du — —“

„Dat Du uns Kostgängerin wesen un as Deenstmädjyn tyranniseert worden büst,“ unnerbrof Heet em, — „ja, se weet dat allns.“

„Din Fru heet nich blot Margarete,“ segt Westmann un lach; „se is uk een, en Perle, de ik mit min ganz Vermögen nich betahln kann.“

„Man still, man still,“ tusch Hinnerk, dat se dat nich hört Ik weet dat all lang, un darbie sat he sin

Fru um un geew ehr en Ruß, un Bestmann wull em nichts nageben un mak dat mit Hanchen ebenso. „Du bist min Perle,“ segt he, „die ein Kaufmann fand und verkaufte alles, was er hatte und kaufte diese Perle.“

„Süh, süh,“ segt Hinnerk, „if har gar nich dacht, dat Du so bibelfaß weerst. Awer Rinner, ol Muckert is dat uk wesen. Denkt mal, Timm Wittkohl het em mal Appeln stahln un naher Afbeed dahn un do het de Ol duusend Mark op de Eddelater Spartaß belegt op Timm Wittkohl sin Nam un de Zinsen ümmer toschriewen laten. Dat Boof schall if em gewen, sobald if em seeg. Dat will doch wat segn.“

„Ja,“ segt Bestmann, „dat har if nich sarri brocht“

„Dat seg nich to gewiß,“ segt Hanchen. „Du magst den jungen Jans uk nich lieden, un if glöw sogar —“

„Nu is 't nog,“ segt Heet un höl ehr de Hand vör 'n Mund; „de Rösck winkt, wi schüllt to 'n Eten kam.“

\*

\*

\*

Namittags sett Bestmann sit in 'n Besel mit sin Brut an 't Fenster, un de beiden glücklichen Menschen kinner seegen öwer de ganze wide Marsch, links na Brunshüttel un rechts na Eddelaf röwer, un dat keem ehr vör, as wenn dat wide, gröne, sonnige Feld sit mit ehr freu un as wenn all de Marschhöv na ehr röwer gröten un gratuleern.

Do fat Bestmann Hanchen ehr lütt Hand un segt: „Wat glöwst Du denn, Hanchen? As wi to Disch gung, do sä 'st Du ja: „Ik glöw sogar!“

Do neeg sit Hanchen mit ehr warmen, roden Lippen dicht an Bestmann sin Ohr un puß em wat to, wat he man ganz alleen hörn kunn.

„Natürlich!“ segt Bestmann lud. „Sal mi man en Scheer, en Breembagen un en Umslag; Tinte brukt if nich.“

As Hanchen torück kôm, nôhm Bestmann en Papier ut sin Breewtasch, wat tosam solt weer, un sneed dremal mit de Scheer deep herin, ahn dat Papier ut enanner to nehm, un dann nôhm he sin Bliestift un kriigel enige Wör' op de Rüksiet. Denn lang he na den Breewbagen.

„Ne, holt,“ segt Hanchen, „lat mi! lehn mi Din Bliestift.“

„Uf dat,“ segt Bestmann un drück ehr den Bliestift in de Hand.

Hanchen kriigel nu uf en paar Wör op den Breewbagen un geew em an Bestmann un de stek em denn mit dat anner Papier in den Umslag un Hanchen schreew de Adress darop: An Fru Jans.

Dann röp se een von de Dörpkinner, Thies Desau sin Dochter, de lütt Lockenliese, de op de Strat speel, drück ehr en Schilling in de Hand un segt: „Bring den Breew mal flink hin na Fru Jans!“

Fru Jans har sik all lang weller besunn. Toerst weer ehr Mann to Hus kam un har segt, Geld kunn he kriegen, sovel, as he hebn wull, wenn he en goden Börger stell; den wull he nu söken. „Man nich gliet,“ bed sin Fru. „Erst mußt Du Hanchen ehr Steweln trechmaken, de nien, de se hüt morgen brocht het. Un denn möt wi doch erst hörn, wat de annern utricht hebt un Hanchen. De wull mal mit Fru Martens verhandeln.“

„Dat 's uf wahr,“ segt de Meister; „denn maßt ik mi erst öwer de Steweln her,“ un damit güng he na de Wartstell.

Denn kôm Klas un as de Bericht afftatt har, weer Fru Jans en beten verstimmt; de Meister awer weer froh, dat he nu keen Börger mehr to söken har. He sett den Stewel in Stand un schick den Lehrjung damit na Hanchen. „Wenn se sik verlobt het,“ segt Meister Jans, denn kann se doch nicht den ganzen Dag op de ol'n Steweln rümperdn.“

Hans köm erst ganz tolekt, so dat se to Disch gahn müssen, wenn dat Eten nich ganz kolt warn schull. Se tred erst in, as se Kaffee drunten, un dat mit en gonz roden Kopp.

„Na,“ segt sin Moder, „un Du? Wat het Di denu so lang opholn? Du heft ja en ganz roden Kopp — heft Du vellicht all hört, dat Hanschen sit nu doch mit Bestmann verlobt het?“

„Ne,“ segt Hans, „het se dat?“

„Ja,“ bestätig Klas, „dat het se — Sinnerk Martens het mi dat vertellt.“

„Dat freut mi,“ segt Hans, „denn sünd wi ja beid glückli. Jakob Peters will Börg wardn. Vader kann dat Geld op de Sparkass opnehm.“

„Dat 's nich mehr nödig,“ segt Klas, „Sinnerk Martens will dat mit Bestmann afsmaken.“

„Hurra!“ schrie Hans, „dat 's noch beter. Ey Regen folgt Sünnschien, Moder,“ un damit sat he sin Moder um un geew ehr 'n Kuß.

„Jung, segt se, „Du büßt jawul duhn! Heft Du kie Jakob Peters wat drunten?“

„Dat heft Du rad, Moder,“ röp Hans; „wi hebt düchtig fröhstückt un en Buddel Mosel darbie drunten.“

„Wu köm denn dat?“ frög Fru Sans; „weer Gretjn denn uf dar?“

„Ne,“ segt Hans, „meenst, dat wi dat nich ahn ehr kunn? De is güstern na ehr Tante in Hamborg reist mit Schipper Engelbrecht in Brunsbüttelhaven. Awer ehren Geburtstag het se hier laten; den heft ik mit Jakob fiert un em darbie von 'n Krieg vertellt.“

Da ward da kloppt un de lütt Desau köm rin nu brocht den Breew un gung denn weller af. Hans har em in Empfang nahm.

„An Fru Sans“, les' Hans un lang em röwer na sin Moder.

„Kannst 'n mi vörlesen,“ segt Fru Jans; „it hef min Brill in de Rök vergeten.“

Hans maek den Umslag vörsichtig af un nöhm den Inhalt herut un lä de Papiere op 'n Disch.

„Wat is denn dat?“ frög Fru Jans; „de grote Bettel is ja ganz kaputt sneden.“

De Meister beseeg em un plück em ganz behutsam ut enanner: „Dat is min Schuldschien,“ segt Jans; „süh hier mal, Klas, dat het Westmann egenhändig opschreewen: Dankend empfangen! Wu kannt angahn?“

„Un dat anner Blatt? steiht dar uf wat op?“ frag Fru Jans.

„Wüllt mal sehn,“ segt Hans un nöhm dat ebenso behutsam utenanner. „Ja, dar steiht op: Mit Gruf und Ruß Ihr glückliches Hanchen, un dat Wort Ruß is ünnerstrefen.“

„Dat is ja wunderlich,“ segt Fru Jans; „dat kann man ja gar nich begriepen. Is dat vellicht de Ruß, de op dat anner Blatt stahn schull? Hans, denn hört he Di. Du weerst ja ehr erste Mann.“

Hans lach un Klas segt: „Wie Gott will! Dat is doch ümmer beter, wenn 't na sin Willn geiht un nich na unsen.“



### III.

## Erstchen Peters un ehr Tante.

Fru Peters oder „Frau Kapitan Peters“, wie se dat lewer hör, har nich ümmer so'n gode Umständ hatt as jezt; awer se weer fröher doch vel vergnögter un redseliger wesen.

Se stamm ut Travemünde, dar weer ehr Vader Dischermeister wesen un har in'n Sommer towieln en Badegast in Loshie hatt, den riek'n Koopmann Bösenberg in Hamborg, un so weer em dat gar nich swar wordn, siß mit sin Fru un sin Dochter dürtoslag'n. Se harn all dre arbeit', un wenn en Minsch man arbeitn mag, denn ward em de Tied nich lang nn dat Leben nich to Last.

As de ol Bösenberg dat letzte Mal bie den Dischermeister wahnt har (Kinner harn se nich, de bie ehr an 'n Strand rumspeeln kunn), do harn se bedn, ob se nich de lütt Lena, de jüngste von ehrn Weert sin Döchter, mittrieg'n kunn na Hamborg. Se weer ja öwer veertein Jahr old un den letzten Ostern konfirmeert wordn, de muß ja nu doch von'n Hus'. Se wull'n ehr as Kleenmäd'jn anstellen un ehr en god Lohn gewen, veertig Daler, un denn Jahr um Jahr fiew Daler toleg'n.

Dat weer ja eigentlich en sehr godes Angebot, denn vel mehr verdeen en Dischergesell damals nich; awer Fru Meisterin wull doch gar nich gern darop ingahn un het siß lang' bedacht, bet Lena süls tolegt den Utslag geew, as Bösenberg sä, dat se jedes Jahr



in de Badetied veer Wochen Urlaub hebn schull, um ehr Öllern to besöken. So köm Lena na Hamborg un ward' Kleenmädjn bie Bösenbergs op de Uhlenhorst.

Dat mut man Lena awer laten, se weer en düchtiges un flietiges Kleenmädjn un höl sit ganz genau an dat, wat Fru Bösenberg wünsch un wull, un darbie har se bald ümmer noch Tied, etwas to dohn, wat nich ehr Fach weer. So holp se jeden Dag de Rößsch bie't Schüttelwaschen un Gtenkaten un lehr bald sovel von de Raffunst, dat de Husstand gar nich stoß. wenn de Rößsch mal krank weer, un as de Rößsch sit in't drütte Jahr mit en Maschinisten verheiraten deh, nöhm Fru Bösenberg Lena as Rößsch, un Herr Bösenberg lä' ehr för dit Jahr noch twinti Daler to, un darbie schull dat doch bie de ol Mod bliewn, alle Jahr fiew Daler totolegn, damit se sit man jo nich verännern schull.

So weer Lena twintig Jahr bie Bösenbergs blewen un har von de Welt nich veel mehr kenn lehr, as Travemünde, Lübeck un Uhlenhorst; awer se har sit, wie man domals sä', en schön Schilling Geld erworben. Ehr Vader un Moder weern in de Tied storm, un Herr Bösenberg, de ümmer ehr Geld, wat se trüchlä', na de Sparfaß brocht, maß nu uf de Armschop to Geld un leg dat bie ehr verdeentes Geld un löt jedes Jahr de Zinsen un den Demerschuß toschriewen. As bald darop uf sin Fru storm, do much he sit erst recht nich von Lena trenn; do war se sin Husholdersch un muß em verspreken, dat se bet an sin End bie em bliewn wull. He wull denn uf wul för ehr sorgen, un an den lekten Dag von dat twintigste Jahr, as he Zinsen un Demerschuß toschriewen löt, do har de Raffierer an de Sparfaß grote Ogen maßt; denn Bösenberg har do noch uterdem teindusend Mark toschriewen laten. Do storm awer uf de ole Bösenberg bald un Lena har 24 000 Mark in ehr Sparboß, un de Sparfaß refen na Banko, dat weern

also 30 000 Mark Courant, un dar kunn se ja god von lewen — awer alleen.

In'n August söcht se sit nu en Wahnung, un darbie köm se in allerlei Hüser. un eenmal uf in en Hus, dar wahn en Mann, de dat Geschäft har, junge Lüüd' tosam to bringen, de keen Gelegenheit harn, en Fru oder en Mann to findn, de awer doch gern heiratn wulln, un as disse Mann hör, dat Lena en Einzelwahnung söcht, wu se ehr Geld lewen wull, do mak he ehr glief den Börslag, sit to verheiraten. He kenn en Mann, de sin Brot har, en Hafenlotsen, de früher as Koptein föhrt har, en netten Mann, höchstens siem un veertig Jahr old. Den schull se sit man mal ansehen.

„Wo ist er denn zu sehen?“ sagt Lena.

„It wüll Se em wiesen,“ sagt de Mann; „gahn Se man morgen namittag um veer op'n Jungfernstieg hin un her, dat is ja Sünndag. Denn gah it dar uf mit em op un dal; denn könnt Se em ansehen. It ward' Se gröten, as wenn it Se all lang kenn. un denn stell it Se den Herrn vör un wi gah dar en beten spazeern; un wenn he Se nich gefallt, denn könnt Se ja afgangh un denn is dar ja uf wieder nichts bie. Gefallt he Se, denn könnt wi ja uf en beten na 'n Alsterpaviljou gahn un en Taß Kaffee tosam drinken, un denn könnt Se uf noch dohn un laten, wat Se wüllt.“

„Das ist alles recht gut,“ sagt Lena; „awer erstlich ist doch die Frage, ob er mir auch leiden mag, und zweitens spreche ich am liebsten hochdeutsch.“

„Wat den ersten Punkt bedröpt,“ sagt de Mann, „dar twiesel it gar nich an. So 'n frisches, junges Mädjn, un denn nich lieden mögen — dat kummt ja gar nich vör un wat de Sprak angeiht, hochdütsch kann he uf, hochdütsch wie't iu't Bok steiht, seg it Se.“

„Denn könnten wir das ja mal versuchen“, meinte Lena, „denn vor das Alleinwohnen graut mir doch etwas.“

Se stund jüs vör den groten Spegel, un de geew den Mann Recht: en hübsche, frische Deern weer se doch, wenn uk nich so jung, as de Mann vellicht dacht. De Rössch weer uk all twee un dörtig wesen, as se sik verheirat har, und de Hafenlott' weer ja uk all fiem un veertig."

Lena gung also Sündagnamittag na'n Jungfernstieg un wandel dar um veer op un dal un seeg natürli all de Herrn an, de ehr begegn. Dat dur uk nich lang, do seeg se den Mann von güstern mit en annern langsam heranslenderen, de weer sehr fein antrocken. He har en dunkelblauen Antog an, en saubern, wittn Kragen vör un en blaue Mütze op mit 'n geeln Rand. Dat ward he wull fin, dacht se un föhl, dat ehr dat Blot in de Backen schöt.

As se an de beiden Herrn vörbie gahn wull, harn ehr'n Frönd sin scharpen Ogen de „züchtigen Wangen" all sehn; he bleew stahn un segt: „Na, auch en bißchen hier; das Wetter ist ja auch zu schön", un denn wies he op sin Begleiter und segt to Lena: „Mein Freund, Herr Kapitän Peters," und denn wend' he sik an den un segt: „Fräulein — —" do stoß he. He har wahrhaftig vergeten, na ehrn Nam to fragen. Dat weer em in sin Praxis noch nich vörkam. „Lene Lohse," hauch Lena.

„Wie ist man doch tovielen dämlich!" fög ehr Frönd hinto un lach; „man vergißt ja wohl noch seinen eigenen Namen. Ich muß mir das nur anschreiben. daß ich Hansen heiße." Do lachen se all dre un so köm de Unnerholung bald in Fluß. Se kehren erst mit Lena nm, un Lena gung denn mit ehr op Käpn Peters sin Inladung na 'n Alsterpavillon un se setten sik an 't Water ganz in de Eck, wo Sünn un Wind nich ankam kunn un de Frönd bestell Raffee un Koken und weer utlaten fideel, dat he den schönen Sündagnamittag hier so angenehm verleben kunn. De Koptein ward uk ganz redselig, obglief dat

bie de Seelüd blot Mod is, wenn se ünner sit sünd, un vertell allerlei von sin Reisen, de he na England maht har, as he noch Steentahln föhr för Bösenberg.

„För Bösenberg?“ frög Lena. „Ist das der Kaufmann, der drüben gewohnt hat auf die Uhlenhorst? Den seine Haushälterin bin ich in die letzten Jahre gewesen.“

„Ganz richtig,“ sagt Käpn Peters. „Da wohnte er. Wir können das Haus beinahe von hier sehen. An den Zweiten Vorsetzen hatte er ein großes Kohlen-geschäft. Nein, wie mich das freut, daß wir früher für einen Herrn gearbeitet haben!“

Diese Entdeckung schien Lena ut nich unangenehm to wesen; se ward ordentlich hell.

„Und was für ein netten alten Herrn,“ sagt se. „Als er vor zwei Jahr sein Geschäft verkauft hatte, da neckte er mich und sagte, er müßte mich nun auch entlassen. Ich könnte ja nach meine Heimat zurück-gehen, er hätte mir von meinen Lohn und Erbschaft ungefähr 20 000 Mark zusammen gespart und auf die Sparkasse belegt. Ich sollte ihm denn Quartier be-stellen im Badehaus. Ich stamme nämlich aus Trave-münde. Do kam ich bei und holte ganz still meine Reisetasche und ging damit wieder hinein und fragte ihm, ob ich auch seinen Reisekoffer erst packen sollte. Da lachte er und sagte: „Nein, Lene, das war mein Ernst nicht. Just, wir bleiben zusammen.“ Warum er Just sagte, das weiß ich nicht. Er nannte mich sonst immer abwechselnd Lena und Lene. Ich sagte denn: „Mein auch nicht, Herr Bösenberg,“ und da sind wir zusammen geblieben, bis er am 5. Juli ge-storben ist, gerade an den Tag nach meinen Geburts-tag, und bis zum 1. Oktober kann ich noch auf seine Villa leben und wirtschaften wie früher, und denken Sie sich, er hatte mir doch schon am letzten Tag im vorigen Jahr 10 000 Mark auf die Sparkass zuschreiben

lassen, und das hat er mir erst einen Tag vor sein Ende gesagt.

„Ja,“ sagt Råpn Peters; „das war brav von dem alten Herrn; ich habe auch immer gern für ihn gefahren und nie Streit mit ihm gehabt.“

„Streit!“ sagt Lena, „Streit kannte er gar nicht; das ging immer so still her in sein Haus, wie in die Kirche. Ich sagte auch natürlich nie mehr als ich mußte.“

Un so snacken se denn wieder von de Vergangenheit, von Bösenberg sin Wief’ un Bedrief, un wat Lena all to dohn hat har, um den Oln dat gemütlich to maken un de Frönd misch sit erst weller in ’t Gespräch, as dat stocken wull, un he brocht denn de Gegenwart op ’t Tapet.

„Beter is beter,“ sagt he; „entschuldigen Se, it snack am leewsten plattdütsch; dat geiht mi beter von de Tung, wil min Hart uk dörch un dörch plattdütsch is. Se sünd nu doch ehr egen Herr, Fräulein Lohse; dat ward Se doch bald beter gefallen, as op de Uhlenhorst in de Villa, un Råpn Peters is Staatsbeamter un ümmer an ’t Land, dar lewt sit dat doch beter, as op See.“

„Dat stimmt,“ sagt Råpn Peters.

„Bei mir doch nicht ganz,“ sagt Lena. „Ich hätte doch den alten Bösenberg seine Wirtschaft noch lieber weiter geführt. Das giebt jetzt allerlei Sorgen und Sachen, wo ich früher nichts mit zu thun hatte.“

„Ach was!“ sagt de Frönd, „denn können Sie sich ja nur einen braven Mann suchen und seine Wirtschaft führen.“

So snacken se wieder un wieder, un as Råpn Peters endlich opstund, wil he noch mal na’n Hawen rünner muß, dank he för de angenehme Unnerholung un bed um de Ehr un dat Vergnügen, de Zech to betahln. Dat wull de Frönd toerst dörchut nich hebn un geew dat tolest erst ünner de Bedingung to, dat he sit morgen revangscheern dörf. „Denn drap wi

uns hier morgen Kloß söß," segt he, „un gahst von hier na 't Thalia, da ward morgen en lustiges Stück gewen." Dar har denn ut keener wat gegen un ut Lena nöhm dankend an; se weer in 't Thaliatheater ut noch gar nich wesen, segt se.

As se awer den annern Abend von dat Thalia-theater weggüng un na de Uhlenhorst spazeern, um Lena to Hus to begleiten — se harn dar 'n Stück sehn, wo en böse Swiegmutter in vörköm — da segt de Frönd: „Mi dünkt, Si beiden paßt recht tosam. En böse Swiegmutter kann Si Glück nich störn, wil Si keen hebt. Bi Si ward in de Flitterwochen de Himmel vull Geigen hang un Si ward em wul för 'n Dudelsack ansehn.“

„Un de Woch weer noch nich ganz to End, do weer Lena Lohse Käpn Peters sin Brut un de „Hamborger unpartheiische Korrespondent,“ den Lena von Bösenbergs her all kenn, wil se de Geschichteu darin lest har, wenn ehr Tied dat tolöt, de „unpartheiische“ also posaun dat Sündags in alle Welt, un as Lena am 29. September de Bösenberg'sche Villa op de Uhlenhorst verlöt, da trock se in ehr egen Wohnung, natürlich mit Käpn Peters. Ehr Hochtied harn se ganz still fiert nu wo? In Frönd Hansen sin Hus, wil Lena dat wünsch har. Käpn Peters har Eten un Wien ut 'n feine Restoratschon besorgt un Hansen har den Platz hergewon un daför mit sin Fru miteten un ut en schöne Red holn un dat op hochdütsch. Wer de Red maakt har, dat sä Hansen nich, dat weer sin Amtsgeheimnis. Ut sin Hart kunn se ja nich stamm, dat spröck ja plattdütsch. Jakob Peters, wull segn Käpn Peters, har sit fein bedant, ut op hochdütsch. „O zarte Sehnsucht,“ segt he, „süßes Hoffen! der ersten Liebe goldne Zeit! das Auge sieht den Himmel offen, es schwelgt das Herz in Seligkeit — und der uns diesen Himmel aufgeschlossen hat, den wollen wir leben lassen und seine Frau mit ihm!“

Hoch!" Un da stötten se an un Lena weer wirkli ganz geröhrt von Jakob sin Ned; denn bie em kôm doch gottlos uf dat Hochdütsche ut sin Hart, dat weer ja gar keen Frag. He har ja mit ehr för Bösenberg arbeit, un bie Bösenberg kôm allns von Harten.

Nu kôm ja denn de Flitterwochen, wovon de Frönd segt har, dat en junges Ehepaar dann den Himmel för en Dubelsack ansüht. Na ja, meen Lena dat nich uf? In mancher Hinsicht mat de Oktober sit ja recht god; dar trocken awer doch uk all Wulken öwer ehrn Ehestandshimmel un dann full ummern Schatten in de Wahnung un in't Gemöt; dremal har Lena sit in 'n Oktober all argern mußt un dat veerte Mal har se dat kunnt, awer se har dat man nich wullt.

Dat erste Mal dat weer an 'n 3. Oktober. Do gungn se to Disch un Lena segt: „Ich habe heute Dein Leibgericht kochen wollen: Schwarzfauer mit Buchweizenklößen und Backobst; aber ich konnte kein Blut nicht kriegen, — da mußt Du Dir leider mit arme Ritter begnügen.“

„Na, dat schad nich“, segt Rāpn Peters. „Wer ehr nich mag, mut ehr dalslucken; en Hamburger Börger ward wol mit arme Ritters farrig ward'n. Wie sünd ja 'n Republik.“

Do meen Lena, so 'n hübschen Snack war noch vel hübscher klingn, wenn Jakob dat op Hochdütsch sä. „Bitte laß mir das mal hören“, sett he hinto.

„Ach wat, hoch oder platt,“ segt de Koptein, if snack wie mi dat in den Mund kummt. „I bin hungri, lat uns man anfangn to schaffen.“ „Zu schaffen?“ segt Lena, „was bedeutet denn das.“

„Na, dat segt wi opt Schipp ümmer, wenn wi eten wüllt,“ erklär Jakob, „un dat 's doch ein Wort, dat kannst gar nich hochdütscher maken.“

Do sä Lena wieder nichts; se het sit awer in ehrn Ehestand to 'n ersten Mal argert, wil ehrn Mann de hochdütsche Sprak nich höger stelln wull

aß de plattbütsche, un dat is doch gar keen Frag, dat Hochbütsche klingt vel gebildeter und finer.

Dat twete Mal weer dat an 'n 5. Oktober. Do maß se de lütt Stuw rein, wo ehr Mann sin Schriewerien in besorg, un ordn natürlich uf de Saken op 'n Schriewbüsch. Do leegen de Papiere dar so 'n beten bunt döör enanner un een Blatt leeg ganz unten un keef doch ganz näswies ünner den Steen rut, de op de Papiern leeg. Do keef se dar mal flüchtig rop, aß se em trüchschuben wull, un muß denn lesen, wat darop stund. Un wat stund' dar op? „Für Heirats-Vermittelung 300 Mk. Dankend empfangen. Hansen“. Se wull ehr Dgen nich truen. Dat gung ja gar nich an.

„Dat is nich för Eten un Drinken bie de Hochtied,“ segt Lena bie sik süls, „dat is betalt; dar mutt ik doch mal na fragen.“

Hüt har se wirklich Swartsuer taft, obglief se dat ganz un gar nich much, also blot dalstucken muß, wie ehr Mann de Koptein, sä, un aß he nu bie de Mahltied ordentlich inhau un sik so in dat Swartsur verdeep, dat he gar nich wieswar, wie Lene langsam un bedächtig eet, damit se man jo keen Fett mit op de Gavel freeg, do sä se ganz fröndlich: „Du Jakob, heft Du den — den — Hansen 300 Mark betahlt för Heirats-Vermittelung?“

„Gewiß,“ segt Jakob, „de hef ik ehrli betalt un he het quitteert. Het he nu uf noch wat von Di verlangt?“

„Nein,“ segt Lena, „ich hätte ihm auch nichts gegeben.“

„Das meine ich auch,“ segt Jakob, „wert ist die Partie sonst mehr. Wir sind ja für einander geschaffen.“

Als se mit dat Eten farrig weern, meen Lena awer doch noch mal, dreihunnert Mark weer vel Geld för en Arbeit, de se nich bestellt har. Do sprung



Jakob op un segt: „Er hat sie ja auch nicht von Dir verlangt und mir bist Du mehr als tausend Mark wert,“ un do fat he ehr um un küß ehr un jung: „Nein, ich vertausch' die Heirat nicht um eine Million,“ un denn höl he ehr in de Höch un küß ehr noch mal un segt: „Bist doch meine süße teure Lene.“

Dat weer ganz schön von Jakob, un Lena sä keen Wort gegenan, wil dat ganz gegen ehr Natur weer; awer so gern se sit dat gefallen laten har, argert har se sit doch an 'n 5. Oktober un ut noch naher, dat ehr Heirat tosamakelt weer; se kunn dat nu doch nümms vertellen, wu se tosam kam weern, un dat is för 'n junge Fru doch en ganz verdreetsliche Sak.

Besonders har se sit argert an 'n 9. Oktober. Se har natürlich bie 'n Intog reine witte Gardinen opsteken un an 'n 9. Oktober köm Jakob abends um 9 ut sin lütt Stuw un har sit eben en Piep Tabak ansteken un qualm in de Wahnstuw, dat Lena un ehr Gardinen in ehr Angst zittern un bewen. Dar kunn se sit ja gar nich rein un ruhig bie holn. Lena de host un teek de Gardinen an; de Gardinen versteeken sit ganz verschämt achter den Kookfleier.

„Jakob,“ segt Lena un snack em to Leew sogar platt, „Du qualmst wirklich to dull. Dat is nich ut-tohōln, wenn man dat nich gewohnt ist.“

Un Jakob snack ehr to Leew hoch. „Das ist wahr,“ segt he. „Wenn meine süße Lene mich hier nicht haben kann und mag, denn geh ich na min söte Eck. Denn bruckst Du nich to hosten un Din Gardinen bliemt bie Verstand,“ un darmit gung he richtig af un bleew den ganzen Abend in de söte Eck. Muß Lena sit dar nich öwer argern? un muß se dat nich erst recht, as Jakob nu jeden Abend na 'n Eten, während se asdeck, in sin söte Eck trock.

Ende Oktober wull Lena sit all to 'n veerten Mal argern. Se löt dat awer na, wil se den lezten Arger noch nich verdaut har un ut to rechter Tied en

Gegenmittel fund. Jakob weer Ende Oktober in en Kegellklub treden, ahn de Saß vörher mit Lena to bespreken. Se wull ja nich fragt warden natürlich nich, awer dat weer doch en Saß, de ehr beid angung un so har se doch uf vörher ordentlich bespreken warden kunnt, awer ne. Jakob vertell blot, dat he Sünnaabends abends in dissen Winter immer von halw negen bet halw twölß kegeln deh.

„Schall it denn na Di opsitten?“ frög Lena ganz fröndlich, „dat is en beten lang.“

„O bewahre,“ segt Jakob, „dat is dörchut nich nödig. It nehm den Husdörflötel mit un Du heßt ja denn uf een un slüßt af. Mußt den Slötel man nich steken laten.“

Do sweeg Lena weller bomstill un dach: Wie Du mir, so ich Dir, un namittags gung se na en Bekannte, na de Kölsch, de fröher bie Bösenbergs deent un den Maschinisten heirat har, un inack mal 'n Stund' bie de, un de vertell ehr, dat se Sünnaabends immer in en ganz fine Gesellschaft gung, wo Thee drunken un Roken herumreicht wurd, un denn seten de Dams dar all un stricken Strümp för de Negerfinner. Ob se nich uf Lust har; denn much se sit man Wull köpen, swarte oder rode Wull; se kunn ehr dar inföhrn.

Lena har natürlich glicß Lust un gung hin un köft sit Wull, un as ehr Kopstein in den Kegellklub gahn weer, do mak se sit mit ehr Fröndin op na den Thee, um Strümp to stricken för de Negerfinner. Se har von de dürfte Wull nahm, rode, un all de Klubswestern freun sit, dat se so 'n wohlhabende un freigebige Klubswester opnehm kunn. Se kreeg natürlich glicß Thee un Roken un strick, as wenn se darför betahlt würd'.

So gung dat nu den ganzen Winter dörch; dar weer keen Striet, weder in de Etstuw noch in de Wahnstuw, noch in de söte Eck, bie 't Bettgahn un

Opstahn erst recht nich, awer Frieden kunn man dat uk nich nenn; dat weer so 'n Art Waffenstillstand, awer dat muß Lena sich doch segn, von Geigen un Dudelsack har se noch gar nich recht wat markt, nich mal in 't Fröhjahr, as dat Regeln un Strümpfstricken instellt war — un dat nich mal ahn en lütten Krach?

Jakob har sit in 'n Finger snedn un soch Linn un en Faden. Do maß he Lena ehrn Reibisch apen un fund — en Paar robe Strümp.

„Lena,“ segt he, „schall ik de drägen oder willst Du de hebn?“

Legen kunn Lena nich, also herut damit!

„De schüllt de Negerkinner drägen,“ segt se.

„Büßt dull?“ segt Jakob. „Negerkinner drägt keen Strümp. Dar is dat in Afrika to hitt to; de perb lewer barfot in 'n Sand rum.“

Wat schull Lena darop antworten; Jakob muß dat ja weten. He weer as Stürmann in Afrika wesen. Se sweeg still, löp na ehr Kommod un hal old Linn un wusch un verbund den Finger, as wenn se en barmherzige Schwester weer, un sned' en Dum ut en olen lellern Handschuh, un Jakob höl ganz nüdlich still, un as se farrig weer, do sat he ehr um un segt weller: „Bist doch meine süße Lene! Wu ward de Negerkinner sit freun, wenn se de roden Strümp seht, un wu ward de Adebar sit argern, wenn se em dar Konkurrenz maakt. Wenn he Di dat man nich öwel nimmt! Ik ward' dat nich dohn.“

Lena war puternrot, lach un löp rut na de Rök.

As ehr Geburtsdag in Sicht köm, har Lena in de Rök manchmal recht trurige Gedanken, de ehr dat Hart swar maken. Jakob wuß dat Datum ja ganz gut, awer de, de ward dat natürlich ja vergeten. Wie Bösenbergs, ja dar weer dat nie vergeten wordn! Wu weer de Disch morgens bepackt wesen! Hier ward' wul nichts passeern — un wat denn? Schull

se denn uf dohn, as wenn se 't vergeten har? Dat ward' wul dat best sin.

An den 3. Juli, also dags vör ehrn Geburtsdag, brocht Lene wie immer dat Eten präzis to Disch un horch, ob Jakob nich — wie immer — in de Husdör köm. Awer ne, ditmal weer he nich präzis. Se lur un lur, awer de nich köm weer Jakob. So 'n Lurn, dat is för de Husfru dat Slimmste, wat ehr passeern kann. Dat Eten, wat rinbrocht is, ward kolt un dat anner verkaft un versmolt. „It mut dat man weller rut drägen,“ segt se bie sit süls; „alleen smeckt mi dat uf nich,“ un darmit brocht se allns weller na de Rök un stell dat op den hitten Herd. Dat dur awer keen Viertelftund', do klingel dat un Jakob köm rin, wisch sit den Sweet af un deklameer: „Von der Stirne heiß rinnen muß der Schweiß, soll das Werk den Meister loben; — hast Du mir was aufgehoben?“

„Natürlich,“ segt Lene ganz vergnügt un löp na de Rök un stell de ganze Mahltied op 'n Disch; deckt weer he ja.

„Hest Du noch gar nich eten?“ frög Jakob.

„Ich wollte mir wahren, das Beste weg zu essen,“ segt Lene. „Sollte ich wohl den Spargel die Köpfe abbeißen? Das verkochte Essen schmeckt mir mit Dir besser als das frische ohne Dir.“

„Dat 's man god, dat dat nich an 'n 4. Juli passeert is,“ segt Jakob, „an Din Geburtsdag, mit den it mi all lang afquält hef. Hör, Lene, wat wünscht Du Di to Din Geburtsdag?“

„Erst essen,“ segt Lene un se setten sit, un Lene gewo op, un Jakob vertell denn, wat em opholn har, un darbie eet he düchtig; dat schien em doch to smecken. „Hest recht,“ segt he, „selbanner smeckt dat beter.“ Lene dacht: „Jakob is doch en braven Mann. Schall it em segn, wat it am meisten wünsch? dat he ut sin söte Eß uttrecken un bie mi intrecken much? Awer de Gardinen! Un de Fotboden, den se jeden Morgen

blant honer? Jakob gung tovel in de Stuw op un dal. Dat geiht nich. Awer wünschen mut ik mi wat, wat ut Jakob en rechte Freud makt! Se weern satt un harn ehr Garvel un Messer all dal legt; awer Lena, de sonst ümmer glief opsprung un afrihm, seet noch ümmer un gruwel un weer ganz in ehr Gedanken verdeept.

Jakob seeg ehr an. „Lene,” segt he, „Du sinnst jamul op ganz wat Ungeheuerliches. Man rut darmit! Betahln wart’t jamul noch könn. Ik hef ja eben erst Gehalt kregen. Sonst griep ik dat Kapital an; Din nich. Ik hef ja ut en Sparhof.“

„Wenn Du es nicht unbescheiden findest, Jakob,” segt Lena un tögern beten, „so möchte ich wohl, daß Du mal Deine Richte einladest, daß sie mir einige Wochen Gesellschaft leistet. Das kann ja nicht alle Welt kosten. Die Beköstigung bestreite ich von das Hausstandsgeld und schlafen kann sie ja wohl in die Mädchenkammer an die Küche.“

Nu weer awer Jakob ganz baff. „Wu kummt Du darto?” segt he. „Ik dacht, Du harst an dat een Exemplar von de Peters dusendnog. De annern ward wul nich vel beter wesen.“

„Wenn sie man ebenso gut sind, denn muß sich das helfen,” segt Lena; „ich möchte doch auch gern einen weiblichen Peters kennen lernen.“

„Dar kann un schall Rat to wardn,” segt Jakob. „Ik hef ja min lütt Richte na ehr Konfirmatschon nich weller sehn, gerad so lang nich, as ik Havenlotf’ bün. Ik wüll na her glieks an ehr schriewen, dat se kam mag, sobald se kann.“

Nu weer Lena wegen ehrn Geburtsdag ut alle Sorgen; se kreeg, wat se wünsch, un se kreeg sogar noch mehr; denn as Jakob abends to Hus köm, slep en Matros’ von en Levante-Damper, de Smyrna anlöp, en grote swarn Kull in’t Hus — en Smyrna-Teppich! Na, dat weer en Freud — dat weern

jamul Geigen un Dudelsack Arm in Arm! Nu har se ebenso'n un noch en betern un weatern un grötern Teppich as ehr Klubswester, de Fru von den Maschinisten. Lena sul Jakob um 'n Hals un segt: „Min best Jakob, wat heft Di för Kosten maakt!“ — „För min söte Lene is nichts to düer,“ seg' Jakob, un Lene ween. So har se noch nich mal bie Bösenbergs weent, wenn de Geburtsdagsdisch uf öwerbüll weer.

Gretchen Peters, Jakob sin Nichte, löt sich lang op sit töben. Se schreew en ganz nüdlichen hochdüttschen Breew, dat se sit freu wie en Stint, un Sonnabend de Seereis von Brunsbüttelhaven na Hamborg mit Engelbrecht sin Ewer antreden war. Onkel un Tante schulln man den Dum faßholn, dat Wind un Weller günstig blewen, denn ward' se wul abends um 8 am Altnaer Fischmarkt utstiegen könn.

„Ich freue mir auch,“ segt Lena. „Wollen wir sie da abholen?“

„Natürlich,“ segt Jakob.

De Ewer lä awer all abends nm 7 an 'n Fischmarkt an un Schipper Engelbrecht frög Gretchen, ob se mit em utstiegen un velleicht an 'n Pinnaß loscheern wull.

„Dat wull ik eigentlich nicht,“ segt Gretchen. „Ich denk, min Onkel ward mi hier wul aßhaln; ik hef blot vergeten, em dat to schriewen. Onkel Jakob is awer nich op 'n Kopp fulln, he ward dat wul so dohn.“

Un dat weer ja denn uf richtig. En ordentlichen Hamenlotz' muß doch weten, dat Engelbrecht sin Ewer ut Brunsbüttelhaven affahr, wenn dar de Flot insett, un dat he bie so 'n schön Wind en Stund früher anköm! He har sit daher to rechter Lied en Droschke nahm un köm jüstement mit Tante Lena an, as Gretchen noch mit Schipper Engelbrecht snack. Do drög de Schipperknecht Gretchen ehr Saken, Reistasch, Kisten un Korf -- en ordentliche Dam kann ünner siem Stück Handgepäck keen Landreis, awer erst recht keen

Seereis ünnernehm — ant Land un stell allns bie den Rutscher op 'n Buck, un Gretchen steeg mit Unkel un Tante in.

En halwe Stund später seeten de Dree in de best Stuw um den Disch, de op den wesen Smyrna-teppich stund, un Gretchen mak grote Dgen, as se seeg, wu nüddlich Unkel Jakob inricht weer un an Tante Lena har se uk nichts utlosetten; dat wull ehr blot nich recht gefallen, dat se ümmer hochdütsch snack. Dat is wul so 'n Art Befangenheit, dacht se awer; dat ward sit wul gewen, un ik kann ja uk to Not hochdütsch min Wör maken. „Tante, soll ich Dir helfen?“ frög se, as se seeg, dat Tante gahn wull, wahr-schienlich na de Kök, um dat Abendeten to besorgen.

„Nein, Kind,“ segt Tante Lena, „das wäre schön, wenn ich gleich meinen Besuch in die Küche anstellte.“

„Lat Tante Lene man betäm,“ segt Unkel Jakob. „De versteiht den Kummel. Schallst man sehn, wat se to Disch bringt. In 't Reinmaken un Etentaken is ehr nümms öwer.“

„Ik bin wahrhaftig uk hungrig,“ segt Gretchen; „ik har min Frühstück mitnahm un hef hüt mittag blot en Butt eten, den de Schipperknecht fung un lakt har, un nöß nich weller un sin Kantüffeln weern leider nich all gar wordn un de Semmel, de darbie leeg, weer old; awer dat geiht all.“

„Na, denn ward Tante Lene ehr Supee Di awer smecken,“ meen Jakob. „Bet se dat to Plaz bringt, kannst min söte Eß noch mal ansehen.“

„Din söte Eß? Wat is denn dat?“ frög Gretchen.

„Komm und siehe es!“ segt Unkel Jakob, bö ehr sin Arm un föhr er na sin Schriewstuw.

„Wat för en lütt prächtiges Kontor!“ segt Gretchen, „un wu ordentlich! Unkel Jakob, wu heft Du Di betert! Weest noch, dat seli Vader Di ümmer

Sanfsam nenn, wenn Du uns besuchst, un weest Du, wat dat bedüd?"

"Ach! man still!" tusch Onkel Jakob; „dat heft Du mi domals all segt, dat dat sans façon heet un en Titel för de Unordentlichen is; awer glöw man nich, dat ik hier op de Ordnung paß — dat deiht Tante Lena.“

„Domals säst Du ümmer, dar muß de Rajützung för sorgen,“ segt Gretchen, „un ik hef den unglücklichen Jüngling manchmal bedurt.“

„Bruckst Tante Lena nich to bedurn,“ segt Onkel Jakob; „se deiht dat mit Vergnügen.“

„Denn het se Di de Eck erst söt makt,“ meen Gretchen.

„Oder uk nich,“ segt Onkel Jakob un lach.

Do köm Tante Lena un röp to 't Supee. „Beleewen de Herrschaften to schaffen?“ segt se un lach uk.

„Süh,“ segt Gretchen, „Tante kann uk plattbütsch un sogar schipperplatt. De Schipperknecht het mi hüt Mittag uk so to Disch lad.“ Se gung all dre na de Ektur un seegen an, wat Tante anricht har.

„Schüllt wi dat all op eten?“ frög Gretchen.

„Aussuchen!“ segt Onkel Jakob; „Hummer, Lachs und frischen Bärenschinken — was beliebt?“

Se setten sik um den beladenen Disch un eten un snacken un lachen un harn doch tolegt in Gedanken wul de Hälste von Tante ehr Delikatessen vertilgt. Gretchen un Tante passen toerst un seegen still to. „Wenn 't Aragen keen End' het,“ seg Onkel Jakob, „ik ät de Hummerschöttel noch leer.“

„Das freut mir,“ segt Tante Lena, „wenn Dir das schmeckt. Komm, hier sind noch zwei Senfeier.“

„Nein,“ segt Onkel Jakob, „nun aber keinen Happen mehr. Gretchen Du?“

„Nein, danke Onkel! Ich möchte morgen auch noch leben,“ segt Gretchen.



„Natürlich,“ sagt Tante Lena, „Du sollst hier noch lange bei uns leben.“

Als nu awer dat Afdecken un Rutdregen angahn schull, do leet Gretchen sik nich afwiesen un snack mal hochdütsch mit ehr Tante. „Ich soll hier noch lange bei Euch leben, liebe Tante?“ sagt se. „Du hast mich doch nicht kommen lassen, mich hier unglücklich zu machen, und ohne Arbeit bin ich unglücklich, wie mein Bruder, wenn keine Kunden kommen. Ich habe daher auch, meinen Arbeitsanzug mitgebracht und werde ihn morgen früh gleich anziehen. Sonst halte ich es hier keine drei Tage aus. Wenn ich aber arbeiten darf, denn können es meinetwegen drei und mehr Wochen werden, und dabei werde ich immer lustig und gesund sein und keine von Deinen schönen Mahlzeiten vorbegehen lassen. Wenn ein Gast nicht mit anfassen mag, so wird er den Wirten lästig, und wenn er nicht mit anfassen darf, so könnte das Gegenteil eintreten; also?“ — un darmit fat se an un fung an astorühm.

Tante Lena seeg ehrn Mann an. „Wu kann de Deern reden,“ sagt se un lach un löt ehr betäm, un Jakob freu sik mal weller öwer sin lütt Nichte un lach uf un gung na sin söte Eck.

Wat een Minsch dohn kann, dat ward twe nich tovel, segt dat Sprichwort; daher kann man begriepen, dat Tante Lena dat vel bequemer har un ordentlich oplew, as Gretchen ehr jeden Dag holp. Wat harn de beiden nu neben ehr hüßlichen Arbeiten noch för Tied, sik wat to vertellen un mit enanner to öwerlegn, un dat weer en ganz anner Pludern as dar in den Megerkinnerklub. Wil de beiden sik gern verdregen muken, so vertellen se sik alles, wat se erlewt harn un wat se höpen un fürchten un sorgen, un Tante Lena höl nich mal mit de schaneerliche Geschichte trüch, woddörch se Gretchen ehr Tante wordn weer, un öwer de annern Saken, woröwer se sik in de Flitterwochen

argert har. Se sett awer doch vorsichtigerwies hin-  
to: „Seg dar awer man jo nichts von to Unkel  
Jakob.“

Dat full Gretchen ja ut natürlich gar nich in;  
awer so 'n hoges Vertruen kunn se nich unbelohnt  
laten, un as de erste Breew köm von ehrn Broder,  
do muß se ehr Tante den Inhalt ut vertelln un deel-  
wies sogar vörlesen. „Min Broder het mit en jungen  
Frönd, de Frieschärler wes is un nu weller Rinner  
ünnerrichten will, wil he egentlich Lehrer is, nütlich  
min Geburtsdag fieert. Hör mal to, Tante Lena:  
„Er stand auf, ergriff das Glas — ich hatte beim  
Frühstück eine Flasche von unserm alten Mosel auf-  
gesetzt — und sagte: Jakob, Deine liebe Schwester,  
der ich so oft — und ich glaube, es war gar nicht  
immer nötig — bei den Schularbeiten geholfen habe,  
und — ich kann es Dir ja gern sagen — an die ich  
auf dem Seminar so oft gedacht habe — das muntere  
Gretchen soll leben. Hoch!“ Do klapp Gretchen den  
Breew tosam

„Un do?“ frög Tante Lena. „Nu har se noch  
gern mehr ut den Breew hört.

„Do hebt se wul anstött un an mi dacht,“ segt  
Gretchen und ward en beten rot.

„Hest Du denn ut an em dacht? frög Tante Lena.

„Ich muß doch an ihn denken, wenn mein Bruder  
mir von ihm erzählt,“ segt Gretchen un steek den Breew  
in de Tasch.

„Dat stimmt,“ segt Tante Lena un lach un frög  
nich wieder na.

Do sneed Gretchen en anner Kapitel an. Se  
mull doch gern weten, warum Tante Lena ümmer  
hochdütsch snack un frög ehr gradut, wu dat togahn  
deh. da se doch ut en plattbütsche Familie stamm.

„Das will ich Dir sagen,“ segt Tante Lena.

„Als ich in Bösenberg sein Haus kam, da hatte ich  
vorher auch immer plattdeutsch gesprochen, bloß in die

vier Wochen, wenn Bösenbergs bei uns wohnten, denn sprach ich mit ihm und seine Frau immer hoch, und das habe ich nachher natürlich immer gethan, und wenn Frau Bösenberg immer mit die andern Domestiken hochdeutsch sprach, so that ich das auch und nachher war ich das Hochsprechen so gewohnt worden, daß ich das gar nicht mehr nachlassen konnte, und ich wollte das auch gar nicht, denn das ist doch ganz gewiß, daß das Hochsprechen viel gebildeter und feiner ist als das Plattsprechen."

"Aber Tante Vene," sagt Gretchen, "Hochdeutsch und Hochdeutsch ist sehr verschieden. Wir haben ein goldenes Hochdeutsch, wie es in den Büchern steht, und ein messingsches, wie es viele sprechen, die es in der Schule und aus Büchern nicht gelernt haben."

"Was spreche ich denn für ein Hochdeutsch?" frög Tante Vena begierig.

"Das messingsche," sagt Gretchen drög.

"Wo kannst Du das bei kennen?" sagt Tante Vena; "bei die Aussprache doch nicht."

"Ja doch," sagt Gretchen: "Du sagst: Wo kannst Du das bei kennen? und in den Büchern steht: Woran kannst Du das erkennen? Du sagst: bei die Aussprache doch nicht, und in dem goldenen Hochdeutsch heißt es: Bei der Aussprache oder an der Aussprache doch nicht."

"Sollte ich das goldene Hochdeutsch auch noch lernen können?" frög Tante.

"Gewiß," sagt Gretchen, "lernen läßt sich alles. Bruder Jakobs Freund, von dem ich Dir vorgelesen habe, der hat es sogar einem alten englischen Fräulein beigebracht."

"Denn könntest Du mir ja nur jedesmal berufen," bed Tante Vena, "wenn ich mir vergreife."

"Sehr gern," sagt Gretchen; "denn höre mal zu und sprich es nach: „Denn könntest Du mich ja nur jedesmal berufen, wenn ich mich vergreife.“"

„Denn könntest Du mich ja nur jedesmal berufen, wenn ich mich vergreife,“ wellerhal Tante Lena langsam un drück dat mich ordentlich, as wenn dat de Schuld drög.

„Nicht wahr, Tante,“ segt Gretchen, „das wird Dir ebenso ärgerlich, als mir in der Schule, wenn ich mitten in der Weltgeschichtsstunde einen falsch gebildeten Satz im goldenen Hoch wiederholen mußte; und da gehörte es doch zum Betrieb.“

„Und hier nicht?“ segt Tante Lena. „Nein, ich ärgere mir nicht.“

„Ich ärgere mich nicht,“ verbeter Gretchen.

„Ich ärgere mich nicht,“ wellerhal Tante langsam un mit Nachdruck; aber wie ist es denn mit das Plattdeutsch?“ — —

„Wie ist es mit dem Plattdeutsch?“ unnerbröf Gretchen ehr Tante.

„Wie ist es mit dem Plattdeutsch?“ wellerhal Tante, „giebt es da auch zwei Sorten?“

„Nein, Tante,“ segt Gretchen, „plattdeutsch spricht man, wie man will, das ist immer richtig und golden.“

Do weer Tante Lena weller ganz hell, wie domals in den Alsterpaveljon. Se bröf den Sprakunnerricht af un an den annern Morgen spröf se mit de Grönfru, den Melkmann, den Brotmann un den Schlachter plattdütsch, wat se sonst nie dahn har un sogar den annern Mittag köm dat Hochdütsche nich to Disch. Gretchen wunder sit so daröwer, dat se noch ganz gedankenvull op ehrn Teller seeg, as Jakob, de ümmer de Letzte weer, ut all dallegt har, un do fahr de plötzlich op un segt: „Gretchen, verkrup Di doch nich ganz in den Breew.“

Do fahr Gretchen ut ehr stilln Betrachtungen op un wurd ganz rot un seeg erst den Onkel un denn de Tante an un denn drau se ehr Tante to un segt to Onkel Jakob: „Wu meenst dat?“

„Dar het wul noch allerlei instahn, wat nich jedereen weten dörfst,“ segt Unkel Jakob.

„Gewiß,“ segt Gretchen, „besonders von Di. Bedank Di man bie mi, dat ik em verbrennt hef.“

„Danke, danke, Gretchen,“ segt Unkel Jakob un stund op. „Ik leg mi en Ogenblik dal,“ fög he hinto, „weckt mi, wenn't Tied is.“

Anfang August do köm dar namittags en jungen Mann, de frög na Fräulein Peters.

„De is nich to Hus,“ segt Fru Peters. „Se is mit ehrn Unkel na'n Stintfang gahn, ward awer wul bald weller kam.“

„Na, denn en annermal, entschuldigen Se,“ segt de junge Manu un gung weller af.

„Gott wie vertal,“ segt Tante Vena, as se alleen weer. „Schull dat wul — dat weer mal 'n smucken jungen Mann. De kunn wul noch mit Gretchen to Schol gahn hebn.“

Gretchen weer mit ehrn Unkel na'n Stintfang ropstegen, un he wies' ehr sin Arbeitsfeld, den Hamburger Hawen. Von 'n Stintfang ut kunn se den ganzen Mastenwald von baben ansehen, all de hübschen groten Segelscheep, de in den Hawen legen. Dat weer de Mög wert. Dar leeg Schip an Schip, jedes mit twe oder dre Masten un jeder Mast har twe, dre oder veer Querstangen — „Naaen“ segt Unkel Jakob. He wul ehr uf den Unnerscheed biebringen twischen Bollschip, Bark, Brigg un Schooner; awer dat weer för Gretchen noch bunter, as för Tante Vene dat goldene Hoch. „Dat man Unkel,“ segt se, „op dat Flach bin ik to kort von Verstand.“

Un dat weer man god, dat se mit den Unnerricht affroten. Se treden nu noch to rechter Tied den Rückweg an, dat Jakob na'n Hawen köm un Gretchen in de Husdör mit den jungen Mann tosamstött, de bie ehr Tante na ehr fragt har.

„Herr je, Hans,“ sagt Gretchen, „wo kommst Du her?“ Denn dat weer richtig so, wie Tante Lena sit dat trechbacht har; wer schull ut sonst in Hamborg na Gretchen Peters fragen.

„Von Din Tante,“ sagt Hans. „Se sä mi, Du weerst mit Din Unkel na’n Stintfang; heft Du em dar verlarn?“

„De is na’n Hamen gahn,“ sagt Gretchen. „Wullt nich mit ropkam na Tante? De ward sit freun, wenn ik Di weller mitbring, un argert sit sonst gewiß ’n Bruch an de Näs’, dat se Di nich fassholn het.“

„Dat schall s’ doch nich erst,“ sagt Hans, „denn gah ik leewer mit, wenn Du erlaubst. Ik hef hüt namiddag frie, dat ’s ja Sünnaabend.“

„Wat makst Du denn in Hamborg?“ frög Gretchen — as wenn dat nich ut in den Breem stund, den Jakob-Broder schrewen har. Se har Tante dat man nich vertelln wullt.

„Ik ünnerricht Rinner,“ sagt Hans, „in de ABC-strat. Dat paßt, nicht?“ He meen, ob Gretchen dat nich paß.

„Gewiß,“ sagt Gretchen, „Strat un Geschäft deßt sit, wie Perjetter sin Dre-ecke. Bliwst Du noch lang hier?“

„So lang min Prinzipal mi lieden mag, ward ik jawul nich weglopen,“ sagt Hans un mak de Husdör weller apen.

„Dat ’s ja famos,“ sagt Gretchen, „ik bliw of noch acht Dag! Kumm mit rop.“

So köm de Beiden nu bie Tante Lena an un Gretchen stell vör: „Herr Hans“ un „Fru Roptein Peters.“

„Sehr angenehm,“ sagt Hans. „Darf ich Ihrer Nichte unter Ihren Augen einen Besuch machen?“

„Natürlich,“ sagt Tante Lena. „Gretchen ihre Gäste sind meine Gäste. Legen Sie bitte ab. Mein

Mann wird wohl bald nachkommen. Sie bleiben hier und essen mit uns zu Abend."

Räpn Peters köm uf bald un freu sit, dat he mal 'n Landsmann in sin Wahnung begröten kunn. Em sülsb kenn he nich, darto weer he to lang op 't Water wesen; awer de Öllern un den oln KLAS Krüsen kenn he sehr god un frag, wu ehr dat güng. Do köm natürlich vel ole Geschichten to 'n Börschien un dat geew vel to vertellen un to belachen, vör 'n Eten un bie 'n Eten; as se sit awer tämli utsnacht harn un de Frunslüd mit dat Afrühm beschäftigt weern, do segt Räpn Peters: „So, Landsmann, nu gah wi erst mal na min Schriewstum un roft en seine Hawanna, de mi nüllich en Koptein schenkt het, de dar her köm."

„Wi nich towellern“ segt Hons, un de beiden Herrn setten sit in de Schriewstum un probeern de seine Hawanna, köm also för 't erste nich weller to 'n Börschien. De beiden Frunslüd setten sit in de best Stuw un öwerlegn ganz liesen, wie se de beiden ut ehr Rock-Kamer locken wulln.

„Schall ik ehr inladen, bie uns ehrn Smooft to maken?“ frög Gretchen; denn se har doch uf noch allerlei to fragen. Se har ja Hans siet dörigen Wiehnachten nich sehn.

Tante Lena seeg na ehr Gardinen. „Wi wascht erst um veer Wefen weller. Se sünd noch nicht riep; awer notriep wardn se wardn, wenn se ehr inqualmt,“ un darbie lach se.

„Oder wüllt wi ehr en Besöft maken in Unkel sin söte Eck?“ frög Gretchen.

„Kind, dat hol ik nicht ut,“ segt Tante Lena; „de Hosten is so all arg nog, den ik mi bie de lechte Wäsch totrocken hef.“

„Schall ik mal röwer gahn un ehr en Börslag mahn för morgen?“ frög Gretchen; „vellicht en Tour mit 'n Dampship na Blankenese?“ —

„Das wäre nicht übel,“ sagt Tante; „da bin ich noch nicht gewesen.“ Se dacht an dat Thalia, wovon se im Alsterpavillon uf so har seggen mußt, un köm darbie ganz in 't Dröm.

Gretchen sprung op un löp öwern Börplatz na de Schriewstuw un klopp an.

„Herrje!“ segt se, as se intred, „wat 'n Onalm! Hans, dat kannst Du utholn? Zi qualmt ja, as wenn en Lüttmann badt, plegt seli Bader to segn.“

„Gretjn, sett Di,“ segt Unkel Jakob; „wenn Du sittst, denn is dat man halb so slim. Süß, de Kook treckt na 'n haben“ un darmit blas' he en ordentlichen Mundvull in de Höch. „Büßt Du to Fredensünnerhandlungen ermächtigt?“

„Dat nich,“ segt Gretchen. „It much Zu birdn, morgen en Utflug na Blankenese mit uns to maken. Dar ward wul 'n Damper gahn.“

„Dar bin it mit bie,“ segt Hans.

„It uk,“ segt Unkel Jakob; „Gretchen betahlt de Fahrt un de Zech.“

„Dat lat de Herrn sit ja nich nehm. Denn muß it ja Käpn Peters nich kenn. Wann denn?“

„Morgen namiddag gah wi Klock veer ünner Segel,“ segt Unkel Jakob, „glichs na 'n Kaffee, den drink wi hier gemütlich tosam.“

„Topp,“ segt Gretchen, „dat 's asfalt,“ un sprung op un wull gahn.

„Holt, Gretchen,“ segt Unkel Jakob. „It hef Hans all utfragt, wat se op 'n Donn all von mi tosamsludert. Se kunn mi nich vel vertellen. Dat is doch schad', dat Du den Breew verbrennt hest.“

„Is 't uk,“ segt Gretchen un mak, dat se rut köm. Dat schull Unkel Jakob doch nich glücken, ehr dat Blot weller in de Backen to driewen. Wu schull se den Breew wul verbrennt hebn? De sötste Ed', vel söter as Unkel Jakob sin, les' se ja abends, ehr se to Bett gung, twemal.



„Herr Koptein,“ segt Hans, as Gretchen weg weer, „is hier Krieg oder Waffenstillstand, dat Se meen, Gretchen wull Friedensvörsläg öwerbringu?“

„Krieg jedenfalls nich,“ segt Käpn Peters; „Waffenstillstand — dat kunn stimm.“

„Twischen Se un Gretchen?“ frög Hans.

„Segt wi: twischen mi un de Frunslüd,“ segt Käpn Peters. „Süh, ik rook abends gern en Piep Tabak, un de Frunslüd könnt den Rook nich lieden. Darum treck ik mi abends um half negen oder negen hier in min söte Eck torück un de Frunslüd sett ehr Föt op den Smyrnateppich un kiekt to ’n Vergnügen de witten Gardinen an. So gah wi den Krieg ut ’n Weg.“

Hans seeg na de Uhr. „Dat is Tied för mi to Hus,“ segt he; „ik hef keen Husdörflötel mit nahm, wil ik glöw, dat ik bald weller köm.“

„Landsmann,“ segt de Koptein, „den Husdörflötel mut man in Hamborg ümmer in de Tasch hebn.“

Hans brök op un nöhm Abschied von de Frunslüd un den Koptein un versprök, sik morgen rechtiedig intostelln.

„Magst den Landsmann lieden, Unkel?“ frög Gretchen, as Hans weg weer.

„Ik? dat kummt ja nich in Betracht — awer Du — magst Du em lieden?“

Gretchen ward’ ganz rot un plück bie ehr Blus’, as wenn dar ünner etwas nich in Ordnung weer.

„Ja, Unkel,“ segt se tolekt; „ik hef em all ümmer lieden mucht, wil he mi bie de Scholarbeiten holp.“

„So deshalb?“ segt Jakob, „dat freut mi, un Du, lütt Fru?“

„O ja,“ segt Tante, „sehr! Mi gefällt blot nich, dat en Lehrer, de dat goldene Hochdütsch kennt, fast ümmer platt snackt.“

„Dat goldene Hochdütsch?“ frög Jakob.

„Ja, dat goldene,“ segt Tante Lene, „min is ja man messingsch.“

„Lütt Fru, dat weetst Du?“ segt Jakob verwundert, „un denn holst Du dat so fast, as wenn't Gold weer?“

„Ik bin uk all bie, dat umsmöltten to laten,“ segt Tante Lene. „Si kun 'n man all darbie helpen. Wenn Gretchen weggeiht, kunn Hans min Wegwiser wardn.“

„Dat 's en Börslag, de let sik hörn; dat will wi op slapen,“ segt Jakob. „Ik snack morgen mal mit Hans.“

Dat deh he uk. Wat se awer affnacht un besluten hebt, dat hef ik nich to weten kregen.

As de „Rhönix“ Sünndag namiddag Aftoch veer an de Landungsbrüg leeg, setten sik de veer Utflügler op den ersten Platz so, dat ehr de Holsteensche Elefant vör Ogen leeg Altona, Niemöhlen, Develgönn un Nienstedten trocken glieksam wie so'n Billerreeg an ehr lang. Dat Weller weer so schön, de Sünne schien so hell, un alle freun sik öwer den herrlichen Anblick, öwer den grön Afhang voller Willen. Snacht ward' in ganzen wenig; wenn awer mal een Wort full, denn weert en hochdütsches. Op'n 1. Platz find sik ja natürlich de finen, gebildeten Menschen tosam, de wie Tante Lene verächtlich op dat Plattdütsche raffekt. Lene süls höl op de ganze Tour ehr Piepen in'n Sack, obgliek ehr dat en paarmal recht swar war, den Mund to holn.

As se awer dicht vör de Blankeneser Brüg weern un de ganze nübliche Ort vör ehr leeg, — — een Hus keek öwer dat anner na de Elw runner, de öwerall mit Scheep un Bööt bedeckt weer, un von links seeg de Süllberg op den prächtigen Teppich ras — dat weer to schön — id seg: as se all disse Herrlichkeiten vör sik utbreed seeg, un de Fahnen flattern so lustig in'n Wind, wer kunn sik do holln — do röp Tante Lene ganz lu't: „Was für'n vermiosen Anblick!“

„Was für ein famoser Anblick!“ segt en Jüngling mit en ganz niee rode Mütz. He lehr sit um un keel Tante Lene an un lach lu't op.

Tante Lene ward' natürlich öwer un öwer rot. Do tred' awer uk all Jakob op den Jüngling to un segt: „Beholn Se ehr Weisheit man in'n Sack. Wer't Hexen lehrt het, för den is't keen Kunst.“

„Was geht Sie das an?“ segt de Jüngling pazig. „Ich sage, was ich will!“

„Un ik do, wat ik will,“ segt Jakob un sat den Sprachmeister mit beide Händ in 'n Vossen un höl em in de Höch un öwer Bord, dat he mit sin Arm un Been in de Luft rum strampel, wie en hölten Hampelmann, un denn sett Jakob em vorsichtig, wie en Schootkind, op'n Radlasten un löt em los. All de Passaschiers lachten, un de Jüngling rutsch von sin Platz hendal un löp twischen Maschin un Radlasten dörch den smaln Gang na den tweten Platz, dat he rasch von Bord kam kunn. He har wul erst in Sinn, sit bie den Koptein to besweern; as he awer seeg, dat de op de Kommandobrüg stund un uk lacht, do löt he dat na, un nu röp de Koptein noch von de Brüg raf: „Räpn Peters, dat weer 'n Kunststück! Dat maht Se nich jeder na,“ un do lachen de Passaschiers noch mehr, segen awer nich blot Räpn Peters, sondern uk de Fru an, de vörhin so lu't spraken har, un Tante Lene weer bald bleek, bald rot, un se un ehr dree Reisgenossen freuen sit uk, dat se nu utstiegen kunn. De Sprachmeister segel bie't Utsiegen ganz an de Spit un fuchel mit sin Spazeerstoc un swunk mit'n Kopp un stür op'n Süllberg to; uns' Aleervereer trock achteran un gung op't Fährhus to. De Slusfakt weer Tante Lene so in de Been trocken, dat se man mit genauer Not de Trepp rop köm. Daben sett se sit in de Eck an't Fuß op'n Stohl un fung bitterlich an to ween. Do schull eener awer Räpn Peters sehn hebn. „Min söte Lene,“ segt he un eih un straf ehr

över de Backen. „Wat Di doch nicks ut den näswiesen Bengel. He het den Kopp vull Latin, un Lebensart kennt he nich. Wi föhrt hüt abend mit 'n Droschke to Hus, denn kann uns sowat nich weller passeern.“

Do fund Tante Lene sit allmällig weller un dau ganz op un sat Jakob bie de Hand un lehn sit an sin Schuller, un segt: „Danke, danke!“ un ganz liesen sett se hinto: „büßt min goden Jakob!“ un as Hans von dat Strampeln un den Aftog von den Jüngling anfang, do fung' se sogar an to lachen; awer na'n Süllberg wull se doch nich mit. Se kunn em dar ja noch mal weller sehn möten un dar har se keen Lust to, un mit ehr Been weer dat uk noch nich ganz weller in Ordnung. „Hans un Gretchen,“ segt Unkel Jakob, „ward den Weg uk wul alleen find. It bliew hier bie Di as Beschützer un Krankenpfleger, je nachdem.“ Do tred Gretchen uk noch rann na Tante un fiesel mit ehr rüm un segt: „Wat meenst, Tante, schall ik uk lewer bie Di bliewen?“

„Ne, Rinner,“ segt Tante Lene, „gaht Zi man rop un seht Zu um; ik wüll hoffen, dat Zi dar bawen nich so ekkig stört ward.“

„Wobie?“ frög Jakob.

„Bie 't Uttiefen,“ segt Tante un lach.

Hans un Gretchen güng af, un Jakob löt en Buddel Selterwater un Wien un Zucker un Gläser kam un socht Tante Lene ganz in Stimmung to bringn un dat gelung em, un do — ik glöw, nu häng ehr de Himmel wirklich vull Geigen, dar klung sogar en Baßon twischen dörch: de Mot — do segt se to Jakob: „Jakob, ik much Di wul wat vertellen ut min Rinnerjahn.“

„Denn lat mal hörn,“ segt Jakob, „hier in de Eck von't Fährhus achter dat Gebüsch kann uns nüm's hörn un störn.“

„As ik en Kind weer,“ segt Lene, „do gung dat manchmal nich na min Kopp, un denn gung ik na de

Ed in de Bahnstuw, wo min Speeldisch stand, wu sett mi hin un bu Hüser un trock Poppen ut' un an, un denn kümmer sit keen Minsch um mi. Wenn denn awer fragt ward: Wo ist Lene? denn sä min Moder: De sitt in ehr Luhnede, un wenn it dar nu lang drömt un speelt un ganz vergeten har, warum it mi dar hinsett har, denn köm it rut un lew weller mit de annern, wie sit dat hör. It hef ümmer dacht, Du warst dat uk so maken; denn in min Ogen weer Din söte Ed Din Luhnede, un min best Stuw nenn it in Gedanken ebenso. Wüllt wi uns' Luhneden nu nich opgewen un affchaffen un de lezten Wochen von uns' erst Ehestandsjahr as Flitterwochen betrachten? Wie kennt uns nu, un it glöw, Hansen sin Geigen un Dudelsack sind noch to hebn. Jakob, slag in un denn rook, wo un sovel Du willst!"

Jakob vergeet Hören un Sehen; he kenn sin Lene gar nich weller. It glöw, he hör uk all dat Geigen un den Bass datwischen.

"Lene," segt he, "Du büst en Prachtexemplar," un darmit sprung he op un sat ehr um un höl ehr in Arm, wie en Popp, un küß ehr, as wenn't dat erste Mal weer na de Verlobung. Se weern beid in Stimmung.

Hans un Gretchen weern all in Stimmung, as se afgang. Wu hebt se lacht un Unfel Jakob laewt, dat he so ritterlich optreden deh. Dat harn se em kum totrud. He muß doch vel von Tante Lene holn.

"Dat het se uk verdeen," segt Gretchen. "It kenn ehr Hart; mi het se't utschürrt."

"Na," segt Hans, "it har dat uk dahn, wenn —"

"Hans," unnerbrof Gretchen em, "Du heft noch keen Fru un kannst gar nich weten, ob Du ehr de Mixtur nich gönnt harst."

"Du löst mi nich utsnacke, Gretchen," segt Hans, "it har dat ganz seker dahn, wenn he Di tum Vießpel so har behandeln wüllt."

„Viel Ehre!“ sagt Gretchen.

Hans stund still. „Dar kummt he all weller von'n Süllberg runner,“ sagt he liesen, un denn stell he sit op de Footspitzen nu keek na nern.

„Räpn Peters!“ schrie he lut. „Dat is famos, he kummt! He kummt!“

Do muß de Jüngling glick, wat de Klock schlagen har. He seeg gar nich erst to un störrt sietwas in den Gaarn un löp den Barg hendal und schrie: Hölp! Hölp! bet he achter dat Gebüsch verschwund.

„Wat doch en böses Geweten deiht!“ sagt Hans un wull sit vör Lachen utschürren un Gretchen lach mit.

„Dat har Tante Lene sehn muß,“ sagt se, „dat weer to komisch.“

Se stegen nu den lezten Gang unner Lachen un Pludern rop un harn von haben en schöne Utsicht öwer de Elm un den Ort un weern ganz entzückt. Dat Dampschip leeg to ehrn Föten un föhr eben weller af un de Musik speel: Und ein Frühling ist im Lande, wie die Welt noch keinen sah, und es springen alle Bande und die Freiheit — sie ist da.

Dat weer wahr un uk nich wahr. Sleswig-Holsteen har ehr noch nich, obgliek Hans dar uk för intredn weer. Räpn Peters un sin Fru harn se; dar harn Hans un Gretchen awer noch keen Ahnung von. Hans, har Hans ehr denn? He glöw, he kunn ehr kriegen un he wull ehr hebn. Hangen un Wangen muß en End' hebn.

„Gretchen,“ sagt he, „weest wat? Wi kunn uns hier verloben.“

„Mit wem?“ frög Gretchen ganz f.d.; „if seeg hier haben weder Weiblein noch Männlein.“

„Wi sünd doch all twe,“ sagt Hans, „un dat is för e e n Verlobung genug. Gretchen slag in!“ un darmit höl he ehr sin Hand hin.

„Hans,“ sagt Gretchen, „wu bist Du plötzlich,“ slög awer in, un Hans weer Brüdigam un besiegel

dat Bündnis mit 'n Ruß. Als de beiden glücklichen Lüd weller in 't Fährhus köm, stell Hans sit un sin Gretchen as Brutpaar vör.

„Dat hebt wi erwart. nich wahr, Jakob?“ segt Tante Lena un brocht ehrn Glückwunsch dar.

„Dat stimmt,“ segt Unkel Jakob un maß dat ebenso. „Ik hef sogar dat Verlobungsseten all bestelt,“ sett he hinto, „lat uns to Disch gahn.“

Wat schall ik nu noch vel vertellen? Dar seeten veer glückliche Minschenfinner un cten un drunten un pludern — von Hansen, de den Grundsteen legt un sit dar gar nichts wieder bie dacht un sit blot sin Vordeel wahr har — dat weer ja awer sin Geschäft — von den Jüngling, de Platz maßt har för all dat Glück, ahn dat to weten, un har mit 'n böß' Geweten astrecken mußt, — wil dat nich sin Geschäft weer — un von de Tokunft.

Ja, dar kunn ik ja noch Utkunft öwer gewen.

Gretchen reis' weller torüch na ehrn Broder, un neih un stück an ehr Ustür, bet Hans en feste Anstellung in Hamborg kreeg un Hochzeit maken kunn, un Tante Lena het in de Schriewstuw, wenn Jakob op sin Arbeitsfeld weer, jede Woch' dreemal Unnericht nahm bie Hans un bald dat goldene Hochbütsch richtig lehrt un ehrn Mann abends immer de Gartenlaube un de Geschichten in den „unparteiischen Correspondenten“ vörlest, un darbie weer se nu ebenso vergnügt un redseli wordn wie früher, un denn kunn ik ja uk noch hintosögen, dat de Adebar keen Anstoß nahm har an de Regerkinner ehr roten Strümp un dat de Hawenkoptein Peters un de Scholbörstehar Hans in de Sommerferien jedes Jahr mit Fru un Kinner en Utflug maken na den Süllberg un na de Heid', de dar achter liegt bie Falkenthal un Wittenbergen. — De Jüngling schall Provinzial-Scholrat worden sin; dar har he ja uk Anlagen to.

---

## IV.

### Klas Nickels un sin beiden Bröder.

#### 1. Kapitel.

De ol Fru Nickels leeg op 'n lekten, un ehr Jungs, de ältste un jüngste, seeten an ehr Bett. De middelfte weer wiet, wiet von sin Heimat un har von sin Moder ehr Krankheit keen Ahnung. He har all gliest na sin Konfirmatschon to See gahn wullt; awer Klas un sin Moder harn dat nicht tolaten wullt. Do muß he denn erst Burjung wardn un en Gewarm be-  
driewn, wu he keen Lust to har. Dat kunn man awer uf alldag an Peter sehn; denn he fat allns mit Weller-  
willn an un maek all sin Saken man halw un slecht, un Klas geew em manchmal en Schups un seg:  
„Jung, Du drömfst ja ümmer.“ Tolest het Peter dat awer doch mit Ach un Krach farrig brocht, dat se em to See gahn löten un dat köm so.

Klas har em in 't Fröhjahr op 't Feld schickt, wo he de Mulwörpschupen utenannerstreien schull un darbie uf en Dg na de Röh smietn, dat se nich in 't Korn löpen. Dar weer he denn uf to rechter Tied hingahn un har mit dat Ufstreien anfang. Do köm awer Thies Defau von 't Fischen un bund sin Boot, wat he darbie brukt har, an en Pahl, un as Peter sit bie em hinstell un toseeg, segt Thies: „Peter, morgen is 't Sündag, un wenn Du denn en beten robern un schippen willst op dit grot Fleet, denn kannst dat



Boot gern nehm, mußt dat man weller god faß maken," un darmit gung de to Hus. Do kunn Peter awer nich töben, bet de Sündag kôm; he meen, he kunn uf hüt gern erst en beten schippen un denn noch licht de Mulwörpschupen utenannerstreien. He steeg also gliet in dat Boot un schipper na dat Fleet un roder en beten op un dal. Dat weer 'n Vergnügen, wat em na de Konfirmatschon noch nich eenmal baden weer. Darbie vergeet he de Mulwörpschupen un de Röh. De oln naschhaften Röh weern nu in 't Korn lopen un wardn dar gewiß vel toschand perrrt hebn, wenn Klas nich glücklicherwies kam weer un dat Veh weller op de Weid brocht har. un as de nu Peter heran schriet har un de mit sin Boot ran kôm un utstiegen deh, sat Klas em in den Nacken un schüttel em düchtig hin un her un geew em dann noch en ordentlichen Backs, un bleew bie em op 't Feld, bet he de Röh to 'n Melken mit to Hus nehm kunn, un a<sup>3</sup> he nu to Hus kôm, do segt Peter to sin Moder: „So, Moder, nu will ik awer to See un Se mut mi hölpen! Versupen kann ik uf in 't Fleet.“ Do is sin Moder den andern Dag mit em na Brunsbüttelhawen föhrt un Schipper Engelbrecht het em mitnahm na Hamborg un het em op en grot Segelschip as Kajütsjung verhürt, bie en Koptein, den he kenn. In de crsten Jahren weer Peter gegen Wiehnachten immer to Hus kam un um Ostern weller fortgahn; naher weer he winters in Hamborg op de Stürmannschol wesen, un dann har he sin Examen maht un weer mit en amerikansch Schip na San Franzisko segelt, un dar weer he blewen in fahr an de Westküst op un dal un verdeen godes Geld; in de lekten Breew har he awer all 'n paarmal andüüd, dat he bie Gelegenheit mal na Gold graven wull. Hüt weer nu weller en Breew kam ut San Franzisko; dat weer en Breew vull Hög un Hoffnung: He wull nu mit twe gode Frönd na de Goldfelder.

Wu het de Dlich sit freut, as se de letzte Naricht kreeg! De beiden annern, de dar an ehr Bett setten, müssen ehr den Breew vorlesen, erst de een un denn de anner, un deun ward se ganz hell un richt sit op an den Bettshand, de vör er bummel, un segt: „Klas, nu will ik gern starwen. Peter ward sit wul dörsagen; he is ja en Sündagskind un het Glück, un Du un Johann holt sovel von enanner, dat ik ruhig von Zu gahn kann. Si ward Zu 'n Weg wul finden. Klas het ja ümmer för Zu sorgt, wie en Bader, Johann, un Du büst gewohnt em to folgen.“

Do ward se flau un sack torück. „Bliemt man so bi!“ segt se un mak de Ogeu to un full in Slap. De Alten ward immer liefer un toleht aten se noch eenmal deep op un weer dot.

Als de beidn grotn Jungs — so har ehr Moder ehr ümmer nennt, wenn se von ehr spröf — nu von 't Begräbnis köm, weer ehr dat Hus so leer un so grot. un ehr ol Moder fehl ehr op Tritt un Schritt. Se gung na de Bahnstuw un setten sit stumm an den grotn rundn Tisch un wussen nich in un nich ut. Moder seet nu nich mehr bie ehr un frag na dit un dat, na Lüüd un Beh, na Feld un Wischen, na Seihn un Meihn, na afreten Knöp un smugige Wäsch, un wenn alls in Ordnung weer, uk mal na de Geschicht in 't Iyehoer Buchenblatt, wat se sit deun so gern von Johann vörlesen löt, wenn Klas sin Piep Tabat rook oder op de Ruhbank leeg un slöp. Klas kunn hüt nich slapen un nich roken un köm sit vör, as wenn he nu ganz alleen in de Welt herumbiester un har gar keen Anholn mehr. Un Johann köm dat uk vör, es wenn dat Band twischen em un de Welt weisneden weer, as wenn he ganz alleen stund un keen Wünsch sit um em kümmern ward. In so 'n Stimmung har he sunst wul na 't Buchenblatt oder na sin Flöt grepen. Dat Flötspeeln weer em nu awer ebenso towellern, as fröher towieln sin ol Moder,

wenn se ehr egen Gedanken nahäng oder, wie he meen, „keen Goden har.“ Bie sin Moder blewen in Gedanken stahn, un he muß mal von ehr spreken.

„Klas,“ segt he, „schull Moder wul weten, dat wi hier so verlaten sitt?“

„Wu schull se dat nu weten?“ segt Klas. „Se wuß ja nich mal mehr von uns un uns' Not, as se hier bie uns in 't Sarg leeg, un nu liegt se wiet von hier in 't Graff.“

„Ja, ik meen ehr Seel,“ segt Johann, „de hebt wi doch nich mit begriawen, de hebt wi nich mal mit in 't Sarg legt. De is von ehr gahn, as ic storm.“

„So denk ik mi dat Starwen nich,“ segt Klas.

„Wu denkst Du Di dat denn?“ segt Johann.

„Jedes lebendige Wesen nimmt to an Kraft un Fülle bet darchin, wo dat Wassen ophöit,“ segt Klas, „un denn folgt en Tied, wo de Verlust döör Ernährung un Slap ersett ward; un denn kummt en Tied, wo de Verlust gröter is, un denn hebt wi dat Afnehm, wie de Jugend en Tönehm het, un dat Afnehm kummt toleßt op 'n Punkt, wo de Ernährung still steiht, un wo de Slap alleen noch öwrig is, awer wie Blie op de Dgen un Ohren un op den ganzen Minschen liegt, un denn holt alles Gefühl un alle Bewegung op, un dat nenn wi den Dot.“

„Un de Seel?“ frög Johann; „hebt wi denn gar keen Seel?“

„De Seel?“ segt Klas, „dat is ja grad dat Leben wat opholt, wil de Ernährung opholt.“

„Ne,“ segt Johann, „de Seel is dat, wat denkt un föhlt, hofft un fürcht, wünscht un wählt.“

„Ne, Broder,“ segt Klas; „ik, de Minsch, de noch lewt, de denkt un föhlt. de hofft un fürcht, de wünscht un wählt un will. Dat kann ik, so lang ik lew. Wenn awer de blicern Slap mi öwersallt, denn kann ik dat all nich mehr. Dar geiht dat mit Minsch un Tier, wie mit 'n Lamp. So lang de Docht Ol

trecken kann, het se en Flamm, de wärmt un helst, un solang Minsch un Tier siß nährn könn, hebt se en Seel, de denkt un föhlt un hofft un fürcht un wünscht un wählt un will, un dat eben is dat Leben. Wenn awer de Docht keen Öl mehr treckt, denn is dat ut mit de Flamm un mit Wärme un Licht.“

„Wenn Du mi dat ut de Bibel bewiesen kunnst, Klas?“ segt Johann.

„Dat kannst hebn,“ segt Klas. „In den Prediger Salomo steiht: Es geht dem Menschen wie dem Vieh. Wie dies stirbt, so stirbt er auch, und haben alle einerlei Odem, und der Mensch hat nichts mehr denn das Vieh. Es fährt alles an einen Ort. Es ist alles aus Staub gemacht und wird wieder zu Staub.“

„Dar heßt Du wirklich en trostlose Ansicht, Klas.“

„Trostlos? warum?“ segt Klas. „Hebt wi uns nich freut, wenn Moder in de letzten Dag' mal ordentlich slapen kunn?“

„Ja,“ segt Johann, „wi freun uns, wil wi an ehr Opwaken dachten un dat se siß stärken ward. Un ik denk mi, dat Moder uf ut diffen deepen Slap opwaken ward un niee Kraft un niees Lewen friegt un denn wieder denkt un föhlt un wünscht un wählt, awer an en anner Stell. wu keen Bien un Krankheit is. Du kennst doch den Spruch, wo de Pastor öwer red hett: Gott wird abwischen alle Thränen von ihren Augen, und der Trd wird nicht mehr sein, noch Leid, noch Geschrei, noch Schmerzen wird mehr sein, denn das erste ist vergangen.“

„Na ja,“ segt Klas, „dat paßt ja uf genau op unj' ol gode Moder. De het nu den Frieden fund, de nich mehr stört wardn kann.“

„Na Din Ansicht weet se awer nichts darvon un kann siß dar nicht öwer freun,“ segt Johann. „Ik denk awer, dat se dat weet un siß freut. Ik glöw, dat se in en anner Welt lewt un wewt. Klas Krüsen

is bie dissen Glowen en oln Mann wordn un in Frieden stormen. Dat wetst Du doch uf?"

„Gewiß," segt Klas, „un dat is en schön Glowen. Wenn Du em holn kannst, denn hol em. Ik hef em verlarn, as Bader storm."

„Wu meer dat denn, as Bader storm?" frög Johann.

„As Bader op 'n lezten leeg, do kôm sin oln Frönd Klas Krüsen un wull em trösten un sung an von den Himmel to spreken, wo all de goden Minschen hinkamt. Dar kummt Du nu uf hin, Raver, segt he, un dar wardst Du mit den lewen Gott un de Engel un all de goden Minschen tosam kam un mit ehr selig wardn. Do seeg uns' Bader em lang' an, as wenn he sik besunn, ob he em antworten wull. Raver, segt he tolekt, mit den lewen Gott? De is ümmer bie mi wesen. Du kennst ja den Spruch: Ich gehe oder liege, so bist Du um mich, un — — mit all de goden Minschen? Denkst Du uf daran, dat se all verschedene Sprak un Stellung hatt hebt? Wat schall so 'n lütt'n plattdütschen Buer, wie ik, mit ehr snacken? Mit Sokrates un Titus, mit Karl den Groten un Friedrich den Groten, mit Schiller un Göthe, mit Luther un Melanchthon? Un wat schall ik dar mit de tosam bedriewen? — Dar ward de lewe Gott för sorgen, segt Klas Krüsen. — Ne, Raver, segt Bader, dar he t t he all för sorgt. Se slapt all in Frieden, un ik ward uf in Frieden slapen, gode Nacht! un darmit lä he sik op de Siet un slöp in un wak nich weller op."

„Wie den Glowen kunn ik nich ruhig lewen un starwen," meen Johann.

„Hef ik uf meent," segt Klas; „ik hef nu awer all twintig Jahr mit em lewt un bin ümmer ruhiger darbie wordn; ja, ik seeg den Toftand na 'n Dot jekt ruhiger an as fröher. Wenn ik dot bin, denn slap ik in Frieden, un Krankheit, Pien un Not röhr't mi nich an."

„Awer Du büßt denn ja gar nich mehr da un weetst von nichts,“ segt Johann.

„Dat is ja ut keen Unglück,“ segt Klas. „Dat weer ja vör föftig Jahr ut so. Do weer ik ut nich — weer dat denn en Unglück för mi?“

„Weest, wat in uns' Gesangbol steiht?“ segt Peter. „Sein und dann vernichtet werden — Mitternachtsgedanke, fleuch. Dat seg ik ut.“

„It will Di Din Glowen ut nich nehm; ik seg ja, dat is en schön Glowen,“ segt Klas. „Hol em fast, solang Du kannst, awer glöw nich, dat de verzagen möt, de he fehlt. Dat heft an uns' ol gode Moder sehn; de har em ut nich mehr un het glücklich lewt un is ruhig stormen.“

„Dat is se,“ segt Johann; „awer dat se Din Ansicht har, heft ik nich wußt. Se weer doch ümmer so god, nich blot gegen uns, ne, ut gegen all de arm Lüüd.“

„Dat het darmit ut nichts to dohn,“ segt Klas. „Se het Dag um Dag ehr Pflicht dahn un holpen un tröst un bieftahn, wu se kunn. Dat schall ut all so bliwen hier in'n Hus', un dar het se ut wul an dacht, as se sä: Bliwt man so bie! Dat wüßt wi doch, Johann?“

„Ja, Klas,“ segt Johann; „wi beholt beid' unsen Glowen un doht beid' uns' Pflicht.“

Do ward da kloppt, un Hinnert Martens un sin Fru köm rin un wulln ehr in ehr Not besöken un trösten.

„Wi hebt uns dat dacht,“ segt Hinnert, „dat Zi nu nich in un ut weet. Do sä ik to min Fru: Kumm, wi wüßt röwer un ehr Gesellschop leisten.“

„Dat is nett von Zu,“ segt Klas. „Wi weet ut wirkli nich in un ut. Wi is to Mod, as wenn Moder min Verstand mit nahm har.“

„Se weer en ole gode Fru,“ segt Fru Martens.

„Dat muß ja frielich all na ehr Willn gahn; se muß awer uf, wat se wull, un wull immer dat beste.“

„Ja,“ segt Klas, „dat freut mi man, dat se so ruhig un still inslappen is.“

„Is se dat?“ frög Hinnerk.

„Ja,“ segt Klas, „grad den lezten Dag köm noch en Breew von Peter, dat em dat god güng, un wi hebt ehr den Breew twemal vörlesen muß un do lä se sif trüch un slöp in.“

„Wat sä se denn darto? Sprök se tolezt noch?“ frög Fru Martens.

„Se sä: Ik will nu gern starwen. Peter is god to Weg, un Zi beiden holt so vel von enanner, dat ik um Zu nich sorg. Blietwot man so bie! Dat weer ehr leztes Wort.“

„Na, daran is ja uf nich to twiefeln,“ seg Fru Martens un seeg Johann an, as wenn se segn wull: Du wardst dat wul nich störn wülln

„Weest wat,“ segt Hinnerk Martens, „Johann, Du kunnst nu to mi kam, wenn uf blot, um Unnerscheed to sehn un to lehrn.“

„Na Moder ehrn Sinn war dat wul nich sin, segt Johann, wenn ik uf nichts dagegen har.“

„Doch,“ segt Fru Martens, „se sä: Liewot man so bie, un dat ward wi nich störn. Klas un Hinnerk sünd doch uf so bieblewen, obglief Hinnerk sif verheirat het, un Du muß nu doch uf op en sekere Tokunft tostörn, un Klas mut sif verheiraten; denn en Husfru dörfst hier nich fehl’n. Ahn de müssen Zi hier ja beid’ versurn; de kann keener von Zu ersetten.“

„Dat stimmt,“ segt Johann, „wenn Klas sif verheirat, denn mut ik wul von’t Hus.“

„Dat’s nich nödig,“ segt Klas. „Wi hebt ja ümmer beid Arbeit fund, un Moder het för’t Hus sorgt. „Wenn ik mi verheiraten mut, ward min Fru för’t Hus sorgen, un wi doht uns’ Arbeit, wie bether.“

„Doch,“ sagt Hinnerk, „Johann kann sik beter för sin Tokunft utrüsten, wenn he bie mi is, un Din Fru is nich Din Moder, de Zu beid lief leew har. Mann un Fru, segt de Bibel, sünd een Flesch; dar is de drütte ümmer ünnerdörch.“

„Warum wüllt Zi mi nu op eenmal allns roben?“ segt Klas. „Min Moder fehlt mi in 't Hus, un nu schall Johann mi uk noch in 'n Stall un op 't Feld fehl'n? It glöw, it kann ahn em keen Feld bestellen.“

„Dat meen it uk, as min Vater güng,“ segt Hinnerk, „dat giwt sik bald. Du mußt nich blot an Di, Du mußt uk an Johann denken. De is nu uk in de Sahrn, dat he süls wat wardn mut: en Landmann will he wardn un en Burstell het he nich in Sicht. He mut doch von 't Hus, früher oder später; mi dünkt, dit is de beste Devergang.“

„Ja, Broder Klas,“ segt Johann, „dat glöw it uk. So könnt wi ja biebliwen, wie Moder sä. Nu könnt wi in Leew un Frieden utenannergahn un doch tosam bliwen. Awer ahn Din Tokstimmung will it natürlich nich gahn.“

„In Leew un Frieden,“ knurr Klas; „dat ward doch uk später so bliwen.“

„Du heßt mi doch mal segt, Du kunnt as Ehemann twischen twe Füren kam,“ segt Hinnerk.

„Ja, do lew min Moder noch un Peter weer noch to Hus,“ segt Klas, „un de güng gern all de landwirtschaftlichen Arbeiten ut 'n Weg un wuß doch am besten mit Moder farrig to wardn; awer Johann un it — dat is wat anners; wi verstaht uns, wie en Paar Döschers.“

„Ja,“ segt Hinnerk, „do weer Johann noch en Jung un deh, wat Du verlangst, un güng to Not in 't Gril, in de grot Kastanj. Awer de is nu uk grot un het uk sin Verstand un denkt uk mal an sik süls.“

„Un bie Di nich, meenst Du?“ frög Klas un lach.



„Gewiß,“ sagt Hinnerk, „awer denn denkt he uf, if bin bie anner Lüüd, un deiht, wat sin Herr em segt. Ik will ja doch nich mintwegen Din Broder to mi nehm; ik denk darbie blot an Di un an de Tokunft.“

„Ja Du,“ sagt Klas, „eentlich gönn ik Di den Jung nich. He is mi so to Hand un god toleht; he ward mi, wie Moder, öwerall fehl’n. — Johann, schull ik wol ahn Di dat Foder ut de Wischen kriegen? Du weest so nett mit de Peer umtogahn un ehr de Schoh antotreden, dat se öwer de weken Stelln kamt. Dat geiht wahrhaftig nicht.“

„Ik hef dat doch von Di lehrt,“ sagt Johann, „dat künnt anner Lüüd uf.“

„Ja, Johann,“ sagt Klas, „wenn Du sülbs Lust heft, — denn gah; awer de Fest- un Fierdag büst Du bie mi if ward Di uf nich in ’t Exil schicken.“

„Dar hef ik nichts gegen,“ sagt Fru Martens. „Du un Hinnerk sind ja uf ümmer tosam lopen, ahn dat ik eifersüchtig worden bin, wenn ’t uf manchmal neeg darbie weer.“

„Na,“ sagt Hinnerk, „un wenn Din spätere Fru nu uf noch eifersüchtig op Johann wardn wull, denn hebt wie de Geschicht von de beiden Füren all.“

„Ja Johann, schallt denn so wardn?“ sagt Klas.

„Mi is’t recht,“ sagt Johann; „wenn Se mi hebn wüllt, wie ik bün, Herr Martens, gah ik morgen to.“

„Un Lohn,“ sagt Hinnerk, — „dar möt wi doch uf öwer snaden.“

„Ik sorg för Tischtengeld,“ sagt Klas, „wöchentlich acht Schilling.“

„Ik för Wäsche,“ sagt Fru Martens.

„Ik sett vierteljährlich tein Daler als Lohn ut,“ sagt Hinnerk.

„God,“ sagt Johann, — „awer Klas, wi bliewt so bie.“

„Natürlich,“ sagt Klas, un de Sak weer afmaakt.

---

## 2. Kapitel.

Johann güng den annern Dag na Hinnerk Martens un weer dar so 'n Art Kostgänger, Schriever oder Verwalter — sin Titel weer bie de Anstellung leider nich feststellt worden. Herr Martens sprök abends mit em af, wat den annern Dag utföhrt wardn schull, un Johann güng den annern Dag mit de Lüüd to Feld un sat am leewsten, wie he dat gewohnt weer, süls mit an, un so güng een Dag hin, wie de annere. Broder Klas har ja uf den Grundsatz: de Weert mut vöran, un wenn he hier den Weert sin Vertreter sin wull, denn muß he uf vöran; dat kenn he nich anners, un dat maß em bald beleewt, in't Feld, in de Schün un in 'n Stall.

Klas kunn sit in de ersten Dag gar nich torecht sin, wiel in de Wahnstun, in Rök un Keller doch allerlei vörköm, wo he nich vöran gahn kunn. De beiden Deenstdeerns weern ganz düchtig un von sin Moder god tolehrt. Se stundn to rechter Tied op, besorgen de Melkwirtschaft un brochen dat Eten to Disch; awer dat Eten wull em alleen nich smacken, un de Knechtens un Deerns, de Daglöhners un Daglöhnerfruens harn doch ümmer allerlei to bestellen, to fragen un to wünschen, wat em fröher sin Moder von 'n Biew holn har, namentlich wat Hus un Garn un dat Fellerveh angüng; dar har he sit ja fast gar nich um kummert. „Wo keen Husfru is,“ segt he an'n drütten Dag bie sit süls, „dar fehlt de Seel in'n Hus“ — it mut heiraten.“

Zwischen twe Füllern kunn he ja nu nich mehr kam, un Hinnerk Martens har em ja de nalaten, de em, Klas Nickels, de leewste weer — Telsche Reimers, un von de har ja uf sin ol Moder all vel holn, wiel se so frisch un froh, so düchtig un geschickt weer, un de har ja uf op em töwt. Op em töwt? Dat weer nich gewiß. Se har den Möller sin Söhn utslagen

— ja, awer dat weer ja uf 'n Waschlappen, de kunn nich boßeln un nich segeln, nich jagen un nich Striet-schoh lopen, den nenn ja all Lüüd „Kamsell Sander“. Awer weer he, Klas Nickels, nich en beten old worden? Vör söben Jahr — do weer se wul negentein wes, do har he mal mit ehr danzt, do har he ehr vertellt, wu sin Moder grote Stück op ehr höl, un he har ehr noch mehr segn wullt. Do har de dwallerige Hans Karstens em man stört, un naher har he uf daran dacht, dat sin Moder doch dat Regiment noch nich afgewen war, un har de Gelegenheit nich söcht un nich fund. Aber nu weer dat anners, nu wull he uf nich na'n Gelegenheit söken; he wull grad to gahn un Franz Reimers besöken.

Franz Reimers stund vör sin Husdör, as Klas Nickels anköm.

„God'n Dag, Kaver Reimers,“ segt Klas.

„God'n Dag, min Söte,“ segt Franz. „Dat het uns jo leed dahn, dat Din ol Moder stornen is, un nu heft Din Broder uf noch wegschickt? Min Söte, dat har ik doch nich dahn. Johann weer Di doch grad jezt vel wert. Nu heft ja op eenmal allens op'n Hals.“

„Ja, Kaver,“ segt Klas, „dat is so. Ik bün uf ut'n Hus' gahn, um mi Hölp to söken, un hef an Sin Dochter dacht. Schull de mi nich helpen könn'?“

„Ja, min söte Klas, dat weet ik nich; de Deern het ehrn egen Kopp. Nu min Schwester den Husstand föhrt, weer se hier ja to entbehrn; denn twe harde Steen mahlt nich god. Awer ik glöw, heiraten will se nich, sonst har se ja lang tolangen kummt. Un Husshollerin? — Ja, dat kunn doch sin. Se versteiht dat ja ut'n ff; dat het se noch von ehr Moder lehrt, un se het all manchmal segt, dat se am leewsten mal von'n Hus' gung. Ik glöw, dat het Tante Lise in Glückstadt ehr in'n Kopp snackt.“

„Dörf ik ehr mal fragen?“ segt Klas.

„Ja, min Söte, denn kumm man rin. Wi drinkt en Glas Wien tosam un künnt dat darbie besnacken.“

„Ne, Klawer,“ segt Klas, „it mag vör't Middageten nich drinken un nich smöken. Dar is mi de Börmiddag to god to, un it verdarw mi denn uf de Middagsmahl-tied.“

„Ach ne, min Söte,“ segt Franz, „snack doch nich. En Glas Wien un en Piep Tabak un en Mund vull Snack — dat bekummt mi ümmer god.“

„Mag sin,“ segt Klas, „awer mi nich. He kann ja denn uf dohn, wat He will.“

„Ne Du, alleen smecht mi dat uf nich,“ segt Franz. „Dat's jüst so, as wenn it alleen danzen oder segeln schall, dat's keen Vergnügen.“

„Na, schall it min Heil mal versöken?“ segt Klas.

„Ja, min Söte, dat doh,“ segt Franz. „Seg ehr awer nich, dat Du dar all mit mi öwer spraken heft,“ un darmit maß he de Husdör apen. „Hör.“ sett he liesen hinto, „se speelt un singt in de Wahnstun. Dat deiht se nu oft, un sogar mehr as god is.“

„Warum mehr as god is?“ frög Klas.

„Ja Du, min Schwester het denn doch mehr to dohn, un de is doch uf nich mehr jung,“ segt Franz. „Un denn sünd dat uf all so'n trurige Leeder. Dar ward' it ja manchmal ganz melancholsch bie.“

„Dat givt sif all,“ segt Klas, „lat uns man rin gahn.“

„Ja, min Söte, ja; awer eigentlich kann it Telsche doch gar nich god entbehrn. Süß mal —“

„Ach, lat mi man mal fragen,“ segt Klas.

„Ja, min Söte,“ segt Franz, „wenn se will, denn ward' it uf nich fragt. So is se, Du schullst Di doch man bedenken.“

„Dat hef it all dahn,“ segt Klas; „lat uns man ringahn.“

De beiden treden in 't Hus un denn in de Wahnstun, as Telsche eben ehr Fortepiano tollapp. Klas

gung op ehr to un geew ehr de Hand un segt: „Godn Dag, Telsche, wu geiht?“

„Mi ganz god,“ segt Telsche, „awer Di? Du heist ja Din ol gode Moder verlarn.“

„Ja leider,“ segt Klas, „un mit ehr de Seel ut min Hus. Se fehlt mi op alle Eeden.“

„Dat kann ik mi denken,“ segt Telsche; „ik weet, wu dat deiht. As min Moder storn, hef ik dat-jülwe Geföhl hat.“

„Deswegen hef ik uk dacht, wi kunn uns gegen-siedig trösten,“ segt Klas. „Wi hebt datjülwe Schicksal un künnt uns verstahn.“

Telsche sweeg un kunn uk nich dat rechte Wort findn. Do misch ehr Vader sit in.

„Min söte Telsche,“ segt he, un sat ehr bie di Hand. „Klas brukt en Husrollersch un Du sä'ft ja nüllich, Du muthst dat mal bie fremd Lüüd versöken.“

Do ward Telsche rot un seeg ehrn Vader an un segt: „Dat kummt mi doch en beten plöglich övern Hals. Dar muck ik mi doch erst bedenken un allerlei fragen. Vader, lat uns mal 'n Ogenblick alleen.“

„Ja, min Dochter,“ segt de Ol. „Ik gah so lang na Tante, de is in 'n Gaarn un plant Arsen oder Bohn. ik weet nich mal wat,“ un darmit güng he ut de Dör.

„Din Vader het Recht,“ segt Klas, as de Ol ut Sicht weer, „ik bruk en Husrollersch; awer wenn ik de söcht, weer ik nich to Di kam. Ik söf een, de Lust un Leid mit mi deeln kann un will — ik söf en Husfru. Mi fehlt nich blot en flietige Hand, mi fehlt uk en Hart, en frisches, braves, trues Hart. Du hefst beides. Telsche, ik kann nich vel Wör maken, muckst Du nich min Fru wardn?“

„Klas,“ segt Telsche, „wi kennt uns to wenig un sünd beid in de vernünftigen Jahren, dat wi nich mehr jo darop losfriet. Lat uns dat ruhig un oprichtig bejnadhen. Wenn ik ut Mitleid ja sä, wat kann Di

dat nützen? Denn behst Du beter, wenn Du Di en Huszollersch söchst, wie Bader dat in Sinn har."

"Min lewe Telsche," segt Klas. "It weet wul, dat wi nich mit desülwe Leidenschaft anfangn künnt, wie wi dat fröher kunt harn. Weest noch, wu it mit Di danz op Gretchen Peters ehr Hochtied? Do weerst Du eenuntwintig un it weer uf söben Jahr jünger as hüt. Wu gern har it Di do segt, wat it söhl! Awer it kunn Di doch nich bindn wüln, wo it Di wieder nichts beden kunn, as Hart un Hand — un keen Hus: awer nu is dat anners."

"Ja, Klas, nu is dat anners," segt Telsche. "It hef do uf anners söhl un har Di lang nich utslagen, wenn Du mi fragt harst; denn du weerst mi lang nich gliestgültig un it much Di gern lieben. Awer nu bin it en ole Schachtel, un Du büst en oln Junggesell, un dat sind uns' Herrgott sin schlimmsten Kostgängers: de hebt beid allerlei Gewohnheiten un Rücken."

"Bernünftige Lüd hebt Gewohnheiten, awer keen Rücken," segt Klas. "Op de Gefahr hin wull it dat mit Di wagen. Ol Leew rust ja nich un min is immer blank blewn. Ja, it hef mi mitünner sogar inbild — —"

He stoß un seeg Telsche ganz verleeert an: awer Telsche vertroß keen Wien.

"Na, wat heft Di inbild, Klas?" segt se; wi wüln ja oprichtig tosam snackn."

"It hef mi tawieln inbild," segt Klas, "Du kunnst Mamsell Sander un annere utslagn hebn, wiel Du an mi dachst. Is dat so?"

"Na," segt Telsche, "un wenn 't denn so weer?"

"Denn is erst recht alls in Ordnung," segt Klas; "denn hebt wi beid op enanner töwt, söben Jahr, wie Jakob op Rahel. Kumm, Telsche, slag in! Wi ward en glückliches Paar, wenn uf leider en beten spät," un darmit höl he sin grote starke Hand hin.

„Awer min Rücken, Klas; — Tante Trine segt, if hef Rücken.“

„De lettst Du bie Tante Trine,“ segt Klas. „Ob de en paar mehr het oder weniger, dat kummt nich darop an.“

„Ne,“ segt Telsche, „de bring it mit; it kann ahn min Rücken nich mehr glücklich wardn.“

„Na, denn wies mi mal een von de Dinger,“ segt Klas; „sünd se denn so ballsturig, dat man bie ehr nich utholn kann?“

„It speel un sing gern,“ segt Telsche.

„Dat hör it towieln gern,“ segt Klas.

„It les gern mal en godes Book,“ segt Telsche.

„Dat do it uk,“ segt Klas; „dar kann sit ja jeder utjökn, wat he mag. Min Viefgericht is dat Plattbütsche.“

„Min uk,“ segt Telsche; „awer it gah uk gern mal to Kirch.“

„It nich,“ segt Klas, „awer it hol Di nich trüch.

„It kann nich verdregen, wenn de Lüüd min Bader neckt,“ segt Telsche.

„Die Lüüd narren, kann it uk nich verdregen,“ segt Klas. „Wi wüllt doch uk old wardn.“

„Mehr wüß it op 'e Stell nich antogewen,“ segt Telsche. — „Ja, een noch,“ sett se flink hinto. „It bün all mit 'n halw Dug Rücken verheirat un twiefel daran, dat it denn en Mann glückli maken kann.“

„Ja, dat kannst Du doch,“ segt Klas. „It gah all as de glücklichste Mann, ut Din Hus, wenn it de Öwertügung mitnehm dörf, dat Du mi nakummst.“

„Un Johann?“ frög Telsche plötzlich, as wenn de nu dörch all dat Glück rut drängt wardn schull.

„De blivt bie Hinnerk Martens,“ segt Klas, „un wenn he dar nich länger sin kann, geiht he annerswo hin, um sin Glück to söken. Wi holt sovel von enanner, dat wi gern tosam blewn; awer wi seht beid in, dat dat am besten is, wenn wi uns trennt.“

Denn bliwt dat am längsten so wie dat is, dat wi uns leew hebt un keen Striet kriegt."

"Un wann denn — wann müssen wi Hochtied maken?" frög Telsche.

"Sobald wie möglich", segt Klas; „gliest na de Marn, denk ik."

"Natürlich so lütt, wie möglich," segt Telsche, „viel Din Hus en Truerhus is un viel ik ja eben erst de Truer aslegt hef."

"Dat kann wol nich anners sin," segt Klas, „Telsche sweeg und ward' immer nadentlicher un benauter utsehn. Se schien sik ganz in ehr Gedanken, in trurige Gedanken, to vergraben; denn de Ogen wurd'n ehr feucht, dat se na ehr Taschendoek langn muß."

Do sat Klas ehr bie de Hand un segt: „Warum wullst Du ween, min Telsche? Dat Glück is nich afhängig von de Hochtied; de lüttste Hochtied kann dat höchste Glück bringn."

"Dat is dat uk nich," segt Telsche; „ik dacht an Schiller sin Wort: „Ach, des Lebens schönste Feier endet auch den Lebensmai."

"Dat kann bie uns nich passen," segt Klas un sat uk na de anner Hand, as wenn he nu de ganze Deern in sin Gewalt bringn wull. Wi hebt unsen Lebensmai beendigt, as wi fiew un twintig weern, un twetens ward de Maienluft mit all ehrn Glanz un Duft, mit Sang un Klang am Hochtiedsdag mit Di in min Hus treden, un de schall immer bie uns bliewn. Min söte Telsche, wenn Du Vertruen to mi heft, wie ik to Di, wenn Du mi leew heft, wie ik Di, un wenn Du mi glücklich maken wullst, wie ik Di, — Telsche, den slag in." Un Telsche slög in, un Klas geew ehr den ersten Kuß un denn gung se na 'n Gaardn un stelln sik bie Vader un Tante vör as Brut und Brüdigam, un denn gung Klas wirklich as de glücklichste Mann ut Franz Meimers sin Hus.

---



### 3. Kapitel.

In 'n August harn Klas un Telsche ehr Hochzeit fiert, un Telsche har ehr Amt as Husfru antreden. De Flitterwochen nöhm ehrn Anfang, nich mit en Hochzeitssreis, dat full ehr beid ja gar nich in, ne, mit 'n gewöhnlichen Husstandsbedriew, un doch mit en Seligkeit, de nich to beschriewen is. Klas weer den annern Morgen ebenso fröh ünner sin Lüd wie ionst, un orden an, wat hüt dahn wardn schull, un Telsche streif döörch Köf un Keller un freu sit, dat de beiden Deerns allns in Ordnung harn. Se har gar nich nödig to briewen un to befehl'n, un wu dat nich nödig is, dacht Telsche, dar hol wi den Mund. Se nöhm en Ketel mit kalen Water un sett em op 't Füerfatt un broch dat na de Stuw un fung an to trichtern. Denn hal se Rahm un Zucker, Brot un Botter, un so weer de Kaffeedisch deckt, wie se dat von Hus' ut gewohnt weer; de Tassen stundn parat.

Do köm Klas herin. He kunn sit an sin lütt Fru gar nich satt sehn. Wu nüdlich stund ehr de Morgenmütz, de sit vergebens afmöd, dat blanke brune Haar intosparrn, un dat eenfache kattune Morgentkleed un de witte Platen un dat Slötelbund an de Siet un dat blaue Band um den Hals. Entzückend! Klas sat ehr op de Stell um mit sin grot'n stark'n Arms un geew ehr 'n Kuß, dat Telsche Möh har, sit to wehr'n un naher den Antog leidlich weller in Ordnung to bring.

Un nu de Kaffee! „Telsche,“ segt Klas, „de Kaffee smecht ganz anners as Moder ehren.“ He maet en ganz ernstes Gesicht.

„Hoffentlich beter,“ segt Telsche un lach.

„Is wul möglich,“ segt Klas, „awer düter ward he sin, as de, den Moder kat.“

„Wer ümmer berekent, wat he kost,“ segt Telsche, „de het sin Dag' keen goden Kogl.“

„De Bur mut awer reken,“ segt Klas, „sonst kann he nich bestahn.“

„En gode Tasse Kaffee bringt em nich von de Stell,“ segt Telsche. „Wat schall ik mit den ganzen Ketel vull Züch? Beten un beten Godes is mi leewer.“

Klas wull noch etwas dagegen jegen, he beet sif awer op de Tung un dach an de Mailuft, de he inlaten wullt har mit ehrn Duft, un dat kunn he nich leugnen: duftig weer dat Gedränk. He sweeg bonstill.

„Ik trichter den Kaffee un Moder het em fast,“ segt Telsche. „Wi möt doch mit de Welt fortgahn, sonst rekent se uns to de oln Lüüd; wi sünd doch noch jung.“

„Wie Di kunn 't passen,“ segt Klas; „bie mi is dat man so wat, ik hör to 't Middelalter.“

„Dat beten Middelalter kunnst noch aflegn,“ segt Telsche. „Snie den Backenbart af wie Hinnerk Martens un lat blot den Snurbart stahn; denn warst Du utsehn, as wenn Du op 'n Jungmöhl wes hüft.“

„Ik krieg awer mehr to dohn un ward dar wirklich nich jünger mit,“ segt Klas. „Un denn, Telsche, het so 'n Bart uk sin Godes; den het uns de Natur nich umsonst gewen: he hölt den Hals warm.“

„Denn het se uns Frunslüd unrecht dahn,“ segt Telsche; „wi hebt keen fregen.“

„Warum schull se uns denn grad een gewen hebn?“ frög Klas.

„Damit Zi em stahnlaten un affnieden könnt,“ segt Telsche, „ganz wie de Fru dat wünscht.“

„Denn har se uns ja den Bart gewen, um Ju to argern,“ segt Klas un lach.

„Ober uk, um Ju en Middel to gewen, uns to bewiesen, dat Zi wat von uns holt,“ segt Telsche.

„Do ik Di denn en Gefallen damit, Telsche, wenn ik em affnie?“ frög Klas.

„Ne,“ segt Telsche, „wenn Du em leewer beholn

mullt, denn hef ik dar gar nichts gegen. It sä ja blot, Du kannst dat beten Widdelalter noch aflegn."

"Na," segt Klas, "ik will dat aflegn, wenn Du nichts dagegen heft."

"Dagegen hef ik erst recht nichts," segt Telsche. "Im Gegendeel, ik find dat ganz hübsch."

As Klas middags to Hus köm, weer de Backenbart weg un Telsche har bald de Suppenterrien. de se grad op 'n Disch setten wull, falln laten, as se dat glatte Gesicht seeg.

"It kam ut de Jungmöhl," segt Klas; "wat segst Du darto?"

"Brächtig!" segt Telsche; "Du büßt tein Jahr jünger worden."

"Na, denn schall mi dat nich leed dohn," segt Klas un geew ehr den ersten Kuß mit dat glatt Gesicht.

As se sik nu awer to Disch setten un Klas en sülwern Lipel in de Hand nehm muß, obglief he en hölten gewohnt weer, do dreih he em hin un her un segt: "Dat is doch schad um den blanken Lipel; wüllt wi dar nu ümmer mit eten?"

"Natürlich," segt Telsche, "wo schull Bader ehr sonst to köft hebn?"

"För Festdag' un för Besöt," segt Klas. "Dat kann en Bur sik doch nich tämen, all Dag' mit 'n sülwern Lipel to eten."

"Min Bader is fiemunsöbentig Jahr old," segt Telsche, "un he itt noch ümmer mit den sülwigen Lipel, wo he op sin Hochzeit mit eten het. So 'n Lipel holt mit en Minschen ut."

"Du, dat smeckt mi uk beter ut 'n hölten Lipel," segt Klas, "de is nich so hitt."

"Dat ward man gewohnt," segt Telsche; "ik hef noch nie mit 'n hölten Lipel eten."

Klas wull eigentlich noch segn, ob de Husstand nich doch to 'n glänzenden Anstrich freeg. He dach

awer weller an de Mailust, de uf mit ehrn Glanz  
intreden schull, un sluß de Bemerkung mit de Supp dal.

„Beter, wi hebt dat Sülwer op 'n Disch as op 'n  
Kopp,“ segt Telsche.

„Ja Du“, segt Klas, „if har wahrhaftig all en  
paar graue Haar in den Bart, de nu affneden is.“

„Sühst Du“, segt Telsche, „wat 'n Glück, dat he  
weg is!“

„Se waßt man na“, segt Klas, „und sünd denn  
scharp; Du wardst dat noch marken.“

„It bind en Eleier vör, wenn Du mi küssen  
willst,“ segt Telsche un lacht.

„Ne Du, denn lat it em weller wassen,“ segt  
Klas. „Na, denn nich,“ segt Telsche, „denn mut it  
lieben, wat kümmt. För wat hört wat.“

Abends har Telsche för sit un ehrn Mann rode  
Grütt kakt un en Guß mit Abendmelf darneben stellt.  
Dat har de ol Fru Nickels in ehrn ganzen Leben  
nich dahn! dar weer ehr de Zucker vel so dürr to.  
Telsche weer dat gewohnt, un ehr Bader har sit to  
dit Gericht gliest befehrt, as se dat to 'n erstenmal  
opjett har, nadem se dat in Glückstadt lehrt har von  
ehr Tante Lise. Klas har dat as Brüdigam uf all  
bie ehr eten un har segt, dat em dat smeck. Un doch  
har he leewer sehn, sä he nu, wenn se Dickmelf op-  
jett har.

„It meen, Du müchst doch gern rode Grütt,“  
jegt Telsche.

„Ja, för Festdag und Besöf.“ segt Klas; „an de  
Werteldag kann man sit in Dickmelf satt eten, wenn  
man uf man afrömt Melf darto het. Denn brukt  
man keen Zucker.“

„Itst Du denn ohne Zucker?“, segt Telsche; „de  
verdarvt dar doch nichts an.“

„De maßt dat awer dürr,“ segt Klas.

„Ach wat dürr!“ segt Telsche; „darsör smeck dat  
uf vel beter.“

„De Zucker schall man betahst wardn,“ segt Klas. „De Bur mut sin baarn Schillings tosamholn. Moder pleg to segn: „Man mut den Schilling dreimal umkehrn, eher man em utgiwt.“

„Allns het sin Tied, segt Salomo: beholn un wegsnieten. De Johannisbeern hebt uf ehr Tied,“ segt Telsche. „Verlang man von mi um Wiehnachten keen robe Grütt.“

Klas wull weller noch wat segn. He dach awer noch to rechter Tied, dat Salomo uf segt har: Reden un Swiegen har sin Tied, un daran, dat dat Swiegen Gold un dat Reden blot Sülwer weer. He sweeg also en Ogenblick un öwerlä siß de Sat nochmal. Dann füll em awer dat Sprichwort in, dat man sin Fru bie 'n ersten Knus Brot tolehrn mut. He muß dat doch nochmal versöken.

„Telsche,“ segt he ganz ruhig, „if sä, de Husstand ward uns to dürr. Dar kunnst Du wul glöwen, if weer en Giezhals, de sin Gott in 'n Kasten het un siß arm sammelt. Dat is awer nich so. Ik will blot sparn, wo ik kann, damit ik wat hef, um de arm Lüd wat astogewen. De wardst Du doch nicht beknappn müßn.“

„Dat fällt mi gar nich in, Klas,“ segt Telsche. „Meenst, if har dat nich oft hört, von de arm Lüd sülbs, dat Din ole gode Moder an ehr dacht un ehr bieftahn het? De hebt awer uf bie min Vader un Moder ümmer Hölsp fund, obglief se nich sparn, wie Du dat meenst bedriewen to möten. Du hältst Hus, as wenn wi för morgen keen Brot in 't Hus harn. Min Grundsatz is: Lewen un lewen laten.“

Dat weer ja Klas sin Grundsatz uf. Wie kunn he denn wul mit sin Telsche strieden? He wuß recht god, dat Salomo uf segt har: Striet har sin Tied un Frieden har sin Tied; dat weer awer dat lezt in Salomo sin Register. Wu kunn he denn glier den

ersten Dag in sin Ehestand den Striet op 't Tapet bringen; he har hüt vellicht all to vel darin leift.

Sündagnamiddag kôm Johann to 'n erstenmal to Besök bie de jungn Eheleüd, un he un Klas begroün sif mit Lachen.

„Du büßt wul uf op 'e Jungmöhl wesen, Johann,“ segt Klas. „Din Snurrbart is ordentlich sichtbar wordn, nu dat anner Buschwart affneden is.“

„It muß mi doch fein maken, wenn it dat junge Ehepaar besöken wull,“ segt Johann. „Wu geiht denn in den nie'n Stand?“

„Ach so la la,“ segt Klas.

„Un Di, Telsche?“ frög Johann.

„Mut god sin, bet beter ward,“ segt Telsche.

„Denn schient mi hier wirklich en beten Opmunterung nödig to wesen,“ segt Johann, „un it kunn min Flöt ja hier bruken. It wull Tu eigentlich hüt noch gar nich störn; it wull blot min Flöt haln, de it towieln entbehrt hes, wenn it en müßige Stund har.“

„Speelst Du Flöt?“ segt Telsche.

„Natürlich,“ segt Johann, „wullt mal hörn?“

He gung na sin Kamer un hal de Flöt nn fung an to speeln un wander un danz darbie döörch de Stuw, as wenn he de Rattenfänger von Hameln weer, de all de Kinner achter sif herloß.

„Johann, Du büßt doch noch ümmer desülwe Bremer Stadtmusikant,“ segt Klas.

„Wull it uf gern bliewn,“ segt Johann un speelt wieder.

„Blot nich överdriewn,“ segt Klas; wi hebt nims, de Di in 't Gril schickt.“

„In 't Gril?“ frög Telsche; „wat is denn dat? un warum is Johann en Bremer Stadtmusikant? Wi dünkt, he speelt ganz fein.“

„Ach,“ segt Klas, „Johann speelt towieln uf, wenn uns' Moder nich in de Stimmung weer, em totohörn. Do schick se em mal — he weer jarwul so 'n

Jung von twölfs Jahr — in de grot Kastanje hier, dar kunn he flöten, so lang he wull.“

„Ja,“ segt Johann, „dar heft ik nader uf manchmal stundenlang seten un speelt. Ik fund dar towieln allerlei Melodien un in 'n Summer seet ik dar fast jeden Abend. Klas nenn dat min Exil un ik nenn dat min söte Eck.“

„De söte Eck much ik wul mal sehn,“ segt Telsche.

„Dat kann angahn,“ segt Johann; „ik hal en Ledder.“

„Is nich nödig,“ segt Klas. „Süh, Telsche, Du kannst ehr von hier sehn. Dar twischen de fiew dicken Nst, mitten op den groten Stamm ünner de mächtige Kron. Dre Föhr Lehm heft ik ranföhrn mußt, um dat grote Loch in den dicken Stamm uttofölln, as wi hier introcken. Johann het sik nader en Bank darin trechtimmert.“

„Dat maßt mi noch niegieriger,“ segt Telsche. „Dat mi doch mal rop.“

„Na,“ segt Klas, „mintwegen. Johann, denn hal de Ledder mal ran.“

Se gung na de Kastanje, un Johann hal de Ledder un steeg rop un verschwund in sin söte Eck.

„Is noch allns in Ordnung?“ röp Klas rop.

„Ja,“ segt Johann, „ik glöw awer, Telsche kann de Reis nich maken.“

„Warum nich?“ frög Telsche.

„Klopp wul“ segt Johann, „awer trüch kummt nich so licht; dat is för mi all swierig.“

„Denn lat wi den Karrenkram bliewn,“ segt Klas.

Dar weer awer Telsche nich mit tofreden. Se sett ehren Foot op de Ledder un wull ehr Heil versöken. Klas löt ehr betäm un se steeg in de Höch, bet se öwerkielen un de söte Eck in Ogenschien nehm kunn. Johann lä sit op de Kneee, um ehr bie 't Wiederfstiegen to helpen.

„Fat mi an,“ segt he; „ik hol Di. faß.“

Awer Telsche kunn sik ümmer noch nich entisuten, höl de Ledder faß un seeg sik um ga ehrn Mann.

„Kumm leenwer rünner,“ segt Klas. „Sett een Foot na 'n annern deeper. Ik paß op, dat Du keen Fehltritt deihst.“

„Klas,“ segt se, „dat kann ik ja uk, wenn ik haben wes bin. Johann, help mi rop,“ un darmit sat se sin Hand an un sett een Foot na 'n annern höger un een, twe, dre weer se haben, se wuß nich wie, un Johann lät ehr los un stund neben ehr in de söte Eck. As se nu awer rünner seeg, da trock ehr dat so in de Been, dat se sik op Johann sin Bank setten un sik ordentlich besinn muß. „Klas,“ segt se. „kumm doch uk rop. Hier is Platz genug.“

„Ik weet.“ segt Klas; „ik brut em nich erst an- tosehn. Wenn Du uk nog davon heft, kumm man rünner.“

Telsche seeg den Platz noch mal genau an. „De ganze Boden is mit Moos bedeckt,“ segt se. „De bild ordentlich en weefn Teppich. In de Mitt kunn fein en lütten Disch stahn, un wenn an jeden Aft so 'n Bank trechtimmert ward, wie an den een, denn kunn dar fierw Person um den Disch sitten.“

„Dat is to 'n Bostonpartie to vel,“ segt Klas „Kumm man weller rünner, awer rückwas.“

Dat muß ja denn nu versöcht wardn. Telsche stell sik mit 'n Rügg na de Ledder un lä sik op den Moosteppich in de Knee un tapp mit den rechten Foot na de Sprossen von de Ledder un denn mit den linken, un Johann höl ehr bie den een Arm faß, bet se süßs de Ledder ansaten kunn. Se sä keen Wort, awer dat Hart klopp ehr vel duller; se köm awer glücklich rünner.

„Dat 's cenmal un nich weller,“ segt se un iat Klas um den Hals.

Klas har intwischen allerlei dacht, as Telsche twischen Himmel un Ehr un twischen em un Johann



swām. He har uf an dat Geföhl dacht, wat he hatt har, as he ton erstenmal ehr weete Hand fat har bie de Verlobung; ob Johann dar bawen uf so wat föhlt har?

As se weller na de Bahnstuw kōm, nōhm Johann weller sin Flöt un speel, un Telsche sett sit an dat Fortepiano un begleitet em, un Klas lä sit op de Ruhbank. Awer slafen kunn he nich, wil he allerlei Gedanken har, de em störn. De Musit weer dat nich, de weer ja för em doch en angenehmes Geräusch, un doch weer dat Musit. He har ja oft lest, dat man dörch Musit sin Geföhl utdrücken kunn. Kunn twe Lüd sit denn uf musikalisch ünnerholn, wie in en fremde Sprak? Kunn se sit segn, dat se sit leew harn? He muß all opstahn un jegn: Na, Kinner, nu maßt den Klimperkasten to un lat uns en vernünftiges Wort snacken. Do dacht he awer weller to rechter Tied an de Mailust, de uf mit Sang un Klang intreden schull, un so sä he blot: „Telsche, nu sing uf gliest mal.“

„Ja,“ segt Johann, „Klas sin Lieblingsleed: Der Mensch soll nicht stolz sein auf Glück und auf Geld.“

Dat beh se denn, un Flöt un Klimperkasten begleitn, un Klas kōm op annere, un sogar op betere Gedanken, besonders bie den Vers: Der Mensch soll nicht denken, ein and'rer sei schlecht; im Himmel hat jeder das nämliche Recht. Wenn Klas Wör bie de Musit har, denn much he ehr uf lieden. Denn kunn he sit doch wat darbie denken. Dat weer sin Mailust mit Sang un Klang.

Johann har disse musikalische Ünnerholung so gefulln, dat he Sündags ümmer sin Flöt in de Tasch steek, wenn he Klas besöcht, un Klas kunn denn uf ümmer mal sin Mailust dörch 't Hus treden laten, besonders, wenn Hinnerk Martens un sin Fru uf darbie weern. Johann kunn all de Leeder, de he mal hört har, begleitn, un wenn Telsche denn Klavier speel un Heet un Telsche sungn, denn geew dat en Konzert,

dat weer för Alas un Pinnerk en Genuß, un de Knechtens un Deerns fleeken sit na de Bördeel un hörn to. Flöt un Klimperkasten harmoneern un verdrogen sit, wie Broder un Schwester, un wer recht genau oppaß, wie Fru Martens, de meen sogar, Telsche un ehr Swager harmoneern ebenso god.

#### 4. Kapitel:

As de Winter in 't Land küm, do har de junge Fru mitünner schreckliche Langewiel. Dat Ijehoer Wuchenblatt broch frielich twemal wöchentlich Nachrichten ut Osten un Westen, ut Norn un Süden un vertell dit un dat von Maßregelungen, de öwer dissen un jenen verhängt weern, de dat wagt har, sin dütsche oder sleswig-holsteensche Gesinnung to wiesen. En groten Deel von dütschen Beamten muß ut Sleswig wiesen un Dänen treden an ehr Stell, un dat weern manchmal Kerls, de keen Schuß Pulver wert weern. De dütsche Spraak wurd' in Sleswig, besonders in 't Norn, ut Rark un Schol verbannt, un de swarten Schandarm, de dänischen Prediger, schulln de dütsche Spraak dar den Gnadenstot gewn, un de Bläder, wie dat Ijehoer Wuchenblatt, müssen sit höllisch in Acht nehm, dat se keen Wort tovel segn, wenn se nich ganz verbadn wardn wulln. De hambörger Schillinge schulln sogar in Holsteen nich mehr dulb wardn un blot dänisches Reichsgeld schull hier wie in Sleswig in Handel un Wandel brukt wardn. Dat arger frielich Mann un Fru; awer Stoff to 'n Snacken harn doch dar meistens blot de Männer.

De Frunslüd mögt uk gern weten, wat in de Hüß passeert, un dat nächste sünd ehr doch de Dörpsnieigkeiten, un de sünd Winterdags schlecht to hebn.

Küll un Snee hindert ehr sik, gegensiedig to besöken un Stoff to sammeln. Wenn de Mann nich mal dann un wann to Dörp geiht un frischen Stoff ranslept un em denn uf aslewert, denn sünd de Frunsliüd ja ganz verlarn un möt versurn un versorn, wie de Hagebutten an 'n Strauch.

För Telsche weer dat en Glück, dat ehr ol Bader noch lew un noch all Dag mal na 'n Möller un na 'n Kramer gahn kunn. He weer Telsche ehr Dörpzeitung un wuß ümmer allns un köm ümmer vör un vertell ehr, wat dar passeer. Von Klas kreeg se ja selten wat to weten, wat nich in 't Ijehoer Buchenblatt stund. Erstlich har de nich grad alltovel Gelegenheit, wat to hörn, denn he weer ümmer twischen sin Lüüd, un twetens hör he to de Männer, bie de so 'n Dörpsnaek in dat een Ohr rin un ut dat anner weller rutgeiht, un drüttens weer he öwerhaupt nich för 't Bertelln. Wenn Telsche denn manchmal von ehrn Bader so 'n Neigkeet hört har, de ehr interesseer, ton Biespiel, dat bie Hanchen Wald un Gretjn Peters all dreemal de Storch wes weer, un vertell dat denn an Klas un Klas segt denn: Ja, dat weet ik all, denn wurd' Telsche jedesmal argerlich un segt: Un dat heft mi gar nich vertellt? un tolekt sett se sogar mal hinto: Meenst Du egentlick, ik bruk gar nich to weten, wat in 't Dörp passeert?

„Ach ne,“ segt Klas, „dat hef ik noch nie dacht.“

„Denn kunnst wul uf mal wat vertelln,“ segt Telsche; „wi hebt uns doch verspraken, enanner glücklich to maken, un wenn man gar nich mehr to hörn kriegt, wat buten passeert, denn mut man dar ja dumm un melancholisch bie wardn.“

„Dar sorgt ja Din Bader för,“ segt Klas.

„Uns' Bader,“ segt Telsche „un so lang he lewt, ward he dat wul dohn, denn he holt wat von mi un weet, dat mi dat Vergnügen makt.“

zwar as en groten Verehrer von Fru Martens. It mut em hier awer doch wul ordentlich vörstelln, damit de fröndliche Leserin weet, womit se to dohn het.

Thies har güstern Abend von sin lütt Vene hört, dat se hüt all to Is wulln. Do har he dacht, dat he sit darbie uf nützlich maken kunn, wenn he uf man blot de lüttst von Fru Martens ehr Kinner in 'n Sleden föhr. To de Buren hör Thies frielich nicht, denn em fehl en Vurstell. He hör to de Huslud, denn he har blot en Hus, eigentlich en Rat, en lüttes Hus, un en groten Gaarn darbie. An de een Siet von de Rat weer de Gaarn ganz vull von Böm, Büsch un Blöm, besonders Rosenstöcke, denn Thies weer immer annern uf Garner, un wenn sin Lise dar in 'n Summer oder Hartst mal mit Fru Martens ehr Kinner vörbie köm, denn har he oder sin lütt Fru immer för jedes Kind en riepen Appel oder en schöne Blom, un denn kunn de Kinner uf den Fechtmeister ansehen, de mitten in den Gaarn op 'n hoge Stang steht un sit mit den Wind fecht, un dat mak de Kinner vel Spaß. Andere Kinner sammeln sit manchmal um em op de Husdeel, wenn he dar vör de apene Husdör op de Sniebant seet un Lepels, Holtenstüffeln oder Börsten mak; denn vertell he ehr manchmal allerlei Geschichten von Jagd un Fische; denn Jäger un Fischer weer he uf, un de Jungs glöwen stief un faß, dat Thies genau wuß, wo de Fisch ehr Lager harn. Awer uf ole Lüd höln grote Stücke op Thies; se brufen em nich blot towieln as Garner, Jäger un Fischer, sondern in 'n Winter uf as Schlachter; he kunn sogar prächtig Buß stoppen, dar har he awer selten Tied to, wenn he sin Mawers dat Swien schlach. Manchmal arbeit he uf mal as Dagelöhner, un wil he so gefällig, so umsichtig un dörchtuverlässig weer, so nöhm Persetter un de Kramer em gewöhnlich in Beslag un knausern denn uf nich mit dat Daglohn. Thies sin Stolz weer awer nich sin Appelhof un nich

dat Ansehn, dat weer sin Karpendiek, un dar weern gar nich mal Karpen in. He nenn nämlich de eenzige grote Slapfamer in sin Kat so, dar slöpen nachts sin Rinner, söß lütte smucke Deerns, wovon nu allerdings all dre rutschwimmt weern in de Welt. Denn sin ältste Dochter har he gliest na de Konfirmatschon bie Fru Martens as Kleenmäddjn ünnerbrocht un de weer dar veer Jahr wesen un toleht as Stütt uttreben, wil Fru Martens ehr en Platz bie en Rechtsanwält in Hamborg besorgt har, un nu har de twete, de Lise, sik dar all bet na de höchste Stuf rop arbeit. Se weer Stütt un Rinnerfräulein bie Fru Martens. De drütte weer Ostern as Lüttdeern bie ehr intredn, un disse Dochter har ehrn Vader vertellt, dat se to Is wulln un dat Lise uk mit köm.

Klas weer gar nich so recht bie Stimmung, as de Verbündeten op de Wisch anköm, wahrschienlich, wil he hüttmorgen tovel an de oln Gebäuden dacht har, un dat Johann sik nu gliest vör Telsche op de Knee lä, um ehr de Slittschoh ünneretspann, dat verbeter sin Stimmung uk nich. „Dat man,“ sä he kort, „ik will wol.“ Johann stund gliest op un bö Fru Martens sin Hölp an un de nöhm dankend an. Sinnerst holp ja den Jung, den lütten Peter, un solang, bet he darmit farrig weer, bruk se nu nich to töben.

So weern de beiden Fruns, de sik utdaben wulln, de ersten op 't Is wesen, wenn nich Thies ehr mit sin Sleden tovör kam weer; de rutsch all op un dal, un de lütt Prinzeß, de he in 'n Sleden har, kunn ünnerwegs all Besöök empfangen von ehr Moder, un as de ehr frag: „Geiht dat nich fein, Mäuschen?“ do seg se: „Fein!“ un as Thies still höl, do röp se gliest: „Mehr!“ un Thies muß weller schuben.

Thies sin Dochter har vel mit de lütt Lenchen to dohn, de noch lehr, erst bie dat Anspann un denn bie dat Lopen; awer Lise Desau har ehr egen Slittschoh uk wol nich ordentlich faßmakt, se schöben ünner

hin un her ünner den Foot. Se stür also weller an 't Land, um den Schaden to lurreern, un as Johann dat seeg, leeg he uf gliet vör de op 'e Knee un broch den Kram to Schick, obgliet Lise sit dörchut nich helpen laten wull, wie se sä; Johann bruk hier ja rein Gewalt, un nöß nöhm de beiden de lütt Lenchen twischen sit un segeln mit ehr op un dal.

Dann röp Hinnerk den ganzen Swarm op 'n Dutt un segt: „Nu wüll wi dar mal en beten Ordnung rinbringn. Erst wüll wi mal paartwies lopen, wie bie 't Danzen. Do faten twe un twe sit an wie bie 't Polstadanzen, un wenn se eenmal op un dal rutsch weern, denn war wesselt un en annere weibliche Kraft mit de männliche tosamspannt.“ De dar nu am genausten oppaßt, wer tosam löp un am meisten tosam löp, dat weer Klas; he paß op wie en Moder op 'n Ball, op Telsche un uf op sin Broder. Klas weer öwertügt, dat Johann am leewsten mit Lise Desau, awer uf gern mit Telsche löp.

Denn löt Hinnerk sin ganzes Heer en lange Reed bilden. Alle faten sit an un segeln in 'n Frontmarsch öwer de Wisch un wenn se to End weern, so röp Hinnerk: „Rehrt um!“ un denn segel de ganze Reed weller trüch, un denn kommandeer Hinnerk: „Goof'marsch!“ un he trock voran un alle folgen un he swenk bald rechts un bald links, bald von een End to 'n annern, bald dweer öwer de Wisch un bald in Slangenwindungen un in Sneckwindungen.

Un denn slög he vör, Tid to speeln. „It bün 't,“ röp he, „wahrt Ju vör mi! It tid Ju an!“ Do flogen se all utenanner, wie de Späzen, wenn man dar mit 'n Stock twischen smit, un jeder wull sit vör em retten. He har sit nu awer vörnahn, Telsche to fangen, un verfolg ehr von een End na 'n annern, krüz un quer, un Telsche wend sit rechts un links un wuß sit lang to bargn. Toleß beröhr he ehr awer doch un nu muß se an sin Stell de Jagd antredn.

Erst har se Klas in 't Og un geew sik alle Mög, aver de löt sik nich ankam, un do löp se op Johann dal, de noch beter löpt as Klas. Den kreeg se aver doch, wil he, wie Klas sä, Mitleid mit ehr har. Johann störrt op Lise Desau to, un de lütt Unschuld köm nich wiet un verföll op een von de Lütten, de uk bald en Mitleidigen fundn, un so gung dat wieder, bet alle wenigstens eenmal Jäger wesen weer'n.

Un do kreeg Hinnert en bunten Ball ut de Tasch. Dar wull he, sä he, een mit drapen, wie en Hasen mit en Schuß, un wer drapen würd', ahn dat de Ball vörher dat Is beröhr't har, de weer denn Jäger un maß dat ebenso, un do föhr Hinnert na den Slitten, um Thies mal aftolösen, dat he uk mal mitspeeln kunn, un sin Dochter, de grad den Ball har, smeet aliet na em un dröp em uk op 'n Buckel. Thies dröp Klas un Klas Fru Martens un so gung dat wieder.

Un as disse Jagd opgewen wurd', do löt Thies alle anfatn un en Kreis bilden, un de Ostkant muß gegen de Westkant roderu un sik verbögen, un denn drei he en Klumpsack un sä: „Nu singt wi all: „Fuchs, du hast die Gans gestohlen. gieb sie wieder her,“ un ik gew den Deef en Schlag un wi singt ümmer wieder, un wer den Klumpsack föhlt, de mut em faten un wieder jagen,“ un dat gefüll de beiden Lütten so god, dat se gar nich nog davon kriegen kunn.

Un eher se sik verseegen, weer de Sünn ünner gahn un de Mohn steeg to Höch. Do seg Fru Martens: „Nu möt wi wul opholn!“ un jeder löp noch enigemal op un dal un do weer dat Isfest ut.

As Klas un Telsche to Hus güng, köm Klas op Thies sin Karpentier to spreken. „Ik weet nich,“ segt he, „ob Thies Desau un sin Fru dar recht an doht, dat se all ehr Döchter bie Fru Martens op de hoch School schickt.“

„Dat kann ehr doch nich schaden,“ segt Telsche.

„Nicht Schaden?“ sagt Klas; „awer wer schall denn naher ehr Döchter heiraten?“

„Wer will,“ sagt Telsche. „Bedragen ward keen Minsch mit ehr. De rief Bestmann is ja ganz glüclli mit sin Hanchen.“

„So 'n rieke Frieers sünd man nich vör all opschöttelt,“ sagt Klas.

„Na, denn möt se een nehmen, de weniger Bohn in 'n Butt to telln het,“ sagt Telsche.

„Un darbie denn en suer Gesicht maken, siß unglücklich süßln un den Mann unglücklich maken,“ sagt Klas. „Wer vel lehrt, uk vel begehrt.“

„Se hebn ja nich nödig, een to nehmen, de ehr nich un den se nich glücklich maken könn,“ sagt Telsche.

„Dat doht se awer, wenn keen Graf un keen riefen Koopmann kam will,“ sagt Klas. „De Lockenlise ward uk to Not mit Johann förleew nehmen.“

„Dat kunn ja uk en ganz glücklich Paar wardn,“ sagt Telsche. „Arbeiten könn un mögt se beid.“

„It ward Johann awer warschuen, siß mit ehr intolaten,“ sagt Klas. „Johann will Nur wardn, un denn mut he en Burdochter heiraten, de Geld het!“

„Hest Du denn uk dat Geld söcht?“ sagt Telsche.

„Ne,“ sagt Klas, „it har dat nich nödig.“

„Sonst, meenst Du, harst Du dat uk kunn,“ sagt Telsche.

„De Minsch kann all, wat he mut,“ sagt Klas.

„It seeg awer nich in, dat Johann op Geld sehn mutt,“ sagt Telsche. „Von Geld is dat Glück gottlow nich afhängig. De Minsch lewt nich alleen von Brot.“

„Wovon denn sonst?“ sagt Klas. „Wo keen Brot in 'n Hus is, dar kann de Husfreden nich bestahn.“

„Wo de Arbeit dat Hus bewacht, dar kann de Armut nich rinner,“ sagt Telsche. „Dat kann man an Thies Osau sehn, un sin Döchter hebt dat ehr Lewenlang vör Dgen hatt.“



„Wenn se dat man op de Hochool nich verget,“ segt Klas. „Dat fehlt blot, dat se dar uf noch Klavierspeeln lehrt.“

„Schaden würd ehr dat uf nich,“ segt Telsche. „Se harn denn en Mittel mehr, um sik un den Mann de Grilln to verbriewen. Dat könnt wi an Johann sehn.“

Se weern nu vör de Husdör, un treden in, un Klas arger sik, dat Telsche so'n verschrabene Ansichten har, wie he meen, un as se in de Stuw köm un Telsche Licht ansteken har, do sett he sik an den Tisch un verdeep sik in dat Ijehoer Wochenblatt un Telsche steek en twetes Licht an un sett sik an't Klavier un wull speeln.

„Ach lat,“ segt Klas, „it mag den Klimperkasten nu wirklich nich hörn.“

Telsche seeg em an, as wenn ehr bie so'n Snack de Verstand still stund, klapp denn langsam un lies' den „Klimperkasten“ to und fung an to sticken, sä awer keen Wort un kunn gar nich recht findn, wo se tolegt an arbeit har; ehr weer jawul bie't Slittscholopen de tolle Luft wat op de Ogen fulln, oder har de „Klimperkasten“ de Schuld? Se trock dat Taschentuch, um de Ogen to wischen.

Klas stopp sik en Piep un fung an to roken un les' dann wieder. Dat weer so still in de Stuw, as wenn dar en Engel hindörchflog — awer wat för een?

Klas fund en Artikel in't Blatt öwer Kalifornien un de Goldfelder, worin he sik ganz verdeep un ganz vergeet, wat vörhin snackt weer.

„Donner un Doria,“ seg he plöghlich, „en Klumpen von veertig Bund? Dat is ja öwer hundertbusend Mark! Dat 's de Mög wert! Dar much it mal graben.“

Telsche sä keen Wort.

„Wenn Peter nu mit so 'n Klumpen anköm! Denn kunn he sik ja een von de groten Marschhöf in

Westerbüttel köpen un bet op den lezten Schilling utbetahln," segt Klas.

Telsche stück, as wenn dat för Geld gung.

„Dat weer wat för Johann," segt Klas, „de is noch in de Jahn, wo man sin Glück socht. De mut hin"

Telsche leet in de H ehr Stickscheer fallen nn büd sit, um ehr optonehm.

Klas seeg op. He har jarwol dacht, dat he alleen weer. „Gest hört, Telsche?" segt he.

„Dat schall man wol hörn," segt Telsche. „It hef ehr ja eben all opnahm."

„Ne, it meen dat von de Goldklumpens," segt Klas.

„Ne," segt Telsche, „von de Goldklumpens hef it nich hört. De klimpern wol ut nich. It meen min Scheer."

„Ach so!" segt Klas un stund op. „Telsche, nimm mi dat nich öwel," segt he un strakel mit sin harden Händ Telsche ehr weekes Haar.

Telsche seeg op. De Ogen weern noch ganz feucht. Dann fung se weller an to stücken.

„Telsche," segt Klas, „sie man nich böös. Süß, it weer verdreetslich un denn seg man mal 'n Wort tovel."

„Dat kann man denn ja ut trüchnehm," seg Telsche un seeg em weller ebenso an as vörher.

„Na," segt Klas, „it nehm den „Klimperkasten" trüch, un büd sit dal un küß ehr op Stirn un Ogen un Mund.

„So," segt he, „Telsche, nu sünd wi weller in Ordnung. Büst ut min gode Telsche. Hier is min Hand, slag in! Darum keen Feindschaft nicht!"

„Schad, dat in Johann sin söte Eck keen Platz is för den Klimperkasten," segt Telsche.

„Platz genug," segt Klas un lach. „Awer Din Klavier schall hier bliewn un speeln schallst Du, sovel Du willst. Büst nu tofredn?"

„Nu min Klimperkasten sit weller in en ordentliches Klavier verwandelt het,“ segt Telsche, „wüß ik nich, wat ik noch wünschen schull. Büßt min goden Klas,“ — un damit smeet se ehr Stichtlich op’n Disch un full ehrn Mann um ’n Hals un geew em en Kuß. Awer an dat Klavier sett se sit nich weller, wenn se alleen mit ehrn Mann to Hus weer.

---

## 5. Kapitel.

As Johann den annern Sündag weller de Flöt in de Tasch steek un afgangh wull na sin Broder, röp Fru Martens em na: „Awer Johann, dat Du Din Broder nich eifersüchtig makst.“

„Het gar keen Gefahr,“ segt Johann un güng. Klas köm grad ganz verbroetlich ut den Rohstall, as Johann intred. De Rohknecht har slech oppast, un de een Roh weer wul na ’t Börrn nich weller ordentlich fastmakst worden, oder har se sit so unglücklich schürt, dat de Reed apen gahn weer, wie de Rohknecht natürlich meen. Genog, se har los’ in ’n Stall rumloopen un sit twischen de annern an de Krüff drängt, un de annern Röh harn na ehr stött un darbie dat een Dog utstött. Nu weer de Rohknecht dat wieswahrn un har ehr to Platz bröcht; awer dat Dog weer utloopen un de Knecht weer na Peter-Smid schickt, dat de dat weller torecht dokter. De Melk würd’ nu wul wochenlang weg bliewen un de Roh weer utschänd un muß in ’n Summer na de Fettweid, un dat weer een von de besten Melkköh.

As se Johann den Unfall vertellt harn, wuß he giel, dat he Klas nich mit de Flöt kureern kunn. Dar muß he en anner Mittel anwenden un dat weer — annern Snack.

„Klas," segt he, „weest, dat de Westerbüttler uns rutfordert hebt to 'n Wettboßeln?"

„Ne," segt Klas, „wuvel Mann?"

„Twölf gegen twölf," segt Johann. „Du, if glöw, ditmal kunn if uk mitsmieten."

„Du?" segt Klas; „wuwiet kannst denn?"

„Ungefähr dörtein Root," segt Johann.

„Dat's nich möglich," segt Klas, „sowiet smiet if nich"

„O ja, dörtein Root heft Du den letzten Winter uk smeten," segt Johann.

„Kumm, denn wüll wi dat gliest mal versöken," segt Klas.

Se röpen den Knecht, dat he de Bundboßels hal, un gungn na 'n Hof achter de Schün, wo se all fröher ümmer ehr Debungen anstellt harn. Johann lä sin Root af un smeet toerst. De Knecht stund op 't Feld op de Stell, wo en Pahl de Stell wies', wo von 't Maal ut dörtein Root weern.

As Johann smeten har, röp de Knecht: „Dörtein Root un en goden Fingerbreet!"

„Jung," segt Klas, „Du mußt Di awer öwt hebn."

„Hef if uk," segt Peter; „Hinnerk Martens un if smiet jeden Tag."

Nu köm Klas. „Fehlt 'n Fingerbreet an dörtein Root," röp de Knecht.

„Jung," segt Klas ganz vergnügt; „nu lat de Westerbüttler man kam. Wi hebt nu dre, de dörtein Root smiet. Hinnerk Martens kann dat jawul uk noch?"

„Ja," segt Johann, „towieln uk noch en beten mehr."

Peter=Smid weer bieder in 'n Stall wesen. Mit dat Og — dat weer ja en Nebensak. Dar wurd' en Isbüdel trechmak un regelrecht fastbund un de Rootknecht wurd' anwiest, wat he to dohn har, un denn gung Peter=Smid na den Hof; denn nu köm de Hauptsak — dat Boßeln.

„Hest all hört, Klas, dat de Westerbüttler uns rutföllert?“ röp he all von Wieden.

„Ja.“ segt Klas, „nehm wi an.“

„Meen ik uk,“ segt Peter=Smid. „Wüllt wi hütabend tosamkam bie min Swager, bie Din Swieger=vader meen ik. De is ganz Füer un Flamm. He het mi segt, ik schull de besten Smieters man ansegn laten. Denn wull he noch mal weller Weert speeln un umsonst schenken. Johann, Du kummst jawul uk mit?“

„Dat ward Zi wul ahn mi afmaken könn,“ segt Johann. „Wenn ik awer mitboßeln schall, bün ik to hebn.“

„Na, denn is 't uk god,“ segt Peter=Smid. „It lat ansegn. Zi weet ja Bescheed. Adjüs!“

Telsche har dat Abendeten to halw söwen trech, un se setten sik to Disch, Klas, Johann un Telsche, all dre in bester Stimmung.

„Willst uk mit, Telsche?“ frög Klas, as se farrig weern. „Wi hebt de Boßlerversammlung ja in Din Waderhus?“

„Ach ne,“ segt Telsche, „wat schall ik twischen all de Männer? Lewer nich! De Frunslüd ward darbie ja uk nich fragt.“

„Natürlich nicht,“ segt Klas, — „un Du Johann?“

„Wat Zi afmakt. is mi recht,“ segt Johann.

„Paß man op, dat Vader nich to vel drinkt,“ segt Telsche; „he kann nichts verdbregen.“

„Gewiß, min Söte,“ segt Klas un Johann grien un Telsche wurd' ganz rot.

Klas seeg ehr beid an. Wat weer dat? — Freu Johann sik, dat he mit Telsche alleen bliwen kunn oder har he Telsche beleidigt? He wull ja doch man spaßen, un dat ganze Döörp nenn ja doch den Din „Min Söte,“ un dar dach sik keen Minsch wat arge bie. He wull all segn: Johann, Du kummst op jeden Fall mit. Awer wenn he dat sä, weer dat nich en

Leefn, dat he keen Vertruen har to de beiden? Dat dörf he nich.

„Na, denn amüsiert Ju god,“ segt he. „It mut gahn, adjüs!“ un darmit gung he sotosegn ahn Gruf un Ruß ut de Dör.

De beiden annern seeten noch an 'n Disch, un Telsche seeg op ehrn Teller un söhl, dat ehr de Thran in de Ogen köm. Do stund se op un trock ehr Taschendoß un gung na't Finster un seeg Klas na, de langsam dörch't Dörp wander. Denn wiß se siß flink öwert Gesicht un gung torück.

Johann har recht god sehn, wu ehr to Mod weer.

„Lüt Swägerin,“ segt he, „dat weer nich nett von Klas; awer ganz gewiß, he het dar nichts Böses bie dacht.“

„Het he ut nich,“ segt Telsche. „It schull nich so empfindlich sien. — He mut awer ut nich ümmer so rücksichtslos wesen,“ sett se hinto

„Is he dat ümmer?“ frög Johann.

„Benigstens oft,“ segt Telsche. „Nülich nenn he min Klavier en Klimperkasten un hüt muß he mi an den Defelnam von min oln goden Vader erinnern.“

„Dat muß he nich dohn,“ segt Johann; „awer wirklich, he denkt siß dar nichts arge bie.“

„Un wat arge het he siß eben doch dacht,“ segt Telsche. „Johann, it sing un speel nich weller mit Di.“

„Wüllt wi denn den ganzen Abend sitten un uns Gesichter to snieden?“ segt Johann. „Um Di wul it hier bliwen, dat Du nich so alleen weerst, un nu mut it bliwen, dat Du Di nich süls quälst. It find dat häßlich von Klas, dat he Di so quält. Wenn he Di glücklich maken will —“

„Johann,“ segt Telsche, „it bün glücklich, vel glücklicher, as Du glöwst. Wenn Du mi en Gefalln dohn wullt, denn gah na de Bocklerversammlung.“

„Dat kann it nu nich mehr,“ segt Johann.

Do ward' dar kloppt, un Herr un Fru Martens treden in. „Is KLAS all weg?“ frög Hinnerk.

„He is eben ut de Dör gahn,“ segt Telsche.

„Denn will ik uf nich erst rin,“ segt Hinnerk.

„Geet, ik hal Di naher af,“ un darmit gung he af.

Telsche röp dat Mäddin, um afdodecken, un de dre setten sik um den Disch un snacken öwer dit un dat, bet Fru Martens seg: „Rinner, Si kunn nu mal weller en Konzert gewen, wie domals — dat weer doch to schön.“

„Wie Se befehl'n, Fru Martens,“ segt Johann, „ik bin bereit, awer Se singn mit.“

„Wat ik kann,“ segt Fru Martens.

„Rinner, ik bün gar nich recht bie Stimm un Stimmung,“ segt Telsche. „Wüllt wi nich erst en Appel eten? Trina, bring mal den Teller mit Appeln un dre Messer!“

„Uf dat,“ segt Fru Martens, un Trina broch, wat bestellt weer, un dat Kleeblatt eet un snack un lach, bet Fru Martens seg: „Na, Rinner, nu kunn wi wol mal versöken, in 'n Tog to kam.“

„Dat uns dat versöken,“ segt Telsche, un sett sik an't Klavier.

Se köm uf in 'n Swunt — Flöt un Saitenspeel un Gesang, un de Tied vergung rasch. KLAS un Hinnerk fundn en fröhliche Gesellschaft vör un vertellen denn, wat beslatn weer. De Westerbüttler Rutforderung schull annahm wardn. Die Krapp in Eblock wulln de Gegner morgens um Alock tein tosam kam. Denn boßeln se dweer dörch't Feld bet na den Hasenweg un denn wieder dörch't Feld op KLAS Nickels sin grot Raastanje los. Sin Achterdör weer dat Endziel.

„En würdiges Ziel,“ segt Telsche, un seeg KLAS an.

„Ik mut wol en niee Dör daran spendeern,“ segt KLAS.

„Dat kann darop stahn,“ segt Hinnerk Martens. „Wi ward siegen. Na, Kinner, nu is dat aver Tied to Hus.“

De Gäst broten op, un Klas un Telsche weern alleen. Telsche lä ehrn Arm um Klas sin Nacken un ehr Gesicht an Klas sin Bost. „Klas,“ segt se, „wulln wi uns nich glücklich maken?“

„Gewiß, lütt Fru,“ segt Klas; „if glöw, wi hebt uns dat bie de Verlobung versproken.“

„Wüll wi dat Verspreken denn nich holn?“ segt Telsche.

„It denk noch hüt nich anners,“ segt Klas.

„Un von mi glöwst Du, dat it anners denk?“ frög Telsche.

„Dat kann it nich behaupten,“ segt Klas.

„Dachst Du denn uk so, as Du gungst — ahn Johann?“ seg Telsche.

Klas sweeg. He wuß nicht recht, wat he segn schull. Wat har he denn eigentlich dacht? — „Telsche,“ seg he, „wat dachst denn Du do?“

„Dat will it Di segn,“ segt Telsche. „It dach, Du harst to mi keen Vertruen, un do hef it to'n drüttenmal föhlt, dat de Mailuft nich dörch't Hus trock, wo Du von spraken heft — dat weer richtige Winterluft.“

„Dremal heft Du Di öwer mi argert?“ frög Klas.

„Ja,“ seg Telsche, „öwer den „Klimperkasten“, öwer „min Söte“, un am meisten öwer den Mangel an Vertruen — as wenn it vergeten kunn, dat it Din Fru bin.“

„Min söte Telsche,“ seg Klas; „ja, it hef Schuld. Aver wiß un wahrhaftig — dat sünd Blasen, de mi anfleegt un plagt, wenn it daran denkt, dat it sovel öller bin als Du, un da könnt wi doch beid nichts bie dohn. It hef Vertruen, un Du büst min Een un min All, un it weet, dat Du mi leew heft un it kann nich daran twiefeln. It wull blot, dat it



twintig Jahr jünger weer, denn wardn mi jarvol so 'n dwatsche Gedanken nich kam. Telsche, lat god sin. Wie wüllt glücklich bliwen. It seeg ja in, dat it mit so 'n Gedanken Di namenlos unglücklich ma. Kumm, wi wüllt allns vergeten. Lewer wüllt it starwn, as Di un Din Glück störn. Un wenn Du weller so 'n Blasen flegen süht, — ma nich beide Dgen to — ma dat man ümmer wie hüt abend."

„Büht min oln goden Klas," segt Telsche, „bliw man so bie. Wi lehrt uns wul noch verstahn. Muß mi man helpen, wenn de Opgawen mi en beten to swar sünd. Darföör büht Du öller."

Dat Boshelfest weer glücklich aslophen; de Dunn har siegt mit dre Smet Dewerschuß, un Klas Nickels sin Achterdör, de Klas süls grau anstrecken har, weer vör Freuden rot worden, oder weer dat von den Pinsel kam, wo Klas vörher de Melkammers rot mit strecken har? Genog, de Sieg weer errungen, un bie Franz Reimers dar schull he fiert wardn. Peter-Smid un sin ganze Gard' de weer natürlich selig, dat de Marschbuern besiegt weern, un de Westerbüttler löten erst den Kopp hängen. As se em awer endlich mit Hölp von Franz Reimers sin goden Mosel weller hoch freegen, do kunn se den Mund nich holn, obglief noch hutmorgen hoch un heilig versetert worden weer: Striet schull op keen Fall tolaten wardn. Peter-Smid un Hans Hadenfeld weern as „Kreteler" insett worden un de harn Hinnerk Slömer ut Dingen as Drüttsmann, as „Scheedsrichter" insett, wil he dörch sin unverwüftliche Kraft un Ruhe bekannt weer; de Lüüd segn, he har achtunveertig as Dragoner sin Peerd ut den Stall na de Parade dragen, wie en nüchtern Kalw, damit de Hufen nich smutzig würdn. Un doch kunn Wilken Laban ut Westerbüttel, de sik achtunveertig mit eenuntwintig Jahr verheirat har, damit se em nich to 'n Soldaten nöhm, den Mund nich holn un dat Kragen nich laten. „Seg mal, min Söte," röp he

Franz Reimers to, „wo krieg Zi op 'n Dunn all de Kraft her, de Zi den Bundboßel mitgeewt?“ Franz Reimers wull all in sin fröndliche Wies antworten, do tred awer sin Swiegerföhn Klas Nickels vör un segt: „Min Swiegervader heet Franz Reimers, Wilken, un wat Din Frag angeiht, so glöw ik, dat uns' Kraft von dat Spät-Heiraten kummt.“ Dat har Klas awer noch kum utsproken, do sprung Wilken op un wull em op 'n Kittel.

„Wat wullt darmit segn,“ schrie he, „meenst mi?“ Do stundn awer uf all de beiden Kreteler twischen ehr un de Scheedsrichter höl sin langen Hochtieds-bitterstock dartwischen. „Keen Wort mehr!“ segt he, „oder —“ Do weer allns still, un Snacken un Lachen köm weller in Swunk, besonders als Wilken segt: „It har Schuld. Franz Reimers, bring noch mal op min Reken tein Flaschen von Din goden Mosel!“ De Wien köm, Wilken betahl, un as se bie dat letzte Glas anköm, klung he mit sin Glas un röp: „Westerbüttler, Klas Nickels un sin junge Fru schüllt lewen! Hoch!“ Do stöten alle an, Frönd un Fiend. „Besten Dank, Wilken,“ röp Klas do, „Westerbüttel schall lewen! Hoch!“ Dat reken de Westerbüttler em hoch an, un as se nu mit em anstöten, geew dat en Harmonie, schöner noch as de von Flöt un Klimperkasten. De Westerbüttler segn, se wulln dat künftigen Winter weller versökn, wenn se lewen, un damit güngn se af.

Klas sin mannhafte Antwort weer den annern Dag in 't ganze Dörp bekannt, un Persetter har sogar grote Mög, de Jungs un Deerns den Mund to stoppen, un keen Minsch in Dörp sä weller, wenn Franz Reimers dar vörbie gung: Dar geiht min Söte, un Jan Ahlers weer all gliest na 'n Kaffee na sin Nower röwer gahn, um Telsche to gratuleern, as wenn ehr Mann Bullmacht wordn weer. „Din M-M-Mann,“ segt he, „het den K-K-Kopp un dat Hart op 'e recht Stell,“ un do vertell he ehr den

ganzen Vorgang, während Klas all op 't Feld weer, um na de Kleiers to sehn.

„Wu het do Telsche sit freut! Se kunn awer doch wieder nichts segn as Klas to Hus köm, as: „Du büst min oln goden Klas! Wi lehrt uns ümmer beter verstahn.“

„Wat heft denn nu?“ frög Klas.

Do vertell Telsche em, wat se von Jan Ahlers hört har un stotter darbie wie Jan.

„Ach so,“ segt Klas un lach. „Se mut ja uk ol Lüd nich narrn,“ un darmit geew he Telsche en Ruß, un ik glöw, se verstund sit nu vel beter as damals, as se von 't Jäseft to Hus gungn, denn Klas sä: „It hef mi prachttvoll amüseert, dat Vöskeln geiht öwer Regeln un Slittschoblopen.“

---

## 6. Kapitel.

Johann weer noch ümmer bie Hinnerk Martens un de har, sowiet he dat noch nich weer, en düchtigen Landmann ut em makt, un Fru Martens har ehr Bildhauerkunst uk sonst an em mit goden Erfolg versöcht, un ehr Kinner hung an em, as wenn he ehrn groten Broder weer, obglief he towieln so 'n Art Hofmeister speeln muß. Awer jeden Sündag-Namiddag, den Gott wardn leet, weer he bie Klas, un denn geew dat en Konzert, Klas much in Stimmung sin oder nich. Se har sit dat gradto utbedn, un wenn Johann bie 't Blasen uk noch so verleewt op Telsche ehrn brun Kopp un op ehr slanken Finger seeg; Klas röhr dat nich.

Wegen den Harwst awer weern se all dre in Sorgen: Klas wil he sit vörnahn har, dann ernst-

hast op den Niebu totostelln, Johann, wil he dann Soldat wardn muß bie de Garr in Kopenhagen, un Telsche, wil dann de schönen Konzerte ophöln. Eher awer de Hartst köm, köm en anner, un de weer för alle dre von grote Wichtigkeit. Erst köm en Breem ut Hamborg. Peter weer da ankam un har en Klumpen Gold mitbrocht, den wull he dar erst verköpen, sin Geld in de Bank legn un denn to Besöt kam, un denn köm he süls, en groten, frischen Kerl in Seemannsdracht.

Klas un Telsche seetn namiddags bie 'n Kaffee, do tred he in un begrüß Klas un sin Fru.

„Wat Du för 'n goden Geschmack hest, Broder Klas,“ segt he, „un wu de Telsche herutwuffen is, de ik in de Schol manchmal de Lex verhört hef. Weest noch, Telsche?“

„Ja, Peter,“ segt Telsche, „ik hef dat noch nich vergetn; awer Sprüch un Gesangsvers krieg ik nich mehr tosam. Wardst dar jawul uk nich na fragen.“

„Ik war se uk nich mehr tosam kriegen,“ segt Peter; „op See verweicht so wat noch eher.“

„Du hüst doch uk in de lezte Lied nich op See wesen,“ segt Klas. „Dar sünd wul keen Goldklumpens to fischen.“

„Dar hest Du Recht,“ segt Peter; „de hef ik mi in Kalifornien möhsam ut de Eer kleit.“

„Kleien muchst Du sonst ja nich,“ segt Klas, „darum güngst Du ja grad to See.“

„Ja, dat 's wat anners,“ segt Peter. „Zi gravt un kleit un kleit — un ümmer besülwe Lehm un den lezten nennt Zi gode Eer un smiet em op 't Feld; wi kleit, het wi dat Gold find, un wenn wi nog hebt, reist wi af. Ik hef en paar nette Klumpens fund, in Ganzen rieklisch hundert Bund. De hef ik in Hamborg verköft.“

„Jung,“ segt Klas, „dat 's ja öwer hundert-dusend Mark.“

„Wat Du wul meenst,“ segt Peter. „Dat Pund kost öwer 400 preußische Daler. Hundertfiewundörtig-busend Mark het de Bank mi betahlt.“

Klas un Telsche fulln de Händ bie 'n Riem dal. „Un wat wullt nu?“ frög Klas toleht.

„Du besöken,“ segt Peter, „un denn möt wi sehn, wu't wieder ward'. Wo is Johann?“

„Reist öwermorgenu na Kopenhagen un tritt in de dänische Gard'.“

„Schapstopp,“ segt Peter. „Denn lat em lewer na Kalifornien gahn un Gold grawn.“

„Se sünd man nich all so glücklich as Du,“ jegt Telsche. „It wüll awer mal hinschicken un em segn laten, dat Du hier büst,“ un damit gung se na de Bördeel un röp een von de Mädjns un schick ehr na Fru Martens.

Abends köm denn natürlich nich blot Johann, sondern uk Hinnerk Martens un sin Fru. Den Goldfisch müssen se doch all sehn.

Au geew dat vel to fragen un to vertellen. Peter har keen ruhigen Ogenblick, so dat Telsche toleht segt: „Kinner, nu lat den armen riefen Seemann man beten in Ruh — ik hef opdecken laten. Wi gaht na de anner Stuw un ät tosam. Naher kann 't weller los gahn.“

„Ne, nich weller losgahn,“ segt Fru Martens. „Naher giwt dat noch eenmal en Konzert, eher Johann afreist un dänisch lehrt.“

„Na Kalifornien doch — nich Johann?“ segt Peter. „Jung sie keen Narr un deen den Hannemann. It schaff Di röwer un betahl de Dowerjahrt!“

„Dat will öwerlegt wardn,“ segt Hinnerk Martens.

Se gung to Disch un na'n Eten köm dat Konzert un de dre jung un speeln de schönsten Leeder, un dat Publikum, de dre Männer, weer ganz entzündt un Peter segt: „Wat het de Telsche för Fertigkeit in de

slanken Finger un för Gold in ehr Stimm! Klas, Du büßt doch de rieft von de dre Nickels."

De Snack weer Klas gar nich recht. He schüttel mit den Kopp un grien un segt: „Peter, Du büßt un blivst en Driewer!"

Peter kunn uf singn un much uf singn; awer he muß de Leeder nich. Wenn he awer en Vers wuß, denn sett he in mit sin hübsche Bassstimm.

„Nu will ik Ju mal en Matrosenleed vörfing," seg he toleht, un denn op engelsch, un darmit stimm he an. Als he den twetn Vers anfang, sett Johann sin Flöt an un speel liesen mit, un as he den driitten anfang, speel Johann för vull mit un Telsche quinkleer liesen op den Klimperkasten, un bie den lehten Vers gung dat, wie bie de annern Leeder, de vorher op dütsch sungn warn.

„Na, Johann, Du Bremer Stadtmusikant," segt Peter, as dat Leed to End' weer, heft Di doch in Din süte Eck allerlei tosam bläst, wat för Hannemann to god is. Nu seg mal, wo reist Du öwermorgen hin?"

„Na Kopenhagen," segt Johann.

„Un nich na Kalifornien?" segt Peter.

„Ne," segt Johann; „wenn Klas hier rieker worden is as Du in Kalifornien, kann ik dat ja uf."

„Dat's wahr," segt Peter, „un den Minschen sin Will is sin Himmelriek. Ik bün ja uf mit 'n Kopp dör de Wand gahn."

De Besök gung. Telsche har de Fremdenstum — Johann sin Kamer — för Peter in Ordnung bringn laten, so god dat gung, un Klas nöhm en Licht un broch sin Broder darhin.

Als Johann afreist weer, har Peter den ganzen Dag to dohn, sin godn Frönd to besöken; awer abends weer he ümmer to Hus, un he geew nich eher na, as bet Telsche sik an 't Klavier sett, un speel un sung. Uenner dre Leeder löt he ehr nie frie, un wenn de Text darbie stund, dat he em lesen kunn, denn sung

he tapfer mit. Klas har disse Art von Konzert, wobie Peter sit manchmal wiet vöröwer bucken muß, um den Text to lesen, un manchmal mit sin Bart an Telsche ehr Haar röhr, lang nich so leew, as de annern; em weer ordentlich angst, wenn 't Abendeten ut weer. Peter wuß noch darto ümmer en Sied to findn un to löwn, de he noch nich hervörhabn har. Dat kunn Telsche ja rein eitel maken, dat se noch Lust to 't Theater kreeg! Wat har man nich all all erlewt! He doch mennimal, wenn de Millionär man bald weller afreis' un nu muß he, Klas Nickels, sogar en ganzen Dag verreisen, wil he in Melbörp mit den Landvagt un ann're Herrn to verhandeln har — wegen den vertrackten Bu. He kunn sit doch nichts markten laten! Dat weer ja sin Broder un Telsche ehrn Swager. — Wat har awer Herodes dahn? — Enerlei, he muß na Melbörp.

He reis denn ut Frieddag morgen af un segt to Telsche, as he ehr den Abscheidskuß geew: „Na, adjüs, Telsche, Du warst jawul alleen mit den Millionär farrig wardn. — Adjüs, Peter!“ un so geew he ehr beid de Hand un steeg to Beer.

Un Telsche? — Du leewe Gott, dacht Telsche; de Eifersucht is doch en slimme Worm! Dot maken kann em jawul keen Mann, nich mal Klas, de doch to de besten hört.

Hüt bleew Peter merkwürdigerwies to Hus. Telsche har in Rök un Keller to dohn un Peter har plöglisch allerlei to schriewn. Na, he weer ja ut en Geldmann un de hebt ja allerlei Geschäfte.

As he un Telsche to Middag eten harn, fung he von Klas an to snacken: „He is noch ernster un eensilbiger, ik much sogar segn, brummiger worden, as früher, un Du heft mitünner wul 'n harden Stand.“

„Dat wuß ik nich,“ segt Telsche.

„Ach,“ segt Peter, „dat kann man ja mit en

halw Dg sehn. He süht Di ja blot as sin Hus-hollersch an. Leew un Leidenschaft kennt he nich."

"Dat 's nich nett von Di, Din Broder slecht to maken," segt Telsche, „un dat het he nich um Di un Johann un noch weniger um mi verbeent."

„It ma! em uf nich slecht," segt Peter. „Sin Natur un Oller, meen it, lett Leew un Leidenschaft nich opkam. Wenn it en Fru har, de it leew hef — it muß mi vör luter Glück nich to laten, un dat, dat is ja grad, wat Klas fehlt, un Du mußt darünner lieben."

„Ma! Di um mi keen Sorgen, Peter, it bin tofreden," segt Telsche.

„Tofreden! Telsche, tofreden! — Glücklich, överglücklich much it Di sehn," segt Peter.

„Un wer segt Di, dat it dat nich bin," segt Telsche. „It bin stolz op min Maun. He is min Goldklumpen, mag he von buten utsehn, wie he will, un wenn he wie de ol Ranzau, de Dithmarschen unnerjocht het, uf man een Dg, een Arm un een Been har, wie Bersetter vertell, — Klas is Klas, min een un min all."

„Donnerwetter," segt Peter, „dat nenn it Leidenschaft, un dat Klas de nich uf het, dat is, wat it vermiß un bedur."

Telsche lach. „Sühst Du den Flintsteen dat an, dat dar Füer in wohnt? Du mußt dar mit en Stahl an slagn, denn springt Di dat Füer in de Dgen. It much Di dat bie Klas awer nich raden. Dat kunn en Füer gewin, wat sit nich löschen lett. Ne, leew Swager, lat Klas man in Ruh, de het jüs jovel Leew un Leidenschaft as it."

So har Peter sit sin Swägerin un ehr Verhältnis to Klas nich dacht. He har wul dacht, hier kunn jemand licht den Herodes speeln, de mit sin Broder Philippus sin Fru döchgung. Awer dat seeg he in, an sowat weer hier garnich to denken. „Telsche,"



segt Peter, „wenn't so um Ju steiht, denn gratuleer ik un wünsch mi blot, dat ik ut to min Goldklumpens noch en Perle find kunn, wie Du een bist. Kannst mi so een nawiesen?“

„Min Bekantschaft is nich grot,“ segt Telsche; „Thies Desau het frielich, wie Du weest, en ganzen Karpendienst, awer de meisten sind noch to jung. Dre gaht noch to School. twe deent bie Fru Martens un een het dar deent un is nu as Stütze bie en Rechtsanwalt in Hamborg.“

„Denn will ik Di segn, wat ik will,“ segt Peter. „Ik will Klas teintusend Mark schenken to sin Husbu un Johann ebenso vel to 'n Anfang, wenn he wellerkummt ut Kopenhagen, un mit den Rest sett ik mi in Hamborg un lew as Junggesell, wie mi dat gefallt.“

„Dat klingt ganz nett,“ segt Telsche. „Wenn Du Din Bröder wat schenken wullt, dar hef ik nichts gegen; awer Junggesell to bliwen, much ik Di nich raden. Na Hamborg? — Ja, dat doh. Awer denn söt un fisch, het Du en Perle findst, wie Du se Di wünschen magst. Wer so glücklich is in 't Schatzgrawen, wie Du, de ward jawul ut een findn.“

Peter stund op un sung: „Auf, Matrosen, die Anker gelichtet! Segel gespannt, den Kompaß gerichtet! Liebchen ade! Scheiden thut weh — morgen da geht's in die wogende See.“

„Telsche, ik reis af, sobald Klas torückkummt. Seg awer nichts von dat Schenken. Dat ward siß findn, wenn ik weg bin, un nu will ik noch enige Besöke maken,“ un damit nöhm Peter Abschied. Dat he sin Moder ehr Graff un ut Thies Desau besöken wul, sä he nich.

Dat dur nich lang, so köm Klas torück ut Melbörp. Sin erst Frag weer na Peter.

„He maßt Besöke, wie ümmer,“ segt Telsche. „He wüll morgen oder öwermorgen weller na Hamborg.“

„Is hier denn wat vörfulln?“ frög Klas.

„Ne,“ segt Telsche, „he het mi blot vertellt, dat he nu weller na Hamborg un sit dor inrichten will.“

„Will he denn uf de fiendusend Mark mitnehm, de in den Hof schrewn sünd. It mut dat Geld ja utbetaln, wenn he mündig is, un dat is he ja längst. It hef de Zinsen jährlich för em op de Eddelocker Spartaß belegt.“

„Dar het he keen Wort von falln laten,“ segt Telsche.

„Denn mut it hütabend davon spreken,“ segt Klas.

As Klas mit sin Fru un Broder Peter to Abend eten har, gung he na sin Schatull un hal en Boof un segt: „Peter, it mut Di doch nu uf mal Refenschaft aslegn. Du büst ja na Din Mündigkeit to 'n erstenmal hier. Süh mal her. Dit is de Hypothekenbreew öwer de fiendusend Mark, de för Di in den Hof schrewn sünd, un hier is dat Spartaßboof, wo it de Zinsen hef inschriewn laten, de Mai un November fällig weern. Du kannst ja nu Din Vermögen süls verwalten.“

„Dat's wahr, Broder Klas; Du kannst ja awer uf so biebliewn, un wenn it Di seg, dat Du mi dar en Gefalln mit deihst, so hoff it —“

„So is dat nich meent,“ segt „Klas, dat it gern en Last loswesen wull. It dent blot, Du willst hier nu Din Angelegenheiten in Ordnung bringn un süls wat anfangn.“

„Will it uf, Klas,“ segt Peter, „un nu Du doch de Sat to Sprak bringst, will it uf ganz mit min Plan rutriiden. Dit Geld schull hier stahn bliewn un von Di verwalt wardn, wie bether. Von min Goldklumpens wull it Johann teindusend Mark schenten, de kannst Du för em belegen un verwalt, bet he se brufen mut, um süls wat antofangn, un teindusend Mark wull it Di to Hölp gewn to 'n Husbu. Awer denn mak it de Bedingung: Miet erst de ol Schön

dal; dat givt en schön Platz för dat niee Hus, un denn kannst dat ole Hus solange as Schön benutzen, as Du wullt."

"Dat hef ik uk so dacht," segt Klas; „awer op Din Hölpsstruppen hef ik nich rekent. De kann ik nich annehm."

„Un warum nich?" frög Peter.

„Kennst de biblische Geschichte nich mehr?" segt Klas. „Weest nich, dat Abram to sin Frönd sä: „doß ich von allem, was Dein ist, nicht einen Faden oder Schuhriemen nehmen will, daß Du nicht sagest, Du habest Abram reich gemacht."

Peter lach. „Du büs awer bibelfast, wie Klas Krüsen," segt he. „Ne, den Snack kenn ich nich. Mi schient blot, de ol Abram mut en wunnerlichen Knopp wes sin. Denn sünd sin Rinner ja ganz ut de Art slagen, un Du stammst ja nich mal von em af, denn heft Du dat ja erst recht nich nödig, em dat natomaßn. Ik wüll Di uk nich mal wat schenken; „ik will ja blot to min Vergnögen teindusend Mark in Din niees Hus verbudn. Kannst dar en feine Fremdenstuw för inrichten, wo ik mit min Fru loscheern kann, wenn ik weller to Besök kam."

„Mit Din Fru?" frög Klas.

„Ja, meenst, dat ich nich uk heiraten will?" segt Peter. „Mochst wul den Rietdom alleen hebn, de dar instickt."

„Dat nich," segt Klas, „dat kannst awer uk, wenn Du Din Geld behölst."

„Na, nu man keen Umständ'," segt Peter. „Wenn man heirat, denn wüll man glücklich wardn, un ik kann erst glücklich wardn, wenn Du dat Geld nimmst. Süß," segt he, un kreeg sin Breettasch rut, „hier sünd twintigduzend Mark, de hef ik all in Hamborg för Ju trechlegt. Un nu keen Wellerred — oder wullt Du, dat ik beleidigt un verstimmt dat ol Hus verlat, wo ik min Jungstied verdrömt un verbummelt

hef — so god dat ünner Din Leitung gung. Wat naher an mi to brufen weer, hest Du mi opdwungn."

"Na na," segt Klas, „maß Di nich schlechter as Du büßt. Awer —"

"Nichts von awer," segt Peter, „sonst lat ik de Zettels liegn un gah davon."

Klas seeg sit um na Telsche; de weer awer all lang rut gahn, wil se de Bröder bie ehr Geschäft nich störn wull.

"Nu ja," segt Klas tolegt, un stund op. „Telsche schall entscheden." He röp ehr rin.

"Telsche," segt he, „Peter het hier för mi un Johann twintigdußend Mark herlegt. Dörf ik de annehm?"

"Ja," segt Telsche ahn sit wieder to besinn. „Johann ward sit freun — un Peter uf, un wi, dünkt mi, könnt uf nich darum ween."

"Dat meen ik uf," segt Peter; „de Sak is asmaß."

"Na, denn veln Dant," segt Klas, „de Fremdnstuw für Di un Din Fru will ik budn."

"Is Johann denn verheirat?" segt Telsche. „Mi het he doch hüt noch segt, he wull Junggesell blietvn."

"He wüll sit noch erst en Fru söken," segt Klas.

"Ne, en Perle," segt Johann un sung: „En Pering liebt eine Auster im kühlen Meeresgrund; es war sein Dichten und Trachten ein Kuß von ihrem Mund. — Telsche, Du mußt noch mal singn un speeln. Dat 's min lekten Abend. Klas, Du lettst mi morgen na Glückstadt fahrn."

Telsche sung denn noch dre Leeder, erst Peter sin Lieblingsleed, wobie he gliet mit instimm: Das Schiif streicht durch die Wellen, Fridolin! und denn Klas sin Lieblingsleed: Der Mensch soll nicht stolz sein, auf sein Glück und sein Geld, un endlich ehr egen Lieblingsleed: Ein getreues Herze wissen, hat des höchsten Schazes Preis.

Klas kunn hütabend gar nich recht to 'n Slapen kam. Wahrschienlich het em sin Geweten höllisch in 't Gebet nahm; denn he har den Driewer, sin Broder, doch to niedrig tageert. Oder het Telsche em vörnahn? Se weer keen von de Fruns, de Gardinenpredigten holt un den Mann argerlich makt, dat he dar en Dörst na kriegt, as wenn he Sering eten har, un na her dagelant immer drinken mut. Dat deh Telsche nich; se löt dat Geweten leewer süls reden, un Klas mut sin Geweten hüt abend ut hört hebn; denn he föhr den annern Morgen sin Broder süls in sin besten Wagen na den Bahnhof in Glückstadt un sä bien Afcheed: „Peter, nimm mi dat nich öwel dat if —“

„Ach wat,“ segt Peter, „man still, dat heft Du god meent.“

„Ja,“ segt Klas, „Peter, Du warst Din Weg süls findn. — Rat bruckst Du nich — Bliem man so bie. Adjüs!“

„Leu wul un gröt Telsche,“ segt Peter. Do föhr de Tog af.

---

## 7. Kapitel.

As Klas trüchföhr un so alleen in'n Wagen seet, har he allerlei wunderliche Gedanken.

Erst dacht he an Thies Osau sin Boot un wu he Peter bie'n Krips kregen un ohrfiegt har, — un darbie ward' he rot, as wenn he vör sin verstorbene Moder stund un sik daröwer rechtschadigen schull un dat nich kunn. He har dat doch nich ut Leem, sondern in Born dahn, un nich, wil Peter darbie verdarwn müß, sondern wil etwas Korn toschand perrt weer. Dat weer ja god aslopen, awer de Folgen har he

doch ebensowenig beabsichtigt as Thies, de sin Boot dar anbundn har, un wenn he sit dat anreken wull, wat em ja gar nich insull, denn kunn Thies dat doch noch eher. Awer de Folgen weern kam, — langsam — seker — wie de Halm un Aehre ut 'n Riem — he glöv nich vel — un wo de Erfahrung em in 'n Stich löt, dar kunn he gar nich glöwn — awer hier köm em de Erfahrung to Hölp — he seeg, dat hier en unsichtbare Hand, dat de leewe Gott de Umständ na sin Willn lenkt har -- de weer ja uk ümmer bie sin Bader wesen, wie he op sin Dodenbett jä: Ik gehe oder liege, so bist Du um mich, -- de weer uk hier um em un les' de Gedanken in sin Hart.

Un denn dach he an de teindusend Mark, de Peter to den Niebu hergewn har. Dat nödige Bu= geld har he ja längst tosam spart, sonst ward' he ja den Niebu nich beslaten hebn. Schull he nu wirklich dit Geld uk noch in den Bu steken un so vel gröter un schöner bu'n? Dat weer ja Dorheit un Ver= swendung, denn de Ünnerholungskosten wardn uk so= vel gröter wardn. — Schull he dat Geld in de Sparfass' legn för sin Öller as Not= un Wehrschilling bie schlechte Tieden? — En Not= un Wehrschilling kunn he uk bie sin Wirtschaft torüchlegn, un dat geew em ja grad de Lust to'n Schaffen, dat he dat kunn un sin Wulstand wassen seeg. — Schull he sit un sin Fru dar en Fond ut bilden, wo se sit Vergnügen ut maken wulln, wo se bether nich op versulln weern — to'n Reisen — na Thüringen, na 'n Harz, na 'n Rhein — sin Fru würd' dat gewiß Vergnügen maken, em wul nich — awer so 'n Reisefond bruk he uk nich — wenn se man Tied darto harn, smeet uk de Wirtschaft so= vel af, dat se mal en Reif' maken kunn.

Peter weert, he schreew dat to Broder Johann sin Kaptal in 't Sparbook, wo uk de annern teindusend Mark hinköm. Denn har he, wenn he von de Sol= daten trüchköm, fiewuntwintigbusend Mark; dar kunn

he wat mit anfang, en Burstell pachten un to Not een köpen.

Awer wenn Peter mit sin Glückschip scheiter? Dat Spritwort segt: Wie gewonnen, so zerronnen. Peter ward nich för en Not- un Wehrschilling sorgen; de Driewer denkt nich an de Tokunft. Dar kunn he, as de öllere Broder, vörbuden — un denn — denn kunn Peter uf nich segn: Ich habe Abram reich gemacht. Ja, dat weer de beste Verwendung. Klas wuß nu, wat he wull.

Den annern Dag gung he na sin Schatull un nöhm beide Sparkassenböcker, Johann sin un Peter sin, un de twintigdußend Mark un gung na de Eddelocker Sparkass' un leet in jedes Boock teindufend Mark toschriewen, un do föhl he sik so licht, as wenn he sik de ganze Summ har toschriewen laten, un as he to Hus köm, weer he so redselig, dat Telsche frög: „Klas, heft Du mit Vader en Glas von sin Mosel drunken?“

„Ne, Telsche,“ seg Klas, „ik freu mi, dat ik dat Geld nich mehr to hödn bruk.“

\*

\*

\*

Mitte Oktober har Johann to 'n erstmål ut Kopenhagen schreewen un sin Broder dat Lewen in de Quästhusgaden-Kasern schildert. De Kasern leeg dicht an 't Water un he kunn von sin Stuw, wo he mit söstein andere Rekruten slapen un puken muß, en ganz Stück von den Hawn öwersahn. In de Mitt von de Stuw weer en Gestell, as wenn man veer grote veerlantige Dischen tosamstell un veer eben so grote darop. Jeder Disch weer rieklisch so lang wie he un so breed wie twe Männer un har en Rand, en Rahmen, un stell en twefläprige Bettstell vör, un so kunn dar söstein Mann slapen, un jeder Soldat har en Peerdeck, um sik totodecken. Dar slöp he mit en Fütländer tosam in een Bettstell, un obglief dat en tutigen god-

möbigen Minschen weer, so muß he doch bekenn, dat weer keen söte Eck; Klas sin Utbrud Eck paß hier beter.

Achter de Kasern weer de grote Kasernhof, de in de Mitt en grote Pump har mit en ungeheure Tunn verbund, de sit gewiß mit dat Heidelberger Fasz meten kunn, wo Persetter von vertellt har. Dar ward dat Water rinpumpt un rundum weern Hahns, wo man dat Water weller uttappen kunn, wenn man Dörst har oder sit waschen wull. An jeden Hahn hung en holten Drinkfros, so grot wie Moder ehr tinnern, de in de Wahnstuw op 't Kieg stundn. In de een Eck von den Hof weer en lüttes flaches Hus, dat weer ehr Spies'hus. Dar wardn jeden Middag de Lufen apen macht, de he erst för Finsterlufen holn har, un denn müssen se antreden un ehr Schöttel vull Middags-eten — Arsen-, Bohn-, Kohl-, Gruwen-, Brot-, Ries-Supp — in Empfang nehm, un en Soldat lä ehr dar denn mit de Hand en lütt Stück Fleeßch oder Speck in; bie de Brotsupp lang he jeden en Sering ut de Tunn. Alle fiew Dag kreegn se een Brot lewert. Wer davon to eten wull, kunn sit wat ut sin Stuw mitbringn, un Water kunn se sovel drinken as se wulln, awer denn bie de grote Tunn. Sonst weern dar grote, brede, lange Dischen neben dat Spies'hus ünner de Böm, wo se ehr Schöttel leer eten kunn, wenn se sit en Lepel mitbrocht harn. Wer nich en gar to verwöhnten un hungrigen Magen har, de kunn sit in disse Eck satt eten. Awer een Portschon geew dat man, un smecken deh se nich so god as dat Eten, wat Lise Osau bie Hinnerk Martens kof. Zucker kenn man dar nich, un darum weer dat uk keen söte Eck.

Dat Puzen un Erserzeern mak em ebenso wenig Vergnügen as dat Eten. Dat Turnen weer dat beste bie den ganzen Kommiß, dat bedreew he denn uk mit den grötsten Iwer un muß em Flötenpill un Feldarbeit erjetten; awer klagen wull he nich, dat har ja, wie Broder Klas to segn pleg, gar keen Zweck.



Sin Kameraden gegenöwer deh he, as wenn he keen Schilling op de Mat har; sin Dalers har he noch all in 't Unnerfutter von sin West inneiht sitten laten, de kunn he ja später noch bruken möten.

As Klas weller schriewn wull, do dacht he, dat he bie disse Gelegenheit uk dat „Bahrshuen“ utföhrn kunn, wat he sit all bie dat Issest vörnahn har. Mündlich weer dat doch so 'n egen Sat; he har den ganzen Summer na en Gelegenheit söcht un ehr nich fundn. He löw Johann also in sin Breew, dat he an sin Tokunst dacht un sin Dalers sparn wull, bet Rot an 'n Mann weer, un ra em, man uk nich tovel an Lise Desau ehr Eten to denken; de Israeliten weer dat ja uk nich god bekam, wenn se an de Fleischpütt von Aegiptn dacht harn. Un noch weniger geraden schien em dat, an Lise Desau süls to denken; dat weer doch keen Fru för em. Erstlich weer de to 'n Husfru doch vel to jung, un twetens har se för 'n Burfru to wenig Mittel, eigentlich ja gar keen, un drüttens muß man doch ümmer erst en Bur hebn, eher man sit en Vogel anschaff.

Klas weer ganz glücklich, dat he wirklich dre Gründ tosam stakt har; Johann kunn nu wirklich nich von den rechten Weg astam.

Anfang November schreew Peter uk. Dat weer awer weller en Dewerraschung, de den Driewer ähnlich seeg, de ümmer mit 'n Kopp dör de Wand wull. He schreew blot: „Min Anna is en Ros' so rot, un wat se segt, het Hand un Foot. Dat övrige steiht in den Breew, de hier bie liegt un den Zi hoffentlich besorgen ward, un Thies ward Ju dat wul vertellen.“

„Thies?“ frög Klas, „wat weet de darvon?“ un darmit nöhm he den annern Breew, de in dissen Zettel leeg un lees de Opschrift: An den Fijch- un Jägermeister Thies Desau op 'n Dünn.

„Telsche,“ segt Klas, „dar steiht mi de Verstand bie still.“

„Mi nich,“ seg Telsche, „min walt erst op un sett sik in 'n Marsch. Peter het sik mit Anna Desau verlobt, de in Hamborg is. It wüll den Breew sülb's rumbringn na Thies.“

Dat deh se uk, un so kreeg se ditmal de Dörpē-nieigheit ut de erste Hand, awer doch anders as se dacht har.

Den Breew har Anna Desau schreewn uu ehr Dsellern bedn, se schulln ehr dat nich öwelnehm. Peter Nickels har oft ehrn Rechtsanwalt un tolegt blot ehr besöcht un ehr vertellt, he har all lang na 'n Berle fischt un glöw in ehr een fundn to hebn — un do har se op sin Anholn von ehr Herrschaft Urlaub freegn un weer mit em na Helgoland reist — un dar harn se sik truen laten — un wahn nu in Blankenese. Peter weer darmit all den Firlesanz ut 'n Weg gahn, de sonst mit dat Heiraten verbundn is. Wenn Vader oder Moder oder beide Lust harn un askam kunn, denn schulln se man mal röwer kam un ehr Glück ansehn; Peter wull de Reiskosten schicken, wenn se de Tied bestimm wulln.

„Dat süht em ähnlich,“ segt Klas, as Telsche em dat vertell, „un mi schient, sin Fru giv den Driewer nichts na.“ Dat he Johann wahrschut har, sä he nich, dat deh em nu awer leed.

Dat weer awer nich de eenzige Dpregung, de de November broch, as Klas eben anfang, för den Husbu intoköpen, un to sohrwarken. De König Friedrich der Söbente weer den 15. November plötzlich op Sloß Glücksborg stormn, un all de Klocken in Stadt und Land lüden, dat Dänemark un Sleswig-Holsteen doch truern schulln, wil ehr Königstamm utstorn, de veerhundert Jahr öwer de beiden Länder herrscht har. De Dänen harn dissen Fall lang vörut sehn un sik all tein Jahr darop inricht. Se harn sik in London von de Großmächte en Protokoll opsetten laten, dat för dissen Fall en Glücksborger Prinz as Christian

de Regente den Thron von Dänemark bestiegn schull, de hier to Land daher de Protokollprinz nennt war. Se harn bie Sleswig dat starke Dannewerk un Alsen gegenöwer de groten Düppler Schanzen opbut un dat ganze Land von Hadersleben bet Altona mit Soldaten belegt, wenn vellicht de Sleswig-Holsteener sit wie 1848 musig maken wulln. Dennoch nenn de dütsche Dichter Geibel de Truerkloeden de Sleswig-Holsteener ehr Osterkloeden, wil he hoff, dat se nu ehr Frieheit freegn, dütsch to bliewn. Un de Sleswig-Holsteener jung denn uk an, sit to röhrn. De Augustenborger Prinz Friedrich wull as Friedrich de Achte öwer Sleswig-Holsteen herrschen un röp ut Dolzig in Slesien heröwer: „Mein Recht ist Eure Rettung!“

Do maken de Dänen in ehr Blindheit den dummen Streich — un de Protokollprinz, ehr König, muß em mit sehende Ogen mitmaken, wenn he ehr Mann bliewn wull, — dat se Sleswig un Holsteen utenanner reten un Sleswig mit Dänemark versmolten. Dat stund nich in dat Protokoll; Dänemark har bie de Verhandlungen sogar verspraken, dat de Herzogtümer tosam bliewn schulln wie bether.

Deswegen schick de dütsche Bund sin Bundes-truppen un besett Holsteen. Dat weer nu grad nich slim; denn Dänemark wuß, dat de Bund sit wat gefallen löt. De dänischen Soldaten müssen awer doch Holsteen erst mal verlaten, un Friedrich de Achte kunn na Holsteen kam un sit in Kiel von de Bevölkerung huldigen laten. Dat har ja awer uk nich vel to bedüden, wenn se den Bund man besnacken, sin Soldaten trüchtoropen, un öwer Sleswig har he ja nichts to segn.

Awer uk de beiden Großmächte Preußen un Östreich schicken ehr Soldaten her, un de wussen, wat in dat Protokoll stund un harn dat mit ünnerschreewn. Daher verlang Brangel, dat de dänische Armee uk Sleswig rüm schull, un as ehr General dat nich wull, do bruken de Preußen un Östreicher Gewalt. Dat

Danewert un de Düppler Schanzen wurden erstürmt, un Friedrich Karl jag de Dänen ut von de Insel Alsen rünner, un in en Tied von en Jahr weer dat ganze Land rein, un Dänemark muß de schönen Herzogtümer, sin Melkloh, wie de Lüüd segn, an Preußen un Östreich afstredn, un de kunn denn damit maken, wat se wulln.

Uenner disse Umständ kunn Hannemann de Holsteener nich in Kopenhagen beholdn, un he hett se un ut de Sleswiger später all to Hus schickt. Eher he awer sowiet köm un in den suern Appel beet, jneed Johann Nickels sin schön Bankdalers ut dat Uennerfutter von sin West, drück sin Kommandeerserschant oder Feldwebel en Dutt darvon in de Hand un löt sik Urlaub gewön un reis' mit sin Paß öwer Lübeck na sin Heimat un köm dar an, as Klas sin Hus bienah farrig weer.

Johann bleew nu vörlöpig bie Klas un speel Verwalter; denn kunn Klas ut ja beter op de Handwerker un den Niebu passen. Da tole Hus weer bet op wiederes Schön worden un denn kunn dat ja ut in 'n Winter god passen, wenn dar twe toverlässige Dgen op 'n Kram passen. Wenn Klas un Telsche dat niee Hus betrocken, kunn Johann in dat ole wahn.

Awer ünnerbringn kunn se in dit Jahr nich den ganzen Segen, de von 't Feld köm. De Weten weer rieklich wüssen, dat se em in Diemen setten müssen, un dat weer doch schäd. Do geew Hinnerk Martens den Rat, se schull 'n dat maken, wie he, un den Weten mit de Maschin utdöschn; denn harn se em gliest in 'n Sack un kunn em in dat ole Hus to Böhn bringn.

„Dat 's en goden Vörslag,“ segt Klas; „wullt mi Din Maschin lehn?“

„Natürlich,“ segt Hinnerk. „De Maschin ward morgen mit min Weten farrig, un dat ganze Geschirr is deun parat. Du kannst bie mi döschn un naher Korn un Stroh to Hus bringn, wie dat paßt.“

Dat güng denn uf an. As Hinnerk Martens mit sin Beten farrig weer, fung Klas op desülwe Stell, op Hinnerk Martens sin Hof, an to döschén. Dat Weller bleew god un allns gung wie gewünscht.

Sünnabend vörmiddag um Klock tein seeg Klas, dat se in ricklich twe Stunden farrig wardn kunn, un he löt Telsche segn, se muchen hüt en beten später eten. Klock een würd' he mit sin Lüüd to Hus kam.

Um halwi een stund' Klas neben de Maschin, as eben de lekten Gartwen opstakt weern. De Peer stundn un de Maschin wull stoppn. Do leegen dar noch wenige Körner op't Brett, de wull Klas rinraken, as dat Rad eben den lekten Umlop mak. Gott weet, wu sik dat har. He köm mit de Finger in't Rädermark — Rrrr — weer de Hand un de halwe Uennerarm twischen de Lähn von dat Gedriew.

Klas schrie lu't op, de Maschin stund, un de Arbeiter löpen heran un seegen dat Unglück. De Arm kunn nich anners löst wardn, as wenn de Maschin ut enanner nahm war, un so lang stund' Klas un muß utholn, wat kum to denken is.

En Viertelftund arbeidn de Lüüd an de Schruwen herum, bet de Arm weller frie ward' — awer wat för en Arm? De ganzen Knaken von Hand un Uennerarm weern termalmt, un de Arm swull op, wie en Schlauch an de Füersprütt, wenn dat Water dar rinströmt.

„Hoch holn!“ schrie Fru Martens, de heranlophen weer, un reet sik den witten Platen von'n Liew un wickel em faß um dat termalnte Glied, un denn röp se na Handböcker un mak en Bind' um de gesunde Schuller, dat he den Arm darin drägen kunn un jeder hölp wie he kunn.

Un Klas? — De verbeet sik den Smerz un segt: „Danke, danke, Heet! Du versteihst dat!“ un denn wend' he sik an Johann un sä: „Kumm flink, dat wi to Hus kamt. Telsche ward all mit'n Eten luern.“

„De Stohlwagen ward all anspannt,“ segt Hinnerk Martens. „De Knecht föhrt Du to Hus un denn glieks na'n Dokter.“

„Beln Dank,“ segt Klas, „to Hus will ik gahn. Wie würd' sik min Fru verseern, wenn ik to Hus fahrt war!“ un damit hat he Johann in un schöw mit em to Strat, so flink, as wenn em nichts fehl.

Telsche har dat Mittagseten all to Disch brocht. As nu Klas in de Stuw tred, en beten blaß, awer doch, as wenn em nichts Bedenkliches passeert weer, do schrie se op: „Ach Gott, Klas, wat is dat? Wat fehlt Di?“

„Ik hef mi den Finger quetscht,“ segt Klas. „Slimm is't nich. Lat uns man eten.“

Se setten sik to Disch, un Klas eet mit de linke Hand, so god as dat gahn wull. He wurd' awer ümmer langsamer, un tolest löt he de Garwel falln un sack tosam.

Do sprungen se natürlich all op un drögen den starken Mann na de Ruhbank un brochten em mit Water un Hoffmannsdrippens allmählich weller to Besinnung.

Telsche ween wie en Kind. „Klas, Klas,“ segt se, „wat is dat egentlich? Lat Johann doch den Dokter hahn!“

„De ward all halt,“ segt Klas. „Hinnerk Martens schickt em en Wagen. Mußt nich ween, lütt Fru, dat geiht all öwer.“

Dat dur uk nich lang, do köm de Dokter un he har sogar sin Assistent mitbrocht, den Barbeer. Von Telsche ehr Hölp wull he denn uk gar nichts weten; he wull ehr ropen, segt he, wenn dat Tied weer.

De Dokter mak sin Sak rasch un geschick. De halwe Unnerarm muß natürlich wegnahm wardn, un as Klas regelrecht verbundn un allns an de Sieb brocht weer, wat Telsche erschrecken kunn, dörf se lam.

Klas nid ehr to un versöch to lächeln. „Dat is glücklich öwerstahn,“ segt he, „brufft Di nich to ängstigen.“

De Dokter geew noch enige Anwiesungen un schärf Johann in, optopassen, dat de Kranke sin Verband nich lös, wat ja unversehens oder sogar in 'n Slap geschehn kunn. „Dat he Bundsewer kriegt un phantaseern ward,“ segt he, „glöw ik nich. He het man to vel Blot verlorn, wil em de Arm nich gliet von 'n Ellbogen an faß mit 'n Bind' umwickelt worden is. Daher is he nu so blaß un flau. En lange Bind' mut egenlich immer to Hand sin, wo en Unglück passeern kann. Ik will Ehr hier för alle Fälle een hinlegn, Fru Nickels,“ un darmit lä he noch en lange Bind op 'n Disch un wünsch gode Beterung.

„Morgen kam ik weller,“ seg he, un güng mit Johann ut de Dör.

Do treed Fru Nickels an ehrn Mann ran un küß em op de Stirn un seg: „Du sühst so blaß ut, min Klas, un heft wul vel Smerzen?“

„Ach ne,“ segt Klas, „dat is nich so schlimm, „maß Di man keen Sorgen, min Telsche. Untrut vergeiht nich!“

„Denn seeg man to, dat Du nu 'n beten Slap kriegst,“ segt Telsche. „Ik sett mi bie Di un paß op.“ Un do stopp se em Rissens ünnern Kopp un achtern Rügg un deck em to un sett sik vör em op 'n Stohl.

---

## 8. Kapitel.

Klas leeg ganz ruhig un maß de Dgen to, awer de Slap wull nich kam un he seeg ganz benaut ut un de Dgen war'n em matt, un Telsche seeg, wu sik een Thran na de annere hervör dräng un öwer de Backen rull.

Do sprang Telsche op un nöhm ehrn Taschendorf un wisch de Thran weg. „Mußt nich, min Klas,“ segt se, „de Dpregung is Di gewiß nich god. Dat ward ja all weller beter. Johann is ja glücklicher, wies weller hier un kann op 'n Hof Din Stell vertredn. Du mußt man hübsch ruhig bliewn. Wi müllt wol allns in Ordnung holn. In 'n paar Dag, het de Doktor segt, kannst Du weller rum gahn.“

„Du weetst man noch nich allns, min Telsche,“ segt Klas. „Wenn ik mi beruhigen schall, mut ik Di dat vertellen.“

„Wat denn?“ frög Telsche, un war uf blas. „Wat is denn sonst noch passeert?“

„Wieder niks, lütt Fru, reg Di man nich op,“ segt Klas. „Ik hef nich blot de Finger quetscht, sondern de ganze Hand. De Doktor het mi ehr wegnahm.“

„Du lewe Gott!“ segt Telsche, „is dat so schlimm? Un denn settst Di noch an 'n Disch to 'n Eten?“

„Du freegst dat ja fröh genug to weten,“ iegt Klas. „Min söte Telsche, dat weer beter wesen, wenn ik in de Ohnmacht wegblewn un nich weller opwaft weer. Wat schallst Du mit so 'n Kröpel, de öwerall in 'n Weg steiht? Un wat schall ik mit min een Arm? Ik kann ja nich mehr fahren un plögen, nich seien un meien.“

„Hest uf all nich mehr nödig,“ segt Telsche, „un ik ward Din Arm nich entbehrn; för mi büßt un bliewst Du besülwe. Wenn Kopp un Hart man gesund sünd, bün ik tofreden. Du mußt dat uf wesen, min Klas. Du hest ja an Johann en goden Verwalter.“

„Johann kann mi uf ersetten, wenn ik ganz fehl un denn stah ik nüms in 'n Wegen. He ward uf för Di sorgen. Min söte Telsche lat mi gahn.“

Do sprang Telsche awer op un schrie, as wenn ehr de Foot in de Maschin kam weer, un denn ween se un bedeck Klas sin ganz Gesicht mit Rüssen.



„Ne, min Klas," seg se, „Du schallst nich starvon. Gott sie Dank, dat blot de Arm fehlt. Den könnt wi entbehrn. Ranzau het Dithmarschen bedwungn un har man een Og, een Arm un een Been; un de starke Klas Riddels schull sin Hof nich verwalten könn, wenn em blot een Arm fehlt? Un denn bün ik doch uk noch da — un tosam hebt wi dre Arms. Dat is genug."

Do kreeg Klas ordentlich en beten Farn. „Min gode Telsche," seg he un sat mit sin linke ehr rechte Hand. „Ik glöw, Du harst dat mit Telsche Kumpen opnahm. So, nu snack wi dar nich mehr von. Dar kummt wen."

Un richtig, dar köm Franz Reimers in de Dör. „Rinner," seg he, „wat maät Si darvon?" — He weer bie den Kramer wesen un de har em den ganzen Unfall vertellt, wie de em von den Maschinmeister sülbs hört har.

„Min söte Klas," seg he, „wat Du doch för Pech hest! Harst doch man de paar Korns liegn laten."

„Ja, Bader," segt Klas, „Du hest Recht; ik bün to netig. Ik hef min Schrapen un Kraken dör betahln müßt."

„Har ik Di doch man eher vertellt, wat ik Di nalat! Un Telsche weet dat uk nich mal! Blot Bur Rasch het dat weten, wil he min Geld op 'e Bank belegt het. Süh, min Söte, ik har vör Jahrn mal dat Glück in de Lotterie to winn — öwer veertigdußend Mark. Do het Bur Rasch dat för mi besorgt as Johann Martens noch lew, de min Swiegersöhn wardn schull, un ik hef do min Geschäft opgewn. Un dat kriegt Telsche doch all. Du hest wahrhaftig nich nödig to kraken un to kargen."

„Dar maät Di man keen Gedanken öwer, Bader," segt Klas. „Dat is so 'n verwünschte Gewohnheit, de ik von Jugend an hatt hef. Ik hef ümmer kragt

un schrappt un muß mal recht op 'e Finger kloppt wardn. Nu ward dat wol sowieso en End hebn."

"Gewiß, min Söte nu ward 'n End hebn," segt Franz. „Schall ik Di en Börslag maken? Berpach Johann Din Burstell un treck mit Telsche in min Hus. Ik hef Ju dat all so lang vörslagen wullt un blin dar nie to kam, wil ik fürch, Du wies mi af."

"Bader," seg Telsche. „un dat heft mi uk nich mal vertellt? Un Tante het uk keen Wort davon segt."

"Kunn se uk nich, min Söte, kunn se uk nich. Se wuß dat ja uk nich. Ik hef dat ganz för mi beholdn, un de ol Peter Martens het sin Geheimnis uk mit in 't Graff nahm. Wi wulln keen Snack maken."

"Na, Klas," segt Telsche, „denn heft Du ja uk Gold gramt wie Peter. Bader sin Börslag is gar nich schlecht."

"Den wüllt wi uns öwerlegn," seg Klas.

"Ne, nich öwerlegn, min Söte," segt Franz Reimers, „blot annehm. Wu schall Tante sit freun, wenn ik ehr dat hüt Abend vertell. Von dat Geld will ik ehr awer nichts segn, sonst is dat morgen doch in 't ganze Dörp. — Un wie is dat denn nu mit den Arm?"

"De is weg," segt Klas, „de Doktor het em mitnahm un will mi en künstlichen Arm verschriewn, wenn allns afheelt is."

"Na, min Söte, denn verkeer den Mot man nich. Dat ward noch allns weller god. Nu will ik awer to Hus un Tante —"

"Dat, Bader," full Telsche em in 't Wort, „Du weetst ja noch nich, ob Klas uk will."

"Muttt he, min Dochter, muttt he. Een Unglück is nog. He kann mi doch op min oln Dag nich min Glück störn. Telsche, Du kannst Klas nu dat Isehoer Buchenblatt vörlesen, dat hef ik mitbrocht. De

Dänen wüllt Frieden maken. Wi ward wul nu unsen Herzog kriegn."

"Breusch wardn," segt Klas; „hie so 'n lütten Staat kummt nichts rut."

"Na, mintwegen," segt Franz. „Un nu adjüs, Rinner, gode Veterung!" un darmil gung he af.

"Vader meent dat god," segt Telsche; „Klas, wie denkst Du daröwer?"

"Ik wüll dar mal op slapen," segt Klas, „un maß beide Ogen to un dat schien uf, as wenn he inslapen dh, un Telsche paß op, wie de Dokter ehr segt har. Kunn nich de trübe Stimmung weller kam? Kunn Klas nich mit Willn den Verband lösen, damit he nümß in Wegen stund? Kunn he nich denken, dat he nu erst recht nich nödig har, för Telsche to sorgen? — Telsche paß op, wie en Scheethund un wenn Klas sit rög, stund se vör em. Schull de Dokter uf an so wat dacht hebn? Wo is de Bind? De muß ja natürlich ümmer to Hand wesen, un hüt nacht muß Johann mit waken. Se sä em dat, as he von der Arbeit köm, un Johann weer natürlich gliet bereit.

As Klas gegen Morgen mal opwaß, stund Telsche gliet weller an Klas sin Lager, un he seeg ehr ganz fröndlich an un drück ehr de Hand, sä awer nichts, un Telsche bleew dar stahn, bet se sit öwertögt har, dat he slöp. Johann ward' dat Waken swarer. As Telsche opstahn weer, maß he toerst een Dog to un wull dat mal en beten ruhen laten; as he awer na her dit Dog uf mal ruhn laten wull, vergeet he, dat anner apen to maken, un do sack em de ganze Kopp dal un Telsche mark, dat he slöp, un löt de beiden Bröder ruhig en paar Stundn slapen. Se kunn den Slap ja beid brufen. As dat awer buten hell wardn wull, do weck se Johann. „Seg mi mal," segt se un spröf recht en beten lud, „magst Du de lütt Lise Desau nich gern lieden?" Se meen jawul, dat kunn Klas

ut nich schaden, wenn he darvon opwat un dat hör. Johann fahr ut 'n Slap.

„Wieso, Telsche?“ segt he noch halb im Slap, „de mag ik sogar gern lieben.“

„Denn kunnst ja um ehr anholn, Johann,“ segt Telsche, „un ehr heiraten.“

„Ik hef noch keen Bur för den Bagel,“ segt Johann.

„Du kannst ja nu Klas sin Verwalter wardn,“ segt Telsche; „denn ward he Di ja ut Wahnung gewen.“

„Se is ut wul noch en beten jung,“ segt Johann.

„Dat is en Fehler, den se täglich mehr afleg,“ segt Telsche.

„Ik will mi ut keen Korr haln,“ segt Johann.

„Denk nich daran,“ segt Telsche. „Ik hef nütlich mal bie Fru Martens op 'n Busch kloppt. De sä, dat se blot an Di dach. Bring dat man bald mal in Ordnung.“

„Na denn,“ segt Johann, „wenn Klas weller rüm gahn kann, will ik min Heil mal versöten.“

Telsche har mit Willen un Johann unverwahrs so lut spraken, dat Klas opwakt weer un dat meiste von de korte Uennerholung hört har. He sä awer nichts darto.

Dat Liegn höl Klas nich lang ut un dat weer gottlos ut nich nödig. De Wund heel bald, un as de Dokter to 'n lezten Mal köm, broch he en künstlichen Arm mit un snall em an, un as Klas nu sin Rock anhar, do seeg he ut wie fröher.

„Dat 's en ganz nütliche Hand,“ segt Klas un lach. „Dat 's man schad, dat ik dar nichts mit ansaten kann.“

„Dat lehrt sik all,“ segt de Dokter; „de linke ward sovel stärker un geschickter. Awer dat Bößeln is ut, un de Westerbüttler dörfst dar nichts von hörn.“

„Wenn't dat man all weer,“ segt Klas, „denn wull ik dat ut nich bedurn.“

„Dat öwrige künnt anner Lüüd besorgen,“ segt de Dokter.

„Dat meen ik uk,” sett Telsche hinto.

„Si hebt god snacken,” segt Klas. „Ik schall mi dar man erst in min oln Dag op inrichten.”

He fung awer uk den annern Dag all an, sit darop intorichten „Johann,” seg he, „ik will Di en Börslag maken. Hör mal to. Ik tred Di min Burstell af un Du trittst mi Din Sparkassenboot af. Wat segst dar to?”

„Klas maht Spaß,” seg Johann.

„Ne, dat is min vulln Ernst, Johann,” seg Klas, „un wenn Du inverstahn büst, lat wi dat schriewn.”

Johann seeg toerst sin Broder an, as wenn he glöw, he har sin rechten Schick nich, un denn Telsche, as wenn he fragen wull, wat segst du darto? He kunn awer keen Wort rutbringn.

„Ja, Johann,” seg Telsche, „Klas meent dat so. Du schallst den Hof arwn un he will affundn wardn, wie Du affund wardn schullst un Peter. Warum kann nich uk mal de Jüngste den Hof arwn un sin ältsten Bröder affindn?”

Do sprung Johann awer op un full sin Broder um den Hals un seg: „Klas, Klas — wu kann dat angahn!” Un denn löt he em weller los un seg: „Ne, dat kann nich angahn! Wovon wüll Si denn lewen? Denn nenn lewer en Summ, de ik jährllich as Pacht betahln schall. So kann’t nich angahn!”

„Maht Di um uns keen Sorg,” segt Klas, „wi treckt na Vader Reimers; de het Brot för uns,” un Telsche set thinto: „Mehr as wi brukt, Johann, nimm man an! Du kannst uns glücklich maken.”

Wat schull he do dohn? He nöhm dat an un em köm de Thran in de Ogen, as he endlich seg: „Nehmt mi dat man nich öwel. Ik kann mi dar noch gar nich in findn.”

He muß sit dar awer doch in findn, un den annern Dag har he sit dar uk sowiet in fundn, dat he mit all sin Fürchten un Freuen un Hangen un

Bangen den Barg rop steeg, wo Hinnerk Martens wahn. Awer de, de he dar soch, Lise Desau, weer nich to Hus. Se weer en Ogenblick na den Möller sin Döchter röwer gahn.

Egentlich weer Johann dat uf ganz recht. Se kunn sit nu an Fru Martens wendn, un de meen he, war em jogar en Korf öwerreichen könn, ahn dat he in alltogrote Nöten köm. Se deh dat awer nich. „It glöw,“ segt se, „dat Du ehr willkam büst; awer seg mal, hest Du ehr denn nie wat segt?“

„Ja“ segt Johann, „it sä ehr sovel, un se sä denn keen Wort, un all, wat se sä, meer: Johann, it mutt fort.“

„Wat för 'n häßliche Deern,“ segt Fru Martens un lach. „Denn möt wi ehr mal ordentlich fragu. It lat ehr hahn,“ un darmit güng se rut, un Johann sprung op un güng an 't Fenster un seeg in de Wulken, de langsam an de Sünn vörbie trocken un den ganzen Barg in Schatten setten, — un do köm de Sünn weller to 'n Börschien un sett allns weller in vulln Glanz. -- Un he fürch sit nu gar nich mehr un sä: „So kummt Lise nu uf glief un dat häßliche Wort: Johann, it mutt fort! ward se nich weller segn.“ — Un denn? — Denn maht he glief mit sin Brut Besöt bie Thies un sin Fru, un de wardn ja vör Freud un Verwunderung küseln, wie ehr Fechtmeister in 'n Gaarn, — un denn? — Denn müssen se Klas un Teliche besöken, de Urheber von all ehr Glück. Wu schüllt se de dat danken, wat se för em un Lise doht. Dat dat schöne niee Hus en söte Eck för em un Lise wardn schull — dar het doch keen Minisch an dacht. Fru Martens ehr Hus weer ja uf all en söte Eck wesen för em un Lise, wenn — —

Do köm Fru Martens rin mit Lise, un Lise weer ganz verlegen un puterroet un löt sit eigentlich von Fru Martens rin schuwen, as wenn se sit nu hier vör ehren Richter wegen all ehr Undög verantworten schull.

„Lise will dat nich weller dohn,“ seg Fru Martens, „nimm ehr dat man nich öwel! Se löpp Di nu uf nich weller weg.“

„Is't wahr, Lise,“ seg Johann, „willst min Fru wardn?“ Un darmit fahr he op ehr to un sat ehr um un trock ehr an sin Boß, un denn sat he ehr bie de Hand un seg to Fru Martens: „Beln Dank, Fru Martens, för all dat Gode, wat Se un ehr Mann an mi un Lise dahn hebt.“

„Ja, Rinner,“ seg Fru Martens un lach, „dat is licht segt — Fru wardn! Dar hört awer mehr to, as Brot eten. Hest Du all en Nest, Johann, wo Si wahn könnt? Von dat Flötenspeel in de söte Eck könnt Si nich lewen; womit wullst Du dat dägliche Brot verdeen? Willst Du nu Klas sin Verwalter wardn?“

Do vertell Johann denn, wat he sit eben all vörnahn har, un de beiden, Fru Martens un Lise, weern ganz starr vör Bertwunderung un Freud, dat sülbst Fru Martens bald ganz vergeten har, dat junge Paar to gratuleern to all dat Glück, dat nu öwer ehr utschütt wurd'.

Un denn maken de jungen Lüd Besöf bie Thies Desau un sin Fru un stelln sit as Brut un Brödigam vör, un de küßeln sit vör Bertwunderung un Freud, wie de Fechtmeister in'n Wind, un meen: dar weern se noch vel mehr von öwerrascht wordn, as von Anna ehr Verlobung mit Peter. De har sit doch vörher all mal sehn laten un na ehr Adress fragt.

Un denn gungn se na Klas un Telsche un brochten ehr den Dank för dat grote Dpfer, wat se ehr ja nie, nie trüchbetahln kunn. „Is' uf gar nich nödig,“ segt Klas, „blot so biebliewn, wie Si dat vörfind. Wi treckt öwermorgen af.“

Un Klas trock denn uf mit Telsche na Bader Reimers, un Johann un Lise kunn Hochtied maken un in dat niee Hus treckn.

Dat weer awer man en Glück, dat se dat ole Hus stahn laten harn un dat de Storch dar nich mit sin Fru verdreben wordn weer. Denn de Storch is för junge Ehelüd en nützlichen un uk en dankbaren Bagel. Als he dat anner Jahr weller köm, lä he Telsche en lütten Jung op'n Schoot, un naher een Jahr um't anner, denn Lise un denn Telsche, denn mal in'n Harwst un denn mal in't Fröhjahr, wie em dat paß, denn mal en Jung un denn mal en Deern. Un wenn he in'n Sommer, wenn sin Jungn grot weern, mal affam kunn, denn flög he uk mal na Blankneess un broch Anna, wat se sik wünscht har, en Jung oder een Deern.

Un as de Göhrn gröter wurd'n, do har he in'n Sommer manchmal dat Vergnügen, ehr ünner de grot Kastanj versammelt to sehn un ehr singn to hörn: Adebar, roder, bring mi'n lütten Broder! Adebar, rüfter, bring' mi 'n lütte Süster, un eenmal, as de Gesang gar keen End nehm wull, do smeet he ehr mal en Feller rünner un de schöt in'n Wind ünmer hin un her as en Swolf oder as en Flattermus un versung un lager sik tolekt in de söte Ed. Un do geew dat Kropptüg nich eher na: Unkel Johann muß en Ledder hahn, wie domals bie Telsche, un muß in de söte Ed stiegn, um de Storchfeller to holn.





## V.

### Hans Karstens un unſ' Herr.

Wo de Dackelsweg in 't siebe Feld föhrt, dar wahn op de Eck en junge Witfru, Meta Hennes, mit ehrn eenzigen Söhn, un de disse Fru to 'n Witwe maſt har, twe Jahr na de Hochtied, dat weer de Krieg, de verdreihete Krieg, de hier to Land' de Sleswig-Holsteensche Erhebung heet, in Dänemark awer as Rebelljon ansehen wurd'.

Meta weer mit sößtein Jahr bie den Kaspelvagt, de mit sin Swester Hus höl, in Deenſt tredn un har dar twölſ Jahr deent, ümmer frisch un fröhlich, flink un flietig, un har sit denn mit Peter Hennes verheirat, de den Kaspelvagt sin Rutscher weer. In 't drütte Kriegsjahr, 1850, har Peter awer noch weller den Soldatenrock antrecken mußt, den he in de vör-märzliche dänische Tied all aflegt har, un in de unglückliche Schlacht bie Idstedt, wo General Willisen een Bummel öwer den annern maſt, as sin Lüß all siegn, har he en Schuß dörch de Voß kregn, dat he op de Stell dot weer. Sin Fru un de lütt Paul kregn em nich weller to sehn, un Meta kunn nu sittn un sorgen, wie se ahn em farrig war. Verwandte har se nich, de ehr biestahn kunn; wo schull se anners hingahn, as na ehr fröhre Herrschaft, wo se bie deent har mit ehrn Mann?

Den Kaspelvagt sin Swester het uf all dahn, wat se kunn, un het uf ehrn Broder drängt un piert, ehr to Hölp to kam.

In de eerstn Jahn, as dat Land noch nich weller dänisch weer, kreeg Meta natürlidh wie de annern Soldatenfruns en lütte Rent. Dat dur awer nich lang; denn de Dänen segn: Wi wüllt uns wol wahn un de Rebellen ünnerstüttn! Dat ehr sehn, wu se sit dörchslagt; se hebt dat ja nich beter hebn wüllt. För wat hört wat.

De Kaspelvaght weer wol de Dänen ehr Hand- langer; wie all de annern Beamten; awer he doch nich dänisch; he weer dütsch dörch un dörch. Gegen den Backabend kunn he frielich nich jappen un as Beamter muß he dohn, wat befahtn wurd'; awer as Minsch kunn he doch helpen un raden, sovel he much. Dat beh he denn uk. Meta har ja ehr lütt Hus un en groten Gaarn, dar kunn se Roggn un Kartüffeln un Gemüse buden. Dar muß he wol mit sin Hölp bie anfang. He löt ehr jeden Hartst dat grot Stück Gaarnland, wat an de anner Sied von den Weg leeg un keen Fruchtböm har, umplögen un dat halwe Stück mit Roggn beseien, un de anner Hälft löt he ehr denn in 't Fröhjahr weller umgrawn, un dar kunn se planten un seien, wat se brukt.

Damit ehr darbie de bare Schilling nich fehl, den se för Melk un Botter, för Solt un Seep, för Kleidung un Föhrung doch bruken muß, geew den Herrn sin Swester ehr den Rat, dat Sniedern to lehrn, un güng süls mit ehr na ehr Sniederin, um de Sak in Ordnung to bringn. Wat dat kost, dat wull se ut ehr Tasch hergewn.

Gen Quell för den barn Schilling har Meta süls. An de Achtersiet von ehr Hus weer en lütt Wahnung, en grote helle Stuw mit en Alkown un en Deel mit en Herd, de also uk as Kök to brukt weer. Dar kunn awer doch man en eenzelne Person wahn, höchstens en oles Ehepaar ahn Kinner, oder en ole Fru mit 'n Dochter, de bie ehr Moder slapen kunn. Disse Wahnung har se an en Waschfru verhuert, de

ehr dar monatlich dre Mark för betahl un allens süßs in Ordnung höl.

As Meta nu dat Sniedern lehrt har un allmählich to dohn freeg, wil se ehr Kunst verstund un de Lüd ehr gern verdregn muchen, do köm se recht god to gang un bruf mit ehrn Paul keen Not to liedn. Paul wuß ja uf heran, un as he sowiet weer, dat he to Schol gung, da muß he in 'n Sommer in 'n Gaarn un in 'n Winter in 'n Hus allerlei mit helpen; Wödn un Hacken, Strümpstoppn un Stewelwischen kunn se em fast alleen öwerlaten.

So har Meta dat tein Jahr drowen, do weer ehr Achtermahnung in de sonnige Südwested leer wordn, un dar weer keen ol Fru optodriewen, wo se an verhüرن kunn, obglic se Stuw un Altow, Deel un Herd op 't beste in Stand settn löt. De Wahnung bleew den ganzen Winter leer, un dat weer en Utsall bie ehr Innahm, den se gar nich recht verwindn kunn.

An den tweten Osterdag köm dar endlich jemand, de siß de Wahnung anseeg un de uf wul Lust har, ehr to hüرن, dat weer awer keen Fru, dat weer en Mann — Hans Karstens, de in dat ganze Döörp bekannt weer, wie en buntn Hund, un disse Mann wull ehr sogar monatlich siew Mark gewin, un wenn se em jeden Morgen en Taß Kaffee un jeden Abend en Taß Thee rumbringn wull, so wull he ehr dar noch söß Mark mehr för gewin.

Dat uf grad disse Mann kam muß, ehr Wahnung to hüرن! Meta wuß ja recht god, wu he in 'n Döörp un bie den Herrn anschrewn stund wegen sin dwatschen Reden. Den kunn se so nich in ehr Wahnung nehm; denn muß se erst mal mit den Herrn sprekn, un so sä se denn to Hans, dat se siß besinn wull, he much den annern Sündag weller kam.

„Na, denn nichts för ungod,“ segt Hans Karstens; „dat sä de Voß uf, as he de Gos den Kopp afbeten har,“ un darmit schramm he af.

„Wat dat nu weller für 'n Snack is," segt Meta bie sit süßs, as he de Dör tomaht har; „if bün doch keen Goos."

Den annern Dag maht se sit awer doch op 'n Weg na ehr Herrschaft un sung bie ehr Fräulein an; denn de weer ehr doch de neegste.

„Wat meent Fräulein darto?" segt Meta, as se ehr Sat vörbrocht un allns haarkleen vertellt har.

„Ja, Meta," segt dat Fräulein, „dat kunn Di doch wul gefährlich wardn; he kunn Di ja heiraten wülln."

„Ne, Fräulein," segt Meta, un wurd' ganz rot; „dar hef ik noch gar nich an dacht un he bie sin dwatschen Snack gewiß uk nich."

„Na, na," segt Fräulein, „dat säst Du uk, as dat mit Peter Jenners anfang un Du büst all eenmal utgledn un rinfulln; dat kann Di weller passeern."

„Ach ne," segt Meta, „dar kann Fräulein sit faß op verlaten; ik hef ja nu uk min Paul."

„Ja," segt Fräulein, „wenn dat man nich noch beter treckt! Denn segst Du am End: Ik bruk en Mann un min Paul en Vater. Süh, denn bitt he Di den Kopp af."

„Ne, ganz gewiß nich, Fräulein," segt Meta; „wenn ik man min Wahnung verhörn kann, denn bün ik to fredn."

„Na, ik wüll Di dat glöwen," segt Fräulein; „sett Di man dat; ik wüll mal mit den Herrn sprek'n."

Meta seet un sunn na öwer Fräulein ehr Befürchtungen. Hans weer ja en ganz ansehnlichen Mann un na sin Deller paß he wul to ehr. Dar weer ja awer gar nich an to denken. He wull gewiß höger rut, un dat kunn ehr ja uk ganz eenerlei sin; se wull em blot ehr Stuw verhörn, un he wull ja uk blot en Wahnung hebn. Mit den Kaffee un Thee dat kunn ja nablieren; denn harn se ja wieder nichts

mit enanner to dohn. „Wat de Herr dar wul to segn ward; ob de uf glief an en Heirat denken ward.“

As dat Fräulein trüchföm, broch se ehrn Broder mit, un Meta stund op un maek en depen Knick.

„Godn Dag, Meta,“ seg de Herr fröndlich, „un Se will nu all weller heiraten?“

„Ne, unſ' Herr,“ seg Meta un grien, „dar dent ik gar nich an. Wenn ik de lütt Wahnung man verhöörn kann, denn bünne ik ganz tofreden.“

„Wenn sik awer en Junggesell dar inhürt,“ seg de Herr, „denn kann dar allerlei ut entstahn.“

„Dar kann ik ja ut. för oppassen,“ meen Meta.

„Die Peter Hennes het Se dar awer nich för oppast,“ seg de Herr. „Het Se dat all weller vergeten?“

„Ne, unſ' Herr,“ segt Meta, „awer do weer ik ut noch jung.“

„Na, na,“ seg de Herr, „mündig weer Se do ut all, un de jung'n Wetfruns sünd gewöhnlich mehr op dat Heiraten verseten, as de jung'n Mädjens.“

„Ne, unſ' Herr, heiraten will ik ganz gewiß nich,“ seg Meta un fung an to ween. „Wu kunn ik wul denken, so 'n braven Mann weller to krieg'n, as Peter weer? Un min Paul schall doch keen Steefvader heb'n, de mit em rumstött.“

„Na, meen Se man nich, Meta,“ seg de Herr; „so wiet is dat ja noch nich. Se wull also blot ehr Wahnung verhöörn, nich wahr?“

„Ja, unſ' Herr, ik kann de Miet nich entbehrn,“ seg Meta. „Paul ward nu ut ümmer gröter, un ik bruf nu mehr as fröher.“

„Wenn dat blot Hans Karstens nich weer,“ seg de Herr, „wat maekt he jekt un wo lewt he von?“

„As ik nich anners weet, so bedriwt he sin Oln sin Geschäft,“ seg Meta, „vel ward dar wul nich bie rut kam.“

„Denn is Se uk noch gar nich sater, dat Se Ehr Miete kriegt,“ seg de Herr.

„He het mi segt, för de Miet wull Franz Reimers sik verbörgen, un dat is ja en rieken Mann,“ seg Meta, „de het den Dln uk all ümmer bieftahn.“

„Het Se Franz Reimers denn all frogt?“ seg de Herr.

„Ne, uns' Herr,“ seg Meta, „dat wull ik erst, wenn uns' Herr sin Toestimmung giwt.“

„Na, Meta, ik wüll min Toestimmung denn gewen,“ seg de Herr, „awer blot to dat Verhürn. Thee un Kaffee kriegt he nich, un Se versprukt mi, dat Se keen Foot in sin Wohnung sett un dat Se op Ehrn Inwahrner sin Lewen un Driewen pakt un dat Se sik von Franz Reimers schriftlich dat Verspreken gewen lätt, dat he Börg is för de Miet.“

Dat verspröf Meta un freu sik, dat se ehr Wohnung nu verhürn kunn, wenn uk blot an Hans Karstens.

Den nächsten Sünndag köm dat denn uk all to Schick, wie Meta dat wünsch. Hans Karstens sett sülbs en schriftlichen Kontrakt op un Franz Reimers schreew darünner, dat he sik för de Miet verbörg un Hans trock den annern Dag in.

Hans Karstens sin Vader un Moder weern wul all tein Jahr dot un harn ehrn eenzigen Söhn, de domals wul dörtig Jahr weer, nichts nalaten, as en beten Husrat. De Ol weer Landmeter un uk so 'n Art Volksanwalt wesen un har mit den Herrn ümmer op'n Kriegsfoot stahn. De Lüd sä'n, se stundn sik, wie de Sünne un de Botter, un de junge Hans Karstens behaup, dat ehr Afnegung gegen enanner all ut ehr Jugend, ut de Studententied stamm. De ole Karstens har to Tieden vel Geld verdeen, har dat awer uk ümmer rasch verwichst. Een von de ältsten Burn wull sogar as Jung mal sehn hebn, dat de Landmeter ut en dänischen Bankdalerchien en Fidibus maht har, as he sin Piep ansteken wull. Dat weer awer all lang

her, un dat kunn ja uk sin, dat dat een von de dänſchen Zettels wes weer, wo de dänſche Regierung de Sleswig-Holſteener mit bedragen har. Als de Dänen de Zettels ünner de Lüüd broch harn, wulln se ehr Bie de Stürfaß man för den sößten Deel weller annehm. Denn weer dat ja uk nich so ſlimm, dar en Fibiſus ut to maken.

De junge Hans Karstens, nu en ſlanken Mann mit blonden Vullbart, weer ünner den Dln ſin Hand-langer wesen. Von de School har de Dl em nich trüchholn; he har em ſogar ünner mit de Burjungs in de Maſtund ſchickt, un dat Leſen, Reken un Schriewn har Hans lehrte wie de beſten Schöler; ja, in de lezten Jahrn weer he ehr ſogar all öwer, un dat weer gar keen Wunder. He muß uk, wenn he to Huß weer, ünner reken un ſchriewen; denn wenn ſin Vater abends to Huß ſeet un Feld un Wiſchen bereken, denn muß Hans uk mit reken, dat he gliek de Brow maken kunn, un wenn ſin Vater en Kontrakt oder en Wittſchrift opſett har, denn muß Hans ehr aſſchriewn, un dar wurd' keen Fehler un keen Unſauberkeit bie duldt. Als naher erſt de Moder ſtorwn weer, weer Hans uk noch ſin Vater ſin Hußhollerſch wordn, wil den Dln domals de Mittel so knapp weern. Dat har awer glücklicherwies keen Jahr duert, do harn ehr Umſtänd ſik betert un se harn en ole Fru in't Huß nehm kunn, de ehr Saken in Ordnung höl, un do har Hans weller Tied, Violin to ſpeeln, wat he uk von ſin Vater lehrte har, un he kunn dat bald beter as de Dl.

Als de Vater uk ſtorwn, do ſett Hans dat Geſchäft fort; denn meten un reken un ſchriewn kunn he ebenſo god as de Dl, de uk keen beedigten Landmeter har ward'n kunn, wil he dat Examen nich beſtahn har, un Hans kunn ſik nu ebenſo god un towiel'n denn uk ebenſo ſlecht nähren as ſin Vater.

Diſſe Hans Karstens wurd' nu Meta ehr Hüßmann, as Paul so'n tein oder elben Jahr old weer,

un Paul, de een von Persetter sin besten Schöler un in't Singn all de annern öwerlegen weer, freu sit in'n Still'n, dat mit Hans Karstens nu de Musit in't Hus trock.

He weer in'n Gaarn un muß de Stieg uthacken, as he to'n erstenmal de Geig hör, un hól sofort op to hacken un horch un horch un dröm, bet sin Moder an't Finster klopp un mit'n Finger drau; do muß he erst, warum he de Hack in de Hand har. Do stund dat awer uf saß bie em, dat he de Bekantschaft mit den nie'n Inwahner un mit sin Violin maken muß.

Dar sünd he uf all den annern Dag en Gelegenheit to, as he in'n Gaarn speel un Hans Karstens mit 'n Teller in de Hand ut sin Wohnung tred'. He nöhm ganz fröndlich sin Müß af, sä godn Abend un frög, ob he wat för em besorgen schull.

„Ja, wenn Du magst,“ seg Hans; „ik wull mi von den Kramer en Bund Botter halen.“

„Ja, gern,“ seg Paul, kreeg Teller un Geld. un löp na'n Kramer un kóm mit de Botter un sett ehr vör Hans op'n Tisch, dicht bie de Violin, de Hans eben ut de Hand legt har.

„Wat dar för schöne Melodien in sitt,“ seg Paul un seeg de Violin ganz verwunnert un verleeert an.

„Magst ehr lieden?“ segt Hans un sat de Violin an un den Bagen; „denn wüll ik Di mal 'n Melodie vorspeeln,“ un speel: Ich weiß nicht, was soll es bedeuten.

„Dat Leed kenn ik uf,“ segt Paul.

„Kannst dat denn uf singn?“ frög Hans.

„Ja,“ segt Paul, „dat sing wi in de Schol.“

„Denn wüllst wi dat mal tosam sing,“ segt Hans un speel die Melodie noch mal, un he un Paul sungn heid dat ganze Leed, Paul de erste un Hans de twete Stimm.

„Dat weer hübsch,“ segt Hans; „in 't Singn hüßt Du mi öwer.“



Paul wurd' ganz rot un wuß nich, wat he segn schull. He plüdt an de Mütz rum, de he in der Hand har, un Hans segt: „Na, wi speelt un singt noch mal weller tosam, un Paul sä Abjüs un gung weller na 'n Gaarn.“

Do klopp sin Moder, de den Gesang hört har, an 't Finsster un wink. Paul gung rinn.

Sin Moder maek en ganz böß' Gesicht un segt — awer ganz liesen, denn dat schull doch döörch de Wand hindörch nich hört wardn: — „Wat wullst Du dar bie Herr Karstens? Du dörrst em nich störn!“

„Ik hef blot en Pund Botter för em halt,“ vertell Paul, „un do leeg de Violin op 'n Tisch un do frög Herr Karstens mi, ob ik uk singn kann un do hebt wi en Leed sungn. Dar is doch nichts bie, Moder.“

„Dat hef ik wol hört, segt sin Moder; „awer Sungs möt nich so todringlich wesen.“

„Ik wull em ja uk blot en Gefalln dohn, Moder,“ segt Paul, un denn sett he hinto: „Ik wull, ik kann, uk so schön Violin speeln.“

„So 'n Violin is dürr,“ segt Meta; „de slag Di man ut 'n Sinn.“

Paul slög sik dat awer nich ut 'n Sinn. He wuß sik döörch allerlei Gefälligkeiten ümmer weller Gelegenheit to schaffen, in Hans sin Behüfung to treden un em; de Violin in de Hand to drücken, un as he na un na drierster wurd', do frög he uk wol na Ansaten, Holn un Stricken, un denn wies Hans em dit un dat, un as de mark, dat he grote Lust har, dat Violinspeeln to lehrn, do böd he em Uenerricht an. He wull em umjünst ünerrichten, un wenn de Versöt glücken deh, denn kann sin Moder em später en Violin köpen. Noten kenn he ja von de School her, un en fines Gehör har he ja uk, denn würd' he dat licht lehrn. He schull sin Moder dat man mal vertellen.

As Paul sin Moder den Plan vördragen har, wull se dar erst gar nichts von weten, un as Paul dörschut keen Bucht gewin wull, segt se tolek: „Dar mut ik erst mal den Herrn no fragn.“ Se güng atwer den annern Dag all hin un drög ehr Sat vör. Se wull egentlick erst mit Fräulein sprekn, dröp den Herrn atwer bie Fräulein in de Wahnstuw.

„Na, Meta,“ segt de Herr, as se intred, „wat het Se denn op 'n Harten?“ un do vertell se, wat Herr Karstens ehrn Paul anschünnt har un frög, op se darop ingahn dörf, dar hör ja Geld to.

„Süht sin Wahnung all sehr verwahnt ut?“ frög de Herr.

„Dat kann 't nich segn, uns' Herr; ik kam dar ja nich,“ segt Meta.

„Ach so,“ segt de Herr, „wu oft kummt he denn in Ehr Wahnung?“

„Jeden ersten in 'n Monat,“ segt Meta, „denn bringt he de Hür.“

„So? deswegen treck Se denn an jeden ersten Ehr best Kleed an,“ segt de Herr.

„Dat hef ik man eenmal dahn, as dat en Sündag weer,“ segt Meta un war en beten rot.

„Wat sä Herr Karstens denn darto?“ frög de Herr.

„Dat het he wul gar nich sehn.“ meen Meta.

„Dar het Se sik doch wul öwer ärgert,“ segt de Herr.

„Ik hef dar uf wieder nich an dacht,“ segt Meta.

„Wulang bleew he denn bie Ehr?“ frög de Herr.

„Dat kann ik nich mal segn, uns' Herr,“ antwort Meta, „tein Minuten vellicht.“

„Wovon spröf he denn mit Ehr?“ frög de Herr wieder.

„Ik löw von 't Weller,“ seg Meta, „un dat lextmal uf von Paul.“

„Wat sä he denn von Paul?“ frög de Herr.

„Dat weer en höflichen un gefälligen Jung un wuß vel Leder, sä he, un fun de Stieg in 'n Gaarn all nett in Ordnung holu.“

„Dat het se wul gern hört?“

„Ja, dat hef ik, uns' Herr,“ seg Meta; „dat is en Moder doch uk nich to verdienen?“

„Dörcht nich“, seg de Herr.

„Het Herr Karstens denn nich eenmal weller en dwatschen Snack anbröcht?“

„Ja, einmal,“ seg Meta. „Als he nüllich dat Geld op 'n Disch lä, do sä he: „Geld givt Ehr; dat sä de Boch uk un sett sik op 'n Penn.“

„Wu old is Paul denn nu?“ frög de Herr.

„He is vör acht Dag elben Jahr wordn,“ seg Meta.

„Weet he denn all, wat he wardn will?“

„He seg ümmer, he will Scholmeister wardn. Ik hef em awer segt, dat har ik keen Geld to.“

„Wat seg Ehr-Schwahner denn darto?“

„Ik hef dar nich mit em öwer spraken,“ seg Meta.“

„Un nu will he em dat Violinspeeln lehrn?“ seg de Herr.

„Ja, uns' Herr,“ seg Meta.

„Wu kummt he denn darop?“ frög de Herr.

„He het Paul sing'n hört un meent jawul, dat Paul Anlagen darto het,“ seg Meta.

„Un warum is Se dargegen?“ frög de Herr.

„Wil so 'n Violin vel Geld kost, wie ik hört hef,“ seg Meta.

„Von wem het Se dat hört?“ frög de Herr.

„Dat het Paul mi segt, as he mi fragn deh,“ seg Meta, „un de het dat wul von Herr Karstens hört?“

„Anna,“ seg de Herr to sin Schwester, „hängt min ol Geig noch op 'n Böhn?“

„Ik glöw wul,“ seg dat Fräulein.

„Meta,“ seg de Herr, „denn stieg Se mal rop. Se weet dar ja Bescheed. Nehm Se de Rössch mit, un wenn Se ehr find, könnt wi dar ja wieder öwer spreken.“

Meta gung na de Röß un denn mit de Rössch na'n Böh'n, un de Herr seg to sin Schwester: „Wat meenst Du, Anna, schall ik min Toestimmung gewn?“

„Mi dünkt, Du heft ehr mit Din Fragen all nog quält“, segt dat Fräulein, „Du kunnt ehr wol Din Toestimmung gewn.“

„Wenn Du dat meenst, Anna,“ seg de Herr, „denn kann mintwegen dat Spill anfangn. Wi ward ja denn sehn, ob Paul Utdur het.“

As Meta mit de ol Violin anköm — de Rössch har ehr hübsch afwischet un den Violinkasten ut — do seg de Herr: „Meta, Se weet ja, dat weer mi gar nich recht, dat Se Herr Karstens as Inwahrner opnöhm, un wenn Se nu den Düwel en Finger giwt, denn nimmt he vellicht de ganze Hand. Se mut nu erst recht vorsichtig wesen, wenn Se ehr Verspreken holn will, sin Wohnung nich to betreden, und bedanken dörf Se sik uk nich bie Herr Karstens. Denn hef ik nichts dagegen. Lehren kann de Mensch nich tovel. Is Se nu tofreden?“

„Ja, uns' Herr, dat bliin ik gewiß,“ seg Meta, „un min Paul ward sik freuen, as wenn dat Wienachts-abend weer. Ik dank uk velmal, nehm uns' Herr dat man nich öwel!“

De Herr frög nu na Herr Karstens sin Leven un Driewen, un Meta vertell em all, wat se wuß, un denn sett se hinto, dat se em in keen Hinsicht wat nasegn kann, un darmit weer se entlaten; denn de Herr antwort dar nich op, un Meta wuß, dat dat en Teken weer, dat he nich mehr hörn wull, un maek en depen Knicks un güng.

Paul broch natürlich dat Instrument gliest na de Achterwahnung, un Hans Karstens löt allms liegen,

wat he ünner 'n Händ har, un sett de Geig in 'n Stand un fung an, darop to speeln.

„Hör mal den fein Ton,“ segt Hans. „Op de Violin lätt sik god speeln, segt de Aftat do kreeg he 'n Schinken. Dar kannst Du nog op lehrn,“ un so fung de Lennerricht an, un Paul speel nu Dag um Dag, so oft he Lied har. Sin Moder weer dat „Gniedeln,“ wie se dat nenn, manchmal öwer; awer wat dulb en Moder nich för ehrn Jung! De Herr har ja segt: De Minsch kunn nich tovel lehrn, un so drög se dat Huskrüz anners kunn se dat nich nenn — mit Lammgseduld. Se nöhm sik awer vör, mit ehrn Inwahrner dar jo nich öwer to spreken, un verbööd Paul, ehr ut de Violinstund wat to vertellen. Dat har de Herr verbadn, sä se, un dat weer vör Paul sovel, as wenn uns' Herrgott dat segt har.

Ehr Inwahrner steeg awer ünmer höger in ehr Achtung. He betahl nich blot jeden Monat sin Hür, wie he anfung weer; he sä uk keen Wort von den Musiksünerricht, den he geew, un von Paul sin Fliet, den se kenn, un von de Fortschritte, de he maken deh, un toleht wurd' ehr dat süls all swar, darvon to swiegen; en Moder spricht doch gern von ehrn Jung sin Gaven un Iwer. Paul har dat uk gern dahn, awer de dörf ja nichts segn, un Hans wull doch uk nich grotprahln, wat he ut den Jung maken deh. Un dat weer wahr, de Jung har en Strich so seker un so sanft, dat dat en Lust weer, em totohörn. Hans har von Anfang an gern in de sonnige Achterstum wohnt; nu he un Paul dar awer fast jeden Abend sungn un speeln, nenn he ehr sin söte Eck; he fund dar Arbeit un Genuß, wat wull he mehr? „It sitt hier god,“ segt Hans, „dat sä de Mus uk, as se sit in 'n Rees versteckt har, un de Dacklunk, as he in 't Swöllennest seet un de Swöllken em den Logang vermurn, un de Schofterjung, as he op 'n Sootswang op un dal gung.“ Awer dat het all sin Lied, segt Salomo.

Dat dur awer Jahre, un as Paul an de Konvermatſchon rannrück un ſit vör Franz Reimers all enigemal hörn laten har, de dann un wann mal vorköm, wenn he na 'n Kramer gung, do lä Hans uf en god Wort in, dat Franz verſprök, em dat Geld vörtoſcheten, wenn Paul dörchut Scholmeiſter wardn wull.

Dat muß Paul denn doch an ſin Moder vertellen, un de ſprök ins weller mit den Herrn, un de Herr har dar nichts gegen, dat Meta na de Konvermatſchon mit Paul in en benachbartes Dörp gung, wo en Gehülſen ſocht war, un geew ehr ſogar en Breeb mit, un ſo wurd' Paul dar as Ünnerlehrer mit dörtig Mark Gehalt anſtellt. De Lehrer wull em denn in ſin grote Scholklaß, wo he hunnerttzwintig Rinner ünnerrichten muß, as Gehülſen bruken un em nebenbie in allerlei Dingen ünnerrichten, wo he dat nödig har. Denn kunn he ſit naſer in 't Seminar opnehm laten.

Hans kreeg nu abends mehr Tied to leſen un verfull darbie op de Laſſall'schen Schriften, de in de erſten ſöftiger Jahren ſo 'n großes Opſehn maken un ſo groten Biefall fundn bie de Arbeiter, wo dit Dörp en grote Tall von opwieſen kunn. Hans wuß, wo den Arbeiter de Schoh drückt; he kenn alle Daglöhners, Knechten un Gefelln, un enige von de beſten weern ſin goden Frönd. De köm manchmal abends to em un ſeten bet Kloß negen und löten ſit wat von em vörleſen, am leewſten plattbütsch, un towieln wurdn uf Leeder ſungn. Hans har ſit na un na all de Laſſall'schen Schriften anſchafft un leſt un weller leſt un weer ſo begeistert von de Laſſall'schen Ideen, dat he vele Stelln ut de „Berliner Reden“ utwennig wuß, un daröwer predigen kunn as de Paſtor öwer de Epifteln, un do maſ he ſin Frönd' uf mit de nien Ideen bekannt; he leeſ' ehr de Stelln op hochbütsch vör un denn wurdn ſe op plattbütsch beſpraken.

Dat gefull ehr all, un een von de Frönd mat den Vörschlag, en Arbeitervereen to gründen, wo sif de Lüüd all an bedeeiligen kunn, wie an den sleswig-holsteenschen Vereen. „Se hebt dar mehr von,“ seg he, „as wenn se to Kirch gaht un blot tohöört. Hier könnt se fragen un ehr Ansichten utfram; hier könnt se sif ünner enanner vertellen, wo ehr de Schoh drückt, un beraden, wo dat anners un beter döörch wardn kann; hier könnt se uk mal singn un lustige Geschichten anhörn.“ „Ja,“ seg en anner Frönd, „lat uns dat versöken; Hans, wat meenst Du?“ „Dat let sif hörn,“ seg Hans; „dat sä de domne Mann uk, do kreeg he en Ohrsiegel. In de sleswig-holsteenschen Vereens maht se dat ja uk so. Dar berad se öwer dat Vaderland un sin Tokunft; warum schulln wi nich uk öwer den Arbeiterstand un sin Tokunft beraden könn? Wie snackt awer plattbütsch, dat verstah wi all. Dat sä'n de Sleswig-Holsteener uk, as de Großmächte meen, se müssen nu tolang.“

So wurd' de Vereen denn gründ un Hans wurd' to'n Verensvörsitter ernennt, to'n Parlier sä'n de Murlüd, un de Sak köm in 'n Swunk. Jeden Sünnaabendabend oder Sünndagnamiddag weer Versammlung un jeder Arbeiter opfer denn en Groschen för de Unkosten, för Lokal un Licht. Den letzten August 1865 harn se sogar en grote Fier, wil Ferdinand Lassalle an dissen Dag dat Jahr vörher storwen weer. Hans höl en plattbütsche Gedächtnisreb. „Wi fiert awer nich,“ sä he darin, „wie man wol Geburtsdag fiert, bie Punsch un Grog. Wi singt un vertellt uns wat; dat Drinken hört op keen Fall darto,“ un denn wurd' op sin Andrag besluten, dat de Vereen en Arbeitervereen bliewen schull, wo jeder Arbeiter opnahm wardn kunn, he much Vermögen heb'n oder nich, he much mit sin Händ oder mit sin Geist arbeitn; awer Müßiggänger, Rumbriewers un Bettler wulln se nich opnehm, un as sif bald darop een meld', de alle

Dörper affstreif un von Bettelbrot lew — de grote Jan Ritscher — do wies Hans em af.

In den Sleswig-holsteenschen Vereen kunn ut so'n Struntjers opnahm wardn, de doch ut en Vaderland hebn müssen, wat se affloppen un affechten kunn, wie Jan Ritscher un Rasten Lutz un Klumphinnerk dat dehn. In dissen Vereen har Hans Karstens nu twe Sorten von Gegners, erstens manche Buren, de dar glöwen, ehr Arbeiter brufen nich öwer Laffalle un sin Ideen belehrt to wardn, wil se dat doch in den verkehrten Hals freegen, un twetens de Struntjers, de in den Arbeitervereen nich opnahm wardn kunn, wil se keen Arbeiter weern, — un dat wurd' Hans sin Unglück. Awer dat Gewitter brök erst in den annern Summer los, as Preußen un Östreich sit nich enig wardn kunn, wer von ehr dat Land hebn schull, wat de Dänen ehr in den Wiener Frieden harn öwerlaten müßt — de schöne Melkkoh Sleswig-Holsteen.

Meta kümmer sit um ehrn Inwahrner nu schienbar noch weniger, wenn ehr ut dit un dat öwer sin Lewen un Driemen vertellt wurd'. Se kreeg jeden ersten in'n Monat ehr Hür un dat weer de Hauptsat. Wat gung ehr ut sin Striet mit de Struntjers un de Burn an! Wenn dat mal paß, kunn se den Herrn dat ja gern vertellen. Na ehr Ansicht har Hans ut Recht. Se wull ja doch dat Gode hier ebenso god as bie ehrn Paul. De kunn sin Geig nu brufen, wo se god to weer, un dat weer Hans doch alleen to danken. De Herr har ja ut süls segt, dat de Minsch nich tovel lehrn kunn. Wull weet, op Paul sonst de schöne Stell kregn har? Se un Paul harn Hans vel to verdanken; dat weer man schad, dat se dat nich segn dörf.

Den drüitten Januar 1866 muß Meta awer doch mal rüm, wil de Hür utblewen weer. Ehr Inwahrner kunn ja krank wesen; se har em in dat niee Jahr noch gar nich sehn. Se kunn ehrn kranken Mawer



doch nich verrecken laten wie en Stück Voh. Se muß sik mal na em umsehn. Dat kunn de Herr ehr doch nich öwel nehm. De Herr weer doch uk en Christ, wenn he uk in de twölfs Jahr, de se in sin Deenst tobrocht har, nie to Kirch gahn weer. He un sin Schwester harn doch an ehr un ehrn Paul so christlich handelt, wie uns' Herrgott kum beter verlang kunn. Se un Paul verlan'n gewiß nich mehr, un wenn se sik nu noch wat wünschen schull, denn weer't dat, dat se sik mal recht gründlich bedanken kunn; ehr kunn ja noch dat Hart springn. S'rüm muß se mal.

De Achterdör weer tohakt, un in de Stuw sehn, dat weer nich möglich, denn de lütt'n Finsterschiew'n weern ganz blind, dat se nich dörchsehn kunn. Do klopp se denn an de Schiew'n un horch.

Do hör se en Stimm, un Hans Karstens frög: „Wer is dar?“

„Ik bün hier, Meta Henners. Ik wull doch mal sehn, ob Se krank sünd,“ seg Meta.

„Ja, Fru Henners,“ seg Hans, „ik bün krank; awer dat ward all beter. Ik wüll na her opstahn, denn kam ik rum.“

„Na, denn is't god,“ seg Meta un güng na ehr Wohnung. Ehr bewern ordentlich de Been. Wat wull se maht hebn, wenn he nich antwort har?

Dat dur uk nich lang, so köm Hans na. He seeg ganz bleef ut, un Meta frög, wat em fehlt har.

„Ach,“ seg Hans, „ik weer Niejahrsabend op'n Taterpahl. Dar hebt wi Fisch eten un Punsch druntn. Ik glöw, dat hef ik nich verdregen kunnt.“

„Wüllt Se denn nich en Taß Raffee drinken, Herr Karstens, swarten Raffee? Dat schall ja god sin.“

„Ne, danke vel mal, Fru Henners,“ seg Hans, „ik mag nich. Ik wull blot min Miet rumbring'n. Wenn Se en paar Hoffmannsche Drippen harn, de, glöw ik, würd'n mi god dohn.“

„Sehr gern,“ seg Meta un hal dat Glas un en Stück Zucker un Hans nōhm in, un denn betahl he sin Miet un gung weller to Hus, un Meta sä, dat se morgen mal nasehn wull.

As Meta den annern Dag in Hans sin Stum tred, seet Hans op sin Sofa un lees', un as se na't Befind'n frög, sä Hans, dat he nu weller gesund weer. Meta seeg si noch flink na alln Siden um, jä awer keen Wort un gung. In de Stumwendör lehr se si awer noch mal um un sä: „In'n Summer mut de Wohnung awer doch wul mal ordentlich reinerfeert un in Stand sett wardn, Herr Karstens?“

„Wenn ik mal nich to Hus bün,“ seg Hans, „denn könnt Se hier opstellen, wat se wüllt, Fru Henners. Dar geiht ja nichts öwer de Kenlichkeit, sä de ol Fru un seg den Disch mit'n Bessen af.“

„Na, mit dat Affegen alleen is't wul nich dahn,“ seg Meta un gung.

As Hans nu den 1. Juni sin Gür brocht, seg Meta, dat se wul Lust har, in dissen Mahnd sin Wohnung beten in Stand to setten, un ob he ehr wul segn kunn, wann he ehr enige Dag entbehrn kunn.

„Na den 15.,“ seg Hans, „gah ik op enige Dag na Rendsborg. Wi wüllt dar beraden, ob wi nu preusch' wardn wüllt oder nich.“

„Könnt wi denn noch wat anners wardn?“ frög Meta.

„Natürlich!“ seg Hans. „As de Hamborger Brand weer, do weer en Daglöhner in en brennenden Uhrladen lopen un har tein goldene Uhr'n ruthalt. As de Konstabler em de afnehm wull, do sä he ut, dat weern sin, de har he si rett. He het ehr awer doch rutgewn mußt. Wu könnt denn Destreich un Preußen si de Herzogdömer aneegen, de se Dänemark in 'n Krieg afnahm hebt? Wi hört doch uns süls un den Herzog.“

„Wi hebt man keen Konstabler, de ehr bie 'n Kragen friegn kann," seg Meta.

„Is uf nich nödig," seg Hans, „wi hebt twe Deew, un wenn de sik schelt, denn kriegt en ehrlichen Mann sin Roh weller, seg dat Sprikwort."

„Dar lur op," seg Meta un lach. „Dat schall mi denn uf enerlei sin, wenn ik denn man Ehr Wahnung utbetern laten dörf."

„Dat kann gahn," seg Hans. „Dat har de Jung uf segt, as he dat Kalw na de Stadt dregen schull," un darmit gung he na de Achtermahnung.

Den 15. Juni weer Hans fröh opstahn, wil he mit sin Kameraden na Glückstadt gahn un von dar na Rendsborg föhrn wull. As he bie Meta ehr Finster vörbie gung, klopp he an un lang ehr den Stötel rin. „Nu geiht de Reis' los," seg he. „Dat har de Papagei uf segt, do löp de Ratt mit em to Böhn."

„Glückliche Reis'!" seg Meta, un denn hal se Ul un Bessen un Finsterquast un Water un ul un seg un wusch un spöl, wie Deel un Achterstuw dat in Jahrn nich baden weer. Un denn hal se Kalk un Lehm un sett dat achter dat Hus, un denn köm de Murmann, den se bestellt har, un beter de Wand ut un witt Stuw un Altow un Deel, un den annern Dag nöhm se sik en Schürfru to Help un do maken se sik erst öwer den Schrank her, wo all de Böker in weern, de meistens noch von den oln Hans Karstens stamm; dar har Meta am meisten vör grut, wil se wuß, dat jedes Bok sin Plaz har. „Dat hef ik all bie unsen Herru lehrt," seg se to de Schürfru, „de kunn dat dörchut nich verdregen, dat sin Böker anröhrt worden. Wu hebt wi uns dar in Acht nehm mußt!"

„Ja," seg de Schürfru, „ik kenn dat, ik maß ja bie Persetter rein, de kann dat uf nich lieden, dat man ehr anners opstellt, as he ehr hinstellt het."

So kreeg den tweten Dag allns sin Schick, Schränk un Stöhl, Sofa un Disch, un abends wull'n de beiden Fruns sogar noch anfangn to mal'n, dat Finsterholt un de Dörn, natürlich dunkelrot, denn de Farm kunn se farrig bien Kramer köp'n un freegen en Pinsel darto lehnt. Do köm awer Paul, de Unnerlehrer. to Besök, un de wull sit dar morgen en Sündagsvergnügen ut maken; dat kunn sin Moder em doch nich afflagen. Se muß ja, wu he dat verstund; he har ja uk all ehr Wahnstum malt, as he noch to Schol gung.

Bet Mittwoch kunn de Wahnung nu ordentlich utdrögen un utlüft wardn un denn sett Meta noch veer lütte Blompütt vör de Finstern, mit Blom, de se süls optrocken har, un strei witten Sand op den Footboden un gung rüchlangs ut de Dör un slöt de Wahnung af.

Als Hans endlich weller köm, fund he sin Wahnung denn ja ganz verännert; dat schien em awer doch to passen. Wenn so 'n Junggesell dat Schürfest uk nich mitfiern mag, de Folgen drigt he gern. „Wenn ik nich darbie bün, denn könnt 's mi prügeln sowel se wüllt," seg he. „Dat 's all to min Besten, dat sä de Jung uk, do slögen se em den Stock op 'n Buckel twei."

Hans har sit op de Reis' awer uk gewaltig ännert, vel mehr noch as sin Wahnung. De beiden Deew, wo he nüllich von spraken har, de schull'n sit nu nich mehr, de leegen sit all in de Haar un för Hans weer dat gar nich twiefelhaft mehr, wu dat aflöp. „Wer dütsch bliewn will, mut preusch wardn," seg he, „dar kann gar nichts anners na kam," un so weer he denn uk all preusch wordn, un muß nu sin Landslud uk bekehrn.

Dat ganze Dörp weer abends versammelt, um den Bericht antohörn von de Lüüd, de na Rendsborg wesen weern, un dar geew dat nu en harden Striet.

De meisten Lüüd sã'n. wi bliewt bie unsen oln Glowen an unsen Herzog un lat uns op nichts in. Hans sett ehr utenanner, dat dar keen Hölp an weer. Dat handel sif nu nich blot mehr um uns, dat handel sif um all de dütschen Staaten.

„Destreichisch wüllt wi doch nich wardn,“ seg he, „dãnsch uk nich, denn möt wi preusch wardn, so ungern wi dat wüllt. Hamborg het uk all in den suern Appel bieten mußt.“

Ein Kameraden harn wol uk keen rechte Hoffnung, awer se meen, dar harn wi noch ümmer Tied to; de annern dütschen Staaten nulln ja uk noch nich.

„Se eher je leewer,“ seg Hans. „Dat uns man den Besluf faten wie Hamburg, mit Preußen dörrch dick un dünn to gahn. Wat tosam schall, kummt tosam, sã de ol Fru, un schull de Düwel dat uk op de Schurkar tosam karn. Wenn wi preusch ward, denn do wi uns' Deel uk darbie, Preußen dütsch to maken. Desterreich dütsch to maken kann uns niemals gelingen; dat is ja in Spraak un Religion dat reine Babel, dar wahnt de Musfallnters, de sif hier tomieln rundriewt. Dat wüll wi stahn laten, sã de Düwel, un gung bie 't Krüz vorbie. Dat Sleswig-Holsteen en gelobtes Land is, wo Melf un Honig flütt, dat het de erste Christian vor veerhunnert Jahr all in Dänemark rüken kunnt. un darum het he sif domals so vel Mög gewen, dat Land to friegen. Nu hebt de Preußen dat mit Ogen sehn un mit de Tung smeckt. Meent Ji, dat se dat nu weller rut gewt? Wi möt preusch wardn, wi mögt wülln oder nich. Dat ward Bismark uns wol wiesen.“

Do sã Jan Ritscher, Hans weern Berräter, un dat nöhm Hans öwel un seg: En Berräter meer he nich, blot en beten klöter as all de Rundriewers, de blot en Vaderland brufen, um dat astokloppen. He wull sin Kopp darop verretten, dat de Preußen siegen.

So hal een Wort dat anner un tolekt wurd'n de Struntjers handgrieplich un de unglückliche Hans kreeg Brügel, un sin Frönd ut den Arbeiterverein harn vel to dohn, em to schützen un lebendig to Hus to bringn. Dat har he nu för sin rasche Befehrung un — för dat Affschütteln von de Rumbriewers.

De nächsten Dag har Meta natürlich gar keen Tied; se har nog mit ehrn Inwahrner to dohn, un muß Waterpulssterz opleg'n un barmherzige Schwester speeln, un dat gung ehr bald von de Hand, as wenn se dat lehrt har; ehr fehl blot dat witte Band mit dat rode Krüz; so güng dat dre Dag, un abends köm denn een von de Frönd un vertred ehr Stell.

Den veerten Dagkehr Hans sin Humor uf allweller trüch, un as Meta sä, dat se von ehr Naversch hört har, de Östreicher harn Släg kreegn, un uf dat Igehoer Wuchenblatt mitbroch wo dat in stund, do segt Hans: „Na, denn will ik mi uf nich beklagen; denn hebt wi ja nu Gottes Wort swart op witt. Dat sä de Bur uf, do red de Prester op 'n Schimmel. Morgen stah ik op, Meta,“ un darmit fat he ehr bie de Hand. Awer se trock ehr gau trüch, as wenn ehr en Imm stecken har, un löp mit 'n roden Kopp ut de Dör. Wat schull dar de Herr to segn, wenn se stahn blewen weer!

Hans stund an den annern Morgen frielich op; awer in 'n Dörp kunn he sik doch noch nich sehn laten. He bruk noch enige Dag, eher he sin natürliches Utsehn weller kreeg, un in disse Tied, wo he sik friewillig in Arrest begewen har, har he allerlei Gedanken öwer sik un sin Tostand. He seeg un föhl, dat dat vel beter um em stund, wenn en weibliche Hand allns um em in Ordnung höl, un dat dat Junggesellenlewen doch eigentlich man en halwes Lewen weer. He weer nu eben in de Veertig, un so old weer Fru Henners wul uf, — wu weer dat, wenn se nu ehr Plünn tosam smeten un Mann un Fru würdn.

Meta weer ja en ansehnliche, flietige un fröndliche Fru, un se würd'n ja beid seker mehr von ehr Leven hebn, wenn se verheirat weern? Meta weer ja nich blot in Döörp, se weer uk bie den Raspelbagt un sin Schwester god anschrewn, un he, Hans Karstens, kunn he döörch ehr dar uk nich in Gunst kam un denn lichter un ruhiger sin Brot verdeen? Noch weer 't nich to lat, — dat mut versöcht wardn. „Wer de Dochter frien will,“ dach he, „mut dat mit de Moder holn; wer awer en Witwe frien will, de mut erst de Kinner gewinn — un Meta ehrn Paul har he ja all gewunn. Dat is gar keen Frag.“

As Meta rumköm, na Befind to fragn un de Blom to begeten, an de ja Hans gewiß nich denken würd', nöhm he ehr sehr fröndlich op.

„Fru Henners,“ segt he, „wu schall ik Ehr danken, wat Se in de lekten Dag an mi dahn hebt? Ik mut dar mal öwer spreken.“

„Ach,“ segt Meta, „nichts to danken, wenn sik een bedanken mut, so bün ik dat. Wat hebt Se nich ut min Paul makt! Wat ik dahn hef, het mi Vergnögen makt un besonders freu ik mi, dat Se nu allmählich weller ganz minschlich utsehn ward, wie ehr Wahnung.“

„Ja,“ segt Hans, „dat is wahr, min Stuw süht nu minschlich ut. Ik hef hüt morgen uk all 'n Vergließ anstellt. Dat mut ik segn, dat mi dat hier nu vel beter gefallt.“

„Dat freut mi,“ segt Meta un lach; „denn kann ik ja hoffen, dat dat nu so bliwt. Dar hört wirklich nich vel Lied un Mög to, Herr Karstens. Wenn Se jeden Dag en beten dohn muchen för sik un för Ehr Wahnung, so bliwt allns in Ordnung.“

„Dat is wahr, Fru Henners,“ segt Hans; „awer so 'n oln Junggesell süht man nich glief, wo dat fehlt, un ward dat gewöhnlich erst wies, wenn dat to lat is. So geiht em dat mit sin Wahnung, wie mit

Estrümp un Knöp, — un wie den Burn mit 'n Soot. Wenn 't Kind verdrunkn is, ward de Soot tosmeten."

"Wenn Se dat weet, Herr Karstens," segt Meta, un lach weller, „mi dünkt, denn kunn Se dat uk verhöden."

"Wenn man dat wies ward," segt Hans, „denn het man grad wat anners to dohn un denkt wie de Bur: Starw noch nich, Perd, ik will erst Hawer seien, un denn geiht een dat, wie de Appelhöfersch. Dat het den ganzen Dag all so gahn, sä se; do leeg s: mit de Appeln in 'n Rönnssteen."

"Se möt man mal ernsthaft anfangn, Herr Karstens," segt Meta ganz totrulich, „denn givt sik dat all."

"De Anfang is awer blot bie 't Plünnsammeln licht," segt Hans un traul sik achtert Ohr. „Fru Henners, ik much Se wol en annern Börslag makn. Harn Se nich Lust, de weiblichen Arbeiten to övernehm? Ik kunn ja denn —"

"Ne, Herr Karstens," wehr Meta af, eher Hans utspraken har, „dar hef ik keen Tied to. Ik hef tovel to dohn, um mi dörtoslagu."

"Se hebn dat doch dahn, as Se verheirat weern," segt Hans. „Ehr Mann weer doch Rutscher bie den Rapselvagt."

"Ja," segt Meta, „do har ik uk nich för dat tägliche Brot to sorgen."

"Denn kunn wi dat ja nu uk so maken," segt Hans un köm wat neger. „Ik sorg för dat tägliche Brot un Se besorgen den Husstand. Fru Henners, lat uns Mann un Fru wardn!" Un do sat he weller na ehr Hand, kunn ehr awer nich to faten kriegn.

Dar har Meta noch gar nich an dacht. Se wurd' öwer un öwer rot un trock sik ganz verbligt un verbiestert trüch. „Dat will doch överlegt wardn," segt se, „un dar mut ik doch erst mit den Herrn un sin Schwester öwer spreken."



„Se würdn mi groten Gefalln dohn, wenn Se dat ma wulln,“ segt Hans truhartig. „It stah min Wort; denn dat is min Ernst.“

„Un ik hef nichts dagegen, wenn min Herrschaften inverstahn sünd,“ segt Meta un darmit gung se flink ut de Dör, dat Hans man nich na ehr Hand griepen kunn.

Se güng den annern Dag awer nich direkt na den Herrn, sondern na den Herrn sin Schwester un bedde, dat se en god Wort för Hans inlegn schull.

„Herr Karstens is wirklich en ganz goden Mann,“ segt Meta. „Ik kenn em doch nu all öwer fiew Jahr, un uns Herr kennt em ja noch länger. dat he god mit de Feller umgahn kann. Uns Herr kann em gewiß en lütt Bahntje verschaffen, dat he en Familie ernähren kann.“

„Meenst Du, Meta,“ segt Fräulein, „dat he Di nich unglücklich maken kann? De Männer sünd nich to truden, un Du weest ja, wat de Herr Di segt het.“

„Ja, Fräulein,“ segt Meta, „dat weet ik. It hef mi uk noch gar nich wieder mit em inlaten. Awer he durt mi doch un ik glöw, ik kunn em glücklich maken. Un he het mi doch uk all glücklich makt, as he so för Paul sorg,“ un do schütt se ganz ehr Hart ut un vertell Fräulein all, wat wi all weet.

„Ja, gahn kunn 't wul,“ segt Fräulein endlich; „awer ik glöw nich, dat de Herr sin Tostimmung giwt. It will awer noch mal 'n god Wort för Di inlegn hütabend. Denn kum morgenfröh kloß elben man mal weller.“

Do güng Meta ganz beruhigt to Hus. Se wuß ja, dat Fräulein vel öwer ehrn Broder vermuth. Awer mit Hans sprök se gar nich; dat har ja Tied, bet se wuß, wie dat Laten scharn weer, un as Hans abends an ehr Finster vorbeie gung un anklopp un frög, wu dat stund, do schüttel se den Kopp un segt: „Morgen!“ Dar kunn Hans sit bie denken, wat he wull.

Den annern Vormiddag güng Meta etwas benaut na den Herrn un vertell em ebenso oprichtig un umständlich, wat Hans för 'n Andrag maht har, wie gestern bie sin Schwester, un denn segt se, dat se den Herrn dat alleen öwerlaten wull, wat se för 'n Antwort gewen schull.

„Is 't dat all?“ frög de Herr. „Se wull doch wul noch hintosetten: Nu raden Se mi god, unſ' Herr, awer raden Se mi nich af.“

„Ne, unſ' Herr,“ seg Meta, „wenn unſ' Herr dat nich hebn will, denn bliewt dat na.“

„Denn lat Se dat na“, seg de Herr.

„Warum, unſ' Herr“, frög Meta ängstlich.

„Se sä doch eben, wenn if dat nich hebn wull, denn bleew dat na. Un nu fragt Se doch erst, warum Se dat nalaten schall,“ seg de Herr und maht en Gesicht, wie 't all tein Jahr keen Mod mehr wesen weer.

„Ja,“ seg Meta ganz benaut, „if dent doch, dat unſ' Herr dar en Grund to het, mi astoraden.“

„Dat heſ if uf,“ seg de Herr barsch. „Wenn if den awer nich segn will.“

„Denn is dat uf god,“ seg Meta. „Denn dent if, unſ' Herr ward wul süls för mi un min Jung sorgen, wie he dat all ümmer dahn het.“

„Denkt Se denn, dat Hans Karstens för Ehr un Ehrn Jung sorgen ward, wenn he Ehr heirat?“ frög de Herr, as wenn he dat nich glöw.

„Segt het he dat,“ seg Meta benaut un de Thran köm ehr in de Ögen un se trock ehr Taschentuch un wisch sik öwert Gesicht.

„Denn ward dat wul am besten sin, dat if mit em süls daröwer sprekt,“ seg de Herr. „Se schient dat nich verdregen to könn. Lat Se em morgen Kloß tein mal to mi kam.“

So har Meta dat uf meist dacht — aber doch en beten anners.

„Unſ' Herr,“ seg se, „Se sünd immer so fröndlich gegen mi wesen. Nehm'n Se mi dat man nich öwel, dat ik Se stört hef un sovel Mög mak. Ik dank vel mal för all dat Gode, wat ik von Se kregen hef.“

De Herr sweeg — un Meta knicks un gung.

As se to Hus köm, lä se flink Hot un Mantel af un tred ut de Rökendör in den Gaarn un klop bie Hans an't Finster. Se wull em segn, wie dat aflopen weer.

„Meta, komm rin!“ seg Hans, un sprung op von'n Sofa un tred an 't Finster.

„Ne, danke,“ seg Meta, „dat schickt sik nich. Ik kann dat so vertellen.“

„Denn komm ik rut,“ seg Hans, un dreih sik um na sin Stuwendör. As he awer ut de Achterdör un um de Eck köm, weer Meta verschwund, un Hans kunn ehr in den lütten Gaarn nirgends sehn. Wo weer se denn abblewn?

Dat fund sik bald. In Meta ehr Stuw wurd' dat Finster apen mak't un Meta lehn mit ehr Arms op de Finsterbank un steek ehrn Kopp herut.

„Herr Karstens,“ seg se halwolut, „Se schüllt morgen Kloß tein bie unsen Herrn sin — Kloß tein!“

„Ik wuß gar nich, wo Se staben un flagen weern, Fru Henners,“ seg Hans un lach. „Ik kam rin.“

„Ne, ne,“ seg Meta, „dat is so beter. Wenn de Een binn' un de Anner buten is, denn verhandelt sik dat beter. De Sak is noch lang nich in Ordnung.“

„Is de Kaspelvagt dar denn gegen?“ frög Hans.

„Ik glöw dat,“ seg Meta; „awer he giwt sik wul.“

„Dat hoff ik ut,“ seg Hans. „He weet ja ebenso god as ik, dat he uns nichts to segn het. Wi sünd ja mündig.“

„Dat sünd wi wul,“ seg Meta; „awer wenn de Herr dat nich hebn will, denn blimt dat na.“

„Dat glöw ik nich,“ seg Hans. „Meta, wi holt mehr von enanner as Broder un Schwester, un de Herr

un dat Fräulein lopt ja uf nich ut enanner, warum schulln wi dat denn dohn? Wi könnt uf ahn sin Toftimmung heiraten. Meta, lat em segn, wat he will!" un darmit tred he neger an't Finsten, un lä sin groten Finger rasch op Meta ehr Handgelenk, dat se sit gar nich so gau trüchtreden kunn.

„Herr Karstens, if sang an to schrien," seg Meta, „laten Se mi los!"

„Gewiß, Fru Henners," seg Hans un sat noch beter na un lang uf noch mit de anner Hand to. „Awer segn Se mi blot, wat he dargegen het?"

„Dat weet if nich," seg Meta un kreeg en ganz roden Kopp. „He glöwt jamul nich, dat Se dat ehrlich meent."

„Denn schall em de Düwel haln," seg Hans. „It mut doch wul süls am besten weten, wu if dat meen. Meta, wenn Du dat man glöwst, denn is allns in Ordnung. It geh morgen hin."

„Doh dat, Hans," seg Meta, „awer arger den Herrn nich, he meent dat god."

„It uf un Du uf," seg Hans un bög sit vöröwer un küß ehr op de Hand, de he ünmer noch sakhöl, un denn seegen se sit ganz selig un verleeut an un nickten sit to un Meta maß dat Finsten to un nick nochmal, un Hans gung ganz befriedigt na sin söte Eck.

Denn annern Morgen weer Hans to rechter Tied to Stell. De Herr har sin Deenstroß an un stund troß sin söbentig Jahr ganz stramm achter sin Schriewdisch, un de Schriewer stund neben em an't Pult.

As Hans in dat Kontor tred, maß he 'n Verbeugung, wie se kum geschickter utföhrt ward'n kunn, un de Herr seeg em scharp, awer nich mißfällig an.

„Min Nam is Haus Karstens," seg Hans. „Fru Henners het mi segt, dat uns Herr mi spreken wull."

„Ja, dat wull if," seg de Herr un geew sin Schriewer en Wink, dat he rutgahn schull, un de Schriewer gung ut de Dör.

„Kann Er auch hochdeutsch sprechen?“ frög de Herr.

„Zu Befehl,“ seg Hans, „wenn es sein muß.“

„Ja, es muß sein,“ seg de Herr. „Ich möchte mich mit eignen Ohren überzeugen, wie er es kann.“

„Ich habe seit zehn Jahren zwar viel gelesen, aber wenig Uebung im Hochdeutschsprechen gehabt.“

„Warum nicht?“

„Weil meine ganze Umgebung plattdeutsch spricht.“

„War das früher anders?“

„Ich sprach hochdeutsch mit meinem Vater.“

„Nicht auch mit Seiner Mutter?“

„Nein, die sprach nur plattdeutsch.“

„Wie spricht Er denn am liebsten?“

„Ich spreche am liebsten plattdeutsch.“

„Warum?“

„Weil es mir vertrauter und geläufiger ist. Wenn das Herz mir die Worte auf die Zunge legt, so würden sie immer plattdeutsch lauten, wenn ich sie nicht in's Hochdeutsche übersetzen muß.“

„Und bei diesem Uebersetzen fürchtet Er wohl Fehler zu machen?“

„Bei raschen Antworten könnte mir das allerdings passieren.“

„Und das würde Er merken und bedauern?“

„Gewiß. Herr Kirchspielvogt.“

„Warum?“

„Wer es außer mir merkt, würde mich für einen ungebildeten Menschen halten.“

„Und Er selbst nicht?“

„Nein, Herr Kirchspielvogt.“

„Wen hält Er denn für einen ungebildeten Menschen?“

„Wer die guten Umgangsformen und Sitten der Gesellschaft nicht kennt und achtet.“

„Was meint Er mit der Gesellschaft?“

„Die Leute mit denen jemand zu einer Gemeinde verbunden ist und Umgang hat.“

„Wie soll denn der Gebildete zeigen, daß er die guten Sitten dieser Leute kennt und achtet.“

„In Gedanken, Worten und Werken, Herr Kirchspielvogt. Er soll sich selbst in Zucht nehmen, wie ihn früher die Schule in Zucht genommen hat.“

„Thut Er das denn, Herr Karstens?“

„Nicht, daß ich es ergriffen hätte,“ sagt Paulus; ich jage ihm aber nach, daß ich es ergreifen möchte.“

„Kennt Er denn auch die schönste Sitte seiner Landsleute?“

Dar muß Hans sit lang op besinn. He kenn vel gode Sitten in Sleswig-Holsteen; awer so op 'n Stuk de schönste nenn, dat kunn he doch nich.

„Ich will es Ihm sagen,“ sagt de Herr tolek: „Sein Wort halten. Die Sitte macht Er wohl nicht mit? Das ist auch nicht zu verwundern. — Sein Vater that es auch nicht.“ De Herr beet sik op de Lippen un seeg recht sühsch ut.

„Ja doch, Herr Kirchspielvogt,“ sagt Hans etwas verlegen un wurd ganz rot. He sluk de bittere Bemerkung awer dal; denn he dach an dat Sprichwort, dat man de Willn versluden mut, ahn se to kauen.

„Er hat ja bisher auch die Sitte nicht mitgemacht, sich zu rechter Zeit zu verheiraten. Rechnet Er das vielleicht nicht zu den guten Sitten?“

„O doch, Herr Kirchspielvogt. Ich hatte früher nur nicht die Mittel und nachher fand ich keine Gelegenheit, mich zu verheiraten.“

„Und jetzt hat er beides gefunden?“

„Ich hoffe, eine Frau ernähren zu können, die keine großen Ansprüche macht, und glaube in Witwe Henners eine solche gefunden zu haben. Sie giebt mir aber ihr Jawort nur, wenn Sie Ihre Zustimmung geben, Herr Kirchspielvogt.“

„Kennt Er die denn genau?“

„Ich habe seit zehn Jahren beobachten können, wie sie lebt, und habe sie achten und lieben gelernt.“

„Wodurch hat sie sich denn Seine Achtung erworben?“

„Durch ihren Fleiß — durch ihre Sparsamkeit — durch ihr stilles bescheidenes Wesen — und besonders durch die sorgfältige Erziehung ihres Knaben.“

„Und wodurch gewann sie denn seine Liebe?“

„Durch ihre herzliche und thätige Theilnahme an meinem Wohl und Wehe.“

„Und nun will Er sie aus Achtung und Dankbarkeit heiraten?“

„Das darf ich wohl nicht behaupten; meine Selbstsucht spielt auch eine Rolle dabei.“

„Was hat Er denn für selbstsüchtige Absichten?“

„Ich möchte nicht bloß ihr, ich möchte auch mir das Leben angenehm — ich möchte uns beide glücklich machen. Getheiltes Leid ist halbes Leid, getheilte Freude doppelte Freude. Das habe ich schon als ihr Nachbar gefühlt.“

„Gefällt Ihm denn das Leben nicht, das Er bisher geführt hat?“

„Die Unbequemlichkeiten, die mit dem Junggesellenleben verbunden sind, sind mir in der letzten Zeit lästig geworden.“

„Was sind denn das für Unbequemlichkeiten?“

„Ich rechne alle häuslichen Arbeiten dazu, die in andern Häusern von weiblicher Hand besorgt werden.“

„Und dazu hat Er keine Lust?“

„Ich muß gestehen, Herr Kirchspielvogt, daß mir nicht bloß die Lust, sondern auch das Geschick fehlt.“

„Wozu hat Er denn Lust und Geschick?“

„Zu männlichen Arbeiten, die ich gelernt habe und die mir das tägliche Brot verschaffen.“

„Was hat Er denn gelernt?“

„Landmessen, schriftliche Arbeiten abfassen und Violinspielen.“

„Kann Er damit denn soviel erwerben, um eine Frau zu ernähren?“

„Das hoffe ich, Herr Kirchspielvogt. Ich mache mich nützlich, wo ich kann, und habe dabei niemals Not gelitten.“

„Bisher handelte es sich immer nur um eine, nm Seine Person; als Ehemann hat er für zwei, unter Umständen für mehr Personen zu sorgen. Hat Er das gehörig überlegt? Zu den guten Eigenschaften der Schleswig-Holsteiner gehört auch die Besonnenheit.“

„Ich habe das bedacht, Herr Kirchspielvogt. Zur Not wird's gehen; wenn ich eine passende Anstellung finden könnte, würde es besser gehen.“

„Deswegen hat er wohl einen Arbeiterverein gegründet und verbreitet dort die verschrobenen Ansichten von Lassalle. Glaubt Er sich dadurch auch andern nützlich zu machen?“

De Herr seeg recht en beten spöttisch ut un grien, as wenn he segn wull: Dar büst doch wul op'n Holtweg, un Hans föhl sik beleidigt. Wull Lassalle, un wull he nich ut de Arbeiter ehr Bestes? Ditmal funn he de Bill nich drög dalsluden un sä: „Gewiß, Herr Kirchspielvogt. Verschroben sind die Ideen Lassalles nicht. Lassalle verteidigt nur die Wahrheit, daß die Arbeiter das Recht haben, für ihre Arbeiten angemessen bezahlt und behandelt zu werden, wie Staat und Kommune es mit ihren Beamten auch thun. Und wenn man mich deswegen einen Lassalianer nennt, weil ich das auch thue, so darf ich mich trösten mit Paulus. Der hat auch gesagt: Ein Arbeiter ist seines Lohnes wert.“

„Glaubt Er denn, daß Lohn und Behandlung der Arbeiter besser werden, wenn er die Arbeiter aufhebt gegen ihre Herrschaften?“

„Ich heße die Arbeiter nicht auf, Herr Kirchspielvogt. Ich überlege nur mit ihnen, was zur Verbesserung ihrer Lage geschehen muß und kann.“



Das sollten nur alle Herrschaften auch thun, und sie würden es thun, wenn alle gebildete Leute wären."

"Er soll aber doch früher gesagt haben, die Welt müsse mal umgekehrt werden; die Reichen müßten mal für die Armen arbeiten."

"Das habe ich allerdings — und zwar in dem sogenannten tollen Jahr — gesagt, aber im Scherz. Ich habe auch gleich hinzugefügt: Dann würden die Reichen auch mal fühlen, wie dem Arbeiter zu Mute ist, der für seine saure Arbeit schlecht bezahlt wird."

"Solche Scherze kriegen aber die Arbeiter in den verkehrten Hals, mein lieber Mann. Ich erkenne auch in diesem Unternehmen Seine Unbesonnenheit. Besonnene Leute handeln nach dem Sprichwort: Was nicht Deines Amtes ist, da laß Deinen Vornitz!"

"Es ist aber bis jetzt mein Amt, Herr Kirchspielvogt, denn ich selbst bin Arbeiter und bin oft auch der Vertreter von Arbeitern. In meinem Arbeiterverein hat das niemand in den verkehrten Hals gekriegt, wohl aber die Arbeitgeber und die arbeitscheuen Strolche."

"Das ist ja auch schon schlimm genug."

"Die sind ganz ohnmächtig, wenn die übrigen zusammen halten, die ihr Interesse mit einander verbindet!"

"Ihm haben sie doch, wie ich hörte, schon schlimm genug mitgespielt, als Er den Leuten empfahl, preußisch zu werden."

"Das haben sie nur thun können, weil sie bei dem Angriff auf mich Verbündete fanden. Den Strolchen ist es ganz gleich, ob sie dänisch, preußisch oder österreichisch sind, wenn sie nur ein Feld zum Betteln haben."

"Warum will Er denn gerade preußisch werden?"

"Weil ich das muß, — und nun, nachdem die Östreicher geschlagen sind, ist erst recht niemand, der Preußen daran hindern könnte, Schleswig-Holstein zu

annektieren, und wenn denn einmal mein engeres Vaterland einem größeren Staate einverleibt werden muß, dann am liebsten dem deutschredenden, evangelischen, starken, klug verwalteten Preußen. Das wird uns unbequem werden, wie ein Paar neue Stiefel, wir werden uns aber daran gewöhnen, wie das Pferd an den harten Zaum."

"Er hat doch auch, wenn ich recht erinnere, dem dänischen Könige und seinem Hause Treue gelobt und dann dem Vertreter der männlichen Linie, dem Herzog Friedrich, gehuldigt."

"Das habe ich gethan, Herr Kirchspielvogt, und ich sage auch heute noch, daß Preußen nicht im Recht ist. Aber es ist im Besitz, und das Recht wird im Kriege geschaffen, und dann heißt es: Selig ist der Besitzer."

"Bis dahin hätte er denn ja auch warten können. Ich vermissе bei Ihm leider wieder die alte gute Schleswig-holsteinische Sitte, Sein Wort zu halten. Darin paßt Er vielleicht zu Frau Henners, die ihr Wort auch nicht gehalten hat. Zuverlässigkeit und Besonnenheit — das möge Er sich für alle Zeiten merken — sind die schönsten Eigenschaften eines Schleswig-holsteinischen Beamten."

"Auch des preußischen, Herr Kirchspielvogt."

"Ja, auch des preußischen. Möchte er hier denn wohl ein Handlanger der Preußen werden und einen Beamtenposten haben?"

"Warum nicht, Herr Kirchspielvogt. Ich glaube sogar, ein geborener Schleswig-Holsteiner würde seine Landsleute besser zu nehmen wissen und vernünftiger behandeln, als ein Altpreuße. Wenn wir an Ihrer Stelle einen preußischen Kirchspielvogt hätten, der würde trotz aller Höflichkeit und Schneidigkeit gar nicht mit uns umgehen können und viel Unheil anrichten."

„Er mag Recht haben; ich will aber doch mein Amt niederlegen und mich pensionieren lassen, wenn wir preußisch werden.“

„Dagegen läßt sich auch nichts sagen, weil Sie die Jahre haben, wo Sie das ohnehin thun können. Ich würde es aber bedauern, wenn dann sofort ein Altpreuße folgte.“

„Wenn ich Ihn nun noch zu meinem Handlanger machen wollte, würde Er das annehmen auf die Gefahr hin, bald einen schneidigen Preußen zum Vorgesetzten zu kriegen?“

„Das würde ich allerdings thun, Herr Kirchspielsvogt. Ich glaube aber nicht, daß Sie mir das Amt geben, wie ich auch nicht glaube, daß Ihnen ein Altpreuße folgen wird.“

„Warum glaubt Er das nicht?“

„Das will ich Ihnen offen sagen, Herr Kirchspielsvogt. Das erste glaube ich nicht, weil mein Vater mir erzählt hat, daß die Narbe an Ihrer rechten Schläfe von seinem Schläger herrührt, und weil ich vorhin gemerkt habe, daß ein Jugendstreich meines Vaters noch heute Ihr Gemüt bedrückt, und das zweite glaube ich nicht, weil die preußische Regierung klug genug sein wird, Ihnen einen Nachfolger zu geben, der Land und Leute kennt.“

Dat weer doch wol starken Tabak. De Herr mat en sehr ernstes Gesicht, wend sit um, un keel ut 't Fünster. Dat schien, as wenn he dissen Snack nich recht verknusen kunn -- un doch -- echt sleswig-holsteenisck, dithmarisch weer he blot -- oprichtig, grad ut un lief to. Dat weern ja uf gode Eigenschaften för 'n Rapselschriewer -- grad ut un lief to muß he wesen -- grad ut un lief to -- dat muß he verdregen könn. He dörf sin Schwester ehrn Wunsch erfüllen un wend sit um un sä to Hans: „Het He dat Ijehoer Wochenblatt all lest?“

„Ne,“ segt Hans, „dat Blatt von güstern nicht.“

„Dar steiht en Vakanz-Anzeige in,“ segt de Herr, un denn seeg he weller rut na 'n Hof, as wenn dar wat vörgung, wat em besonders interessere.

Dar passeer awer wirklich nichts op 'n Hof, wat sin Dgen fakheln kunn, awer innerlich arbeit sit langsam inner den Schutt, den de langen Jahren daröwer schürft harn, en Vörgang rut, den he innerlich anseeg. Dar stundn twe junge Studenten op 'e Mensur. De een weer en Holsat un de anner en „Wilder“, de links slög. Zwemal weer de Wilde all afföhrt un verneicht wordn; awer he stell sit to 'n drittenmal, un do kreeg de Holsat en Smiß in de rechte Dünne, dat he den Platz rüm muß un nich weller obtredn kunn.

Während der Herr disse Paukerie innerlich anseeg un daran dach, dat de Wilde nu all lang utdawt har un dar achter de Böm op 'n Rathhof slöp, stund Hans un sunn, wat de Herr wul mit de Vakanz-Anzeig meent har. Do fehr de Herr sit plötzlich um un sä:

„Weiß Er, warum ich mich mit Seinem Vater geschlagen habe?“

„Nein, Herr Kirchspielvogt,“ segt Hans, „das hat mein Vater nie erzählt.“

„Er hatte auch allen Grund, es nicht zu thun.“ segt de Herr. „Wir hatten einen Studentenball. Da wählte Sein Vater meine Schwester als Tischdame. Nachher setzte er sich mit einer andern an die Tafel und entschuldigte sich weder bei ihr noch bei mir. Darüber habe ich ihn zur Rede gestellt, und als er schroff und trotzig antwortete, habe ich ihn fordern müssen.“

De Herr fehr sit weller um un seeg ut 't Finster, un stund un sunn un sä keen Wort, un Hans wuß uf nich, wat he darto segn schull. He kunn sit doch nich to 'n Richter apsmieten öwer den Herrn un sin egen Vader. Oder kunn he um Entschuldigen birren, obglief sin Vader em dat nich opdragen har? Dat

har ja uk gar keen Zweck. De Wund in den Herrn  
fin Hart kunn he nich heeln, so gern he dat uk much  
— — he wull 't awer doch mal versöken.

„Herr Kirchspielvogt,“ segt Hans, „ich begreife,  
daß das unritterliche Benehmen meines Vaters Sie  
und Fräulein Schwester verletzt hat. Ueber ihn ist  
Gras gewachsen, bevor er sich entschuldigt hat. Möchten  
Sie nicht auch Gras wachsen lassen über die Be-  
leidigung? Ich möchte Sie an seiner Stelle darum  
bitten.“

Do kehr de Herr sik hastig um un seeg Hans  
ganz verwirrt un verwunnert an, as wenn he eben  
ut 'n swarn Drom opwaß

„Ich sprach von einer Batanz-Anzeige,“ segt he,  
„wie komme ich auf die alte Geschichte, die nicht mehr  
zu ändern ist? — Der Sohn soll nicht tragen die  
Missethat seines Vaters, sagte meine Schwester gestern.  
— Unter dem Vorbehalt, daß das Kirchspielskollegium  
meinen Vorschlag billigt, ernenne ich Ihn zum Kirch-  
spielschreiber. Sprechen darf Er vorläufig mit  
niemand davon, auch mit Frau Henners nicht. Wenn  
Er den schriftlichen Bescheid hat, kann und soll Er  
sie heiraten. Punktum! Er kann gehen.“

„Veln Dank, uns' Herr, veln Dank!“ segt Hans.  
De Wör weern jawul direkt von 't Hart op de Tung  
kam. He maß en depe Verbeugung un gung, ne, he  
löp to Hus, tolek awer gung he ganz langsam.

Meta wull natürlich gern weten, wie de Sak af-  
lopen weer, un seß ut 't Fenster un wink em to un  
störst na de Stuwendör, un as Hans intredn deh,  
segt se: „Na, wu steiht?“

„Ik krieg schriftlichen Bescheid,“ segt Hans: „if  
dörf awer mit nims darüber spreken, leider uk mit  
Di nich, Meta, so gern ik dat much. Dat kann uns  
sonst gahn, wie den Schatzgraver: as he anfang to  
snacken, weer de Schatz futich.“

„De Herr is so god," segt Meta, „un he matt mi das Lewen doch so swar! Erst dörf ik min Hütsmann sin Wohnung nich betreden, un nu schall de nich mal mehr mit mi snacken."

„Ne," segt Hans, „so steiht dat nich. Ik schall blot nich davon sprekten, wat he mi segt het. All de annern Verbote sünd ophabn."

„Dat is man god," segt Meta; „denn könnt wi nu doch tosam lewen, wie ordentliche Mawerslüd."

„Hoffentlich noch en beten beter un vertrulicher," segt Hans un fat ehr bie de Hand. Uns süht ja keen Minsch, un damit fat he ehr um un wull ehr küssen.

„Ne, ne!" schrie Meta luthals, „de Herr!"

Hans seeg sik ganz verblüfft um un löt ehr gau los. He glöw, dat de Herr em op 'n Foot nakam weer un achter em in de Dör stund.

Dar weer awer nümms un do lach he un segt: „Meta, wat heft Du mi för 'n Schreck injagt! Na, wi holt dat nu wul noch enige Dag ut. Adjüs, Meta!" He seeg ehr ganz verleeert an un wull ehr de Hand gewen; awer Meta wull sik wul wahrn. „Adjüs, Hans," segt se un löp na de Rök un mak de Dör faß to, un Hans muß sik jülbs dat Geleit gewen.

He köm so opregt un unruhig in sin Wohnung an, dat he dat dar kum utholn kunn. Do full sin Dog glücklicherwies op sin Violin un he sett ehr ünnert Rinn un stimm un speel un wuß nich mal wat. All wat he föhl, muß em de Geig in 't Ohr flüstern, un do wurd he endlich ruhig un vernünftig, wie sik dat för en Kandidaten schickt, de Rapselschriewer wardn will.

Do köm Klas Bartels, de begeistertste Anhänger von Lassall, un wull mit Hans bespreken, wat in de nächste Vereensversammlung opstellt wardn schull.

„Du kannst mal en Vödrag holn, Klas," seg Hans.

„Woröwer?“ frög Klas.

„Öwer den Segen un de Gefahrn von de Arbeit,“ seg Hans.

„Dat kennt ja de Mitglieber all,“ seg Klas.

„Un denn könnt wi de Mittel opstöken, wie wi dat een vermehren un dat anner verhinnern un verminnern könnt,“ seg Hans.

„Na min Meenung,“ seg Klas, „mut de Staat för beides sorgen. He mut den Segen mehren, indem he uns hölpt, dat wi grötern Lohn un mehr Ruh kriegt, un de Gefahrn verminnern, indem he för de sorgt, de dar Schaden bie lied.“

„Von süls kummt dat awer nich,“ seg Hans. „Wi möt doch erst weten, wie dat maht wardn schall. Dar könnt wi noch twintig Jahr öwer verhandeln, eher de rechte Weg fund'n ward. Wullt Du dat Thema mal behandeln?“

„Ik kannt ja mal versöf'n, awer Du muß mi helpen,“ seg Klas.

„So lang ik darbie bün, gern,“ seg Hans. „Si möt awer uk lehrn, alleen to verhandeln. Ik ward doch nich ümmer darbie bliewn.“

„Wullt Du denn uttreden?“ frög Klas.

„Dat kann dar ümmer von kam,“ seg Hans.

„Sung, denn fällt de Vereen awer tosam,“ seg Klas.

„Ach wat,“ seg Hans. „Denn weer dat ja beter wesen, ik weer all lang mal dann un wann wegblewn. Si möt man nich den Mot verleern. Si möt dat so fortsetzen, wie ik dat ansungn hef, un dar büßt Du de rechte Mann to.“

„Dat weet ik nich,“ seg Klas. „Se hört nich so op mi as op Di.“

„Dat mut versöcht wardn,“ seg Hans. „Du maßt in de nächste Versammlung den Anfang. Denn bün ik wenigstens noch da.“

„Menich,“ seg Klas ganz belämmert, „denkst Du denn wirklich an 't Afgahn?“

„It kann dar hüt noch nichts öwer segn.“ seg Hans. „In de nächste Versammlung kann ik de Frag vellicht beantworten. So lang möt wi uns gedulden. It kann in de Lag' kam.“

Do gung Klas ganz begaten weg, un wenn he een von de annern Mitglieder dröp, denn vertell he, wat kam kunn, un alle bedurn wie he, dat Hans in de Lag' kam kunn, ut den Vereen to treden, un de Folge davon weer, dat keen Mitglied fehl, as de nächste Versammlung afholn wurd.

Glücklicherweise har Hans an den Vereensdag morgens den schriftlichen Bescheid kregen von den Herrn, dat dat Kaspel-Kollegium em, Hans Karstens, to 'n Kaspelschriewer erwählt har un dat he sin Amt den 1. August antredn muß.

Hans löp natürlich toerst mit sin Ernennungsschriewn na sin Huswirtin.

„Meta,“ seg he, „ik gratuleer! Uns' Herr het Di en schönes Amt gewen. Du schast Fru Kirchspielschriewerin wardn.“

„Wat man keen Glausen,“ seg Meta; „ik kenn den Kirchspielschriewer gar nich.“

„Hier steiht he,“ seg Hans. „Hurra, Meta, nu sünd wi Brut un Brüdigam! De Herr het dat segt,“ un darmit fat he ehr um un drück ehr an de Bost, dat de niee Morgenmütz zitter un bew, un denn geew he Meta en Kuß, se much sik wehrn un speern, sovel se wull. Wu kunn he ehr nu wul weller entwißchen un sik affchurwen laten.

Endlich kreeg Meta awer doch sovel Lust, dat se spreken kunn. „Wat steiht denn in den Breew?“ frög se un ehr blau'n Dgen funkeln wie de Morgensteern un de Backen glöhn wie en Mahnros'.

Do stell Hans sik ganz stramm hin un lees fierlich vör, wie de Pastor dat Evangelium, wat de Herr



schreuen har, un Meta smeet gau en Blic in 't Spegel un trock de Morgenmüz torecht.

„Gott sei Dank!“ seg Meta. „Wu hebt wi doch en goden Herrn! It gah hüt noch hin na Fräulein un bedank mi.“

„För mi mit,“ seg Hans, un do wurd he mit eenmal ganz ernst un seg: „Un if hef hüt abend noch en ganz swar'n Gang. It mut na den Arbeiterverein un min Uttritt anmelden.“

Un beides war utföhrt; Meta ehrn lichten un Hans sin swar'n Gang.

Dat is wahr, Meta ehrn Gang weer licht; awer weent het se doch, as se in Fräulein ehr Wahnstumb tred', wo se uf den Herrn fund', un weent het se uf, as se weggung. Se kunn ehr Wör kum rutkriegen. „Fräulein,“ seg se, „uns' Herr, wu hebt Se uns glücklich maht! It wüll uf jeden Dag för Se beden, dat Se lang lewt un immer gesund bliewt. Wenn Se doch man eenmal so glücklich sien kunn, wie it nu bün!“

Un dat Fräulein köm de Thran uf in de Dgen, as Meta so plöter wie en Kind, un de Herr seeg weller weg na 'n Hof un denn dreih he sit um un geew Meta de Hand un segt: „Wi wüllt hoffen, dat dat so bliwt, Meta,“ un denn gung he na sin Kontor, un dat Fräulein geew Meta uf ehr Hand un segt: „Bliew man immer frisch un fromm, Meta, dat Din Glück dat bie Di utholn kann, un denn nimm dat Paket mit, wat op 'n Disch liegt. Wardst dat wul brufen künn; it glöw, dar is en Hochtiedskleed in. Adjüs!“ un darmit gung se uf, un Meta röp blot: „Awer Fräulein — veln Dank, Fräulein!“ do gung dat Fräulein all ut de Dör.

Hans sin Gang weer swar un ernst. As he in de Versammlung tred, wo ditmal keener fehl, un dat weer dar so still, as wenn se sit um en Sarg versammelt harn un op den Pastor töben, un Klas Bartels

treb' em ganz verstört entgegen un segt: „Du denkst doch nich an 't Uittreden?“

„Ik denk noch na,“ segt Hans; „lat uns man erst verhandeln, as ob ik nich hier weer. Gang an un hol Di an Luther sin Regel: Tritt frisch auf! Thu 's Maul auf! Hör bald auf! un denn lat reden wer will.“

Klas höl denn na disse Luther'sche Regel sin Vordrag, un denn sä de een un de anner von de Mitglieber sin Meenung, un denn meld' Hans sit to 'n Wort.

„Win lewen Frönd',“ segt he, „Si hebt Zu hüt abend öwer de Arbeit, öwer ehrn Segen un ehr Gefahrn ünnerholn, un uns' Frönd Klas Bartels het segt, se weer 'n Fundgruw, wo de besten Edelsteen to find'n sünd: Frohsinn, Gesundheit, Wulstand un Ehre, wo wi awer uk in verschütt ward'n künnt, wie bie 't Deepfleien in de Mergelkuhl. Si hebt uk na de Mittel söcht, den Segen to wahn un to vermehren, de Gefahrn to mindern un to verhindern, un wat meen Si wul, wat mi am meisten darbie freut het? Dat will ik Zu segn. Wat mi am meisten freut het, dat is dat, dat keener von Zu op den Gedanken kam is, Gewalt to bruken, um dat schöne Ziel to erreichen, denn de Gedanke is thöricht dörch un dörch.“

Gewalt kann uns nichts nützen, awer vel schaden. Wat het nütlich de Gewalt nützt, de de Struntjers an mi utöwt hebt? Garnichts! An de Sak, ob wi preußisch, augustenborgisch oder dänisch ward'n schulln, hebt se nichts ändert; de Sak bliwt wie se is. Awer Schaden hebt se anricht. Schad' hebt se mi, dat ik en ganze Woch' brukt hef, mi to besinn; schad' hebt se Zu, wil de Buern nu segt: De lütten Lüd kriegt allns in den verkehrten Hals un de reine Wahrheit künnt se ebenso wenig verdrogen, wie reinen Wien; un schad' hebt se sit süls, denn se hebt bewiest, dat se dar nich tolaten wardn dörf, wo vernünftige Lü

en Sat vernünftig bespreken wüllt. Gewalt schad' na all'n Richtungen, awer de ümmer am meisten, de ehr utöwt. Ik bün ja jehst ahn blaue Stell'n, gesund un frisch, — awer se dregt Schimp un Schand ehr Lewen lang.

Un darum hef ik mi freut, dat Zi keen Gewalt brufen wüllt. Ik much dat awer utspraken hebn, — ik much, dat Zi all den Besluf faten: Wer Gewalt brufen will, wer den Rat giwt, Gewalt to brufen, dat is nich un' Mann, den stöt wi ut, wie en dulln Hund. Wat segt Zi darto?"

As alle swegen, do segt Hans noch eenmal: „Wer uns den Rat giwt, Gewalt to öben, dat is nich un' Mann, den stöt wi ut, wie en dulln Hund. Dat is min Andrag un keener het wat dargegen segt. Wi könnt afftimm," un do wink he Klas Bartels to.

Do segt Klas: „Wer dat uk so meent, de hol de rechte Hand in de Höch."

Alle Händ' flogen tohöch.

„Gegenproow!" seg Klas. „Is jemand dagegen, de hol de Hand in de Höch."

Do meld sik nümms un Hans segt: „Denn will ik dat nu to'n drüttenmal segn. Dat is nu en Besluf, en Vereensgesetz för uns all. Wüllt Zi dat nich in't Stahn anhörn, wie Gottes Wort? Volkes Stimme is Gottes Stimme, segt dat Sprikwort."

Do stund de ganze Versammlung op un Hans verkündig lut und fierlich dat Vereensgesetz: Wer uns den Rat giwt, Gewalt to öben, dat is nich un' Mann, den stöt wie ut, wie en dulln Hund."

As se sik nu all weller sett harn, do seg Hans: „Un nu will ik Zu vertelln, dat Klas Bartels von hüt an min Stell vertreten ward. De Herr un dat Rapselkolleg hebt mi to'n Rapselschriewer maht," un do trock he dat Schriewen rut, wat he hüt morgen fregen har, un verleeß dat.

Do har man awer de Vereensmitglieder jehn

schullt! Se sprungn all op un drängn sit an Hans un gratuleern un drückn em de Hand, dat he dat toleht kum mehr utholn kunn, un vele Mitglieder stundn de Thran in de Ogen, un denn snacken se ünner sit un mit Klas Bartels un dat wurd ünmer luder un lebendiger in den Saal, un toleht klopp Klas mit'n Glötel op'n Disch un röp: „Arruhe!“ un denn wurd dat dar so still, as in de Karf, un Klas wend sich an Hans un segt: „De Vereensmitglieder wünsch all, dat Du uns' Ehrenmitglied wardst un uns besöchst, so oft Du Tied un Lust heft. Ja, dat wünsch wie all,“ schrien de Mitglieder een dörschenanner, „Hans schall uns' Ehrnmitglied wardn!“

Do klopp Hans op'n Disch un allens ward weller still.

„Gewiß, min leewn Frönd,“ seg he, „dat nehm ik an. Welc Dank! Ik ward Zu uf as Kirchspielschriewer nich vergeten, un wenn ik mal wat för Zu dohn kann — ik bün un bliew ja Arbeiter, wie bether — denn will ik dat gern dohn, as wenn ik noch Mitglied weer. De Arbeiterverein schall lewen, schall grön un blöhn un gedeihn — dremal hoch!“

Do röpen se all: Hoch, hoch, hoch! un Klas sett hinto: „De Raspelschriewer Hans Karstens, uns' Ehrenmitglied, schall lewen — hoch!“

Do röpen se weller all: Hoch, hoch, hoch! un Klas röp wie fröher immer Hans Karstens: „De Verhandlung is slaten, de Versammlung entslaten!“ un denn güng se all still un trurig na Hus, as wenn se eben en goden Frönd begrawen harn.

In de nächsten Dag harn Meta un Hans vel to dohn, Meta mit ehr Hochtiedskleed un mit de Hochtiéd sülbs un Hans mit sin Saken, de he doch gern erst all ordnen wull, eher he sin Anit antred, un as se allns to Schick harn, do bruken se op ehr Hochtiéd nich mehr lang to luern.

„Uns' Herr“ höl sin Amt noch en ganzes Jahr faß un geew sit alle Mög, um Hans för sin Wirksamkeit intoöben, un denn tred he in den Ruhstand un trock mit sin Schwester na Kiel. De preußische Regierung rich allns anners in un stell för den Raspelvagt en Amtsvorsteher un en Amtsrichter an, un wenn se uf am leewsten Landesfinner för de nieen Aemter anstell, so kunn un wull se doch von den oln Mann nich verlang, dat he sit in sin oln Dag noch erst in de nieen Verhältnisse un Beschäftigungen rinarbeiten schull.

Hans Karstens wurd Schriever bie't Amtsgericht un het dat in sin Amt an Besonnenheit un Zuverlässigkeit niemals fehl'n laten, un het sin Paul naher uf de Mittel gewn kunn, dat Seminar to betrecken, ohn anner Lüd Hölp in Anspruch to nehm, un dat weer man god; denn Franz Reimers het dat nich mehr erlerwt. De Ehrnmitgliedschaft in den Arbeiterverein het Hans bet an sin End' biebeholn, awer selten benuht. 1871 het he to'n letztenmal an en Versammlung deel'nahin, as de ol Wilhelm twe Dag vörher von de dütschen Fürsten un de frien Hansestädte to'n dütschen Kaiser wählt weer, un do schall he, wie Klas Bartels meen, den besten Snack maht hebn. „Gott low!“ schall he segt hebn, „nu hebt de dütschen Fürsten un de Hansabröder den preußischen Königsschild mit franschen Brandwien afreben, un do is dat Bild von den dütschen Kaiser to'n Vörschien kam. Jungs, nu holt faß, wat Ji hebt! Jungs, holt faß! Dat sä de Koptein uf, do har sin Schip en niees Anker un en niee Ankerked fregen.“

---

## VI.

### De Rektor un sin Dochter — en Jubiläum.

De Rektor seet in 'n Lehnstohl achtern Disch  
Un smök un sunn un weer mit sin Gedanken  
Vel wieder von sin Dochter as se dach,  
Obglief se gegenöwer seet un lees.

Sin Baderland, dat stammverwante, har  
In 'n März dat Jubelfest bie Regen fiert,  
Un Altna sit en Riesensteen besorgt,  
Em optorichten in de Reuterstrat.  
Se harn em halt ut Bismark sin Revier,  
Wil de ja uf den Slußsteen lewert har,  
As 't Graßmaal but wurd för de Dänenwirtschaft.

Bi dissen Bu har uf de Rektor holpen.  
He güng ja acht un veertig in 'n September  
Von 't Seminar, um in dat Amt to treden,  
Mit dörtig Daler un twe Köh tofreden,  
Wenn man en Stadt, en Döörp, en Flecken weer,  
De för sin Kinner noch keen Lehrer har.

De Lehrerinnen weern noch nich erfundn,  
Un doch weer nüms, de Lust har em to dingn,  
As Kriegsminister Jakobsen, un de —  
De wull sin Kraft un Kunst nich för de School,  
De wull em lewer to 'n Soldaten maken.  
Un dar har he ja uf so unrecht nich:  
De Rektor har den Krieg uf lehrt un öwt,  
As he in 't Frieckor weer bie Runo Ranzau.  
He weer ja uf mit den, döörch diß un Dünn,  
Von Rendsborg trocken na de Königsau.

In Weile harn de Friefors umkehrn müßt,  
Un he har Friederiz noch erst befehn.  
Weer 't do nich fast so kam, as dat ol Wiew  
Ehr prophezeihn wull an de Königsau?  
De Öwergang stund em noch klar vör Ogen:  
Se trocken mit Hurra na Zütland rin,  
Un an de Grenz leeg op de Heid en Kat,  
Dar stund in Holtschöh vör de Dör en Fru  
Un löt dat Haar um Hals un Nacken fleggen  
Un höl den Arm tohöch un maek en Fust  
Un schull un schimp un futer as en Kröpel:  
„De Düwel schull de tüste Räuwers haln!“

Nu schull he nochmal weller in den Krieg;  
Denn as he den Minister frög, sä de:  
„So 'n Landsmann kunn he brufen as Soldat;  
He schull sit as Rekrut in Rendsborg melden.“

Genog, sin Afgang von dat Seminar  
In Sebarg leeg all söftig Jahr torück,  
Un da he nüms de Kosten oplegn wull  
Un Titel nich un Orden nich verlang  
Un nichts to dohn har in de Ferien,  
De in 'n September ehrn Anfang nöhm:  
So kunn den Rektor wirklich gar nichts hindern,  
In Sebarg still sin Jubelfest to fiern.

Gewiß, am Leewsten fier he dar mit Frönd,  
De domals mit em sweten in 't Examen;  
Doch weern de mehrstendeels to deep in 'n Drom,  
As dat he ehr dörch Breew noch wecken kunn.  
De domals noch mit em den Barg bestegen,  
De liegt nu ünnern Lewensbom un slapt  
Un drömt nich mal von 't Jubiläum mehr,  
Wenn dar un' Herrgott ehr nich fiern lett  
Un denn natürlich uk für Orden sorgt, —  
De hört bie 'n öffentliche Fier darto.  
Un de noch lewt in Ruhstand oder Amt,  
Ob de wul köm, wenn he ehr ropen deh?  
He wull ja anner Lüd keen Kosten maken

Un har ja 'n Kameraden, de sit freu,  
Wenn he ut ganz alleen dar mit em anköm,  
Sin Wisawi, de nu jo iwrig lest  
Un gar nich marken will, wuvel de Alce is —  
Sin Dochter, flink to Foot un los un ledig.

Frönd Jochen awer, ja, den söcht he op,  
De in de Kalkbargstadt as Frieheer lewt,  
De weer ja domals ut mit em in 't Friefor —  
Den stör he, wat he jüs ut dicht un deiht;  
He har em ja in twintig Jahr nich sehn

Dat Reisen weer för em jüs keen Vergnügen:  
Dat Bett is anners un de Slaprock jehlt  
Un mit de Kost mut sit de Magen quäl'n;  
Ut kann man gar nich weten, wat passeert,  
Un sitten mut man lang, op jeden Fall —  
Dat much he doch am leewsten hier in 'n Schriemstohl.

Doch wenn he fiern wull, denn muß he reisen;  
He har sit nu all lang genug besunn.  
He nöhm de Maricht her, wo all de Tög  
Na Hamborg un na Lübeck instahn doht,  
Un töw denn doch bienah noch fiew Minuten,  
Un trock de Uhr, un wisch den Sweet sit af,  
De utbrök, as he sit entscheiden muß.

„Min Dochter,“ segt he denn, „it mut na Sebarg.“  
Do fahr sin Dochter op un meen, he slöp  
Un snack in 'n Slap. Se kenn ehrn Vader ja,  
Wu de dat Reisen op 'n Magen har.  
Doch he snack wieder: „Söß Uhr börtein morgen,  
Denn geiht en Tog na Hamborg un wi könnt  
To rechte Tied an 'n Lübschen Bahnhof wesen,  
Um dar denn intostiegen na Olshoh.

Du geihst doch mit? It reis' nich gern alleen.“

„Natürlisch,“ segt se, „awer denn is 't Tied,  
Dat wi de Reistasch packt un gaht to Bett.  
Din Weckuhr treck it op un stell ehr hin,  
Dat se mi morgen weckt um halwi söß,“  
Un Else stellt ehrn Wecker denn op fiew.



„Du flöpst getrost, bet ist Di wecken doh.“

Dat weer nu afmaakt un se packen rasch

Un stelln allns parat un güng to Wiem.

An 'n annern Morgen wak de Rektor op  
Un leeg un dach un dröm von 't Jubiläum —

Wu sit de ganze Stadt wul ännert har —

Un wat he dar noch för Bekannte fund —

Un ob he dar wul uk noch Schöler dröp,

De ehrn Vater sin Geschäft bedreewen —

Un wu sit Jochen un sin Fru schulln wunnern —

Wenn de em nu man nich bereden wulln — —

Do klopp op eenmal Else an de Dör

Und schrie: „De Klock is söß! de Klock is söß!“

Do sprung he as en Broppn in de Höch

Und seeg sit um un na de Taschenuhr.

Wahrhaftig! tein Minuten vör Klock söß! —

In fiem Minuten weer he fix und farrig

Un frög ehr, wu dat mit den Kaffee stund?

Warum se em to rechte Tied nich weckt har?

Do köm sin Kamerad uk all to 'n Börschien,

Un as in Al een Wort dat anner hal,

Do müssen se uk bald woran dat leeg.

Mathilde har ehrn Wecker wul optrocken;

Doch har se um den Wieser sit nich kummert,

De stund wie güstern noch genau halw söben,

Un Else har ehrn Wecker richtig stellt

Un blot vergeten, em uk optotreden.

Nu weer denn uk keen Tied mehr to verleern.

Se nöhm von ehren Kaffee blot en Gluck,

En Happen Brot dorto un segeln af.

Na 'n Bahnhof weern dat ja man acht Minuten,  
Wenn man gemächlich geiht, wie Mann un Fru.

De Tochter löp voran un lös' de Fahrshiens'

De Ol folg langsam na mit Schirm un Tasch,

Un beide köm se denn to rechte Tied,

Wenn uk mit 'nauer Not, noch in den Tog.

Nu gung dat regelrecht, wie sit dat hör.

Se fahrn na Hamburg, güngn na 'n Lübschen Bahnhof,  
Besorgen sit de Fahrchiens, steegen in  
Un fahren na Dlsloh, um umtostiegen,  
Un köm in Seburg an bie 'n Seminargaarn.

Wenn man in söftig Jahr so 'n Stadt nich süht  
Un sit intwischen denn en Ijenbahn  
Noch andrängt mit 'n Bahnhof un Bedriew,  
Denn kennt man kum den olen Ort noch weller.  
De Ralkburg ja de leeg noch dar  
Un seeg behaglich op de Stadt heraf,  
Als wenn he segn wull: Wes' man gar nich bang!  
Dat is dar ünner all noch god in Ordnung.  
Se sünd hier richtig ahn di farrig wordn.

Ja, dat is wahr, de Minschen samt un gaht.  
Wenn eener meent, dat kunn ahn em nich gahn,  
Geschäft un Hus kunn ahn em nich bestahn,  
So treckt sit dat allmählich doch torecht,  
Un meistens geht dat beter, as man denkt.

De Footstiege an den Gaarn weer noch desülwe;  
Doch as se an den Markt köm, weer dat anners.  
Wu kunn de Ralkburg segn, dat weer so blewn?  
Dat Kantorat, wo Mine an de Eck  
Ut 't Finster keef, ob Jochen noch nich köm,  
Weer samt ehrn Gaarn mit Stump un Stöhl verschwundn;  
Dat ole Pastorat, wo Claudius  
As Junggesell so urgemütlich wahn  
Un arme Sem'naristen bie sit opnöhm  
Un gar noch Müs' un Rotten Futter geem,  
Weer dörch en smudes Duppelhus verdrängt,  
Un all de annern Hüser an den Marktplatz  
De harn sit puht wie 'n Brut an 'n Hochriedsdag.

Doch links, dat Seminar weer noch dat ole,  
Dat heet von bulen, — bin'n schallt anners wesen.  
Dat har de Rektor hört von junge Lüde,  
Wenn se von 't Seminar in 't Schoolamt treden,  
Un wat se em vertellt harn, reiz em nich,  
De niee Lehrerbildung kenn' to lehrn.

Em schien dar fehl Begeisterung un Freiheit,  
Humor un Deep un Gott weet wat nich all.

Un dar — noch wieder links — da steht wahrhaftig  
Desülwe Inschrift noch un grot und breet.

„Dar gah wie rin, Mathilde,“ seg de Rektor,

„Un lat uns Kaffeewerken; de weer schön,

As em Din Moder dar noch trichtern deh.“

„Het dar Fru Wickel wohnt?“ seer Thilde rasch

„Dar het uns’ Moder mi so oft von segt,

Dat se de Kunst verstahn het, Hus to holn,

Ehr Lüde mit Leere un Sanftmut to behandeln,

Ehr Ritterschar in Gode optotrecken

Un jeden Fremden in Respekt to setten.“

„Ja,“ seg de Ol, „dat weer en ganze Fru.

Se much nu plattdütsch oder hochdütsch spreken.

Wellicht ward nu ehr Söhn dat Weertshus hebn.“

Se tred’n in ’t Hus un legen ehr Saken af,

Un frögen an, wuken dat Weertshus hör.

„Dat sünd desülwen Stumen rechts un links;

It weet noch, wie se bud wurden,“ seg de Rektor.

„Ach, de is lang begraven,“ seg de Mann,

„De disse Stumen but un inricht het,

Un uf sin Fru. de Rinner hebt verköst

Vör vele Jahren all — nu is dat min.“

„De Inschrift is doch blewen,“ seg de Rektor.

„Dat is so,“ seg de Mann, „dat lett man gern,

Wenn mal de Firma gode Ruf hatt het.

Den gode Ruf to holn, dat is min Sorg.“

Dat weer den Rektor wul nich eenerlei,

Wil twe von Wickels Jungs sin Schüler weern;

Doch Koop is Koop, dat lett sit ja nich ännern.

„Denn wüll wi dat doch glieks mal ünnersöken,

Ob hier de Kaffeewerke noch wie domals smekt.

Wie wünscht uns Botter, Brot und Kaffeewerke,“ seg he.

„Dat könnt Se kriegen,“ seg de Mann un gung.

He brocht dat bald; de beiden drunken Kaffeewerke

Un eten Botterbrot un frische Semmeln,

Un allns, wat se kregen, smeck ehr god.

Do laden se sit in to 'n Tabeldot

Un kregen uf to hörn, wo Jochen wahn.

Denn loß de goldne Sünnerschien ehr rut.

Se wannern bie de Kirch' vörbie na 't Rathus

Un rechts daran den Ralkbarg in de Höch.

De Grautopp har uf manchen Storm erlewt

Un niee Bunden kregen to de olen;

Un Löcker harn se bohrt, um Solt to söten.

Dat schien em awer gar nich schad' to hebn;

He weer noch eb'nso steil un stolz un trozig,

As do de Ketter an sin Afgang wahn,

In 'n Sommer jeden Dag sin Spiz besoch

Un sit um Footstiege darbie selten kümmer.

De Ketter weer intwischen anners wordn

Un weer nu nich so wild un stürmisch mehr

Un löt sit Lied un gung den Footstiege na

Un köm doch uf, wie domals na de Spiz.

De Jungen wüllt dat Löben man nich lehrn

Un hört nich op de Olen, de ehr rad',

Un wenn se old sünd, ward nich op ehr hört;

Dat is so in de Welt un ward so bliewen.

Dar stund'n se nu un seegen öwerall.

Dar liegt de Stadt un dar de grote See —

De Dörper, Felder, Wald un brune Heid' —

Un dar de Thorns von Lübeck un von Hamborg.

Dat is en groten Kreis vull Leid un Lust;

Doch de dar lewt un wemt, de süht man nich,

Un jeder söcht un find' sin däglich Brot,

Bet he sit dallegt, wo he nichts mehr brukt.

„Mathilde,“ seg de Ketter, „süht dat Fenster

Dar in den Utbur in dat rode Dack?

Dat tritt noch jüs so keck ut 't Dack herut,

As domals, as ik dar min Wohnung har:

En lütte Stuw mit Pult un Disch un Stohl

Un dicht daran en Slapstell ünner 't Dack.“

„Dar harst Du 'n gode Utsicht,“ segt Mathilde.

„De dar nu wahnt, noch beter,“ meen de Rektor.  
„Do bleew en Lehrer ewig, wat he weer;  
Nu kann he dat sogar to 'n Scholrat bringu.  
Wenn dar nu uk een wahnt, en Semnarist,  
Denn wünsch ik, dat he uk mal Rektor ward.  
He kann sik dar all jezt op vörbereiten,  
Wo domals gar nich an to denken weer.  
För Lehrer sünd de Tieden beter worden,  
Un wenn dat föstig Jahr so wieder geiht,  
Kamt se darhin, wie Kirch, Justiz un Post,  
Dat öwer ehr en Fachmann Opsicht föhrt.“

„Gest Du dar dre Jahr utholn?“ frög Mathilde.

„Ne,“ seg de Ol, „dat weer nich to verlangu.  
Dat twete Jahr hef ik dar nich mehr wahnt —  
De Frost weer dar to hart, de Hitt to grot.  
Do trock ik mi hindal na 'n lütten See —  
Du sühst dar noch dat Hus un uk den Gaarn —  
Un dar — weer de Geruch nich uttostahn.  
So socht man Demelstände aftoschütteln  
Un kummt oft von de Matten op dat Stroh.“

„Ja, Bader,“ segt Mathilde, „kannst de Lehrer  
Nich mit de Fachmann-Opsicht uk so gahn?  
Du sä'st mal, ünnern Krummstab is god wahn.“

„Ne,“ segt de Rektor, „dat het gar keen Rot;  
Denn het en Mann de Arbeit süls mal dahn,  
Denn ward he uk ehr Lust un Last verstahn,  
Den Swachen stünten un den Fülen mahn,  
Un Zucht un Lehre treckt - wie dar de Swan —  
Frisch, froh un frie dahin ehr seuchte Bahn;  
Se holt sik fuchtig, denn se hebt Humor  
Un lat den Slenderjahn nich in ehr Dor.“

„Wo bleewst Du, as diff' Wahnung nich gefull?  
Hef 't endlich beter drapen?“ frög Mathilde.

„Min lezte Wahnung könnt wi hier nich sehn,  
De har ehr Fehler uk,“ versett de Rektor;  
„Op disse Welt dar is ja nichts vollkommen —  
Hier weck de Trommel mi ut Slap un Drom,

Obglief ik lat von Ball to Hus kam weer.  
 De veeruntwintigst' März fung an to dagen  
 Un Schimmel slög de Trommel op de Strat.  
 He weer en Mann ut Abrahams Geslecht  
 Un doch en Tambur sonder Furcht un Tadel;  
 Bellicht dat all bie Jericho sin Ahn  
 Posaunen bläst het, as de Muern störrten.  
 Wi störrten op de Strat un na dat Rathus,  
 Wo se verhandeln mit den Börgermeister,  
 De Dokter, de Afsat un vele Börgers,  
 Dat he sit um ehr Dohn nich kümmern schull.  
 „Von Kiel ut makt de Turner un Studenten  
 Sit mit dat Lauenborger Jägerkor,“  
 Bertelln se em. „na Rendsborg op den Weg.  
 Un se wulln in Niemünster to ehr stöten,  
 In 'n Morgenslap de Dänen överrumpeln  
 Un denn von darut Land un Lüüd gewinn.  
 He dörf hier gar nichts wieder dohn, as tosehn.  
 Sonst müssen se wat dohn, wat ehr nich leew weer;  
 Denn geew dat hier en doden Börgermeister.“  
 Do wull he dohn, as wenn he gar nichts wüß;  
 Un uf de provisorische Regierung,  
 De se em noch nich nenn kunn, anerkenn.  
 „Har Ju de Börgermeister wat to segn?  
 Ist denk, Si weern noch Schüler?“ segt Mathilde.  
 „Dat weern wi,“ segt de Ol, „doch öwer twintig  
 Weern wi wul all, ik weer bald tweuntwintig.  
 Wi trocken nu na 't Seminar un sä'n,  
 Dat wi keen Tied mehr harn, uns' Lex to lehrn;  
 Wi müssen erst de Dän ut 't Land verjagen.“  
 „Denn geht man,“ segt de „Ol“, „ik hol Ju nich,  
 Denn seg ik blot: Mit Gott för 't Vaderland!“ —  
 Herr Gott. wu weern wi domals blind un bömlich!  
 Bet Pingsten, meen wi, freeg'n wi dat torecht,  
 Un hebt doch vele Jahre töben mußt,  
 Bet Bismarck köm un anner Beer vörspann.“  
 „Büßt Du hier uf Soldat we'n?“ frög Mathilde.

„Nöß,“ seg de Rektor, „weer ik hier Soldat. —  
 Dar bie den groten See und op de Koppeln,  
 Wo nu de Badeanstalt opbut is,  
 Dar hef ik as Rekrut oft exerzeert,  
 Do trocken wi dat anner Jahr na Jütland,  
 En reguläres Heer in Uniform,  
 Un General Bonin de föhr uns an  
 Un lehr uns siegen öwer Hannemann.  
 Wie Gudsjö und bie Kolding freeg he Släg, —  
 Doch Frieden maken sull em gar nich in,  
 Obglick das dütsche Parlament uns holp —  
 Mit lange Reden, wil 't nichts anners har —  
 Un England puß un Rußland em wat to:  
 He schull mit Preußen Waffenstillstand sluten  
 Un denn uf Frieden maken, wenn dat paß,  
 Dat dütsche Parlament würd' bald verstumm.

Do trock he all sin Volk na Friederiz  
 Un lock Bonin dahin un maak em blind,  
 Wie de Trojaner mit dat hölten Peerd,  
 Un öwerfull uns nachts mit alle Mann.

Do wurd' ik uf dachie gefangen nahm,  
 Damit ik Tied har, mi in Kopenhagen  
 Mal to bedenken, wat dat beste weer.“

„Wat fundst Du denn am besten?“ frög Mathilde.

„Ja,“ seg de Rektor. „dat wullst uk wul weten. —  
 Dat givt keen beter Wartstell as de School,  
 Un wenn de Ferien uk gar nich weern;  
 Dat Lehren dat is Arbeit un Genuß.  
 Nu givt dat Ferien uk noch darto. —  
 De könnt de Rinner doch nich god entbehren —  
 Wu kunn dat denn wul noch wat beters gewen?“

„Do güng ik denn to 'n drüttenmal na Seborg  
 Un wurd' dar Lehrer an de Übungsschool, —  
 Dar liegt dat Schoolhus, rechts von 't Seminar, —  
 Dar hef ik do för hundredachtzig Daler  
 Jahr in, Jahr ut de Jungens ünnerricht  
 Un denn bie lütten uk dat Löben lehr.“

„Dat glöw ik nich,“ seg Thilde; „denn Du kannst  
Noch hüt nich töben, wenn Du mittags kummt,  
Un ik hef nich dat Eten op 'n Disch.“

„Dar kannst Du recht hebn,“ seg de Ol un lach.  
„Doch lat uns gahn, dat sanat hier an to weihn;  
Dat kann man nerrn an 'n Barg sik eher leisten.“

Se steegn langsam af un güingn torück;  
Mathilde wull de Watermöhl noch sehn,  
Wo Moder Husstand lehrt har bie chr Tante.

Se wulln de Lüüd nich stören, de dar wahn,  
Un gung de Stadt to End' bet an de Trawe,  
Un stelln sik op de Brügg un seegen to,  
Wu sik dat Water an de Arbeit dräng.

„So grade mut dat wesen,“ segt de Rector,  
„So is de Minisch, de rechten Jaer het.  
He het nich Rast noch Ruh, nich vör de Arbeit  
Un uf nich achterna, — dann sinnt he na,  
Wat hier un dar noch beter ward'n kunnt har.“

„Dat ward uns' Moder lehrt hebn von ehr Tante,  
Nich von dat Water dent ik,“ segt Mathilde.

„Ja frielich,“ segt de Rector „mit dat Lehren,  
Dar is dat uf noch lang nich dahn in 't Lewen.  
Man mut sik an de Thätigkeit gewöhn,  
An Sauberkeit, an Ordnung un an Fliet.

Denn ward uns dat Natur, wie bie de Trawe;  
Denn segt man: Ik mut wirken, wiel 't noch Dag is —  
Dat het uns' Moder dahn, dat will ik uf.“

„Toler noch frisch un froh in 'n Frieheerrnstand;  
Dat hebt doch all Din Frönd dahn,“ segt Mathilde.

„Ja, dat 's uf wahr, ik wull ja Jochen fragen,  
Wu em 't gefallt as Frieheerr,“ segt de Ol.

Se maken sik na Jochen op 'n Weg,  
De Kielerstrat entlang bet an de Lohmöhl,  
Dar stund en Hus, wie't ehr betekend weer.

Se treden in de Dör, de Rector frög:  
„Wahnt hier nich Jochen. min Kolleg un Frönd?“

„Ja frielich“ seg en lütte Fru, „dat stimmt.“



„Un uf sin Fru, de Dochter von den Kanter?“

„Natürlich,“ seg se, „dat bün ik ja süls.“

So stundn de beiden vör de rechte Smed

Un treden fast, as hörn se dar to Hus,

Mit Mine in de Stuw un sä'n: Godndag —

Dar seet en jungen Mann, doch Zochen nicht.

De Ol frög wieder: „Kenn'n Se mi denn uf?“

„Natürlich, Johann Friedrich,“ seg se drög.

„Dat stimmt nu uf,“ seg he, „dat har'k nich dacht

Se hebt mi wol an Sprak un Dohn erkannt?“

„Ach ne, dat könnt min Ogen sehn.“ seg Mine,

Wenn uf de Bart dat halw Gesicht verdeckt.“

Nu köm se denn in't Snacken un Bertelln;

Se stell ehrn Söhn em vör un uf ehrn Enkel,

Un he sin Dochter, wie sit dat so hör,

Un denn frög he na Zochen, ehren Mann.

De weer all ut, sin Enkel Nöt to plücken;

Doch weer dat nich so schlimm, he weer to recken.

De Söhn de kenn den Olen sin Revier,

Un mak sit op de Been, em optostöwern.

Dat glück uf bald, un Zochen köm to Hus.

He har de Bücks sit in de Steweln stoppt,

Wie he in't Feld dat as Draguner deh —

He föhl dat Veller noch nich in de Been.

Do fung se bie de olen Tieden an

Un snacken hoch un platt — von dit un dat.

De Rechter broch den Ruhstand op't Tapet,

Den Frieherrenstand, wie Zochen em so nenn.

„Seg mi mal, Zochen,“ frög he, „is dat wahr,

Dat man an'n Frieherrenstand Vergnüßen find?“

„Gewiß,“ seg Zochen, „dat is gar keen Frag.

Man is sin egen Herr in Dohn un Laten,

Man slöpt des Morgens wenn man will, bet tein,

Un kriegt een denn de Mödigkeit to faten,

Denn brukt man sit doch blot mal umtodreihn.“

„Ja,“ seg de Rechter, „dat wüll ik wol glöwen;

It un de Slap, wie stahst uns man nich god.“

„Un denn,“ seg Jochen, „griep ik na de Feller,  
Vertell Geschichten, denk en Rätsel ut;  
De bringt de Zeitung mi versüßwert weller;  
Dar slag ik denn ja uk en Groschen rut.“

„Dat freut mi,“ seg de Rektor, „dat holt jung.  
Wer schriwt, de bliwt — lebendig meen ik, Jochen,  
Dat is bie't Slapen man wat slecht bestellt.“

„Denn gah ik uk mal ganz alleen dörch't Feld,  
Un seh de Blom un hör de Bagels piepen,  
Un is min Enkel mit, dat is en Feld,  
De mut,“ seg Jochen, „Bottervagels griepen,  
Un kam wi an de Tram, denn fischt wi mal,  
Un fangt uns to dat Fett uk Heef un Al.“

„Dat Angeln“ segt de Rektor. „heft nich lehrt;  
Ik much keen Fisch un much nich op ehr töben.“

„Un denn,“ seg Jochen. „kann't min Fru mal nützen:  
Ik splitter Holt un hal den Torf von'n Böhn,  
Un kann de Arsen vör de Späßen schützen  
Un darbie uk mal mit min Ramer klöhn.  
Un denn, dat bruk ik Di nich to verheltn,  
Hef ik mal Tied un Lust, in's Skat to speeln.“

„Du, Skat verdarwt Di den Charakter, Jochen;  
Dat Wimmeln is ja schändlich,“ seg de Rektor,  
„Dat is en Wettbewerb — na, wieder Jochen.“

De Fru stund op — de Rektor mark dat gliet.  
„Man jo keen Umständ,“ seg he, „wi sünd hier  
Man 'n Ogenblick för'n Mund vull Snaak to hebn.  
Wi hebt bie Wickel Tabeldot bestellt —  
Un dankt für allns, nehmt uns dat nich öwel!“

Dat weer de lütte Fru nu gar nich recht,  
Obgliek se sit nich 'jund un kräftig föhl,  
Un Jochen schull un brumm un kommandeer,  
As wenn he noch bie de Draguners weer.

Dat holp em awer nichts. se wehrten af.  
„Wat asmaakt is, dat bliwt“ — se muß sit setten,  
Un dat Vertelln köm noch mal in 'n Fluß,  
As se de Wiler anseegn an de Wand,

Den oln Kanter un de Kanterin,  
Un wat dar sonst noch hung von Broder Moritz  
Un ehr vertelln kunn von olen Tieden,  
As Moritz noch de Epoletten drög  
Un doch keen Ruh har vör de Malerie,  
Un nößen, wie he all de Biller mal. —

„De Slacht bie Kolding, Jochen,“ segt de Rektor.  
„De mal he op min Stuw, un Du un ik,  
Wi stund un leegn un seetn dar Modell —  
Weetst noch? Du seetst dar op 'n Stohl in 'n Sadel  
Mit Leddertüg un Rock un Helm un Sporen,  
Un harst den blauen Säbel in de Hand.“

„Ja, ja,“ segt Jochen, „ganz wie in 'n Kommiß;  
Dat Peerd weer blot wat städsch un wull nich lopen.“

„De Kanterstuw,“ behaupt de Rektor nu,  
„Dat lütt Familienbild weer doch dat beste.  
Dat weer en Bild vull Leben un vull Stimmung.  
De Kanter lees dar in en olen Smöker,  
Un smöf darbie, as wenn en Büttmann backt;  
Em gegenöwer stund de Kanterin  
Un lehn sik an den Aben un puß de Brill;  
So har en jeder sin Geschäft un Stell.  
Wie seeten wi dar jung un övermüdig.  
Ik op 't Klavier un hummel mit de Been;  
Un Mine broch den Kaffee in de Dör.  
Ik wull, ik kunn dat Bild noch eenmal sehn.“

„Dat is nu leider in Berlin,“ segt Jochen,  
„Ik hef min Söhn dat schenkt, de dar nu wohnt.“

„Wenn he en Photograph weer,“ segt de Rektor,  
„Denn würd ik mi dat Bild bie em bestellen;  
He mut mal tosehn, ob dat möglich is,  
De Kanterstuw vergrößert astonehm. —  
De Oln sünd leider dot, de Jungen old.  
De wehrt sik noch, dat se dat Stahn beholt.“

„Ja, ja,“ segt Jochen, „ik un min lütt Fru,  
Wi brukt nu uk all 'n Brill un find dat tolt.“

As se sik allerfiets nu utjakt harn,

Do brot de Ketter mit sin Dochter op,  
Dat se to rechte Tied na 't Weertshus kôm,  
Wo se sîf anmeld harn to 't Tabeldot.

De Kellner wies' ehr linker Hand en Stuw,  
Dat weer den fröhern Weert sin sôte Eck,  
Wiel dar tomieln Schampanjer druntn wurd,  
Den he sîf dîr betahln laten kunn.

De Ketter frög na de, de em dar drunten.  
Se weern verarmt, verstormen un verdorwen.  
Der Weert vertell noch allerlei von ehr.

Kummt denn de Hochmot wirklich vör den Fall?  
He is de Fall, dat anner is Gepulter —  
Un treckt de Unschuld mit in Not un Elend.

„Mein Gott,“ segt do de Ketter, „wu is 't möglich?  
Se weer doch do so nüdlich un so nett,  
So frisch un froh — un hannelt nu mit Blom —  
Se weer doch süls en Blom vull Glanz un Duft.“

Weer dat nich uf en lewe Eck för em,  
As noch dat Hart vull Leev un Fröndschop weer  
Un gern de Rosen plüct, so lang se blöhn —  
Un doch nich an Champagnerdrinken dach?  
Denn disse Druwen hang to hoch för em,  
Wat he uf hüt noch nich beklagen kunn.

Dat weet de Vörhall von den groten Saal,  
Wo he mit gode Frönd vör vele Jahrn  
Bet Mitternacht oft bie de Punschbool seet —  
„Bergnögt un froh“ segt do de Rathschismus —  
Toerst as Semnarist, de Böß to pressn,  
As Lehrer dann, Geburtsdag dar to fiern,  
Un nößen in Vertehr mit drütte Jägers,  
De he von Kopenhagen her all kenn,  
As he för 't Baderland — gefangen weer.

Dar har he uf ja sin Verlobung fiert —  
Uf ahn Champagner, awer vull Vertruen,  
Dat Gott den help, de süls sîf helpen will.  
Se kunn un muchen arbeidn allbeid,  
Un Arbeit is en Fundgruw, segt Klas Bartels.

Em kunn de Kriegsminister nich mehr hinnern,  
Un se weer 'sünd un slink, en frische Ros',  
Un wat se anfät, weer in gode Händ,  
Un wat se anfang, broch se uf to End,  
Un wo se gung un stund, dar ward dat hell,  
Un wo se kaf un fehr, dar weer keen Rot,  
Un allns wat se sä, har Hand un Foot.

Dat is nu all verslagen un verblöht:  
Sin Frönd de sünd in alle Welt verweicht  
Un Vele hebt sik legt un staht nich op  
Un se -- se slöpt nu all in 't drütte Jahr  
Un het den Frieden fundn, den keener stört.

Dar seht em nu besülwen Wänd noch an,  
De domals still un stumm sin Dohn betrachten,  
Un nu sik wunnert, dat he överbleew.  
Ja, ja, he ward wul uf nich weller kam;  
Denn wat em disse Eck mal leew makt het,  
Dat sünd ji nich, ji kohlen, leeren Wänd —  
Dat weer de Jugendmot un Leew un Fröndschoop.

So ungefähr het wul de Rektor dach,  
As he dar in de Stuw op 't Eten töw;  
Denn ditmal wurd em gar de Tied nich lang.

De Disch weer deekt, de Teller stund parat;  
Doch mehr as tre Gedeck kunn he nich telln,  
Dat weer wul hiit dat ganze Tabeldot.  
Em kunn nu niemand stören bie sin Fier,  
He dach sik all sin olen Frönd hinto,  
De sik in jungen Dagen hier versammeln,  
Un sett sik mit sin Tochter an den Disch  
Un löt en Flasch' Schatolaros sik bringn.

Erst geew dat Supp' un Fisch, denn köm de Braden,  
Den kunn man doch nich eten ahn to reden —  
He lüd' un sat sin Glas un köm to Höch.

„Min leewe Tochter,“ segt he, „gode Frönd!  
Si swiegt ja all — it fier min Jubiläum —  
Schall ik alleen denn uf dat Reden dohn?  
Si weern doch sonst nich mundaful un verzagt.“

Weet Ji nich mehr, as wi den Afssheed fiern?  
En jeder harn Charakter — in de Tasch',  
De een verbreetlich un de anner froh;  
Wi köm tosam un strewen utenanner,  
Na Wohnung, Rökengaarn un dörtig Daler,  
Iwe Röh un dörtigduusend Soden Torf.  
En jeder dacht un dicht för sif alleen,  
Un keener reg' sif um dat Ganze op.

Do dachten wi an 't dütsche Vaderland,  
Wo 't ebenso stund, as in unsern Kreis —  
Desülwe Queeserie, desülwe Jammer.

Dat güng do dalwärts mit de Politik.  
Dat Parlament in Frankfurt wahr dat Reden,  
Un quees un quees un köm nich ut de Stell.  
Dat weer de Fürsten Water op ehr Möhl;  
De steeken denn ut rasch de Köpp tosam,  
Un Sleswig-Holsteen — har en Wassenstillstand,  
As harn se em in Kopenhagen bacht,  
Dat man in Frankfurt wat to kauen har, —  
Un Metternich — seet achtern Luhn un lach.

Weet Ji nich mehr? — Dat is nu anners worden:  
De dörtig Daler paradeert nich mehr  
In't Isehoer Wuchenblatt, wie domals;  
Se hebt sif flücht vör Grundgehalt un Tolag.

Un wat de Hauptsak is — de dütschen Fürsten  
Hebt in den suern Appel bieten müßt,  
Den olen Barbarossa uttograwen —  
En isern Sinnerk het se all bedwungen,  
De broch de dütsche Politik in'n Swunk, —  
Ik denk, Fürst Bismarck het Ju dat vertellt,  
As he in 'n Juli bie Ju ankam is.

Wi hebt nu „Reich un Kraft un Herrlichkeit“  
Von 'n Bodensee bet an de Königsau —  
Natürlich, Sleswig-Holsteen hört darto  
Un is keen Melkfroh mehr för „Hannemann“;  
Dat ganze dütsche Volk is Schirm un Wehr —

Pastor un Lehrer, jeder is Soldat,  
Un ganz Europa, seg it Ju, is baff!

So stöt doch mit mi an, min olen Frönd!  
Hoch Kaiser Wilhelm! Hoch dat dütsche Riek!"

Sin Dochter nöhm ehr Glas, se stötten an —  
„Bergangenheit un Tokunft hebt sit fund  
Un wüllt tosambliewn!" seg sin Dochter rasch —  
Un dremal röp he; „Hoch, hurra, hurra!"

Do klung en lieses Echo: Hoch, hurra!  
Dat weern de olen Frönd von Achtunveertig;  
It glöw sogar, Fürst Bismarck stimm mit in,  
De an de Wand hung' bie den olen Kaiser.



## VII.

### Na Dufenddüwelswarf: 1500 — 1900.

Motto: Ut Lenken ward en Red'  
un denn vellicht  
En litten Leitsad'n  
föör Kulturgefchicht.

#### 1. Kapittel.

Wat de Weltgefchicht von de Buern  
vertellt: 1500.

##### I.

Wenn man de Kunst verfteiht, fin Wör to maken,  
Denn kann man gern mit Pappst un Kaiſer ſnacken;  
Man kann uf wat verſpreken un nich holn,  
Besonders, wenn man ſchenken kann un mag.  
Blot mit den Dot, dar is nichts optoſtellen —  
De hört nich op den allerlöſſten Snack.

Dat kann de König Kriſchan mi betügen,  
Den ſit de Ritterschaft von Sleswig-Holſteen  
To'n Grafen un to'n Herzog wählen deh —  
In Holſteen Graf, un Herzog blot in Sleswig.  
Wu het he ſnackt, um dat toſamtokriegen!  
Un endli funn he doch dat rechte Wort —  
He grien un ſä: „Op ewig ungedeelt!“

Nu wull he gern uf mit den Pappst ins ſnacken  
(Dat weer ja unſen Herrgott ſin Verwalter)  
Un ünnerwegs den Kaiſer mal beſöken,  
De weer ja ſotoſegn ſin Lehnsherr nu.



He reis' in vullen Staat von Seborg af  
Un soch den Kaiser op in Rodenburg,  
Wat hoch to Barg in Mittelfranken liegt.

Uf hier wuß Krißchan bald sin Wör to maken.

„Wi könnt hier vel von Dütschland öwersehn,“  
Sä he to'n Kaiser, „awer dar int Noorn,  
Min Land, dat seeg wi nich, dat liegt to deep,  
Un an de Waterkant liegt gar en Streml,  
Dar danzt towieln de Wellen öwerweg,  
Un Butt un Stint un Hering gaht to Ball.“

„Dar wahnt wul uf keen Minschen,“ meen de Kaiser.

„Gewiß,“ segt Krißchan, „lumpiges Gesindel!  
Dithmarscher nennt se sik un hebt keen Försten,  
De ehr in Tocht un Tögel holen kann.

Mittünner fällt se plögli mi in't Land  
Un rowt un brennt, as wenn dat Heiden weern.  
It glöw uf nich, dat se all Christen sind.

Wenn it ehr Herzog weer, it wull ehr kriegen!“

„Ja,“ segt de Kaiser, „dar kann Rat to warden,  
Du büst ja Holstengraf, it will Di helpen.

It mak Di hier to'n Herzog öwer Holsteen,  
Un schenk Di denn den Streml Land darto.“

„Dat nehm it mit Vergnügen an,“ segt Krißchan  
Un grien wie bie de Herzogswahl in Ripen.

Dann reis' he döörch Tirol un köm na Rom;  
Denn as he mal in Sweden in de Kniep weer,  
Har he ut Angst den lewen Gott verspraken,  
Wenn he em holp, denn wull he nächstens barsot  
Na Golgatha un beden dar un bichten,  
Wenn uf de Türken em de Tug utreten.

So'n dumm Gelübde kunn he doch nich holn,  
Un kunn den lewen Gott uf gar nich leew sin;

Deswegen wull he den Verwalter spreken,  
De schull em lösen von dat dumm Gelübde,  
Wat he in Dowerilung gewen har.

Natürli har de König Hermelin,  
De besten Stodfisch un de schönsten Hering

För den Verwalter in de Risten pacht,  
Un mittsept döörch dat ganze dütsche Riet.

De schulln nu Börpahl slagn, as man wul segt.

De Papt de wull ja uk keen Unminsck wesen.  
He löt von Krijschan sik dat Reisgeld gewen,  
Wat sonst en Reis' na Palästina kost,  
Un maek em denn von sin Gelübde los.

As Krijschan nu to Hus köm, har he gern  
Den Stremel Land besett von Holsteen ut;  
Doch har de Ritterschaft döörchut keen Lust.  
Se sä: „Dar is so swar herintokam,  
Un wenn man rinn is, nehmt se nich gefangen —  
Se slaght de unbed'n Gäst in Grus un Mus;  
Dat hebt se an uns' Dellern tweemal dahn.“

„Na nu,“ sä Krijschan do, „wi tömt en beten, —  
Ik gew de Buern denn noch twe Jahr Tid; —  
Bellicht langht Ji denn uk mit Freuden to:  
Wie Licht betracht is't doch en söte Eck.“

Do köm dar Een, de löt nich mit sik snacken —  
De klopp nich an un sä nich swart noch witt,  
Röhm keen Geschenk un hör op keen Gefunker —  
Dat weer de Dot, de hal den König af.

## II.

Wat helpt dat all? — En König kann nich startwen,  
Makt he de Dgen to, so ropt se lud:

„De König hoch! De König, de schall lewen!  
Un süh, dar sitt he uk all op'n Thron.  
Un Sleswig-Holsteen har sogar nu twe,  
Johann un Friedrich, Krijschan sin beid'n Söhns.  
De Ritterschaft bleew „ewig ungedeelt“  
Un Dänemark darto — dat kreeg Johann  
Un kunn darbie in Kopenhagen wahn.  
Doch Land un Lüüd in Sleswig-Holsteen wurd'n  
Von Ost na West in luter Stremel sneden —  
So parallel mit Königsau un Eider. —  
Twe Stremel för Johann un twe för Friedrich,

De schull op Gottorf wahn un Herzog heten.  
Dithmarschen wolln se sif denn später deeln,  
Dat weer noch mit de Buern to besnacken.

De laden se na Igeho to Gast,  
Dat Pergament von'n Kaiser antosehn,  
Von Kaiser Friedrich, Mar sin selig Vader;  
Dat har ehr selig Vader mitbrocht von de Reif',  
As em de Kaiser Land un Titel schenkt har.

„Dithmarschen,“ segn de Buern, „is unse Land;  
Dat kann der dütsche Kaiser nich verschenken,  
Wie wi dat nich mit Holsteen lönt un Sleswig.  
Wi hebt en Herrn, den Erzbischof von Bremen;  
Wenn de mal dot is, fragt mal weller an.  
Wi glöwt, dat geiht den Bischof wie den König:  
Dar sett sif blot en annern op 'n Stohl.  
Wie kunn de dütschen Buern wul dänisch wardn!  
Dat wüll wi doch noch mal mit Mar bespreken,  
De nu dat Regiment in Dütschland het.“

„Si könnt Zu noch bedenken,“ segt Johann;  
„It will Zu ropen laten, wenn dat Tied is,  
Un wenn Si denn nich wüllt, so doch 't Gewalt; —  
Denn wat man arwt, dat lett man sif nich nehm.“

Un twe Jahr später röp he ehr na Rendsborg.  
Dar güng se awer leewer gar nich hin.  
Un schicken blot en Baden, hier to fragen,  
Wat denn de Herren to vertellen harrn;  
De Kaiser har ehr segt, dat weer 'n Verfehn;  
Sin seli Vader har sif överieelt,  
Wie dat den König Krischan ut passeert weer.

„Vör 't erste,“ segt de König, „wull it gern,  
Dat „jüm“ mi föfstein dusend Mark betalt,  
Un twetens, dat „jüm“ mi behölpli sünd,  
Dre Schlosser optobun in „jüm ehr Land,“  
In Melbörp, an de Elf un an de Eider. —  
Darbie is doch, dünkt mi, de Hals nich af.“

„Hallo,“ segt do de Bur, „dat weer nich slecht!  
Denn kunn de König Land un Lüd verdarben,

Un wi kunn dänſch mit ſin Beſatzung ſnacken.  
Dat doht min Landslud nu un nimmermehr;  
Denn ſett ſe lewer Kopp un Kragen dran,  
Denn kamt man ran, ſo wi Züm wuſſen ſünd!“

De König grien, — dat har he ſit ſo dacht  
Un all in Börut ſin Baſalln beſtellt,  
Dat ſe ſit ſammeln ſchulln bie Hanerau;  
Dar wull he denn den Junker Thomas Slenz  
Ut Köln erwarten mit de ſwarte Gard.

De Junker Slenz, dat weer en Mann von Stahl,  
Wul ungefähr ſo grot wie Goliath,  
En Kerl ſo drof un drieft wie 'n Slachterhund. —  
Wie hüt de Burn in de Marſch dat maht  
Un en „Monarch“ mit Meiers ſit beſtellt,  
De Rappſaat oder Weten aftomeihn:  
So nöhm de Förſten domals ſit to 'n Krieg  
En groten Hauptmann an mit loſ' Gefindel,  
Wat ſit op nichts as op 'n Krieg verſtund  
Un lewen deh von Plündrung, Brand un Mord —  
Dat weer denn Junker Slenz miſſamt ſin Gard:  
Söß duſend Mann, ſo drof un drieft wie he.

De König il ut gliets, na Hanerau  
Un trock dar an de Grenz ſin Macht toſam.  
De adelichen Herrn von Dänemark  
Harn all ehr Taſchen vull von Gold un Sülwer  
Un ſülbs dat Petchaft nich to Huſ vergeten;  
Denn jeder wull dar wulfeil Marſchland köpen,  
De mageru jütſchen Oſſen fetttograſen,  
(De König wull dat billig öwerlaten)  
Un von de Garr ſit dit un dat ranſchachern,  
Wat ſe för Fru un Kinner mitbringn kunn.  
De Ritterschaft von Sleſwig-Holſteen har  
Ehr Jungs mitna hm von föſtein, föſtein Jahr;  
De ſchulln ſit an de Buern de Sporn verdbenn,  
Wenn ehr ſo 'n Bur verbiſtert in den Weg löp,  
Wie Haſen, wenn ſe utkragt vör den Jagdhund.  
Denn ſechten wardn ſe ditmal ſeker nich,

Dat har bie sovel Volk ja gar keen Sinn.  
 Johann sin Better, Graf von Oldenburg,  
 Brocht forsche Ritter mit un slanke Knappen  
 Ut Braunschweig, Lüneborg un Brandenburg,  
 Obgliest de Kaiser Mar verbaden har,  
 Dithmarschen to bedrängn un antogriepen.  
 Un endli köm de Bumann, Junker Slenz, —  
 In vulln Wicks, vergold weer Helm un Harnisch,  
 Un achter em de grote swarte Barr. —  
 Dat weer, as wenn de Sünnp opgüng in 't Lager  
 Un ünner ehr en grote swarte Wulk.

„Wat,“ buller Slenz, as he den König seeg,  
 „Dithmarschen ward doch nich in 'n Himmel liegn,  
 Dat Majestät so 'n bannig Weswart maht? —  
 Bie 'n Düwel un sin Möhm, dar mögt se wahn,  
 De kann ik mit min Gard alleen bedwingn.“

„Ne,“ segt Johann, „in 'n Himmel liegt dat nich  
 Un is uk nich mit Reden daran faß.  
 Dat Land liegt vör uns op uns' lewe Ger;  
 Doch sünd de Lüd dar brot un groff wie Bohnstroh.“

„Na so,“ segt Slenz, „denn maht Zu man keen Sorgen.  
 Wenn wi man rin kam könnt, denn slacht wi 't af  
 Un lewert Zu dat Fleisch von all de Dissen,  
 De noch bie 'n Affscheed lewt in Stall un Stuw.  
 Min Gard de maht gewöhnli gern rein Hus;  
 Dat is en söten Happen, segt de Höker,  
 Do trock he 'n solten Hering ut de Tunn.“

### III.

Den elften Februar in fösteinhundert,  
 An 'n Diensdagmiddag brot dat Kriegsvolk op.  
 „Ik treck vöran,“ segt Slenz, „un maht Zu Bahn!  
 Dat sä de Schooljung uk un rutsch op 't Is  
 Un full un seeg den Snee weg mit sin Rock.“

Dar harn de Fürsten denn uk gar nichts gegen,  
 Un alle nöhm den Weg na Albersdörp,

As wulln se döörch den Riefewald na Hastedt,  
Wo in de Hamm en Hupen Buern lager.

In Alwersdörp weern in de Hüf' blot Wiewer  
Un grise Kerls un Rinner optodriewen,  
De in den Krieg doch nich to bruten sünd,  
De löten ehr hanteern, wie se wulln.  
„Hier bliewt wi disse Nacht,“ segt Junker Slenz.  
Dat 's all to unsen Besten, segt de Jung;  
Do bröf de Stöck, as he en Jackvull kreeg.“

An' Morgen awer trock he nich na Hastedt;  
He wend sik links, den Weg na Melbörp dal,  
Un löt de Buern luern in de Hamm.  
He wend sik gar noch südlicher, na Windbarg,  
Un dröp dar dicht vör 't Dörp en Hochtiedstog;  
De stöm nu utenanner as de Spaken,  
De sik to 'n Smaus versammelt op 'e Strat,  
Un darin stöert ward döörch Roß un Rieder.

„Hier maß wi Nachtquarteer,“ segt Junker Slenz;  
„Warüm schüll wi nich uf mal Hochtied fiern,  
Dat ward uns bie un' Handwart selten baden.  
De Arbeit is keen Haf' un löp nich weg.“  
Dat is uf wahr! Doch fehl de Brüdigam  
Un uf de Brut, un as Bedeenung weern  
Uf hier blot ole Lüüd to findn un Rinner.  
De Mannschaft, segn se, weer na 't Noorn trocken.  
„Dat treckt sik all torecht,“ segt Junker Slenz:  
Dat sä de Snieder uf, as he bie 'n Rod  
De Aermel sett har in de Taschenlöcker.“

An' Donnerßdag marscheern se af na Melbörp:  
Dat har ja weder Mur, noch Wall un Graben  
Un blot en Handvull Söldner as Besatzung,  
Dar muß de Garr ja licht mit untospringen.  
Dat harn de Lüüd in Alwersdörp all segt  
Un achter Windbarg harn se 't dütti sehn.  
Dar warn se denn uf licht mit fardi ward'n.  
Dat holten Dor bie 'n Ingang in de Stadt  
Dat slögen se mit Ex un Biel in 'n Dutt.

Se kôm an 't Dor — de Söldner stund'n parat,  
Um — wegtolopen, wenn dat kniepen würd',  
Un as de Garr bie 'n ersten Schuß nich umkehr,  
Mit Ex un Biel dat Dor kaputtslagn wull  
Un Leddern ansett, öwerweg to stiegen,  
Do schöten se noch eenmal op de Kerls  
Un löpen denn to Stadt, de Klock to trecken.

Do bröf de Junker mit sin Garr herin,  
Verdeel sin Volk in Straten rechts nn links,  
De Dören un de Finstern intoslagen  
Un dalstoteken, wat dar gung un stund',  
Un denn to plündern, wat dar los un saß is. —  
Dat weer ehr Recht; denn Meldorp har sik wehrt;  
„För wat hört wat,“ segt Slenz, „wi wüllt uk lewen;  
Dat hebt Ju Söldner uk wul dacht, as se sik brüden.  
Wo inföhrt ward, da mut uk naharkt wardn.“

Dat weer en Freten för de swarte Garr!  
Se schon den Olen an den Krückstoß nich,  
De Moder nich, dat Kind nich in 'de Weeg.  
Dann broken se de Schränk un Kuffers apen  
Un fund' — de meisten leer, wie Kôf un Keller.  
Denn dreew de But ehr in en anner Hus,  
Um dar, wie hier, to morden un to plündern,  
Un Midbags, as Johann un Ritterschaft —  
De Bannerdräger Ahlesfeld voran —  
Sin Intog sieern deh mit Sack un Pack,  
Do weer de ganze Stadt en Dödenhus,  
Un wer noch lew, de har sik deep verfrapen  
Un seet velliicht uk in de Kart un ween.  
Darhin trock Ahlesfeld uk mit sin Schar  
Un plant sin Dannebrog hoch op 'n Thorn,  
Den Sieg to melden för dat ganze Land.

Doch dat verstunn de Garr uk weller beter:  
De Hauptlud föhrt ehr truppwies ut de Stadt  
Un steken Dörper, Hus un Schün in Brand,  
De Marsch to wiesen, wat ehr Schicksal weer.  
„Wi wüllt ehr to Besinnung bringn,“ segt Slenz.

„Dat sä de Slachter uf, as he sin Ex  
 „Ansaten deh, de Roh vör 'n Kopp to slagen.“  
 „Hier wüllt wi rasten,“ segt Johann, „un töben,  
 Ob sit de Bur besinnt un Afbed deiht,  
 Dat he so groff un pazi weer in Rendsborg,  
 Nu ward he doch wol anners mit mi snacken.  
 It war' mi denn in 't Kloster inquarteern;  
 De Mönche holt gewiß sit goden Wien.“  
 Dat deh he denn un schick Spione ut  
 Un Botschaft na de Heid, um vörtofragen:  
 „He kunn dat nu nich mehr so billig dohn:  
 De ganze Marsch muß nu sin egen ward'n  
 „Un all de Buern müssen sit ergeben.“

IV.

De Buern, ja de Burn — wo steken de?  
 Den König sin Gesandtschop köm nich weller  
 Un keen Spion löt sit in Meldorp sehn.  
 Do röp he Junker Slenz un Ahlesfeld,  
 De Ritter un de Hauptlud' all in 't Kloster:  
 He wull mit all sin Helden Kriegsrat holn;  
 Denn Friedag weer de Wind na 't Westen gahn  
 Un har dat Weller ganz in Unriem brocht.  
 Sneeflocken flogen dörch de Luft un smölten,  
 De Klosterfinstern klötern von den Wind  
 Un von den Hagel, den he mitbrocht har.  
 „De Rundschoop un Gesandtschop,“ segt Johann,  
 As he sin Lud' um sit versammelt har,  
 „Hebt mi noch keen Bescheed brocht von de Buern.  
 Dar much ik fragen: Wüllt wi nich noch töben?“  
 „Dat möt wi wol,“ segt Junker Slenz, „dat Weller  
 Is gar to slecht un maekt de Marschweg' deeper.“  
 De Ritter meen dat uf un raden af.  
 De Hauptlud' awer harn in Meldorp hört,  
 Dat in de Heid' so groten Riekdom weer,  
 Un wenn de Bur sit geben deh, so harn  
 Se gar keen Utsicht mehr op Plünderung,



Un Meldorp hat ehrn Sack noch lang nich füllt.  
En olen griesen Hauptmann stund' denn op  
Un segt: „Wie kunn wi wul noch länger töben!  
Wer wull de Buern Tied geb'n, sit to sammeln!  
Wi maakt dat in de Heid', wie hier in Meldorp;  
Denn ward de Bur wul nog heb'n von den Krieg..  
Sünd uf de Weg' en beten deep un smuzig,  
Wat deiht uns dat — wi hebt ja Steweln an.“  
Dat meen de annern Houptlud' uf un maken  
Nu sovel Weswarf von dat Töb'n un Tögern,  
Dat Slenz sit rasch besunn un tostimm deh --  
He kunn sin Houptlud' doch nich sitten laten!

„Ja, Majestät," segt Slenz, „denn lat uns trecken;  
Wi maakt uns Mahndagmorgen tiedig op  
Un sünd to Middag denn in Hemmingstedt.“

„Un abends," segt Johann, „bie Rasten Holm,  
De güstern bie mi weer to ünnerhandeln.  
He het mi inlad', dat ik bie em wahn.

He meen, de Buern weern in Oldenwöhrden:  
Dar kunn wi Heid' uf gau noch öwertumpeln --  
Denn würd'n de Marschbuern sit wul uf ergeben,  
Sin Broder schull uns denn na Lunden föhrn.“

So war dat denn beslaten, un noch eenmal  
Gung twe op Rundschof af na Heid' un Lunden.  
De kömen awer blot bet Hemmingstedt,  
Dar kreeg'n de Burn ehr fat un gliet vör 't Brett.  
Se schulln vertellen, wie dat in Meldorp stund',  
Un as se segn, se köm nich ut de Stadt,  
Do slog de Bur den lüttsten op den Kopp,  
Dat he tosam sack, wie en natten Sack,  
Un frog den annern, ob he 't beter wüß.  
De fung denn an von Meldorp to vertellen,  
Un as de Bur sin Strietax weller hem,  
Do wull he allns vertellen, wenn se em schonen.  
Do köm dat rut, dat morgenfröh dat Heer  
Den neegsten Weg na Hemmingstedt marscheer.  
Do sahn se rasch mit em na Oldenwöhrden,

Wo sit de Buern all versammelt harn.

Dar weer nu mennig Flüchtling all ut Melborp,

De von de Garr ehr Grausamkeit vertell,

Dat vele Buren Angst un Bangen kregen.

„Wi möt uns man ergeben,“ segt de Een;

„Wat schüllt wi maken gegen solches Volk?

Dat geiht uns endli doch wie Hirsch un Reh,

Wenn ehr de Ritter mit sin Hund' versolgt.“

„Denn treckt wi uns na Büsum,“ segt en Anner,

„Un lat de ganze Marsch vull Water lopen

Un töwt, bet Ritterschaft un König astreckt.“

„Dar lur op,“ segt de Drütt, „if treck nich mit,

De lütte Insel kann uns nich versorgen.“

Do richt en olen griesen Bur sit op.

„Wat het de König,“ segt he, „denn all wunn?

Wat het de grote swarte Garr denn utricht?

Un all de stolzen Herrn in Gold un Sülwer? —

En apen un verlaten Land dörrtrocken,

En Hand vull Söldner von dat Door verjagt,

Wehrlose Lüd' un Fruns un Rinner afflacht,

Un Hus un Stallung plünnert un verbrennt.

Dat kann en Strolch, dat is en Slechtigkeit,

De mut uns' Herrgott ehr betaln — dörr uns!

Wi möt uns' Lewen för de Frieheit wagen,

Wie dat uns' Dellen dahn hebt in de Hamm.

De ward' sit ja noch in ehr Graff umkehrn,

Wenn se dat seht, dat wi uns gewen wüllt!

De Marsch, de schall de König uns nich nehm.

Noch hebt wi Heid' un Lunden un de Hammen,

Wo jeder Footbreet Ritterlieden drög;

Noch hebt wi unse Slüsen dar in 'n Dief,

Dat uns dat Meer to Hölp kummt, wenn wi 't wünscht,

De wilde solte Flot — — de fritt de Minschen — —

Dar kann de Garr ehr grotes Mul nich gegen.

Wer in Vriewegenschaft gebaren is,

De makt sit frie, sobald he dat man kann:

Un wi schulln ängstli na de Knechtschaft griepen? —

För 'n König un sin Pack in Gold un Sülwer  
Het Knecht un Jagdhund ganz densülwen Pries —  
Wüllt wi uns hissen laten wie en Hund?" —

De Ol de sweeg un seeg sik fragend um,  
Un alle röpen: „Ne! un nochmal ne!“  
Do köm de Hemmingstedter mit den Friesen  
Un löten em vertellen, wat he wuß.

„Hallo, dat paßt uns,“ segt Wulf Isebrand;  
„Ik weet en nette Stell op jüm ehrn Weg,  
Dar twischen Hemmingstedt un Eppenwörden;  
Die Höfelsbarg un Dusenbüwelswarf,  
Dar is de Weg man small un hanni deep  
Un het an beide Sieden brede Grawens:  
Dar smiet wi op de Höch hüt Nacht en Schanz op  
Un bringt Kanonen rin, sovel wi hebt,  
Dat se den ganzen Weg bestrieden könt,  
Un all wi Buern hukt uns dal un töwt  
Bet 't Tied is uttosalln un totoflagen.

Dat kann en söte Eck ward'n för de Garr!“

„Man to, man to! dat schall en Lewen warn!  
Bien ersten Schuß maß wi de Klüsen apen!“

So röpen alle Buern dörch enanner  
Un jeder weer to jedes Warf bereit.

De Frunslied gung, Maria antoropen,  
De Schutzpatronin von dat ganze Land;  
De Männer gung to 'n Schanzen, stund' op Posten,  
Hanteern mit Hellebarden, Spieß un Strietex  
Un slepen Sand, Kanonen ran un Steen,  
Un Telsche Rumpen drög de Fahn vöran.

„Maria hilf! is unser Losungswort;  
De Jungfru will uns helpen!“ röp se lut.

„Se het mi segt, ik schull de Fahn man swenten,  
Denn sack dat Hart de Ritters in de Steweln.“

In Meldorps harn se von den Plan keen Ahnung.  
Dat grote Heer trock af na Hemmingstedt,  
Fiewhunnert blewen as Besatzung trüch.  
De grote Garr marscheer vöran un jung:

„Nu wahr Di awer Sur, de Garr de kummt!“  
Dann folgten Dräger mit Faszien un Breder,  
Wenn man velliicht en Rotbrügg buden muß.  
Denn kömen twe Kanonen mit ehr Mannschop,  
Dann Nieder, Ritter, Herzog un de König,  
Un achter ehr Kanonen, Slitten, Wagen  
För Proviant un Pulver un för — Kriegsbüt,  
En langen Dufendfoot, en Riesenlang,  
De sit dörch Lehm, Morast un Water wund’.

Dat Weller wull sit hüt uf garnich schicken —  
En Sneegeftöber, wie man ’t selten het —  
Man kunn de allernächsten Hüß’ nich sehn —  
Un darbie weih’ en Wind ehr in ’t Gesicht,  
Dat ehr de Ogen thran, as wenn se ween — —  
Dat köm doch bie de grote Garr nich vör!

Un darbie weer de Weg so small un deep,  
Wie jeden Foottritt sack man deeper weg.  
Se sunken in Morast bet an de Knee  
Un kunn mitünner gar de Föt nich loskriegen,  
Un wer sit op sin Rawer stünnen wull,  
De stött den Nebenmann wul gar in Grawens,  
De ganz vull Water weern rechts un links.  
Dat gung so langsam wie en Liekentog,  
Ja, bald so langsam wie en swarte Snek.  
Dar kunn se sit ja gar nich warm bie holn;  
Dörchnatt, verlamt un flau weer Garr un Ritter. —

Un bums! Do fung de Buern an to scheten!  
De Rugeln reten Löcker in de Keegen  
Un Junker Slenz sin Adjutanten weg.  
„Kanonen vör!“ schrie Slenz un hal ehr ran,  
Un löt en Rotbrügg slag’n to beiden Sieden,  
Dat sit de Garr in ’t Feld verdeeln kunn.  
Dat gung bie so ’n Gedräng natürli langsam,  
Un as de Bullerbinger endli stund’  
Un twe un dremal schaten harn in ’t Graue,  
Do weer dat Pulver natt un wull nich brenn,  
Un wer sit von de Garr op ’t Feld begewen,

De stunn uf dar nu wie de Os an 'n Barg,  
Wiel alle Näslang wellern Graben weer,  
Un darbie steeg dat Water in de Grawens;  
Se wurd'n deeper un sogar uf breeder.  
Dat harn de olen Slüsenwächter dahn;  
De harn dat Meer, ehr Hölpsmacht, rinnerlaten.  
Wer kunn dar Weg un Feld un Grawen sehn!  
Dat weer ja 'n See mit luter lütte Inseln!

Do bröf en Hupen Buern ut de Schanz  
Un störrt sit op de Garr un ehr Kanon.  
Doch wull de Garr nich wiefen, un de Buern  
Kunn blot en paar Kanon in 'n Grawen rieten  
Un müssen denn torück, um sit to retten.

Nu wull de Junker Glenz de Schanz umzingeln  
Un brüll dörch Wind un Snee, de Garr schull swenten.

Dat kunn Wulf Isebrand nich ruhig ansehn;  
He har ja ümmer frischen Totog freegen,  
Ut alle Dörper un ut Heid' un Lunden,  
Ut Lunden gar en Bader mit dre Söhns, —  
So 'n Kluervereer bringt Glück un Gottvertru'n —  
Un Telsche Kumpen swent ehr Fahn un röp:

„Den Kluverstaken her! Maria help!“

„Help, help, Maria milde!“ schrie de Mannschafft  
Un störrt sit rechts un links in 't friee Feld,  
Wo sit de Garr versprengt en Utgang söcht  
Un ratlos op de lütten Inseln stund'.

De renn' se um un stödden ehr in 't Water  
Un swung sit mit den Kluverstaken wieder,  
As wenn se flegen kunn, wie Krei un Adler,  
Un maken reines Feld op beide Sieden;  
Un ünnerdes beschot de Schanzbesatzung  
Noch immer langs den Weg de Garr ehr Centrum,  
Un manche Kugel gröt de Ritterschar.

Dann faten se de Slang von beiden Sieden  
Mit Fühaken, Spieß un Kluverstaken  
Un schriegen: „Wahr di Garr, de Bur de kummt!“  
Se peken in de Peer, ehr wild to maken,

Se haken manchen Nieber ut 'n Sadel,  
Un wer nich mant de Peer to liegen kôm,  
De schôt vellicht koppôwer in den Graven.

Dat muß nu Junker Slenz to Peer mit ansehn  
Un kunn sin Lüüd' nich helpen un nich raden.  
Do rôp he lud un grimmig: „Wer het Lust,  
Mit mi hier antobinden? Kamt doch 'ran!“  
„It har wol Lust, Du Schinnerknecht,“ segt Reimer  
Bon Wiemerstedt un güng em frisch to Liew.  
Sin Hellebarde slog den Spieß to Ger  
Un hat sit in de blanke Rüstung faß,  
Un Reimer smet sit trüch un reet un reet,  
Den Junker von sin Berd heraf to trecken.  
Doch allens schien umsonst; so stark he weer,  
He kunn em nich von 't Berd herunner kriegen.  
Doch Reimer gew ni na — he reet noch mal,  
Un denn tom tweten mal, dat Roß un Nieber  
Tosam to Fall kôm, wie en Ritterstandbild.  
En forschen Foottritt dreew de Hellebarde  
Noch deeper dôrch den Harnisch in de Bosß;  
Zwee Landslûd fat mit an un Junker Slenz  
Null wie en Bomstamm in den deepen Graben.

In Junker Slenz verlôr de Garr den Kopp.  
Bu vele lôten sit in Graben stôten,  
Wie Holt un Steen, un rôhrn nich Hand un Foot!  
Bu vele smeten Helm un Harnisch weg  
Un bieestern in dat Feld dôrch all dat Water —  
De lütten Inseln weern fast all verschwunn!  
De meisten awer schrieg'n; „Torüch! Torüch!“  
Un drängn sit mant de Wagens un de Ritter.

An disse Helben kôm denn nu de Keeg.  
Se schriegen uf ut vullen Hals: „Torüch!“  
Ranon un Wagens awer kunn nich wendn  
Un wer 't versöcht, de sparr den ganzen Weg.  
Do löpen all de Fohrlûd von ehr Peer;  
Se wulln uf versöken, dôchtotkrappeln,  
Wie dat de König un de Herzog dahn harn,

As se den ersten Schuß hörn ut de Schanz.  
 Do köm de Buern von de Sieden an  
 Mit Fühaken, Speer un Klüwerstaken  
 Un schriegn: Schont den Mann und slat de Peer!"  
 Se harn den Rummel bie de Gard all lehrt:  
 En steken Peerb dat smitt sin Nieder af  
 Un bricht em Arm un Been un perrt em dot.  
 Doch as se seegen, dat de Ritterschar  
 Tosamsmölt, wie de Snee in Vörjahrstied,  
 Do wulln se gern de lekten Peer noch retten  
 Un schriegen: „Slat den Mann un schönt de Peer!"  
 Do kreeg de Fahnenbräger uf en Stuch,  
 Hans Ahleseld, un sunk mit samt sin Fahn,  
 Den Dannebrog, von 't Peerb in den Morast;  
 Doch höl de kühle Hand den Stöhl noch faß,  
 De har de Dod nich trenn' kunnt von ehr Last.

De König un de Herzog köm na Melbörp  
 Un sammeln, wat se mitbrocht harn un vörfund'  
 Un trocken in de grötste Il na Holsteen.  
 Dat weer ehr Glück, dat hier de Weg noch frie weer;  
 Twe Stunden später köm de Burn von 't Süden  
 Un planten ehr Kanon' vör Melbörp op.  
 Wu hebt de sit wul argert, as se seegen,  
 Dat all de Arbeit dahn weer, as se anköm  
 Un dat de besten Bagels wegslagn weern —  
 Dat kummt davon, wenn man de Tied verslöpt!

Nich mal dat Abendeten wull ehr smecken  
 Dat för de Siegesfier anricht weer,  
 De braden Hühner ut de Königsköf.  
 Do röp en Bur von 't Noorn, Hans Niklas Boje:  
 „Langt to, Jüm leewen Gäst, un lat Jüm 't smecken;  
 Dat givt de König Hans uns hüt tom besten.  
 Wi hebt dat fund' in 'n groten Königswagen  
 Un Wien darbie — dat is wul Klosterwien!"  
 Do stötten alle an mit vullen Humpen  
 Un seg'n den König gode Nacht un dachten:  
 Nu ward he doch wul anners mit uns snacken!

Dat deh he uf, denn Sweden reet siß los,  
As se dat hörn, wie he to Fall kam weer;  
He slot nu mit de Buern en Vergliet  
Un sezt: „Dat schull nu all bie 'n olen bliewen!“  
Un grien nich mal, as he dat ünnerschreem.  
Dat weer em ganz ashand'n kam op de Flucht, —  
Wahrschienli bie dat Krabbeln langs de Wagens.

---

## 2. Kapitel.

Wat de Tempelfeger Neokorus siß in'n Kopp  
setzt: 1600.

De Tempelfeger Neokorus steeg  
Bedächtig op de Dufenddüwelsmarf.  
He har siß dacht, dat hüt gewiß de Buern  
Wulf Isebrand sin Graff besöken würd'n  
Mit Blom un Kränz' — he brocht doch süßs een mit!  
He har de Blom siß möhsam plückt op't Feld,  
Wo domals all de lütten Inseln weern,  
Un an den Weg, wo do de Garr vertwiesel,  
Un Wicheln, de dar wussen ut den Graven,  
Wo Junker Glenz versunk mit Helm un Harnisch,  
De harn em deent, as he dar'n Kranz ut bund'n.  
De schull Wulf Isebrand sin Graff beteken;  
Denn von den Hügel weer nichts mehr to sehn,  
Den harn de Jungs all ut enanner perrt!

De Held weer föststeinhunnertsöß begrawen,  
Wie he dat wünscht har, mitten in de Schanz,  
Un domals har de ganze Marsch ja truert,  
He har dat hüt noch lezt in't Rarckenboof.



Nu weern all öwer hunnert Jahr hingahn,  
Dat Wulf des Nachts de Schanz opsmecten har,  
Den Weg mit sin Kanonen to bestrielen, —  
Se müssen nu doch lam sin Graff to smücken,  
Un wenn se't herstelln dehn, wie sit dat hör,  
Denn ehrn se sit noch mehr as Isebrand.

De ole Küster har sit doch verrekent —  
He lur hier ganz umsonst, dar köm keen Seel,  
Un allens um em her weer dot un still.  
So legt he denn sin Kranz dar dal opt Graff  
Un sohl de Händ und mummel wat in'n Bart —  
It glöm he bed' en lieses Vaderunser  
De Christenheit fier hüt ja Himmelfahrt.

Denn sett he sit un dach an ole Tieden,  
Un dröm un seeg dat bunte Lewen an,  
Wat de Geschicht em oprull vör sin Ogen,  
De lütter, ümmer lütter darbie wurd'n,  
Un wer em anseeg, kunn nich ünnerscheden,  
Ob he nu waken oder slapen deh un — dröm.

De Dufenddüwelswarf, de is nich hoch;  
Doch seeg he dar op sößteinhunnert Jahr  
Un wieder op de ole Tied torück  
Bet in dat Paradies, wo Adam wahn,  
Un jedes Hunnert har doch etwas brocht.

De ersten Hunnert hebt nich vel beschickt;  
Denn Adam bruk för sit un för sin Kinner  
Nich vel un velerlei — he weer bescheiden,  
Un har em nich sin Fru den Appel ansnackt,  
De op den Bom — Erkenntnis heet he — wuß,  
So weern uk wi dat blewen, Mann un Fru;  
So nöhm dat Lewen aber'n annern Kurs.  
De Winschen wullen immer mehr noch weten  
Un steken bald ehr Näs in jeden Quart.

De älteste Söhn von Adam, Cain, weer,  
Wie Junker Glenz, en groten, grawen Kerl;  
De slog sin Broder dot un frag noch frech:  
„Wat geiht mi Abel an! Schall ik em höden?“

„Du büßt en groten Streber,“ dacht de Ol,  
„De blot an sik un an sin Bordeel denkt.  
Du willst as Klutenpetter nich mehr lewen  
Un bu 'st en Stadt un legst Di op 't Erfindn,  
Un Din Geslecht kumt bie den Kurs vöran.“

Dat weer uk so; denn Zabal bu all Hütten  
Un Hus un Schün un Gott weet, wat noch all,  
Un smeet sik op de Behtoch, wie en Marschbur!  
Denn bruk he nich to plögen un to döschen  
Un blot to klagen öwer schlechte Tieden.

Sin Broder Zabal speel op Flet un Geig,  
Verdeen sik mit Musik en Heidengeld,  
Un löt sin Landslud na sin Piepen danzen;  
So köm se dörch dat Handwerk op de Kunst,  
De domals all ehrn Mann noch lichter nähr.

De Tubalkain schaff in Erz un Iesen  
Un fung de Geterie an un dat Smeden  
Un mak för Lamech Spieß un Speer un Ex,  
De schull he bruken, wenn he op de Jagd gung;  
De prahl nu övermödi vör sin Fru:  
„Ik hef all Minschen dotslagen, jung un old;  
Doch wer mi schellen will, de mag sik höden:  
Ik seeg dat an as Ingriff in min Recht  
Un ward dat söbenmal torück betalen.“

De grote „Jäger vor dem Herrn“, de Nimrod,  
De fung nu an to gründn — en groteß Kief.  
„Dit grote Kief,“ segt he, „schall Babel heten!  
Denn in Verwirrung kummt dat doch wol bald.“

De Tempelfeger, wie dat denn so kumt,  
Dach an sin egen Tied un dröm un meen,  
He hör en grawe, hohle, dumpe Stimm.  
Weer dat Wulf Isebrand, de hier in 't Graff liegt? —  
Gewiß, dat muß he wesen, hör, he röpt:  
„As wenn dat uk en Kunst weer, dotslagen!  
Wi hebt söß dusend Mann in 't Water stött  
Un hebt de Ritters gar nich mal begraven

Un bie de Siegesfier Leder sung  
Un denn en Friestaat gründ, de weer nich slecht."

Do sung de Ol in 'n Drom uf an to snaden.  
„Wat jüm wul hebt," segt he, „dat weet ik beter.  
In Friestaat weer ja uf en wahres Babel;  
Denn allens köm bie jüm ja in Verwirrung."

Dat meen ik uf; denn seht man blot na Heid.  
De Beertein har de Lüüd doch manches brocht,  
Wat von de Föftein god to brufen weer.  
Har se dat swarte Pulver nich erfund'  
Dörch Barthold Schwarz in Frieberg op 'n Schwarzwald?  
Wu kunn sunst Isebrand de Garr begröten,  
Dat se verbiestert in de Grabens löp?  
Wu kunn de Ritterschaft dat sunst wul weten,  
Dat Helm un Harnisch nichts mehr nützen kunn?  
Wu kunn de Koopmann sunst sin Waarn schützen  
För solche Stratenräuwers op ehr Vorgen?

De Föftein het dat Pulver denn uf brukt —  
Un jülbs de Buern müssen dat gestahn —  
Se harn dat gegen Wiben Peters anwend.  
De meen, he har en Recht, noch wat to arwen,  
Wat em de Landesobrigkeit bestried,  
De Sitzung op den Heider Marktplatz höl.  
Do sett he sik verdretli op sin Schimmel  
Un höl vergrixt dat Landeshof to höch  
Un schrieg: „Ik wüll min Recht, ik wüll min Recht!"  
Un trock dörch 't Land un mord un brenn un plünder,  
Wie Junker Glenz sin grote, swarte Garr,  
Bet he sik flüchten muß na Helgoland.  
Do schöten denn de Buern den Krakeeler  
Dar in de Kart dre Kugeln in den Trostkopp.

Har nich de Beertein uf de Preß erfundn,  
De Gutenberg in Mainz to Ehren brocht,  
De swarte Kunst, en grotes Bol to drucken,  
Um Wetenschop un Bildung to verbreden,  
Wat sik de Oln möhsam sammelt harn? —  
De flogen mit de Leeder dörch dat Land,

De do de Buern sung von Krieg un Sieg.  
 De brochten hoch un niedrig in Bewegung,  
 Un wat de Olen but harn, köm in 't Wanken,  
 Dat Kloster kreeg en Riß, de Kirch darto,  
 Un Papscht un Försten bewern op 'n Thron.  
 „De Bibel is en Boof vull Dorn un Gift,  
 Un wer Ebräisch lehrt, dat ward en Jud,“  
 So segn de Mönche, as se davon hörn,  
 Un meen, de Preß weer slimmer as dat Pulver.

De Föfstein awer löt sik gar nich störn  
 Un bruk de swarte Kunst bie Dag un Nacht.  
 Do wurd' de Riß in Kirch un Kloster gröter,  
 Un Martin Luther trop herut un Hutten,  
 Un beide seegen all den olen Kummel  
 Un slogen twei, wat nich to brufen weer,  
 Un Luther segt: „Wat geiht de Papscht uns an?  
 Ik smiet den Antichrist sin Breem in 't Föer!“  
 Dat deh he uf, un Börger un Studenten  
 De stunn darbie un jungen Halleluja  
 Dat brocht dat ganze Riel un mehr in Oprohr.

De Protestanten fulln nu af von 'n Papscht,  
 De Buern awer brenn un plündern Slösser  
 In Würtemberg, in Franken un in Sachsen,  
 Un Göß von Berlichingen söhr ehr an  
 Un nößen Thomas Münzer, en Pastor,  
 De Stand, Geseß un Obrigkeit nich wull,  
 Un Karlstadt smeet as rechter Tempelfeger  
 Altar un Biller un den Bichtstohl rut,  
 Un allens, wat noch an den Papscht erinner.  
 Dat is doch wahr, de meisten Menschen könnt  
 De echte, reine Wahrheit nich verdregen;  
 Se stiegt ehr glied to Kopp, wie gode Wien;  
 Denn geiht dat uf ahn Undög nich mehr af.  
 Hans Sachs, de ole Schostermeister, lach,  
 Bet em de Thran in beide Ogen stunn,  
 Un segt: „De Luther is en Nachtigall,  
 De hör ik för min Lewen gern mal singen,“

Un Luther sung: „Min feste Borg is Gott!“  
 Dithmarschen awer — seht doch mal na Heid —  
 Wen slept se dar bie Nach' un Rebel ran,  
 Wie unse Dufenddüwelswarf vörbie  
 Von Meldorp öwer Hemmingstedt na Heid? —  
 Dat is wahrhaftig Heinerich von Zütphen!  
 Ne, sowat lewt ni — künnt ji dat begriepen?  
 De is Pastor un is en frommen Mann.  
 Wat het he dahn, dat se em so behandelt?  
 He weer na olen Bruf na Meldorp ropen  
 Un predig dar dat Evangelium,  
 Wie Luther dat in Wittenberg noch deh —  
 Do hebt se em in Meldorp öwerfullen  
 Un slept em nu na Heid, em to verbrenn.  
 „De Bagt verurdeelt em in Bischofs Nam,“ —  
 Dat harn de Klosterlud' in Meldorp segt,  
 De müssen, wat de Bagt för 'n Bagel weer.  
 „De Reher het de Moder von uns' Herrgott,  
 Maria milde, lästert,“ segt de Bagt,  
 „De domals holp bie Dufenddüwelswarf? —  
 He schall verbrennt warn, wie en ole Her!“  
 Do full em Wiebke Junge rasch in 't Wort.  
 „Ik hef em ropen,“ segt se, „in uns' Land;  
 Denn prügelt mi un lat den Paster gahn.  
 Ik gew Ju för de Släg noch dufend Gulden,  
 Wenn Ji de Frieheit em het Mahndag lat;  
 Denn mögt de Achtunveertiger em richten.“  
 Do stött en Bur de brave Fru to Ger  
 Un gew ehr noch en Foottritt, as se leeg,  
 Un alle fulln denn öwer Heinrich her.  
 Jan Holm ut Nientkirchen nöhm sin Hamer  
 Un slog em op 'n Buckel, dat dat knack,  
 Un an're pefen em in Siet un Schuller.  
 Dann bund' se mit en Reep em an en Ledder  
 Un schoben em in 't Füer, wie en Braden,  
 Un as he anfung, lut to beden, slog  
 En Bur em mit 'n Hamer op den Mund.

„Erst muß Du brenn,“ seg he, „denn kannst Du beden.“  
Dann köm Jan Holm noch eenmal mit sin Hamer  
Un hau em op de Bost — do weer dat ut,  
Un de Pastor weer för sin Glöwen storben; —  
De Buern awer harn ehrn Ruf verdorben.

De Tempelfeger snack in 'n Slap un segt:  
„De Friestaat köm doch hanni in Verwirrung;  
Nu wunnert Ju uk nich, dat weer sin Dot!“

Dat weer sin Dot, gewiß, dat weer sin Dot!  
„De Buern sünd verrückt wordn,“ segn de Rawers,  
„Wi möt ehr dot slagn, wie en dullen Hund.  
Dat het ja Luther uk in Sachsen segt,  
As dar de Buern morden, seng'n un brenn,  
Wiel Thomas Münzer ehr den Kopp verdreih't har.“

De Rinner von den König un den Herzog  
Un von de doden Ritters weern nu grot  
Un harn en Ingrimme op dat Buernvolk,  
De weer nich mehr to holn un to stüern.  
Se sammeln sit in Mortorp un besloten,  
Mit twintigduusend Mann in 't Land to breken.  
Dat dehn se uk un Ranzau föhr ehr an,  
En Ritter mit een Arm, een Been, een Dog,  
De all as Jung von acht Jahr sworn har,  
Sin doden Vader an de Bur'n to rächen,  
Wiel se em nich begraben laten wulln.

De Buern wurd'n in allen Slachten slagen —  
Wat uk förn Wunder: tein Mann gegen een!  
Doch jeder Mann stund fast un höl sin Plaz,  
Bet he em brufen muß as Viekenlager.  
De letzte, fürchterlichste Kampf de weer  
Wie Heid' — „wie Düwels, heet dat, hebt se fochten.“  
De Finster klrten von Kanonendonner;  
En Kugelregen full op Hüf' un Straten,  
Un Fierbrände flogen in de Stadt;  
Bald stund de ganze Ort in lichten Flammen;  
In allen Straten wog' dat Schlachtgetümmel,  
Un doch keen Sammern un keen kleenli Klagen;

De ganze Börgerſchaft, an 'n Sieg vertwiefelnd,  
Höl ſtumm un trozig ut bet in den Dot —  
Dreduſend Männer opfern Liew un Lewen!

In Böhren berad' de Keſt, wat nu to dohn.  
An Wellerſtand iſ gar nich mehr to denken;  
Nu heet dat: Gewen oder Uennergahn! —  
Twe Paſters möt um Waffenſtillſtand birden —  
Un as de toſegt weer, köm'n jöben Buern  
To ünnerhandeln um de Marsch ehr Tokunſt.  
„Gottsduſend, füh, de Buer will ſit gewen,“  
Segn de Soldaten, as de Söben köm'n  
Un wurd'n empfangen von den jungen Ranzau. —  
Wurd' do nich ganz in Ernst in 'n groten Kriegsſrat  
De Frag' verhandelt, op 't nich beter weer,  
Dat trogi Volk mit Mann un Muſ to morden? —  
De franke Herzog ſä: „Dat iſ nich ratjam! —  
De Dieken un de Glüſen möt verſalln;  
Utplündert von de Söldner, ward dat Land  
Keen Beh mehr graſen un keen Korn hervorbringen —  
Un denn natürli uk — keen Stür'n mehr lewern!“

De Bur muß lewen, um de Stür'n to retten, —  
Un Land un Lüd, de freegen nu en Herrn,  
„De ehr in Tocht un Tögel holen kunn“ —  
Nich Ranzau — ne, den König un den Herzog,  
De domals Herrn in Sleſwig-Holſteen weern,  
Un diſſe Wendung het ehr wul verhindert, — — —  
De Duſenddüwelsmarſ un Neoforus  
Un Iſebrand ſin Graff ſit antoſehn.

De Tempelfeger reet ſin Dgen apen  
Un ſeeg verſtört ſit um na alle Sieden  
Un kunn keen Minſchenkind, keen Bur entdecken.

„Dat geiht mi, as Kolumbus ſin Matroſen,  
Se keeken uk umher un ſeegen niks —  
Se niks as Water, un ik niks as Land.“  
So ſegt de Ol un full mit ſin Gedanken  
Noch eemal op de Beertein un ehr Garwen.  
„Wat het de Beertein,“ dacht he „all entdeckt!“

Amerika, den Seeweg na de Hindus,  
 Dat Goldland un de roden Indianer!  
 Do weer dat mit Italien vörbie.  
 Venedig, Mailand, Genua verlörn  
 De grote Handelsmajestät un Seemacht,  
 Wie hier in 't Noorn de morische Hansabund,  
 Un Portugal un Spanien wurd'n Baas.  
 Wat löt sik von de Föstein all erwarten!  
 Schull Hamborg sik ni uk noch opswing könn  
 Un Bremen un dat ganze dütsche Riek, —  
 De Hansa muß doch sonst darop to lopen —  
 Warum köm se in Lübeck nich tohoppen?" —  
 Wie Holland dat mit Glück versocht un England?"  
 He sack tosam un full in'n Slap un dröm;  
 Do hör he jemand gahn un seeg sik um.

Dat weer sin Dochter Telsche Neoforus,  
 En slanke Deern von enuntwintig Jahr;  
 De störm heran, as brenn dat irgendwo,  
 As weer ehr Liew un Lewen in Gefahr.  
 De Backen glöhn, wie dar dat Abendrot,  
 De Ogen funkeln, wie de Abendsteern.  
 Un um den Nacken speel dat Lockenhaar.  
 Nich wahr, wie har se doch ehrn Vader gern!  
 Se wull wat segn, un kunn dat Wort nich find';  
 Denn wurd' se blasser as en Eistensteen,  
 De Lippen bewern un se sat den Oln  
 Mit beide Händ' um 'n Hals un sä un ween:  
 „Mi is to mod as har ik Di wat dohn,  
 Un Du weerst still un truri von mi gahn."  
 „Kind," segt de Oln, „wu kunnst Du Di so quäl'n!  
 Ik gung doch nich to'n erstenmal von't Hus.  
 Mi full wat in, as ik de Bettlock trock,  
 Do wull ik Di nich stören bie de Arbeit  
 Un gung alleen na Dusenddüwelswarf." ·

Doch Telsche ween, so selig as en Brut,  
 De an den Tempel von ehr Tokunft but;  
 Dann lent se in den Oln sin Spor un Bahn,



Un snack nu doch, as wull de Fuß utgahn.

„Wat söchst Du denn op Dusenbbüwelswarf?“

Seg se, „if sitt un spinn un lur op Vader, —

Dat he to'n Abendeten rinkam schall,

Un lur un lur, un de nich kummt is Vader.

Do löp ik ängstli dörch dat ganze Dörp,

Un alle wiesen mi na diffen Weg.

Gottlof, dat ik Di find'! Wat söchst Du hier?“ —

„Ja, Kind, ik hef hier lurt op de Buern,

Ik dacht, se weern kam, dat Graff to smücken,

Wulf Isebrand to Ehren, — awer ne!

De Bur, de will mit Undant uk betaln,

Wie dat nu Mod is in de ganze Welt.

He het vergeten wat de Olen dahn hebt,

Un het keen Sinn för Vaderland un Frieheit!“

„Dat mußt Du ehr nich öwel nehm,“ segt Telsche,

„Se hebt ja weder Vaderland noch Frieheit,

Wi sünd ja dänisch — Mann un Fru un Kind.

Du weestst doch süls, dat Broder Reimer jekt

Den König Christian den Veerten deent,

Un Niklas Boje is erst eben trüchsam;

De stunn uk dre Jahr bie de dänische Garr.

Wie könnt de Buern denn an't Fiern denken?

Se doht am besten, wenn se gar nich denkt,

Wie ik dat ma, wenn ik an't Spinnrad sitt.“

„De Niklas is nu trüch?“ segt Neoforus.

„Ja, Telsche, weestst Du denn, wat dat för'n Mann is,

An den Du geern bie't Spinn mal denken kunnst? —

Ik meen den Mann, de uns Din Rad erfund'!“

Sin Dochter — har se doch bie't Spinn' wat dacht?

Gar an en Mann? se wurd ja plögli rot.

Doch meer se mit de Antwort rasch bie Hand.

„Ne, Vader,“ segt se, „wer het dat denn dahn?

An den Mann hef ik noch nich eenmal dacht;

Nu wardst Du uk wul op Din Dochter schelln!“

„Ja, ja, min Dochter, süh, dat hört sik so,

Dat wi de Olen ehrt,“ segt Neoforus,

„De uns dat Gode schenkt, wat wi verbrukt.  
Dat Spinnrad het de Beertein uns all schenkt;  
Hans Görden klütert dat ut Holt tosam  
In Watenbüttel, wat bie Braunschweig liegt.  
„De Frünslied,“ segt he, „de möt hüßli bliewen  
Un nich de Männer in dat Handwerk pfuschen.“ —  
Do setten se sik ruhi in de Spinnstun,  
Vertellen sik wat un spunnen Flax un Wull, —  
Bet, segt he, bet de Utstür fardig ist.  
De Föftein het noch mehr darto ersund’;  
Denn Peter Hele mak en Taschenuhr,  
Un har ik een, denn würd ik an em denken  
Un nich mehr fragen, wat de Klock wul is “  
„Dat kann de lewe Sünn uns segn,“ segt Telsche.  
„Süh, Büsum treckt ehr eben achtern Dieß!  
Denn ward dat Lied, dat wi to Abend et’,  
Naher kummt Niklas Boje noch heröwer;  
He wull Di gern toerst besöken. Vader;  
Du harst em ja dat Lesen lehrt un Schriewen;  
He wull Di noch wat fragen, segt he eben.  
Ik gah solang denn röwer na sin Söster.  
Wenn Niklas fragt, denn smiet em nichts in ’n Weg;  
He meent dat god mit uns!“ un darmit löp  
Se rasch vöran, de Wahlstied to besorgen.  
Ob se wul wuß, wat Niklas fragen wull? —  
De Ol de smuster, keet ehr na un sä:  
„Ja, grad wie jezt, so wardst Du von mi lopen! —  
Gott gew, dat Du mit Niklas glückli wardst!  
Si hebt verdeent! — Ik krieg, wat gelt de Wett?  
Den besten Swiegersöhn in Hemmingstedt!“

---

### 3. Kapitel.

Wu de Hemmingstedter Schooljungs  
sik en Invaliden ut Mehrbellin opgawelt: 1700.

De Sonnabnds sünd de schönsten Dag in 't Jahr!  
Keen Sonnabnd, segt dat Sprichwort, kummt to Rat,  
De Sunn schient fröh an 'n Morgen oder spat.

Wi lacht dat Hart in 'n Liew all, wenn it opwak;  
He is von alle Barkelbag de leht

Un rief an Möh un Arbeit, wie de anneru,  
För mennicheen an Sorgen wul noch rieker,  
Un dennoch is he alle öwerlegen:

Wi seht den Utgang ut dat Arbeitsjoch;

Wi stekt de Näs all in de Sündagsluft

Un atmet Duft un Sünnesschien von morgen;

Wi hört all dat Gebimmel von de Klocken;

Obglief de Röster ehr nich anröhrt het;

Wi föhlt Gewog von Freden, Lust un Hoffnung, —  
Gewöhnli mehr as uns de Sünndag bringt.

Dar geiht nichts övern Sonnabnd — dat steiht faß!

Dat dachten uf de Jungs in Hemmingstedt,  
As se mit Book un Tafel Sonnabndmiddag  
Sik ut dat Schoolhus na den Dörpplaz drängen.

Bersetter har ehr disse ganze Weet

Von Krieg vertellt, nn ganz ut friee Just,

As har he em von A bet Z mit dörmakt,

Den Krieg, de dörtig Jahr de Minschen plag,

In Böhmen anfung un in Böhmen end.

Mit Tilly, Wallenstein un Gustav Adolf

Un andre Helden trocken se dörch 't Kief;

De Däneakönig störrt un wurd' besiegt

Un Magdeborg wurd' störrt un full' in Asch;

De Swedenkönig fund sin Dod bie Lützen,

Un Wallenstein ermorden se in Eger,

Un Unheil lager sik in Dörp un Stadt;

Franzosen setten sik in 't Süden faß

Un kelen gieri ut, ob wul en Happen  
För ehr noch to stibiken öwrig meer;  
De Sweden annesteern in 't Noorn en Stüüd  
Un weern denn uf nich satt wordn von ehrn Happen;  
Dat arme Dütschland muß den Schaden drägen  
Un habenin noch Geld dafür betaln.  
Wer kunn nu noch Respekt hebn vör den Kaiser?  
Dat Volk doch nich, dat muß ja fast verhungern,  
De Försten uf nich, denn de wurdn nich fragt,  
Un wenn se fragt wurdn, gewn se keen Bescheed;  
De dachten alle blot an sik alleen  
Un keener kümmer sik mehr um dat Ganze  
Un socht sin egen Vordeel, wu he kunn.

Un all dat Blotvergeeten, Brenn un Plündern —  
Warum dat all? Wat wulln se denn gewinn?  
De een Partie wull Papscht un Kaiser helpen,  
De anner Luther un sin Lehr beschützen,  
Un beide segn, se dehn dat för den Globen,  
Doch wußt toleht keen een noch, wat he wull,  
Un speel sik op as Heek in 'n Karpendiek.

So 'n Krieg is wirkli doch en dummes Ding!  
Wie is dat mögli, dat de Jungs darin  
En Liewgericht doch seht, wie Ries mit Zucker?  
Se seht en Prügelie un wieder nichts,  
Un maht dat för ehr Leben gern mal mit,  
Un wenn se ünner sik sind, maht se 't na.

„Wi speelt hüt namiddag,“ segt Peter Boje,  
„Bie 't Sneeballn Protestant un Katholik!“

„Man to!“ segt Neokorus, „bie de Schanz! —  
Hallo! Wer speelt hüt namiddag mit Sneeball  
Bie Dufendbüwelswarf un Höfelberg?“

Do melden sik natürli alle Jungs,  
Un Peter Boje scheid de Lütten ut  
Un tell in 'n ganzen veeruntwinti Köpp.

„Hüt namiddag um twe,“ segt Neokorus,  
„Denn kam wi all tosam bie Better Peter  
Un treckt von dar na Dufendbüwelswarf,

Denn ward wul jeder von uns eten hebn.  
De Luft is blau, de Sünne de schient so warm,  
De Snee de bakt, as weer dat Rofendeeg."

Dat weer beslaten, un de ganze Swarm  
Berlöp sik mit Hurra to'n Midtagseten,  
Un namiddags um twe tredn alle Mann  
Bie Peter Boje op de Hoffstell an.

"Toerst," segt Peter Boje, wähl wi twe,  
De Gegner sünd un sik de annern deelt."

"Wi sökt de grötsten ut," segt Jakob Dohrn,  
„De treckt denn een na'n annern, wie bie't Vosseln."

„De grötst is Reimer Neokorus wul,  
Un denn kummt Peter Boje," segt Paul Ahrens.

De beiden wahlen nu ehr Kampsgenossen,  
Un Peter Boje, as de lüft, toerst;  
Se trocken een um annern sik den grötsten,  
Bet alle veeruntwintig anbrocht weern.

„Nu möt wi losen, wer as Protestant  
Un wer as Katholik sin Platz besett."  
Sagt Neokorus, un dat Los entscheed',  
Dat Peter Boje Protestanten anföhr.

„Un nu," segt Peter, „los' wi noch einmal,  
Wer in de Schanz lieg'n schall un wer ehr störm."

De Schanz full Reimers Neokorus to.  
De Katholiken trocken mit Hurra vöran  
Un achteran de Protestanten, unverzagt.

As Neokorus anköm in de Schanz,  
Erinner he sin Lüüd an Isebrand,  
De vörbud har, den Gegner to begröten,  
Un löt ehr flink en Hüpen Sneeballn baden,  
Dar wulln's de Protestanten mit empfangen.

De Protestanten trocken mit Gesang  
Erst op de Schanz los un denn doch vörbie.  
Do flogen ehr de Sneeballn in de Flant  
Un een un anner dröp wul uf en Jung.

Doch kümmern sik de Protestanten nich  
Um dissen Angriff von de Katholiken;

Denn Peter har ehr innerwegs vertellt,  
He wull ehr dahin stelln, woher de Wind köm;  
Denn mit den Wind löt siß vel beter smieten, —  
Un wat he segt un deh, dat schulln se dohn.

So wähl he kloß sin Stellung denn in't Westen,  
Un löt sin Lüß siß uf en Vörrat schaffen,  
Un much dar uf en Kugelregen kam.  
En jeder nöhm sin Sneeballn in de Mütz  
Un alle trocken neeger an de Schanz.  
Natürli smeten nu de Katholiken,  
So lang' se Vörrat harn, mit aller Macht;  
Allmäli awer wurd'n de Sneeballn all,  
Un jeder muß siß hücken, wels to maken.

Op dissen Ogenblick har Peter lurt.  
„Links um de ganze Trupp,“ röp he, „marsch, marsch!“  
Un alle folgten em in raschen Loop,  
Un as se bie den Ingang ankam weern,  
Do humbardeern se uf mit aller Macht,  
Un kunn uf drapen, wat se drapen wulln,  
Un as se all ehrn Vörrat anbrocht harn,  
Do stülpen se de Mütz siß op den Kopp,  
Un störrten in de Schanz, un Peter röp:  
„Nu pack en jeder Protestant sin Mann!“  
Un slog sin beiden Arms um Neoforus,  
Un wull em trüchlangs slepen ut de Schanz,  
Un sin Gefellen maken em dat na.  
Dat weern Getümmel, wie in'n Migimmhupen,  
Wenn man darin herumpurrt mit en Handstoß,  
Un alle tukst siß rüchwärts af mit Eier.

Do röp en grawe Stimm: „De Garr de kummt!“  
Wie domals in de Schanz Wulf Tjebrand,  
As Slenz sin Garr de Schanz umzingeln wull, —  
Un alle seeg'n siß um un löten los;  
Blot Peter Boje hól sin Gegner faß  
Un seeg siß uf nich um, wie all sin Lüß.

Dar stunn nu awer wirkli en Gardist,  
En groten, langen Kerl mit grauen Bart.

De Rechte drau un sichtet mit en Stock,  
De Linke muß he bruken för sin Krück,  
Worop he mit de hoge Schuller hung  
Dat linke Been weer Holt bet an de Knee,  
Un op dat rechte stunn he saß un stramm.

Dat ganze Kriegsvolt har sik so verfeert,  
Dat alle stief un stumm na 'n Ingang starrten  
Un Peter Boje an sin Gegner mark,  
Dat achter em nich allns richti weer.

„Wat is dar los?“ segt he un keet sik um.

He wuß uf glich, wie't Laken scharen weer,  
Un löt sin Better Neoforus los,  
Un dräng sik dörch den Swarm un nöhm dat Wort.  
„Kriegskamerad,“ segt he, „wo kummst Du her?“  
Wi weern hier eben doch noch ganz alleen.“

De Ol de funn Gefallen an den Bengel.  
De roten Backen un dat frische Wesmark,  
De stramme Stellung un de fecte Frag  
Dat trock den Olen an, wie Kriegsmusik.

„It güng vörbie,“ segt he, „un hör Zu daben  
Un dacht, Zi speelen Krieg, dat muß it ansehn.  
Do krabbel it von 'n Weg hier na de Schanz.  
Wat speel Zi denn so iwri, Tafeltüg?“

„Wi speelt Protestant un Katholik,“  
Segt Peter, „un de Protestanten siegt. —  
Du heft Din Been wul uf in 'n Krieg verlarn?“

„Bör siew un twinti Jahr bie Fehrbellin,  
As Friedrich Wilhelm noch uns' Kurfürst weer.  
Do harn wi mit den Globen nichts to dohn,  
Wi müssen unse Vaderland beschützen,  
Un it stunn bie de Garr und weer Serfchant.“

„Denn doh uns den Gefalln,“ segt Peter rasch,  
„Vertell uns von den Krieg un von den Kurfürst  
Du geihst mit uns von hier na Hemmingstedt.  
Min Moder giwt Di dar Quarteer för morgen,  
Un öwermorgen kannst Du wieder reisen.“

Dat lat it mi gefallen," segt de Ol;  
„Du wardest jawnl Din egen Moder kenn,  
Dat se sit an dat holten Been nich stött."  
„Min Baderhus is gastfrei ohne Murmeln,"  
Segt Peter stolz, „dat weet Jün all, nich wahr?  
Dat Spill is ut, kamt all mit op'n Hof'  
Si hört hüt abend mit, wat he vertellt."

„Man to, man to!" röp allns dörch enanner;  
Denn bie Fru Bullmacht weern se geern to Gast,  
Wat harn se dar nich all för Appeln eten!

„Nu regelrecht marschier!" verlang de Ol,  
„It kommandeer, un Si sünd min Rekruten.  
Dann geht dat wie bie'n Kurfürst: Stillgestanden!"  
Dat weer en Stimm, de drung dörch Markt un Been.  
De Jungens stund', as weern dat Böm in'n Gaarn.  
„Stellt Ju in Keeg un Glied nu, wie to 'n Danzen!"  
De Jungs de tummeln sit un köm torecht.

„De Post herut! De Dgen vörwärts! Marsch!"  
De Jungs marscheern in strammen Schritt vörbie,  
De Ol de humpel langsam achteran  
Un har naher sin Last, den Swarm to folgen  
Un mehrmals röp he: „Halt!" sit to verpusten.

So köm se endli denn na Hemmingstedt  
Un maken Halt bie Bullmacht Bojes Hofstell.  
Obglief se en Kommando nich mehr hörn;  
Denn de Serschant har doch nich mitkam kunnt  
Un sit entslaten, achter antohumpeln,  
Wiel em dat Hart klopp, wie en Döscherdreeblatt.

Do löp de Protestantensfeldherr rin,  
Um ünnerdes mit Moder to verhandeln,  
Un köm noch eher 'ran as de Serschant.  
He lach un segt: „Min Moder nimmt uns op;  
Uns giwt se Vesper un den Oln Quarteer."

Biedes weer uf de Ol herannerhumpelt  
Un alle güng mit Peter na sin Hus.  
Fru Bullmacht stunn all vör de grote Dör  
Un de Serschant tred' vör un ma' Honnör.



„Ehr Söhn, Fru Bullmacht, het nich blot den Ropp,  
He het dat Hart uk op de rechte Stell;

„Nehm 's dat nich öwel,“ segt he, „dat ik mittam.“

„Ne,“ segt Fru Bullmacht, „kamt man all herin;

De Köfsch de warmt dat Mittagseten op

Un snitt uk Botterbrot för all sin Gäst.

Sett Ju man op de Deel un ruht Ju ut.“

De Deerns de schien den Kummel to verstahn;

Se stellen Holzbüch op de lange Deel

Un leg'n dar Breder op un hahn dat Eten;

De Ol kreeg Bohnensupp un Fleisch un Brot

Un jeder Jung en Botterbrot un Melf.

Un as se eten harn, sett de Serschant

Sik stolz in Positur, von Harten froh,

Dat he vertellen kunn, wat he erlewt har.

„Jungs,“ segt he, „dat sünd fiewuntwinti Jahr,

Dat ik in Brandenburg stund hie de Gard'

Un har en ganzen Tog to kommandeern,

Un all min Lüüd weern grot un slant wie ik.

De Kurfürst Friedrich Wilhelm weer uns' Herr,

En Mann, wie Dütschland em as Kaiser bruk;

Denn de Franzos' seet an de Grenz un lur,

Ob he nichts fischen kunn in 't dütsche Riel.

De Kurfürst, de uk Herzog weer von Preußen

Un etwas Pommerland darto beseet,

Har sik en ordentliches Heer utbild',

Wat he in'n Notfall bruken kunn, wenn he

Den Kaiser schützen wull vör de Franzosen

Un ebenso sin Fru ehr Heimat, Holland

Wo he as Prinz den Krieg studeer un Staatskunst.

Sin egen Land weer uk nich all to seker:

De Polen weer'n kriegerisch un wild

Un uk de Sweden weer nich rech to truen.

Dat köm uk bald, wie he sik lang dat dacht har;

He har en wieden Blick von Jugend op

Un har in Holland Ohr un Ogen brukt.

De Ludwig, de in Frankriek lang regier,

De veerteinst, kôm all mit de Tâhn to Welt —  
Wat kunn man doch von den nich all erwarten!  
Den Herzog von Lothringen jag he weg  
Un nôhm sin Land för Frankrief in Beslag  
Un full togliet uf ôwer Holland her.

Do muß de Kurfürst doch sin Frönd' wul helpen!  
Wi trocken na den Rhein un setten ôwer  
Un nôhm in 'n Winter uns' Quarteer in 't Elsaß.  
De Brandenborger un dat Kaiserheer.  
De Kurfürst weer persônli bie sin Lüd,  
Der Kaiser awer kommandeer von Wien ut —  
Dat kunn ja doch min Dag nich glückli enden!  
Denn wenn de Kurfürst jeeg, dat de Franzosen  
To slagen weern un denn uf richti toslög,  
Denn har de Reichsarmee noch keen Befehl  
Un jeeg gemüttli to, wie wi ehr hauen,  
Un wenn se denn Befehl kreeg, tofotlagen,  
Denn har de Franzmann längst dat Wiede socht.

Wat kunn herutkam bie jo 'n fuln Krieg?  
En fulen Frieden, dünkt mi, mehr doch nich  
Wi slogen de Franzosen dann un wann;  
Doch kôm se immer weller, wie en Hund,  
Wenn em de Fohrmann mit de Sweep een reicht.  
Do trocken wi na Dütchland trüch un lagern  
Den Winter ôwer bie de Burn an 'n Main.

Do steek sit Ludwig, de Franzosenkönig,  
In 't Fröhjahr achter Sweden, uns to argern  
Un uns von Rhein un Elsaß trüchtoholn.  
He muß wul, wat wi dar för Ravers harn.  
De Sweden fulln ut Pommern in de Mark,  
Un Marschall Wrangel brenn un mord un plünder.  
As weern wi noch in 'n dörtingjâhrigen Krieg.

As dat de Kurfürst hör, do ward he wranti.  
„So, Rinner,“ segt he, „nu is 't Tied to Hus,  
Dat wi de Sweden uf mal op 'n Draff bringt.  
Dat Tafeltüg flat dot, wie dulle Hund!  
De Niederie nimmt Fotvolk mit op 't Berd;

Je eher wi to Stell sünd, desto beter.  
Nu denkt daran dat geiht för 't Vaderland."

Do steeg dat Fottvolk bie de Niedereß op  
It seet mit een Draguner op 'n Swarten,  
De gröter weer un stärker as de annern;  
Denn ik wog damals hundertföfti Pund.  
So köm wi abends an bie Katenau  
Un stegen af un störmten ili vörwärts.  
De swedsche Feldwach wurd' gefangen nahm,  
Dat Stadtdor braken un de Mur erstegen.  
De Flinten knattern un de Kloden lüden,  
Un de Besatzung har keen Tied to 'n Sammeln,  
Un de Trompeten blasen all umsonst;  
Denn wer sik retten wull, de löp in 't Feld, — —  
Un wat för Sweden fast weer, eten wi.

De Sweden trocken sik na Hawelberg;  
Doch seten wi ehr jümmers op de Hacken  
Un kregen ehr bie Fehrbellin to fat —  
Dar geew dat denn en regelrechte Slacht.  
De Kurfürst süls weer in de vörsten Keegen,  
De Blößen von de Sweden uttfinden

Wie schüten do de Sweden na sin Schimmel,  
Worop he seet, so ruhi as en Thorn,  
De sik um Wind un Weder gar nich kümmert!  
Stallmeister Froben brocht en brunes Perd  
Un geew dat an sin Herrn un segt ganz drög:  
„De Schimmel ward allmähli möd, Herr Kurfürst;  
It bring den Brun, de is noch stark un frisch."  
De Kurfürst har ut dissen Snack keen arg  
Un tusch mit Froben, wie he wünsch, sin Perd; —  
He dach wul währenddes an ganz wat anners.

Doch kum weer Froben op den Schimmel stegen,  
Do ree he langsam fietwärts dör dat Feld,  
As wull he em bie 'n Buern inquarteern.  
Do schüten alle Sweden na den Schimmel  
Un een verbreite Kugel dröp den Nieder,  
Den goden Froben, in dat brave Hart,

Un as he von dat Berd störrt, segt de Kurfürst:  
„Min gode Froben, hest Du dat so meent?“ —  
Un darbie rulln de Thran em längs de Backen,  
Un uk uns annern wurdn de Ogen natt.

Do röp de Kurfürst grimmig: „Vormwärts Rinner!  
Nu jagt dat Tafeltüg ut Schoh un Steweln!“

Dat löten wi uns uk nich twemal segn;  
Wi störmten dörch dat Feld — wi schöten nich —  
Wi bruken blot dat spitze Bayonett  
Un drewen mit Hurra de Sweden ut,  
Un unse Losung weer: Wer liegt, de liegt!  
Op eenmal flog de linke Fot mi weg,  
Do bleew ik leider uk an 'n Grawn liegn.  
Min Kameraden awer harn keen Tied,  
Sit lang um de to kummern, de nich mitköm:  
Se müssen Sweden jagen, steken, fangn  
Un löten ehr keen Tied, sit to besinn,  
Un uk noch nich, as se in Pommern köm;  
Nu heet dat: Rut! ut Pommern, ganz herut!

Ik kunn mi jülbs verbindn un leeg so lang,  
Bet Krankendräger köm, mi afohahn  
Un na de Kirch in Fehrbellin to bringn,  
Dar har de Stadt en Lazarett ut maht.  
De Dokters nöhm den Unnerschentel weg,  
Un as dat heel weer, kreeg 't en holten Been.  
Do köm en Krankheit uk noch achteran  
Mit Rieten in de Glieder un Gelenke,  
Do muß ik dar noch söben Weeken bliewen: —  
Wat ik in 't Feld nich lehr — wo mi dat Hart sitt —  
Dat muß ik nu in 't Lazarett erst lehrn,  
Un köm in 'n Harwst erst ut de Kirch herut.

Von min Penschon alleen kunn ik nich lewen:  
Do söcht ik mi in 'n Sommer gode Lüd  
Un lew in 'n Winter denn in Fehrbellin.  
Doch ik wull hier ja nich von mi vertellen —  
Dat holten Been het mi darto versöhrt —  
Ik wull ja von den groten Kurfürst snacken.

Indes de sit herumslog mit de Sweden,  
De ut von Lievland her in Preußen rinfulln,  
Un ehr toleß ut all sin Staaten dreem  
Un ehr dat ganze Pommern ut de Hand reet,  
Verdrog de dütsche Kaiser sit mit Ludwig  
Un mak mit em en Frieden, ful wie wat.  
Nimmwegen heet de Stadt, wo se em backen, —  
Den Nimmwegsfreden segt dat dütsche Volk,  
Wiel Düttschland weller Land un Lüüd verlör,  
Uns' Kurfürst ut sogar dat Pommerland,  
Wat he mit Blot un Ißen dör betalt har.  
Do segt he, as he ünnerschriewen muß:  
„Da ward noch ut min Asch en Rächer kam!  
Wer sit op Gott verlätt, is nich verlaten  
Wenn he sin egen Kraft man bruken will.“

Un wat het disse Mann nich sonst noch dahn!  
He het den Kaiser holpen, as de Türken  
Dat schöne Wien belagern un beschöten.  
Har dat de Kaiser Leopold verdeent,  
De em mit Undank jeden Deenst belohn  
Un um sit süls to retten, Wien in Strich löt? —  
He seet in Linz un lur op fremde Hölp!

De Kurfürst nöhm Franzosen fröndli op,  
De wegen ehren Globen ut de Heimat  
Verdreuen wurdn von diffen sülvnen Ludwig,  
De em so manchen Schabernack har andahn, —  
Un as de Pasters anfang sit to kreteln,  
Wukeen von ehr den rechten Globen har,  
Do segt he barsch: „Nu holt Si all den Mund!  
Wer kann so 'n Queeserie mit Andacht hören!  
Zu Kanzel is keen Reperrichterstohl;  
Un wer nich davon swiegen kann, de gah!  
Uns' Herrgott kennt sin Rinner an de Leew;  
De plant mit Wort un Wandel iu min Volk!“

Den Feldbu un den Handel wull he heben  
Un holp de Burn, de Last un Schulden harn  
Un de dörch Krieg in Not un Elend köm.

He löt Kanäle grawen döörch dat Land,  
 Dat se ehrn Dorf un Korn verschepen kunn  
 Un kunn de Stadt mit Kohl un Frucht versorgen.  
 Sin Schep de schulln sogar noch wieder gahn;  
 „Denn Holland“ segt he, „wurd döörch Scheepfahrt riet;“  
 Un darum gründ' he uf in Afrika  
 En Kolonie un nenn ehr Friedrichsborg.  
 Doch sin Soldaten weern keen Handelslüd,  
 Dar har he bie de Gründung nich an dacht: — —  
 He weer ja doch en Mann, de alles kunn! —

Sin Residenz Berlin dat weer sin Schootkind,  
 Dar trock he alles hin, wat nüzli weer,  
 Un rich dat in, so gut he dat verstunn:  
 Boothandel, Zeitung, Post un hoge School,  
 Dat kunn doch Bur un Börger alles brufen,  
 Un wo wat wassen kunn, da löt he planten,  
 Besonders Linden, de sünd wunderschoön,  
 Un in ehrn Schatten het he noch spazeert.  
 Bör twölfs Johr is de grote Landsheer storben —  
 Ik hör, se wüllt em jezt en Denkmal setten;  
 Dat het de grote Kurfürst uf verdeent.

Wi freut blot, dat he domals nich mehr lew,  
 Als de Franzosen noch mal weller grapsen  
 Un denn in Reizwief Freden mit uns maken, —  
 Den Reizweg-Freden segt dat dütsche Volk,  
 Viel Dütschland nochmal Land un Lüd verlör —  
 Zi hebt dat ja vör dre Jahr süls erlewt.  
 Noch is de Rächer also nich erstahn,  
 De ehr den Row betalt mit Blot un Thran,  
 Doch wat min Kurfürst segt, dat mut geschehn,  
 Dat kann uns Herrgott doch nich hinnern wülln!  
 Un nu erst recht nich, nu he bie em is —  
 Un em vertellen kann von all den Jammer,  
 De öwer Dütschland kummt döörch de Franzosen! — —  
 Dar mut en Rächer kam un ut de Mark!  
 Min Hart . . .“ De Ol de rich sit op un stöhn;  
 Dat schien, as wenn he plözli Smerzen föhl.

He greep sit na de Post un segt: „Min Hart!  
Dat stunn wul still — he sack mit eens tosam —  
Un um den Doden weer dat dodenstill.

#### 4. Kapitel.

Wu Jan Heinrich Doh un Etatsrat Boje ehr  
Desper vertehrt: 1800.

Gericht un School dat sünd de Tied ehr Schootkind. —  
Wie se dat worden sünd, dat weet ik nich,  
Dat weet man wul gewöhnli nich bie 'n Schootkind.  
Het Först un Volk en Narren in ehr freten? —  
Hebt se sit goldne Barg'n von ehr verspraken  
För Thron un Altar un för Bur un Börger? —  
Hebt se wul dacht, ehr würdn de Arms möd,  
Wenn se den Dowermot dat Hand'ark leg'n,  
De Oln un Jungen klaren Wien inschenken  
Un lütt un grot in Loht un Tögel holn? —  
Genog, ehr Schootkind sünd Gericht un School.

Min Annamellersch meen, dat weer de Wehrstand:  
Marine, Militär un Polizei,  
Un höchstens Post un Toll un Füerwehr;  
De Rökch, de reet den Dener noch darto:  
De alle drögen ja den bunten Rock,  
De Joseph all as Schootkind kenntli mak.  
Un Plasohm dacht an Bank un Handelsstand,  
Agrarier un grote Gründerien,  
Wiel dar de Millionen lurt un lagert,  
De männimal den Düwel danzen lat.  
It awer bliew darbie — Gericht un School!

Se hebt keen bunten Rock an, dat is wahr;  
Doch daran hebt se wirkli nichts verlarn —  
De weckt den Reid un föhrt in Ruhl un Blot,  
Dat hebt wi dütkli nog an Joseph sehn.  
Un Millionen kennt de beiden blot  
Von 'n Akenünnerriicht un von 'n Prozeß;  
Dar kunn ehr geel un grön vör Ogen ward'n,  
Wenn se so 'n Keeg von Tall'n un Akten seht;  
Wer wull sit darmit wul den Kopp terbreken!  
Wahrteken von de Schootkindschop — dat sünd:  
De Ferien, de schönen Ferien!

Denn schürret se all de Last un Arbeit af  
Un drömt von Bader, Moder, Leew un Fröndschop,  
Von Sünne un Mahn un Steerns un vulle Garben,  
So söt — wie Joseph in sin bunten Rock,  
Un danzt de Düwels nich, wiel Dalers fehlt  
To 'n Reif' na 'n Rhein un Rom, so danzt se jülbs.  
Un singt un springt un segelt dör de Heid,  
Speelt Blindekoh un slat den Drütten af  
Un ward mitünner wirkli weller Kind —  
Dat is en Leben wie in 't Paradies!  
Zwe dägte Männer könnnt mi dat betügen:  
Statsrat Boje un de Rektor Voss.

Jan Heinrich Voss weer Rektor in Eutin  
Un vörher an de Elm in Otterndörp  
Un har an beiden Stellen — Ferien.  
Wu kunn he sonst Homeer wul öwersetten,  
De Iliade un de Odyssee?  
Dar hört nich blot Gelehrsamkeit un Kunst,  
Dar hört vör allen uk noch Muße to  
Un Dichterstimmung, wie se op de Heid waht —  
Dat Wäd'en ut de Fremd', as Schiller segt —  
Un dat kunn blot de Ferien em toföhrn.

Statsrat Boje, Voss sin Schwager, wahn  
In Melbörp, dacht un dacht un schreew wie Voss.  
Un kunn dat uk nich ahn de Ferien.  
Un op de Universität, as beide



Mit all ehr jungen Frönd' den Hainbund stiften,  
 De för de olen Dütschen swärm un Klopstock — —  
 Se güng bie Mahnschien ut 'n Dohr un sung'  
 Un stelln sit um de Eken in den Hain  
 Un smeten all ehr Mützen in de Luft  
 Un leg'n se op 'n Hüpen ünnern Boom  
 Un trocken Hand in Hand bald rechts, bald links,  
 Un röpen jede Eck to 'n Tügen an,  
 Un Mahn un Steerns, de herünner winken, — —  
 Se wullen Baderland un Fröndschoop ehrn —  
 Harn s' do wul Ferien entbehren kunnt?  
 Dat dütsche Riek weer arm — un kahl un sur,  
 Man kunn sit an de Politik nich freuen;  
 Do weer dat söt, von betern Tieden dröm:  
 Ut ehren Hain schull niees Leben quellen  
 Un in de Ferien döörch Dütschland strömen —  
 Dat schull en söte Eck wardn för Studenten, —  
 Dar hörn de sötten Ferien doch to,  
 Wie Zucker un Kannel to Melk un Ries! —  
 Un nößen, as sit Boß verheirat har  
 Mit Erna Boje, un se wulln sit sehn,  
 De beiden ol'n Studiengenossen,  
 So muß dat wesen — in de Ferien.  
 So as de Summer köm von achteinhundert,  
 Do schreew Etatsrat Boje an sin Swager:  
 „De Dag de negt sit, dat wüll Abend ward'n:  
 Bul' weet, wie lang' wi noch mitlopen dörfst, —  
 Du mußt mit Fru un Kinner nochmal kam  
 Un mit mi pludern von de olen Tieden.“  
 Un Boß de pack un Fru un Kinner pack'n —  
 Mit Kind un Regel reisen se na Melbörp —  
 Natürli weller in de Ferien. — —  
 Wi find' de beiden olen Frönd' in 'n Besel.  
 „Du, weest noch, Boß, as wi den Hainbund stiften,“  
 Segt Boje, „de schull Land un Lüd' verjüngen!  
 De Musenalmanach dat weer uns' Spratfrohr.  
 Twe dütsche Försten seeten op 'n Thron,

Dar muß de ganze Welt Respekt vör heb'n,  
De grote Friedrich un de twete Joseph!  
Dat weern de Fürsten un dat weern de Börsten,  
Un doch so slicht un eenfach wie en Börger!  
Dat weer en Tied to höpen un to strewen!"

"Ja, ja," segt Voß, „dat weer en schöne Tied;  
De Krieg weer endli ut, un beide „Fürsten“  
De wullen Wetenschop un Wulfahrt heben,  
Un meen dat god, en jeder mit sin Staat;  
Doch weern dat leider twe — dat kunn nich gahn;  
Twe Herren künnt en Land nich glüclli maken,  
Wenn jeder blot dat halwe hegt un plegt,  
Un keener um dat ganze sit bekümmert —  
Dat dütsche Riel kunn nich dabic bestahn.  
Dat seeg'n wi bald — de Kaiser Joseph lang'  
Na Baiern, um sin Hälste to vergrößern;  
Do stift de König rasch den Fürstenbund  
Un böd' den Kaiser Schach un sett em matt —  
Do stunn wi weller dicht vörn Bürgerkrieg."

„Den hebt uns de Franzosen glüclli afnahm,  
De maken ut ehr Land en Republik,"  
Segt Voje, „dat is uf för uns dat Wahre,  
Dar könnt wi richiti noch wat von ehr lehrn."

„Dat weet ik nich," segt Voß, „dar grut mi vör;  
Du sühst nu doch, wie dat in Frankriek geiht,  
De Republik de fritt ehr egen Rinner;  
Schallst sehn, de ward' ehr Rawers uf nich schon.  
De Erste Konsul Bonopart de süht —  
Bellicht het em Aegypten so verbrennt —  
Mi as en Für- un Menschenfreter ut;  
De ward uns bald vertell'n, wat he will,  
Un wi — wi sünd keen Riel — wie sünd twe Happens."

Fru Aelter köm un hör ehrn Mann un segt:  
„Sünd Zi all weller bie de Politik?  
Denn mut ik mal vernünfsti mit Zu inaden.  
Ik kam soeb'n von Koopmann Thießen 'röwer,  
Dar is dat ganze Hus uf vull Beiöt."

De wüllt hüt n middag en Utsahrt maken,  
Mit Mann un Mus na Dusenndüwelswarf,  
In England, glöw ik, nennt se dat en Picknick.  
Ik denk, dat lat Si Zu doch nich entgahn.  
De Westerdieker Möller Jakob Sierax,  
De Buer Hinnert Dücker ut Menghusen  
Un Bullmacht Paulsen, Rektor Boß un Boje —  
De ganze Blas' mit Fru un Kinner sünd  
Tosam siew Wagens vull — dat ward'n Leben!  
So hebt wi dat in'n hooen Rat beslaten."

„Mi dünkt, de hoge Rat," segt de Statsrat,  
„De nimmt sik doch en beten vel herut,  
Wi hebt uns' Republik doch noch nich weller,  
Un Frunslüd hebt uf dar noch nichts to seg'n."  
„Dat fällt uns," segt Fru Boß, „uf garnich in,  
Wi wüllt nich kommandeern, wi fragt ja blot,  
Un wer vernünftig is, de giwt uns Recht;  
De Olen folgen Telsche Kumpen uf,  
As se ehr mit de Fahn vöran marscheer.  
Min Mann, de schriwt all lang' an sin Idyll —  
Un dat schall uf sogar Luise heten —  
De kunn vellicht wat lehren bie dat Picknick;  
Nich wahr, min Boß, Du kannst darbie nich fehlen?"

De Rektor lach un segt: „Wenn Boje will,  
Denn gah ik mit na Dusenndüwelswarf,  
Ik much dat so wie so mi gern mal ansehn."  
„Denn hün ik öwerstimmt," segt de Statsrat,  
„Min Grundsatz is, de Gast de giwt den Utslag.  
Min Vaderhus is gastfrie ohne Murmeln —  
Dat het Grotvader all ins segt as Jung."

„Stiegst Du denn uf in'n Keller," segt Fru Rektor,  
„Un söchst na goden Rheinwien för de Gäst?  
To'n Picknick hört en ordentliches Wesper.

Wi Frunslüd sorgt för Eten un Geschirr,  
Dat packt wi in de Körb' mitsamts Din Rheinwien."

„Na, denn man to, dar is ja nichts to wüll'n!"  
Segt Boje, lach un gung mit Boß na'n Keller.

Um dre fahrn alle Wagens mit ehr Ladung —  
 De Herrn, de Fruns, de Kinner un de Rörf —  
 Un höln um veer bie Dufendbüwelswarf.

Dar steeg de ganz Gefellschaf raff un släp  
 De swaren Rörf in Isebrand sin Schanz;  
 De Rutschers spann ehr Peer ut, bund' ehr an,  
 Leg'n Decken op un gewen ehr dat Foder,  
 Wat jeder för sin Tiere mitbrocht har,  
 Un blewen bie de Wagens un höln dar Wacht.

De Luft weer blau, de Sünn de schien so warm,  
 Un Lark un Riewit wunnern sit nich wenig,  
 So vele Gäst op eenmal hier to sehn.  
 De Lark flog in de Höch un jubileer,  
 Un Riewit achteran un röp: Wo blieb ik?

De Gäst de wußten amer, wo se blewen.  
 De Olen lagern sit an'n Wall in't Gras,  
 De Jungen speelen Blindekoh un jachtern  
 Un sorgten för de Oln ehr Ogenweid  
 De Blindekoh smeet gern den Kopp in'n Nacken,  
 Bequem vörbietofieken an de Näs',  
 As weer't nich enerlei, wuteen se greep,  
 Un de Studenten, Boß sin beiden Jungs,  
 De greepen geern de grötsten Deerns herut,  
 De Döchter von den Bullmacht un den Koopmann,  
 De muchten se de Ogen gern verbind',  
 Un löten sit gewalti Tied darbie,  
 Besonders Heinrich, wenn he Gretchen Paulsen  
 Dat Taschendooß um Og un Backen lä,  
 Un Gretjen har denn jümmers gar keen Tied.  
 Wie kunn so'n junges Ding von achtein Jahr  
 Sit ut wul opholn bie so'n Tünnelfram! —  
 It glöw, Fru Bullmacht seeg dat gern mit an.  
 De anner Boß, de Abraham, dagegen,  
 De horch as Blindekoh so lang herum,  
 Bet he Helene Thießen lachen hör  
 Un schöt denn op ehr dal, as weer he 'n Häw,  
 De sit en Duw in 't Flegen griepen will,

Un Vene löp und lach un freijch un deh,  
As meer se wirkli nu de arme Dum,  
De nichts as Not un Dot vör Ogen seeg. —  
Fru Thießen awer, glöw ik, dach doch anners;  
Se lacht un segt: „Dat meer din egen Schuld.“

„Nu speel wi Drünnen-Affslagn“, segt Fru Rektor,  
Un stell de ganze Männlichkeit in 'n Kreis —  
De dicke Bullmacht wull nich gern daran,  
Fru Rektor awer löt sin Gründ' nich geldn —  
Un jeder Adam wink en Eva 'ran,  
Berneeg sit deep un löt er vör sit Platz nehm —  
Do bleew de lütte Telsche Thießen öwer.

„Du stellst Di nu vör een von disse Paare;  
It griep den drünnen denn, de achter steiht,  
Wenn he vörher nich Platz find.“ segt Fru Boß.

Dat Spill fung an un Telsche stell sit zaghaft  
Vör ehr lütt Moder, de ehr fröndlich wink.

„Dat meer nich nett, Fru Thießen“, segt de Bullmacht;  
Wie schall ik mi nu retten vör Fru Rektor?“

„Dat mut versöcht warn“, segt Fru Thießen lachend.

Fru Rektor, köm uk all un wull em griepen;  
De Bullmacht wull sit gern vör Telsche stellen,  
Fru Thießen in desülwe Not to bringn —  
Denn de mög uk ehr hundert sößti Pund.  
Wu löp he langs den Wall un dörch den Kreis,  
Den Racheplan mit Anstand utfoörn.

Dat glück em nich, he har to vel to dregen;  
Fru Rektor freeg em doch vörher bie 'n Wickel  
Un stell sit vör Fru Sierau, dat de Rektor,  
De achter stun, dat Wide söken muß.

De Bullmacht har nich an den Drünnen dacht,  
Un Boß köm glückli weg un fund noch Platz  
Vör Anna Paulsen -- un so gung dat wieder.  
Dat meer en Ropen, Lopen, Kreischen, Lachen,  
Bet sit de olen Lüd verpusten müssen.  
Do spel dat junge Volk so lang' alleen,  
Bet se sit uk verpusten wulln an'n Wall.

Boß lager an den Schanzwall neben Boje  
Un segt: „Du kunst uns an Wulf Isebrand  
Un iin Verdeenst um Land un Lüüd erinnern.  
Denk Di de ganz Gesellschaft as den Hainbund.“

„Du weerst de Seel von'n Hainbund, Boß,“ segt Boje.  
„Wenn 't wat to denken givt, mußt du vöran.“

„Ik bün en Medelborger,“ segt de Rektor,  
„De Landsmann mut erinnern an den Landsmann.“

Do krabbel Boje op den Wall un trock  
Sin Schlüsselbund to'n Lüiden ut de Tasch  
Un lüüd' un wink, bet allens um em sweeg.

„Gewt mi en Ogenblick Gehör,“ segt he.

„Min Ahnherr weer all damals bie dat Eten,  
Dat König Hans to 'n Besten gew in Melbörp  
Un munter alle op, doch datolang.

He höl keen Red, dat will ik uk nich dohn.

Ik will ju blot erinnern an de Dat,

De uns na drie Jahrhundert noch begeistert,  
An Krieg un Sieg för Vaderland un Frieheit  
Un an den Buernheld Wulf Isebrand. —

Wi siert hüt dat Grassbeer för den Sieger —

Un denkt en beten nieder as de Buern,

De damals för ehr enge Heimat kämpfen, —

Wi hebt en grote Heimat vör de Ogen —

De ganze Welt — wi sünd Weltbürger worden:

Denn Dänen ward' wi nu un nimmermehr —

Dar maß wi gode Mien to 't böse Spill.

Weltbürgersinn — dat mut uns' Losung wesen;

De Losung het dat lezt Jahrhundert opbrocht,

Un dar tritt Goethe uk för in mit Schiller.

De plant wi op Wulf Isebrand sin Grass,

De lewt ja noch un ward denn uk wull wassen.

Ik hef twe Eten mitbrocht ut min Gaarn,

De lat uns planten för de groten Dichter “

As Boje sweeg, do stunn de Vullmacht op.

„Etsratsrat Boje het dat rechte drapen,“

Segt he, „nich wahr, wi plant de Böm hier in?“

„It hef dar uf nichts gegen,“ segt de Kelter;  
„It kann man blot nich glöwen, dat se waßt.  
Wi hebt noch keen Gerät, ehr intoplanten —  
It meen en School, wo man de Dichter leßt.  
Dat ward uns gahn, wie Bernhard Basedow,  
As he in Dessau anfang mit sin School.  
He wull Weltbürger treden, Minschenfrönd',  
De schulln nichts lehren, wat se nich verstund'n.  
Se schulln von Anfang an mit korte Haar,  
Mit frien Hals un glieke Kleidung gahn,  
De School opföken, wie 'n gedeckten Tisch,  
Wie 'n Rosen-Abc dat Lesen lehren  
Un speeln un turn un fechten, wie to Hus.  
He wull de Root nich bruken in de School;  
De Lust un Leew to 'n Lehren schull ehr ersetten —  
Dat har wul gahn kunnt, awer güng doch nich.  
Doch lat uns dat versöken — Messer her!“

Do grepen all de Jungen in ehr Taschen  
Un Boß beteken ehr den Platz un hölp.  
De beiden Planten wurdn von'n Wagen halt —  
Dat dur nich lang, so stund'n se in de Schanz,  
Un de Statsrat hal en Buddel Wien  
Un göt ein an de jungen Stämm un segt:  
„Nu waßt un grönt un gewt uns' Rinner Schatten!“

Do saten sit de Jungen bie de Händ  
Un danzen Ringel-Rangel-Rosentranz;  
De beiden Studenten, Boß sin beiden Jungs,  
Un de Primaner Thießen, Paulsen, Sierau  
Mit ehr Geswister bildn den Rosentranz  
Un danzen, kniffen, jachtern un beslöten  
Den groten Akt von 't Picnick mit Gesang.

Un as de Jugend sit verpußt har, wies  
Fru Bullmacht op de swaren Rörw un segt:  
„Nu, glöw it, ward dat Vesper uns all smeken.“

Do maken sit de Dänzer an 't Geschäft  
Un haln all de Rörw un Risten 'ran,  
De jungen Mädjens ordnen dat Geschirr,

De Fruns besorgen Brot un Räs' un Botter,  
De Männer trocken all de Flaschen apen  
Un fülln all de Gläs' mit Rheinwien an  
Un Boje segt: „Langt to, Si lewen Gäst,  
Dat givt de König Hans uns hüt to 'n besten.  
Dat erste Glas op den Gutinschen Löwen —  
So hebt uns beiden Dichter Boß ja döft —  
Wat nich to lewen döcht, mag he terrieten!  
He awer schall mit Fru un Rinner lewen —  
Hoch Rektor Boß, de Löwin un ehr Jungen!“  
Do stötten alle an un röpen: „Hoch!  
Hoch Rektor Boß, de Löwin un ehr Jungen!“  
Un dann lang'n alle to un löten sit  
Dat Besper smecken, wie en Siegesmahl.

De Koopmann Thießen segt: „Den Börgerfinn,  
Den much ik hier noch mal to 'n Utdruck bringn.  
Wi brukt nu keen Latin un Griechisch mehr —  
Dat het de Rektor uns ja översett —  
Wat schüllt uns Rinner sit noch darmit quäl'n!  
Se lehrt dat doch nich halb sa god as Boß,  
Un könnt dat denn in't Leben uk nich brufen.  
Wi Börgerklüd, wi brukt dat Dütsche blot;  
Wi hebt an unse Duppelspraak genog:  
Dat Plattdütsch för de Blog, för Butt un Pann —  
Dat Hochdütsch för de Wetenschop nn Kunst —  
Un beide Sprachen mögen lewen — hoch!

Un weller stötten alle an un röpen:  
De beiden dütschen Sprachen lewen hoch!  
Do röp Fru Rektor lut: „För Butt un Pann?  
Darbie heft Du wul an uns Frundklüd dacht!  
Wi hebt uk Lust to Kunst un Wetenschop,  
Un hebt as Minschen uk en Recht darop.  
Wi lat dat nie' Jahrhunnert nich vergahn,  
Dit Recht uns uttowirken un to öben, -  
Un darop, all Si Frundklüd, stöt wi an!

De Männer lachen, un de Frundklüd stötten  
Begeistert mit Fru Rektor an för't Recht, —



De Rinner uf, dat kunn ja gar nich fehlen,  
Un Jakob Sietau segt: „Nu kummt de Bosß  
Wul uf ut Lock herut, sonst nimmt sin Fru —  
Nich blot dat Wort, ne, uf dat Regiment.“

„Dat het noch gar keen Not,“ segt Hinnerk Dücker,  
„Denn brukt he blot mit ehr Latinsch to snacken,  
Un wenn dat uf nich helpt, denn snackt he griechisch.  
De Bosß het mehr as een Lock in sin Bu.“

Do greep de Rector na sin Schlüsselbund.  
„Ja, Rinner,“ segt he, „wenn Si 'n Ogenblick  
Mi anhörn müllt op Dusenbüwelswarf,  
Denn much ik erst en lütt Geschicht vertellen.“

Dar weer mal ins en oles, oles Paar,  
Dat kreeg Besöf — twe Mann, en oln, en jungen —  
De harn se nie in ehren Leben sehn.

Se kunn nich weten, wat ehr hersöhrst har,  
Un ob se ehr wat bringn wulln oder haln.  
Doch daran dachten unse Olen garnicht;  
Se nöhm de beiden Fremden fröndli op  
Un böb'n ehr Platz, as weern dat ole Frönd'.

Nichts weer to god, to düer un to fett,  
Wat Köf un Keller har, dat muß to Disch.

Dat gung dar her, wie bie Etatsrat Boje —  
Se weern gastfrie, aber ahn to murmeln.

Un as de beiden Gäste Affscheidung nöhm,  
Do segt de ältste von de beiden Fremden:  
„Nu segt mal, wat Si wünscht, Si beiden Olen,  
Ik sorg darför, Si kriegt dat op de Stell.“

Do harn de Olen leider nichts to wünschen,  
„Wi hebt ja all'ns,“ segn se, „wat wi brukt.“ —

Wi hebt ja uf en Gast hatt, lange Tied, —  
De Söb'ntein — de het nüllich Affscheidung nahm,  
Un segt nich swart noch witt un frag uns nicht,  
Wat se uns gewen schull as Gastgeschenk;  
Se löt uns stahn un op de Achtein kieken,  
De mit den nie'n Kalender intrüdt is.

De will nu hunnert Jahr bie uns loschiern,

Um unser Dohn un Driewen to beachten  
Un antoschriewen, wat uns quält un freut.  
De steiht nu stumm un stief vör beide Kullen,  
Un wat se in ehr Krufen halt un bringt,  
Glück oder Unglück, kann uns keener segn.  
Se ward de Welt uf stief un stumm verlaten,  
Un keen von uns ward ehren Afsscheid sehn —  
Wüllt wi ehr hüt nich seg'n, wat wi uns wünscht?

Min Fru, de ümmer glief bie't Wort is, het  
Ehr'n Wunsch all eben bie de Achtein anbrocht  
Un het sik dar benahm, wie Bader Jakob,  
As em uns' Herrgott eenmal süls besöcht.  
„It lat Di nich,“ segt he, „bet Du mi segenst“  
So ungefähr het uf min Fru dat makt.

It much dre Wünsche bie de Achtein anbring'.  
Min erste Wunsch, dat is en dütsche School,  
Wo Mann un Fru sik dütsche Bildung halt —  
En hübschen Picnickplatz för Jungs un Deerns;  
Rundvörrat ward de dütschen Dichter lewern. —  
De twete is en dütsches Sleswig-Holsteen,  
Dat sik, wie Isebrand, de Dän' von'n Hals schafft  
Un sik in'n Dusenbüwelswarf verwandelt,  
In'n Bullwarf för dat dütsche Vaterland,  
För't ganze dütsche Riek en söte Ed —  
De dritte is — en echten dütschen Kaiser,  
Von Kopp to Foot tosamsmöllt ut de Ach  
Von 'n groten Friedrich un den tweten Joseph.  
So is dat Graff op Dusenbüwelswarf  
En Kap der goden Hoffnung — stöt wi an!  
Min Wunsch mögt lewen in dat dütsche Volk,  
Bet sik de Achtein röhr't, ehr to erfüllen!”

Do stötten alle an mit Rektor Boß  
Un röpen: „De dre Wunsch de lat wi leben  
Wie uns un bie uns' Rinner! — Prost Jungdütschland!“  
Un darmit wenden se sik an de Jungen  
Un segn, se schulln de Achtein wacker helpen,  
Un de versproken denn, se wulln dat dohn,

Un saten mit de Dln sit bie de Hand  
Un danzen Ringel-Rangel-Rosenkranz,  
Bet de de Pust utgung, — toerst den Bullmacht,  
Un denn de annern, bet se alle stund'.

Do seeg de Bullmacht na sin Uhr un segt:  
„Nu packt man in, Zi lewen Gäst, dat's Tied,  
Dat wi to Wagen stiegt!“ Un all de Fahrgäst  
Berlötten Dusenbüwelswarf un köm  
Mit Sonnenünnergang in Melbörp an. —

De Achtein aber keek in beide Kruten  
Un smuster, seeg sit um un buck sit dal  
Un lä wat rin un nöhm ehrn schewen Gang, —  
Un fund tolekt doch för de Sack en Stähl,  
Dat Unkrut uttoroden, wat uns quäl,  
Un darför intoplanten, wat uns fehl.

---

## 5. Kapitel.

Warum ik na Dusenbüwelswarf reis' un wat  
ik mit de Achtein un Regentein verhandel: 1900.

### I.

As Rechter hef ik manchmal natojehn —  
De Arbeit von de Lütten un de Groten.

Mitünner is dat gar nich angenehm.  
Wenn Fliet un Iwer nich togegen sünd  
Un uf nich vörbud hebt to rechter Tied,  
Denn ward dar manchmal dicke Bummels makt;  
De staht denn pazi dar, wie Dorn un Distel,  
Dar kann man sit de Finger an verwund'n,

De lat siſt nich beröhrn un vertilgen,  
Un wer se anſehn mut, de kann ſiſt ärgern,  
Un dat is weller 'n Fehler, de nichts ändert  
Un blot de gode Stimmung noch verdarwt,  
So dat man ſülbs denn licht en Bummel maſt. —  
Dat Vörbudn dat is beter as dat Naſehn;  
Denn wo keen Fehler is, da is keen Aergger.

Doch uf dat Gode ward bie 't Naſehn fund'n,  
Un wer dar nich na ſöcht, de dögt nich vel,  
Un wenn he uf Regierungs=Scholrat is,  
De ſleit de Luſt un Leew to 'n Arbeidn dot.  
Süht man dat Schaffen ſülbs, den Fliet, den Iwer,  
Den muntern Gang un Drang na 't rechte Ziel,  
Denn is dat An- un Naſehn en Vergnügen —  
Dar kann man faſt dat Gras mal waſſen hörn. —  
Un tritt de Arbeit as en Utſtellſtück,  
Wie Schönschrift, Teeknung, Stickerie un Snizwert,  
Vör Dgen — ſauber, richtig un gefällig —  
Un Fliet un Iwer unſichtbar darin,  
Denn is dat Naſehn weller en Vergnügen,  
En Dgenweid, wie 'n Wand mit hübsche Biller.

It har de Arbeit von de Achtein anſehn,  
En grotes Stück, ſo 'n dreunſöbntig Jahr, —  
Warum ſchull it op Duſendbüwelswarf  
Nich uf mal naſehn, wat min Landslud dahn harn,  
De Achtein un Wulf Iſebrand to ehren? —

It har de Achtein all en Tügnis utſtellt:  
„Im ganzen gut“ — dat weer ehr nich genug.  
Se güng verdreetli ut de Dör un luhn  
Un an ehr Wellertam is nich to denken.  
Wat ſchall it darbie dohn? Pilatus ſegt:  
„Wat it mal ſchrewen heſ, dat heſ it ſchrewen.“  
De Achtein is all öwer alle Barga;  
Doch eh 'r it reiſ' na Duſendbüwelswarf,  
Kunni it ja gern en Breew noch an ehr ſchriewen.  
Woto heſ it dat Schriewgeſchirr ſonſt fregen,  
As it mit ehr min Jubiläum fier?

De dütsche Post is findig, wie en Falk,  
Un ward wul utfinn, wo se hukt un luhnt:  
Ik schriew de Achtein gliest en langen Breev.

Altna, 1. 1. 1900.

„Min lewe Achtein!

Süh, dat beihet mi leed,  
Dat Du so still un trurig von mi gänglichst,  
As Du de Neegntein inlöstst in de Dör.  
Du schienst mi mit Din Tügnis nich tofreden;  
Ik mut Di dat mal ut enanner plücken.

Süh, dat Jahrhunnert is noch nich to End,  
Wat wi mit Din Verlöf dat neegnteinst nennt,  
Wat Hans un Franz uk segt, un Jakob gar,  
De sonst keen A för 'n U sik maken lett.  
Dar stah ik op Din Sied, dat weest Du doch!  
Mit neegn un neegnti is keen Hunnert vull;  
Du lehnt de Neegtein blot Din leeren Kruken,  
Wiel dit Jahrhunnert döpt weer op ehrn Nam,  
Wie dat so Mod weer in de olen Tieden;  
De Söbntein har dat uk ja dahn bie Di.  
Warum willst Du denn um min Tügnis luhn?  
Du weest doch süls am besten, gode Achtein,  
Wu bannig Du uns op 'n Draff brocht hest.

Dat mut ik Di betügen: Hunnert Jahr  
Hest Du de Minscheit deent mit Fliet un Iwer,  
To Boof to bringn ehr Unglück un ehr Glück,  
Geburt un Dot un wat dar twischen full;  
Dat kann Din argste Fiend Di nich bestrieden.  
Un darbie hest Du ehr vull hnnnertmal  
Dat Börjahr brocht un Summer, Harrost un Winter,  
Un jede Zahrestied har, wie sik dat hör,  
En ganzen Barg von Gaben in ehrn Schoot,  
De man sik ansehn un vertehren kann.

Dat Börjahr brocht uns Blom un Nachtigallen,  
Un puß de franken Lüüd de Post torecht,

Un steeln dat ut, as wenn dat Biller weern.  
Un Du? — It glöw, Di gung de letzte Seufzer  
Von'n olen Götthe wirkli mehr to Harten,  
As disse niee Richtung von de Kunst.  
„Mehr Licht!“ segt he, as dat to'n Starwen gung;  
Do slögst Du grimmig an den Fels, wie Moses,  
Un löst Petroleum heruterström,  
Un nößen Gas ut Lorf un Steenkohl braden,  
As weer dat Speck von'n Walfisch oder Seehund,  
Un endlich gar elektrisch all'ns belüchten.

Un all wat los un faß is, satst Du an,  
Mit Dampf, Benzin un op elektrisch gar.  
De Räder löpen, dat se hul'n un brumm,  
Un wer dörchut to Foot noch mit ehr wull,  
De steeg op't Rad un radel achteran.  
De Frunslüd kreeg'n sogar noch Lust to radeln,  
Un Du — weerst gliest bie Hand, ehr Berd to sabeln.  
Du heft wul dacht: Se hebt ja Tied darto;  
Dat Spinnrad steiht ja lang' all op'n Böhn,  
Womit se fröher sit de Tied verdrewn,  
Wenn se sit in de Spinnstuw wat vertelln,  
Von em un ehr, wu se tosam kam sünd.  
To prühn un stricken brukt se uk nich mehr;  
Dat Wewen is all jahrelang keen Mod, —  
Du heft för all'ns ehr Maschinen schenkt,  
De könnt dat beter, as de slanksten Finger,  
Un malen, sing' un spelen könnt s' nich all,  
Un Rinner het nich jede to ertrecken, —  
Schüllt denn Romane lesen Dag un Nacht?  
Schüllt se ehrn Vader sin Geschäft besorgen?  
Uns starken Männer all de Arbeit afnehm?  
Wat schüllt ehe Bröder denn, de groten Slüngels?  
Schüllt Frunslüd soziale Fragen lösen?  
Dat könnt se erst, wenn's deent hebt as Soldat, —  
It kann dat uk nich tadeln, lat ehr radeln.

Doch för en Snellpost gung Di dat to langsam.  
Dar klütert Du en anner Ding torecht,

Den Telegraphen un dat Telephon.

Do kôm en Bericht wie en Blik herôwer;  
Wi hörn, wat Leipzig un Berlin uns topuß,  
Un wenn wi fragen, kreeg'n wi gliest de Antwort.  
Du fragst sogar de Sünne un Mohn nn Steerns,  
Worut de Iewige Gott ehr opbut har.

Do kôm uf gliest de Antwort — klar un wahr —

Un Analyse schreew dat an de Wand,

Wat Di de Himmel offenbar in't Spektrum:

„Wi sünd mit Zu von gliesten Schrot un Korn!“

Do meen de Lüde, se harn de Ratt bie'n Steert,

Un kunn nu bald dat Gras uf wassen hör'n,

Un mit 'n Luftballon na'n Nordpol flegen.

It glöw, it glöw, Du heft Andree verlockt!

Un wenn he dar nu ünner Nordsteern hängt,

Von Nordlandsfrost un Wirbelwind bedrängt,

Un ünner em „nnf' Iewige Geer“ sit küselt,

Bet em de Swindel packt, dat he beswögt,

Denn heft Du Di un em wat Nett's anrögt!

Do wurd' Di um de Menschheit doch wol bang',

Dat Du ehr ganz un gar den Kopp verdreihst.

Do dachst Du an de Inschrift in den Tempel:

„En jeder schull toerst sit süls erkenn“,

Do lüchtest Du uns mit Röntgenstrahlen dörch,

Dat wi uns ansehn kunn bet op de Knaken

Dat dütsche Volk, gestah dat man min Deern,

Dat is de lekten Jahr Din Schootkind wesen.

Du geewst em „Reich un Kraft un Herrlichkeit“

Dörch Kaiser Wilhelm, Bismarck, Noon un Nolke.

Gewiß, dat Kleewerveer heft Du uns schenkt,

Dat ward dat dütsche Volk Di nich vergeten,

Uf nich Din Flit un Mäh um dütsches Recht

Von 'n Bodensee bet an de Königsau.

Bu heft Du söcht un sammelt, slikt un strikt,

Bie Dag un Nacht, dat Börgerli Gesetzbof

Noch klipp un klar bie 'n Abschee rintolangen.

Bie Schuld un Schädigung, Geschäft un Schenkung,

Wie Pacht un Pand, wie Tusch un Testament  
 Kann nu dat dütsche Volk sin Recht studeern, — —  
 Wenn em dat Swarte nich inwegen is.  
 Gottlof, dat dütsche Riel dat is en Land,  
 Wo Recht Gewalt het un Gewalt keen Recht;  
 Denn wat dat Reichsgericht in Leipzig segt,  
 Dat gelt von Straßborg bet na Königsberg.

Hest Du em uk nich all dat Speeltüg schenkt —  
 Dat hübsche rode Dreed Helgoland,  
 Un Kamerun un Toga, Swakopmund,  
 Ostafrika, Ginea, Kiautschau,  
 Un endlig noch Samoa in de Südsee?  
 So 'n düres Speeltüg het keen Patentkind. — —  
 Doch Sleswig-Holsteen hest Du — preußisch maht;  
 Dat har de Rektor uk nich so bestellt.  
 Ik hef dat lang vergeben un vergeten,  
 Denn wie so 'n lütten Staat kummt nichts herut,  
 Als Krieg, Krakeel un krumme Winkelzög,  
 Un de dar op 'n Thron sitt wie den Kaiser  
 Dat is ja en Prinzess ut Sleswig-Holsteen,  
 Un wiel ehr Kaiser uk noch König is,  
 Hest Du ehr dat wul schenken wullt as Utstür;  
 Wi kunn ja uk keen Bullmark darut maken,  
 Un dat har doch de Rektor uk bestellt.  
 Dar hef ik denn uk garnichts wieder gegen;  
 Harst Du den König uk de Flott man schenkt,  
 De wi uns but harn in den Dänenkrieg!  
 Har England Di wul grad en Drinkgeld geben,  
 Dat sin Vertreter do in Frankfurt segn dörf:  
 De swartrotgoldne Flagg de kenn he nich? —  
 Seeräuberscheep weern all de dütschen Scheep,  
 De ünner disse Flagg dat Meer befahrn?  
 Se würdms uk so begrüeten un behandeln;  
 Dar hest Du do Din Nam uk ünner sett,  
 Un dat, min lewe Achtein, weer nich nett.

De Flott, de Flott, dat is so recht Din Wies!  
 Dat kann 'k Di nich vergeben un vergeten —



De löst Du erst dörch Hannibal verköpen,  
 Damit Din Böth man nich to See gahn schull,  
 Wie jene ole Fru den Bactrog tweislög  
 Un ünnern Süergrapen em verbrenn,  
 Dat Water darmit antowarm to 'n Baden.  
 Nu sitt de Bundesrat in Durban faß,  
 De General ward unnersöcht ia Aiden,  
 Din Böth löpt op un dal an 'n Strand un schriet,  
 Un England — hört em schrie'n un lacht em ut.  
 So dummerhaft kann blot en Achtein wesen!

De dütsche School — Du weest, dat is min Schootkind!  
 It sung ehr all in Heid dat Weegenleed,  
 As Sleswig sit un Holsteen weller fund',  
 Um faß to holn op ewig ungedeelt.  
 Un Bosse sin (Du hest em uf ja kennt,  
 De tred ja eben vör Di ut 'n Deenst) —  
 De dütsche School hest Du uf nich vergeten.  
 As Du in 'n Deenst tredst, fung se an to plötern,  
 So söt un so natürli as en Kind.  
 Do nöhmst Du ehr mit Freuden op 'n Schoot  
 Un brochst ehr op 'n Spohn — dat beh de Leew! —  
 Un nöhmst as Lehrer Pestalozzi an.  
 Du drogst sin flusi Beswart mit Geduld  
 Un löst em ünnerrichten na sin Grundsatz:  
 „Naturgemäß, anschaulich, lückenlos!“  
 Doch as Du den begrawen laten mußt  
 Un seegst, dat Hans un Franz dat arme Kind —  
 In Mühlere Reglative faß insnört —  
 Dörch Aewerfütterung verdarben wulln,  
 Wie dat de Tanten mit Bonbons versökt,  
 Do röpst Du Diesterweg un frögst um Rat.  
 „Selbstthätigkeit“ segt he, „de kunn ehr retten,  
 Ganz na de ol Method von Pestalozzi.“  
 Do satst Du denn uf gliet mit Iwer an  
 Un smeest den Mühler rut un andre mehr,  
 Un endli löst Du Falt herinner kam,  
 As Allgemein-Bestimmung antonageln:

„Kammern. erbschlich, i  
 Selbsthängen, erbschlich u  
 Dat bet he denn uf dahn,  
 Un Siemark, wenn he Die  
 Do is dat denn uf mähli  
 Ohglief Du falk nich utre  
 Biel he de Kirch en in D  
 Kattammer, meert Du, u  
 Un de ichreew doch en eg  
 Dar bet Din Luhn uns n  
 Du harit jamal en Karre  
 Wi dückt, denn harit Du  
 De School, wie Kanzlera  
 Von A bet Z nu von de  
 Wi nehmt de Rinner der  
 Un lat ehr uf to Niejahn  
 Denn kann de Kirch ehr  
 Dat stört uns in de Ari  
 Un Opücht söhrn kann e  
 Dat jüht man an den  
 Un falk, de bet dat nu  
 Doch dit Geichäit best  
 Wie dat en iule Deenst  
 Wenn it verlang, je sch  
 Un denn jüt richten op  
 Un doch wullit Du en  
 Von mi, de School un  
 De düttiche Lehrliche  
 De heit Du ganz gewa  
 De het nich blot en „n  
 Wona de Sozialn jüt f  
 Un darbie denkt an „m  
 De heit Du Grundgeha  
 Un Ruhgehalt un Witn  
 Un wer noch „mehr“ n  
 En ordentliche Werkstell  
 Un Licht un Luft un e

Gelesen von der  
 am 20. September

„so," segt Jakob, „awer Reisen  
 Swiern — dot is nich min Fach.  
 Matthäus dreuntwintig nich:  
 „Licht de Gräwer von Propheten  
 „Keen Haar breet beter as ehr Mörder."  
 „en annermal ja wieder sechten,"  
 „ward nu Tied för mi to gahn.  
 Jakob, liegt ja op Din Weg;  
 „den Gefall'n mi astolewern;  
 „ditmal wul to rechte Tied;  
 „enmal inricht op den Tog."  
 „segt he, „wi könnt denn wieder snacken,  
 „wat to denken ünnerwegs,"  
 „gung wi beiden ut de Dör,  
 „bhm he glief dat Wort un segt:  
 „de olen Burn von dazumal  
 „e jung'n in Afrika verdarwen —  
 „wi Isebrand för Recht un Frieheit,  
 „Bewundern ward ehr heid nichts nützen."  
 „Du en beter Mittel, Jakob?" segt ik.  
 „nich asgeneegt, dat to versöken —  
 „ward Di dar 'n Patent op gewen."  
 „et keen Mittel," segt he, „doch mi dünkt,  
 „Bewunnern uns nichts nützen kann,  
 „n' wi dat uf leewer ünnerlaten.  
 „Din Reisgeld an de Buern schicken;  
 „g hört Geld un Geld un nochmals Geld."  
 „ward de Burn in Afrika nich denken;  
 „ul brufen kunn, dat sünd Soldaten,"  
 „un Minschen könnt wi ehr nich schicken.  
 „gott mag ehr helpen, wenn he will;  
 „hen muß sik uf op em verlaten,  
 „mit aller Macht sin Heil versöken."  
 „gah man hin na Dussenddüwelswarf,"  
 „un weck Wulf Isebrand! Adjüs!"  
 „g geschwind na'n Schalter, lös' en Fahrshien,  
 „halw verdretli in den Tog

„Naturgemäß, anschaulich, lückenlos,  
Selbstthätigkeit, erziehlich unterrichten!“  
Dat het he denn uk dahn, mit fester Hand,  
Un Bismark, wenn he Tied har, het em holpen.  
Do is dat denn uk mäbli beter wordn,  
Obglief Du Falk nich utregieren löst,  
Wiel he de Kirch an 'n Wagen föhrt har.  
Buttkammer, meenst Du, muß ehr schriewn lehrn,  
Un de schreew doch sin egen Nam so dwatsch, —  
Dar het Din Luhn uns weller mal en Streich speelt,  
Du harst jawul en Narren in em freten.  
Wi dünkt, denn harst Du dat uk wagen kunnt,  
De School, wie Kanzleramt un Kaiserwahl,  
Von A bet Z nu von de Kirch to trenn.  
Wi nehmt de Rinner denn to Niejahr op  
Un lat ehr uk to Niejahr weller gahn:  
Denn kann de Kirch ehr lehrn, so lang se will,  
Dat stört uns in de Arbeit denn nich mehr.  
Un Opsicht föhrn kann en Schoolmann uk,  
Dat süht man an den Rektor un den Schoolrat —  
Un Falk, de het dat wul nich anners wullt.  
Doch dit Geschäft heft Du de Neegntein laten,  
Wie dat en fule Deensideern uk gern deh,  
Wenn it verlang, se schall dat Hus erst schürn  
Un denn sit richten op dat Bündelfest. —  
Un doch wullst Du en beter Lügnis hebn? —  
Von mi, de School un Krummstab beide kennt? —  
De dütsche Lehrerschaft, dat mut it segn,  
De heft Du ganz gewaltig op 'n Damm brocht.  
De het nich blot en „menschenwürdig Dasiem“,  
Wona de Sozialn sit heeser schriegt  
Un darbie denkt an „mehr“ un wieder nichts,  
De heft Du Grundgehalt un Tolag gewen,  
Un Ruhegehalt un Witwengeld vermehrt,  
Un wer noch „mehr“ will — de is — sozial.  
En ordentliche Werkstell het se uk,  
Un Licht un Luft un Speelsplatz för de Rinner,

Un wer sit hergift, hier to ünnerrichten  
 De Jüngling un dat Fräulein, kann dat lehrn  
 Von Pestalozzi un von Diefsterweg;  
 Denn de ehr Böter sünd för Geld to hebn.  
 Doch wenn de Jungs un Deerns nich goddohn wüllt,  
 Denn heft Du en verdreichte Börschrift gewen,  
 De kunn uns licht versöhrn mit Hans to segn:  
 „Lat scheten, Jung, lat scheten, lat man scheten;  
 Sonst kummt uns dat Gericht noch op 'n Pelz.“  
 Ist glöw, dat maakt de Jungs un Deerns noch droker.  
 Hest Du dat wirkli god meent mit de Jugend,  
 De Lehrer un dat Volk un mit de Minschheit?  
 Ist glöw, Din Luhn alleen regier Din Dohn.  
 Gewiß, Du heft den Slenderjahn verjagt,  
 De gern de Händ in beide Taschen sticht  
 Un süht dat an, wie anner Lüüd sit plagt:  
 Du harst dat gern uf mit de Juden dahn  
 Un ehr mit Sack un Pack na 'n Jordan brocht,  
 As Kaiser Wilhelm dar mal röwer reis';  
 De smustern awer, teken in ehr Geldschapp  
 Un dachten an de Börs un dat Theater  
 Un an Nehabeam sin Stüerzettel  
 Un an sin Büchtigen mit Skorpionen, —  
 Un löten sit nich hissen un nich locken.  
 Se sünd un bliewt Nomaden ohne Heimat,  
 Wie Abraham un Isaak un Jakob,  
 Un wo ehr wul is, is ehr Baderland.  
 Uns heft Du wieder brocht — in velen Dingen;  
 Du heft uns op 'n Draff brocht, dat 's gewiß;  
 Doch is uf fast de Fuß uns darbie utgahn;  
 To 'n Eten un to 'n Drinken weer keen Tied,  
 Un wenn wi Tied harn, smeck uns dat nich mehr,  
 Un all de Dokters segn: „Si sünd nervös!“  
 Wenn dat för uns de ganze Segen is,  
 Kann ik Di denn en beter Tügnis geben? —

Du heft wul dacht, de Neegntein kummt ja gliet,  
 Wenn se 't versteiht, denn mag se 't beter maken.

De Neegntein, ja de Neegntein! Dat Di segn,  
 De het all mehrmals mit den Discher snacht  
 Un het gewiß bie em en Sarg bestellt,  
 För mennig Olen, de Di holpen het,  
 As Du dat „bulle Jahr“ herinner löstst,  
 Dat dütsche Volk ut Slap un Drom to wecken,  
 Damit se mal op egen Hand versöchen,  
 De Politik in 't rechte Gleis to bringn,  
 As weer 't en Güter- un Personentog.  
 De Neegntein, hör ik, will uns all begrawen,  
 Mich blot de Olen, de mit ansat hebt,  
 Ne, de mit Di de lezte Wiehnacht fieern.  
 Na, darin büst Du uk nich beter wesen;  
 Du hest ja uk begrawen lütt un grot,  
 De Di mit Biesfall gröten as Du kömst.  
 Du hest Din egen Kinner ja nich schont,  
 Un vele legst Du von de Weeg in 't Graff,  
 Un andre nöhmst Du weg in vuller Krafft,  
 Un seß' Di höchstens op den Liekensteen,  
 Um stief un kolt dat doch mit antosehn,  
 Wenn wi dar köm to klagan un to ween.  
 Di röhr dat nich, Du sä'st nich witt noch swart —  
 Min lewe Achtein, ne, Du hest keen Hart!  
 Du schickst de frische, lebensfrohe Jugend  
 Mit Pauken un Trompeten in den Krieg,  
 Un frögst nich, ob se wellerköm un wie.  
 Wat geiht Di uk de Moder an, de Brut,  
 De op so'n Jung ehr ganze Hoffnung bu't! —  
 Op Bertha Suttner un den Jar to hören,  
 Un op de Friedenskonferenz in Haag,  
 Dat full Di ja natürli garnich in!  
 „Un nu erst recht,“ segst Du, un stachelst England  
 Un Schamberleng, dat se de Buern piern,  
 Bet de sit op ehr Kopjes stelln un schöten  
 De Quien ehr Soljers all in Grus un Mus;  
 „De Neegntein,“ lachst Du. „kann den Brand ja löschen,  
 Wenn se so'n Fürwart nich mit ansehen mag.“

Doch wat Du seit un plant hest in Din Lewen,  
 Un denn gewöhnli düngt mit Blot un Thran,  
 Dat mag, so Gott will, blö'h'n, gedeihn un wassen,  
 As weern dat Cedern op'n Libanon.  
 Besonders denk ik an dat dütsche Rief  
 Un an de School mit Diesterweg sin Kost —  
 Wenn de gedeiht, denn kummt dat all torecht,  
 Denn kriegt de Sozialen uk Verstand,  
 Un Wiehnachtsfreden treckt in Stadt un Land. —  
 „Im ganzen god!“ so mut Din Tügnis bliewen;  
 Ik kann op plattdütsch uk keen betreschriewen.  
 Ik wull, ik kunn uk mit so'n Tügnis scheben — —  
 „Im ganzen god“ — denn weer ik vull tofreden.  
 Bün ik denn uk keen Held, keen Weltbeglücker,  
 Bün ik Din Söhn doch —

Johann Friedrich Dücker.

As ik den Breev nu lut noch öwerles',  
 Har jemand achter mi de Dör opmakt  
 Un anhört, wat ik an de Achtein schreew,  
 Un as ik fardi weer, do wurd' da lacht,  
 Dat mi dat Blot in beide Ohren schöt.  
 Ik dreih mi um un seeg en lütten Kerl,  
 De krall sin isern Fingern in min Nacken  
 Un schrieg mi in de Ohren, as wenn dat dunner:  
 „Dat is ja dummes Lüg von A bet Z! —  
 Du mußt uns wul vertellen, uns' Herrgott har  
 En Tochter, de mit em regier, Din Achtein!  
 Din Achtein het ja garnichts darbie dahn,  
 As anschreewen, wu wi dwatsch un dämli weern.  
 De Minschen, ja, de Minschen hebt dat makt  
 Un hebt na Luhn de hundert Jahr benugt:  
 De Een, wat recht un god is, döchtsoföhrn,  
 De Anner, um sik Tasch un Sack to fülln.  
 Uns' Herrgott geew uns Tied, uns to besinn';  
 De Tied is en Pokal, segt Auersperg,  
 Un wat Du inschenkst, gift se Di to drinken.

Wat kann de Dag därför, wenn Du 'n verslöpft  
Un em bie solche Schriewerien verdrömpst?  
Dar heßt Du nich dat Schriewgeschirr to kregen,  
Dat Di de Stadt to 't Jubiläum schenkt!  
Wi Menschen, ja, wi Menschen möt uns betern.  
Erst fat Du Di man bie de Näs, min Jung,  
Un treck Di jülbs den Balken ut de Ogen,  
Un denn söt na den Splitter bie uns annern —  
Din „Iewe Achtein“ lat man smuck in Ruh!“ —  
Wer meer dat, de mi so bie 'n Kragen kreeg? —  
Natürli Jakob, min Kolleeg un Frönd,  
De nu all in dat nie' Jahrhundert lewt.

II.

Min Tochter lang de Reis'tasch in de Dör  
Un Jakob seeg, dat if verreisen wull,  
Un frag: „Wo willst Du hin? Din Achtein sölen,  
De mit Din Lügriß nich tofreden is?  
Wat sünd Ji Dichters doch för narrsche Lüüd!“  
If weer verdreetli, awer antwort ruhig:  
„Na Dufendbüwelswarf bie Hemmingstedt.“  
„So, so,“ segt he, „Du wullt dar doch nich sieern?  
Dithmarschen het Wulf Isebrand all ehrt;  
Dar kummt Du leider wochenlang to lat.  
Dat is jamul bie Dichters uk so Mod;  
Ji fehl'n ja uk, as Gott de Welt verdeel.“  
„Dat weet if,“ segt if, „if wull blot mal sehn,  
Wat se in 'n Februar dar opstellt hebt.“  
„Na, dat is uk en snackschen Infall,“ segt he;  
„Dat harst Du in de Blöder lesen kunnt.  
Geiht Di dat mehr an as Wulf Isebrand?  
De het sit um de Fieer gar nich kummert  
Un ruhi wieder slapen in sin Schanz.  
Wer dot is, let sin Rieken, segt dat Spritwort.“  
„Denn blüßt Du uk wul dot — för Heldengröt,  
För Recht un Frieheit,“ segt if fast beleidigt.  
„Du blüßt doch uk Dithmarscher na Din Hertunft.“



„Dat is wul so,“ segt Jakob, „awer Reisen  
Un Fiern un Swiern — dat is nich min Fach.  
Kennst Du Matthäus dreuntwintig nich:  
Si but un smückt de Gräwer von Propheten  
Un sünd — keen Haar breet beter as ehr Mörder.“

„Wi künnt en annermal ja wieder sechten,“  
Segt ik, „dat ward nu Tied för mi to gahn.  
De Bahnhof, Jakob, liegt ja op Din Weg;  
Du deihst mi den Gefall’n mi astolewern;  
Denn kam ik ditmal wul to rechte Tied;  
Ik hef mi eenmal inricht op den Tog.“

„Gewiß,“ segt he, „wi künnt denn wieder snacken,  
Un Du heft wat to denken ünnerwegs,“  
Un darmit gung wi beiden ut de Dör,  
Un buten nöhm he gliet dat Wort un segt:

„Du fierst de olen Burn von dazumal  
Un lettst de jung’n in Afrika verbarwen —  
De kämpft wi Isebrand för Recht un Frieheit,  
Un Din Bewundern ward ehr beid nichts nützen.“

„Weetst Du en beter Mittel, Jakob?“ segt ik.  
„Ik weer nich afgeneegt, dat to versöken —  
De Kaiser ward Di dar ’n Patent op geven.“

„Ik weet keen Mittel,“ segt he, „doch mi dünkt,  
Wenn dat Bewunnern uns nichts nützen kann,  
Denn kunn’ wi dat uk leewer ünnerlaten.  
Du kunnst Din Reisgeld an de Buern schiden;  
To’n Krieg hört Geld un Geld un nochmals Geld.“

„Dat ward de Burn in Afrika nich denken;  
Wat de wul bruken kunn, dat sünd Soldaten,“  
Segt ik, „un Minschen künnt wi ehr nich schiden.  
Un’ Herrgott mag ehr helpen, wenn he will;  
Dithmarschen muß sik uk op em verlaten,  
Un denn mit aller Macht sin Heil versöken.“

„Denn gah man hin na Dusenbdüwelswarf,“  
Segt he, „un wech Wulf Isebrand! Adjüs!“

„Ik gung geswind na’n Schalter, lös’ en Fahrshien,  
Un jett mi haltw verdretli in den Tog

Un har toerst min Afdeel ganz alleen,  
Un kunn bedenken, wat ik eben hör.

Wat wull ik denn op Dufenddüwelswarf? —  
Wull ik en Utflug to'n Vergnügen maken?  
Dat kunn so'n olen Mann doch wul nich insalln. —  
Wull ik en Opfer bringn för Isebrand  
Un för min Landslud, de ehr Leben löten —  
De Gräwer smücken von de oln Propheten? —  
De hört un süht nichts mehr von min Besöf! —  
Min Dankbarkeit betüg ik wul am besten,  
Wenn ik wie se för Recht un Freiheit strew — —  
Un darto is Gelegenheit genug —  
Ik kunn mit Jakob in de Blöder kieten  
Un Unrecht dar mit em un Knechtschaft hewen,  
De Land un Lüd verdarwt in School un Lewen. —

Wat wull ik denn op Dufenddüwelswarf? —  
Wull ik dar för min Tiedgenossen sorgen,  
Un ehr dat Lewen angenehmer maken? —  
Denn har ik doch min Reiskgeld beter anbrocht,  
Wenn ik dat schenkt har an en armen Mann,  
De ansehn mut, wenn Fru un Kinner hungert,  
Wiel he keen Arbeit het, nich arbeitn kann. —  
Wull ik uns' Herrgott danken för de Hölp  
Wie de Erlösung ut dat Dänenjoch,  
Dat Land un Lüd veerhunnert Jahr het drückt? —  
De is ja uk in Altona to find',  
Dar brüfst Du Di nich an den Ort to bind'.

Wat wull ik denn op Dufenddüwelswarf? —  
Gestah dat man, min Jung! Herut damit! —  
Du hüfst alleen un Jakob hört dat nich  
Un kann Di hier nich glief bie'n Kragen friegen. --  
Ik mut — ik mut ja doch en Sluß erfind'  
För dit Gedicht: „Na Dufenddüwelswarf!“  
Ik hef hier veermal trüchsehn op de Tied —  
Dat Vaderland is ümmer wieder kam —  
Ik mut nu doch to'n Sluß noch eenmal hin  
Un wiesen, dat nu allns in Ordnung is.

Gott gew, dat if dar weller Minschen find',  
De mi den Stoff gewt för de letzte Umschau;  
Weer Göthe hier, de würd' de Musen ropen,  
De weern ja op sin Wink uk gliest bie Hand —  
It roop uns' Herrgott an, de mut mi helpen.  
He hört ja nich de Lüd blot in de Kirch,  
De je em bud' ut Holt un Steen un Iesen;  
He hört ehr uk in't Feld un in de Kammer;  
He hört mi hier uk in den Extratog!  
Do pfeif de Tog — wi weern all in Elmshorn.

Wi höln man'n Ogenblick, it seeg ut Finster —  
Dar stunn en olen Mann. en junge Fru  
Un neben ehr twe frische, muntre Jungs.  
De Ol geew all de Hind un uk en Kuß  
Un humpel an den Tog un jöcht sik Blaz.

„Kumm god to Hus, lütt Bader,“ segt de Fru,  
„Un gröt de Nawers all' in Eppenwörden!“  
De Tog fahr af, un Fru un Rinner winken;  
Dann dreih de lütte Fru sik hasti um  
Un drück dat Taschendoß sik in 't Gesicht.

So 'n korten Affched is so licht vertellt  
Un drückt doch mennicheen so lang un swar,  
As weert en Steen, wie Isebrand sin Denkmål.  
It deh, wat it as Jung so gern mal deh —  
It imeet den swaren Steen in 't blanke Water;  
It hör dat Plumpsen un dat Palschen an  
Un seeg, wie Kreis um Kreis sik darum bild  
Un dat de Unruh gar nich wiesen wull  
Un immer utgang von desülwe Stell,  
De von den Steen so banni mitnahm wurd'. —  
So is dat uk nu mit de Minschenseel,  
De Affched nimmt von de, de ehr so leew sünd. —

De Ol weer bie sin Dochter to Besöf  
Un wull nu weller in de Heimat reisen.  
Ehr Mann stunn bie en Garwer in de Arbeit  
Un har keen Tied, den Bader to begleiten.  
De Dochter atwer löt sik dat nich nehm,

Em mit de Rinner an den Tog to bringen.  
 Dat weer velleicht ja uk dat lezte Mal,  
 Dat se ehrn olen Vader instiegn seeg;  
 Weer he doch güstern sief un söbntig wordn!  
 Dat weer velleicht de lezt Geburtsdag wesen.  
 De Roder weer mit veer un söhti stornwen —  
 Un wenn he uk nu gung, denn weer dat Band  
 Mit Hus un Heimat ganz un gar terreten. —  
 Har se ehrn Vader doch man hier beholn!

He kunn sik wul ernähren mit sin Handwart  
 Un har as Invalid en lütte Rent;  
 To darwen un to fargen bruf he nich.  
 En ole dome Fru de söhr sin Wirtschaft,  
 De hül sin Tüg un Wohnung in de Keeg  
 Un broch sin Eten rein un nett to Disch,  
 Un se, sin Dochter, kunn em uk wat schiden —  
 Dat har ehr Mann ja uk all manchmal segt, —  
 De har em leew, as weer 't sin egen Vader, —  
 Ehr Vader wull dat ja man blot nich hebn, —  
 De Minsch de lewt uk nich von Brot alleen, —  
 He het en Hart un dat brukt Leew un Fröndschoy. —  
 Un is dar so alleen in Eppenwörden —  
 Har se ehrn Vader doch man hier beholn!

Wat har he nich för Freud hatt an ehr Rinner,  
 De he dat ganze Jahr mit Schoh un Steweln  
 Un jeden Hartwst mit Appeln rief versorg.  
 De Appeln — se muß denken an de Böm,  
 De ehr as Kind sovel Vergnügen maken —  
 Erst wenn se blöhn in 't Börjahr rot un witt,  
 Umflagen un umsummt von all de Zimm,  
 Un denn in 'n Summer, wenn se Schatten söcht  
 Un sett sik ünnern Bom un strick un neih, —  
 Un denn in 'n Hartwst, wenn se ehr plücken dörf —  
 Do har ehr Hans ehr ashalt — un ehr Vader  
 De weer alleen in Eppenwörden blewen,  
 Un muß dar ja versuern un versuern.  
 Har se ehrn Vader doch man hier beholn!

Hier weer de Ole jung wordn mit ehr Kinner.  
 He speel mit ehr, as weer he süls en Kind,  
 Un wuß ehr to vertellen von olen Tieden —  
 Von Not un Dod op Dufendbüwelswarf,  
 Un von de rieken Burn in Eppenwörden,  
 Un von de ole Fru, de em bedeen — —  
 Se weern ja uf nich von em wegtoflagen.  
 Se seeg sit um — De Kinner sprungn un fungn  
 Un smeten mit de Müz na 'n Smetterling,  
 De langs den Weg von Blom to Blom sit rett  
 Un sit dörchut nich fangen laten wull, —  
 De Lüttste wullt all mit sin Rock versöken — —  
 Gottlof, de föhlt den Affcheed doch nich lang!

De Ol de har all veel mal Affcheed nahm;  
 De dacht an all sin Kund' in Eppenwörden,  
 Ob de wul töben kunnt harn mit de Arbeit.  
 He köm ja nu un wull ehr rasch bedeen;  
 He kunn ja noch de Schoh un Steweln flicken  
 Un har sit uf all manchen Groschen trüchlegt;  
 He har sin Dochter dar man nichts von segt.  
 De schull sit awer wunnern, wenn he dot weer,  
 Un je dat Sparhof in de Schuwlad fund' —  
 Dat stund in Meldorp bie de Sparkass' seter  
 Un weer dar uf all schrewen op ehrn Nam.  
 Dar kunn de lütten Jungs denn wat för lehren;  
 Un Hus un Gaarn kunn se uf verköpen,  
 Dar har he jekt ja gar keen Schuld mehr op.  
 „Se kennt mi uf in Meldorp,“ segt he stolz;  
 „Denn ik betahl min Waren blank un bar.“

In Meldorp stunn dre Männer in den Bahnstieg,  
 De weern wul in de Föftig, wie mi schien,  
 De kenn den Oln ut Eppenwörden wul —  
 Se gröten em un steegen bie em in.  
 En lütten Rutsch — ik weer in Hemmingstedt.  
 Har König Hans doch uf för sin Armee  
 Un Glenz sin Garr so 'n Tog benuzen kunnt!

De Karf weer ut, ik stat den Kurgast op,

Den ik von 't Bad in Helgoland all kenn,  
Un as de hör, ik wull de Schanz besöken,  
Do segt he op de Stell: „Ik bring Se rut;  
Ik wull doch eben mal spazeren gahn.“  
En betern Föhrer kunn ik mi nich wünschen;  
He gung mit mi dörch 't Dörp un ünnerwegs  
Vertell he von de grote Landesfier.

„An 'n Friedagabend brenn op jeden Buhl  
Un langs den Dief de Freudensflüer,“ segt he,  
„Un smeten hellen Schien wiet in de Marsch,  
Wie domals, as de Garr hier brenn un mord'.  
An 'n Sonnabndmorgen sammel sik in Meldorp  
De grote Fiesttog, de vör Dgen stell,  
Wat föfsteinhundert Land un Lüüd erschreck  
Un wat uns hie de Fier de Stimmung geew:  
De Junker Glenz, de swarte Garr, de Ritter,  
Wulf Fiebrand un Reimer, Telsche Kumpen,  
Un Bursch, Gesell un Meister vull in Arbeit,  
Un allns kleed, wie in de olen Tieden,  
Un achteran de Kampf- un Fiestgenossen.  
De trocken, wie de König föfsteinhundert,  
Mit Sack un Pack na Dufendbüwelswarf.  
Dar steiht de kolossale Steen, de Findling,  
Den se vör Jahren fund' in 'n Barltler Biert,  
De stumme Tüg von Not un Drang un Krieg.  
De wurd' as Sinnbild von de Volkskraft hier  
Un as Erinn'rusteken an de Slacht  
Un an den Heldensinn in 'n Buernkittel  
Wie Glockenklang den Landrat övergeben,  
Un de empfung em as en Ehrenschild,  
De längst all fällig weer un hüt betalt wurd'.  
Dann gung de ganze Tog torück na Meldorp,  
De Predigt antohörn von Pastor Boje —  
In 'n Dom, wo do de Siegesfier weer —  
Un abends weer en groten Fiestkommers,  
Wo sik een Drinkpruch an den annern dräng.“

Wie 'n lekten Satz wurd' ik de Schanz gewahr

Un wies heröwer mit den Regenschirm.

„Ja," segt he, „dat is Dufenddüwelswarf,"

Un trock sin Uhr un sett hinto: „St mut  
To 'n Mittagseten, dat ik nich to lat kam."

„Dörf ik wul bitten," segt ik, „mi um vzer

In 'n Bahnhof optosöken, eh'r ik trüchreis?

Se sünd min Gast, wi pludert dar tosam."

Dat wull he dohn, un darmit trenn wi uns.

As ik nu in de Schanz köm, seeg ik dar  
Den Olen un de Dre, min Reiskollegen,  
Bewundernd bie den stummen Findling stahn.

De Steen de weer dat wert, em antosehn,  
Urwüchsig, wie de Volkskraft bie de Buern.  
He har vertelln kunnt von olen Tieden,  
Wenn em to 'n Snacken nich de Mund har fehlt —

Ganz ähnli, wie de Steen in Altona,

De in de Reuterstrat dat Volk erinnert

An de Erhebung von de Herzogtümer.

Denn beide lurn lang in Sand un Lehm,

As Rot un Jammer Land un Lüüd verstor

Un keener helpen wull, dat Volk to wecken,

Geimeiß un Smerz un Smach doch aftaschütteln.

Do endli waf de wilde Volkskraft op;

Germania reew sik de Ogen blant

Un jag den ganzen Rabenschwarm to 'n Düwel.

Do köm de beiden Riesensteen to Höch

Un wullen sehn, wat in de Welt passeer.

Von haben reet en Kraft ehr in dat Licht,

Un Peer, Maschin un Minschen faten an,

Dar weer keen Hoken mehr, se köm herut

Un wullen tügen nu von Kampf un Sieg.

So gung dat uk wul mit dat Vaderland.

De Hemmingstedter Slacht, segt Pastor Boje,

De het, genau besehn, uns' Herrgott munn;

Denn Wind un Weller müssen mächtig helpen,

Un Sleswig-Holsteen bruk uk fremde Hölp.

Nu staht de beiden Riesensteen dar fast —

Un kunn mit Recht uf Ebenezar heten,  
Dat het: Bet hierher het uns' Herrgott holpen!

Un wer se ansüht, denkt an Möh un Arbeit,  
De unse Olen harn för sit un uns —  
Denn föhl wi mull en Brennen in de Seel —  
Dat is de Leew — de Leew to 't Vaderland.  
It much ehr wul verglieken mit den Busch,  
De brenn un flamm un lüch un wurd' nich all,  
Un as em Moses lang un bang betracht har,  
Do hör he ropen: „Treck Din Schoh hier ut;  
Denn wo Du steihst, dar is en heilig Land!“  
Do fung dat in sin Hart uf an to brenn,  
Un he wuß plözhli, wat he maken schull —  
Sin Liew un Lemen wagen för sin Volk!  
So weckt de Steen de Leew to 't Vaderland.

De Oln un de Dre beseegn den Steen  
Un snacken, as it gröt, von olen Tieden.  
De Een frag grad den Oln: „Kamerad,  
Wo hebt se Di denn so to 'n Kröpel schaten?“  
„Dat weer bie Gudsöe,“ segt he, „op de Koppel.  
De Dän de harn sit op de Höch verschanzt.  
De erst Brigad' de stund ehr gegenöwer  
Un kunn ehr in ehr Stellung nich vel maken.  
Do schick Bonin uns links dör Feld un Wischen,  
De Dänen in ehr rechte Flank to falln,  
Un as wi op en hoge Koppel köm,  
Geschütz opföhrn un anfang uttoswärn,  
Do fung se mit Granaten an to scheten;  
De plagen un de Stücke brumm umher,  
Un een verdreites Ding reet mi de Wad weg.“

„Wat,“ segt it, „büßt Du denn, Hans Jakob Thießen?  
Bon 't fösste Bataljon un veerte Kompagnie?“

„Dat stimmt,“ segt he, „dat is uf noch min Nam;  
Den het de ol Granat mi laten müßt.“

„Erinnerst Du denn uf noch den Gefreiten,“  
Segt it, „de do Din Korporalschaft föhr?“

„Gewiß,“ segt he, „de weer ja uf von'n Donn;



Witlöftig weer he noch mit mi verwandt  
Un güng mit mi bie Kelting in de School."

"Na," seg ik, „dat bün ik, denn kenn wi uns."

Nu weern wi denn bekannt un snacken wieder  
Von Bau un Kolding un von Friederiz,  
Wo ik bie'n Dewersfall gefangen wurd'."

„Dat heft wi ehr bie Düppel trüchbetalt,"  
Segt do de Gen von de dre annern Herrn;  
„Dar hebt wi'n Hupen Dän' gefangen nahm."

„Sünd Se denn mit bie Düppel wesen?" seg ik.

„Ja," seg' he, „un hef nich mal'n Schrammschuß fregen,  
Wo doch so vel Kamraden blewen sünd."

„Un de hebt uns erlöst," seg ik, „un wi  
Verdankt de Düppelstörmer, dat wi dütsch sünd,  
Bie Düppel hebt Se Land un Lüd gewunn."

„De Lüd wul nich," segt Nummer twe, „dat köm erst,  
As wi bie Königgrätz en paar Jahr später  
Den innern Düppel störm un öwerwund',  
Un Habsborg ut den dütschen Bund verdrängen."

„De Lüd uk dar noch nich," segt do de drütt,  
„De freegn wi mit, as wi na Frankrief gung,  
Un in Versalj den olen König Wilhelm  
De Kaiserkron von Dütschland öwerlewern."

„Na," seg ik, „dat mag uk wul richtig weien,  
Wi bild' hier in de Schanz en lange Red —  
Wulf Fsebrand fung an, wie setten fort  
Un Ji, Ji lewern uns de lehten Lenken.

Wi ward uns um de Ehr nich strieden wülln,  
Wer för dat Baderland dat meiste deh —

Wi all, wi hebt ja Liew un Lewen wagt,  
Un Bismarck smed den ganzen Kram tosam,  
Uns' Herrgott het sin Segen darto gewen.

Ik much Ju nu wul noch en Börslag maken:  
Lat uns in Hemmingstedt na'n Bahnhof gahn,  
Ik hef dar uk en Frönd noch hinbestellt;

Denn kunn wi dar de Red noch wat verlängern."

„Dat lat uns dohn," segt Hans, „na Eppenvörden

Kam ik noch fröh genug, ik fehr mit um."

"Wi annern dre hebt uf nichts to verfüm,"

Segt do de Düppelstörmer, „wenn wi dar

En lütt Geschäft besorgt hebt, kam wi na."

„Nu god, Klock veer denn," seg ik, „ik bestell

En lütt Gemach, wo wi uns drapen könnt.

Dat weer nu asfalt, un wi güng voneen;

Ik seeg mit Hans dat Denkmal noch mal an

Un gung mit em na Hemmingstedt torück.

Wi snacken ünnertwegs von dit un dat,

Un Hans vertell mi, wu sin Saken stund.

Ik lad em in to Middag, un wi schreven

Na't Eten Ansichtskarten an sin Tochter

Un an de beiden Enkel, de ik kenn.

„De Jungs," jekt Hans, „dar ward noch mal wat ut.

De Een de wull to. See, wenn uf sin Moder

Von dit Gewarm dörchut nichts weten will.

He mut sik mit den Scheepsbu wul begnügen,

He timmert Schip op Schip un let ehr driewen;

Sin Weltmeer is de Krückau bie Elmshorn.

De Scheepsbu, glöw ik, het en grote Tokunst;

Dar legt de Kaiser sik ja süls för in;

Un' Tokunst, het he segt, de liegt op't Water.

De annere speelt am leewsten Kirch un Schol.

Ik seeg em nütlich op en Schemel stahn;

He predig in de Löw, as wer't en Kirch,

Un all de Blom in'n Gaarn hören to.

Un wenn he Lehrer is, denn let he reken,

As weer he bin'n un buten de ol Kelting;

Ik much am leewsten, dat he Lehrer würd'.

Um veer do köm min Frönd un uf de annern;

En lüttes Nebenzimmer wurd' uns inrümt

Un darhin brocht de Weert uns godes Beer

Un he un uf min Frönd de nöhm dar Platz.

De Weert dat weer en Pommer — bie Sedan

Har he den Kaiser mit gefangen nahm;

Dann weer he uf mit na Paris marscheert.

Min Frönd de stamm ut Münster in Westfalen  
Un har bie Königsgrätz den Flankenmarsch  
Mit Kronprinz Friedrich Wilhelm glücklich mitmaakt.  
De Red har söben Lenten — dat 's genug;  
Bet halwi söß höl se uf faß tosam,  
Do stunn ik op un nöhm dat Wort un seg:  
„Entschuldigdt, Kameraden, wenn ik opbref;  
De Tog de töwt nich, wi möt Affscheidung nehm. —  
Dithmarschen is un bliewt en friees Land  
Un het sin Schuld an Hebrand betahlt  
Un bild' mit Sleswig-Holsteen nu den Soom  
Von uns' Germania ehr schönes Kleed.  
Wi fragt nich mehr: Wo is dat Vaterland?  
Wi alltosam hebt darför kämpft un leden,  
As noch de Achtein Land un Lüd regier.  
Wi gewt dat an de Negntein as en Felsen,  
De faß un seker steiht in Storm un Flot,  
Wie Hebrand sin Denkmal in de Schanz.  
Dat ganze dütsche Volk is Schirm un Wehr,  
Un unse Kaiser Wilhelm wakt un sorgt  
Un ward uns all in Tocht un Tögel holn,  
Dat wi nich weller inslapt wie de Oln.  
As wackre Kameraden stöt wi an:  
Hoch Kaiser Wilhelm! Hoch dat dütsche Volk!“  
De röpen alle dremal: „Hoch! Hurra!“  
Dann schall' en lieses Echo dörch den Ruum  
Un ik hör ut de Feern en dumpfes Grollen —  
Beer dat Wulf Hebrand, de instimm wull? —  
Ach ne, dat is min Tog — Adüs! Adüs!“

### III.

Ik köm na 'n Bahnstieg öwer Hals un Ropp,  
Un dat weer ditmal gar nich slecht för mi;  
De Schaffner weer en — Engel, de mi kenn.  
Ik kreeg min Afdeel weller ganz alleen  
Un kunn dar dröm un denken, wat ik wull.  
Ik wink min Kameraden noch mal to,

Fahr af un seeg mi in min Afdeel um —  
Dat kôm mi vör, as wenn mi jemand frag.

Wat weer dat doch för 'n wunderbaren Tosall!

Dar weer ik richtig bie de Negntein insteg'n.

Se stund leibhaftig an de Wagendör

Un seeg mi so vertrut un fröndli an,

Dat ik nich twiefeln kunn, se har mi fragt:

„Wat heft Du för dat Ganze op 'n Harten?

Een Wunsch wüll ik erfüllen, denn scheet man los!“

Dar har ik glückli denn de Ratt bie 'n Steert;

Nu wüll ik s' ut nich weller lopen laten,

Un wenn se mi ut etwas fragen wüll.

Erst dacht ik an de Burn in Afrika;

Har Jakob de nich utspeelt gegen mi,

Mit ehr min hogen Trümpf mi astohaln,

As ik hüt morgen na den Bahnhof gung? —

De kunn ik Unabhängigkeit un Freiheit,

De kunn ik mit een Wort den Sieg verschaffen —

Un England muß de Finger sit verbrenn.

Doch wat würd'n da min Landslud wul to segn?

De harn ja süls so bannig vel to wünschen —

Un neger as de Rock is doch dat Hemd;

Ut steiht dar schrewen: Wer will denn de Rinner

Dat Brot wul nehm un smiet dat vör de Hund?

Ik mut an 't dütsche Volk toerst doch denken,

Un wenn denn 'n Brocken affallt för de annern,

Denn hef ik ganz gewiß dat Rechte drapen.

Nu frag doch mal, wat wünscht dat dütsche Volk.

En starke Flott? en starke dütsche Flott? —

Ja, dat is wahr, de harn wi gern all hatt,

As Bundesrat un General — — sit schämen

Un mit de beid'n dat ganze dütsche Volk.

Doch von de Negntein sit en Flott erbetteln,

Dat paß mi nich un schien mi ut gefährlich.

Se ward ja hunnert Jahr old in ehrn Stand,

Un wenn se denn de Flott bie lütten lewert,

Denn sünd noch männi Jahr de Händ' uns bund';

Un denn — en Flott de könnt wi jülbs uns buden;  
 Wi hebt de Lüüd, de Warften un dat Iſen,  
 Un de paar Daler krieg wi uf toſam,  
 Wenn's uns den Handel man' nich lahm legn könnt —  
 De givt de' Lüüd to dohn un füllt den Saß.  
 För 'n ſtarke Flott ſtürzt jeder Dütsche gern;  
 De lat wi uns nich ſchenken — un uns Jungs,  
 De ward all ſorgen, dat ſe ſ' uns nich nehmt —  
 Un uf nich weller ünnern Hamer bringt.

Denn mut ik mi doch wul wat anners ſöken;  
 Ik wull von Jakob doch nich utlacht ward'n,  
 Un all de annern ſchüllt mi uf nich ſchell'n, —  
 Min Rinner doch erſt recht nich un min Enkel.  
 Ik har dat Heft ja nu mal in de Hand —  
 Ik ganz alleen — dat is nich angenehm;  
 Wi dünkt, ik kunn wul Diefen davon kriegē.

Wenn ik man wuß, de Negntein weer lutheriſch,  
 Denn wünſch ik mi för all dat tägli Brot,  
 Dat jünd bie Luther twe un twinti Stücke,  
 Dar ward en jeder wul ſin Deel in find'n —  
 De Hungrigen dat Eten un dat Drinken, —  
 Wer Lumpen drigt, de Kleider un de Schoh, —  
 De Buern Hus un Hof un Feld un Beh, —  
 Wer 'n leeres Portmanee het, Geld un God, —  
 De olen Junggeſellen en fromm Gemahl, —  
 De jungen Ehepaare fromme Rinner, —  
 De Husfruns fromm Gefinde un ſo wieder.  
 Mit diſſen Wuſch weern's all tofred'n to ſtellen

Doch wenn de Negntein nu katholiſch weer, —  
 Denn würd' ſ' von Luther gar nichts hören mögen,  
 Denn kunn ſe dat uf anners utlegn wülln;  
 Se kunn darbie an Franziskaner denken  
 Un op den oln Diogenes verfalln,  
 De har dat in ſin Lunn un weer tofreden,  
 Ik kenn de Negntein noch nich lang' genug —  
 Ik muß mi vörſehn, dat is ganz gewiß. — — —

Un een von diſſe twe un twinti Stücke? —

Dat güng velliicht, wenn ik dat rechte dröp — —  
Gesundheit nich — — de Dokters wüllu uf lewen  
Un mit ehr Kunst ehr dägli Brot verdeen. —  
En Warenhus, wo allns umsonst to heb'n is? —  
Wer wull sik asmarachen, uttodeeln? —  
Un wenn denn En sin Maat nich wüß un eet  
Tovel — wer wull em denn kureern? — Keen Dokter!

Un wenn ik nu den Reichsdag fragen deh? —  
De segt, he kennt dat Volk un all sin Wunsch.  
Wat segt de Reichsdag denn? Lat mi mal hörn!

De ganze Reichsdag is för nichts to hebn.  
Dat Zentrum wünscht — de Jesuiten trüch  
Un würd' de besten Schoolhüs darför gewen.  
De Rechte wüll den Brotkorn höger hängn  
För Industrie un Handel un ehr Lüüd,  
Un beide wüllt en Mulckorf för de Preß  
Un Anstandsunnerricht för all de Künstler.  
De Linke wüll keen Stüern mehr betaln  
Un Post un Ißenbahn uns billig maken —  
Dat knappt se af an Militär un Flott.  
De Sozialn wüllt den Arbeitsdag  
Verkörten un den Lohn noch gröter maken, —  
Un arm un riek will in de Staatskass langen,  
Um dit un dat för sik in Swunt to bringn.  
Dat geiht wahrhaftig nich, dat kann nich gahn!  
Ik hör ja de Agrarier all schriegn,  
Antisemiten stellt sik uf all in —  
Ne, ne, parteiisch will ik jo nich wünschen.

Doch wünschen mut ik. — Wenn ik gar nich wünsch,  
Denn gewt se mi an all dat Unheil Schuld,  
Wat uns de Negntein toschickt Jahr um Jahr.  
Un wenn ik wünsch, denn hebt wi doch dat Gen, —  
Un dat mut vör dat Unheil schützen künn,  
Wat Fulheit, Selbstsucht un Parteiung bringt,  
Un mut de Welt „in Tocht un Tögel holn.“

Ik kam torück op Luther sin Register;  
He weer 'n gelehrten Mann, he mut mi raden.


It kann ehr doch nich all op eenmal helpen;  
En jeder mut doch töben, bet sin Tied kummt —  
De Ordnung de regiert de Welt, den Hund de Knüppel,  
Un na de Ordnung kummt de Sekerheit.  
De Starke dörfst den Swachen hier nich pieren,  
Un uf mal dotflagen, wenn em dat so paßt,  
Wie Raim dat all an sin Broder deh,  
Un England an de Burn in Afrika.  
Bedreger un Verläumder ward verklagt,  
Darför hebt wi Gesez un Recht in 't Riet, -- --  
Ja, Ordnung, Sekerheit un Recht wünscht all —  
Hör, Regentein, hör, it weet all, wat it wünsch:  
En godes Regiment von A bet B!  
In Hus un School, in Stadt un Staat bewahr'  
En godes Regiment uns hundert Jahr.  
Dat ehrt un fördert Arbeit un Bedriew  
Un hölt uns Unfall un Gefahr von 'n Vieu.  
Dat sorgt bie riet un arm, bie Herr un Knecht,  
För Ordnung, Sekerheit un glikes Recht.  
Dat het en warmes Hart un klaren Kopp  
Un wahrt den Frieden in de Nawerschop.  
Dat giw uns, lewe Regentein — büßt uf nett! —  
En godes Regiment von A bet B!



Druck von Vennich & Hollander, Hamburg.









**RETURN  
TO →**

**CIRCULATION DE**  
202 Main Library

8993

LOAN PERIOD 1 <b>HOME USE</b>	2	3
4	5	6

**ALL BOOKS MAY BE RECALLED AFTER 7 DAYS**

**Renewals and Recharges may be made 4 days prior to the due date.**

**Books may be Renewed by calling 642-3405.**

**DUE AS STAMPED BELOW**

[illegible]

FORM NO. DD6

UNIVERSITY OF CALIFORNIA, BERKELEY  
BERKELEY, CA 94720

M53267  
Dücker, J.  
Söte ecken

F14848  
D8S6

M93267

PT4848  
D8S6

THE UNIVERSITY OF CALIFORNIA LIBRARY

YC148862

U.C. BERKELEY LIBRARIES



C024196955

